

ঐস্দেশের ইতিহাস ।

শ্রীউমেশ চন্দ্র সেন কর্তৃক

কর্তৃক ।


সংগৃহীত ।

কলিকাতা ।

৬৬ নং বিডিন্‌স্ট্রীট

বি।উনয়নে

শ্রীহরচন্দ্র দাস দ্বারা মুদ্রিত ।



নিষ্পত্তি ।

প্রাচীন ইতিহাসের মধ্যে গ্রীসদেশের ইতি
হাস অতি উৎকৃষ্ট, এবং ইহাতে সন্ধি বিগ্রহাদি
ঘটনা সকল পুঙ্খলব্ধ বর্ণিত আছে এজন্য আমি
এই ইতিহাস খানি কাইটলির ইতিহাস গ্রন্থের
আদর্শ লইয়া বাঙ্গালা ভাষায় মুদ্রিত করিলাম
এই ইতিহাসের প্রথম হইতে টয় অধিকার
পর্যন্ত নিত্যন্ত অক্ষুণ্ণ ও পাঠাযোগ্য, এজন্য সে
অংশ একেবারে পরিভুক্ত হইল। টয় অধিকার
হইতে সাইরসের সহিত গ্রীকদিগের পারস্ব যুদ্ধ
যাত্রা পর্যন্ত অতিশয় জটিল ; এজন্য সেই অংশ
যথান্যায় বিশদ করিয়া লিখিতে চেষ্টা করিয়াছি।
সপ্তম সহস্র গ্রীকসৈন্যের স্বদেশ প্রতিগমন হইতে
মহাদীর আলেকজান্ডারের রাজত্ব কাল পর্যন্ত
বিশেষ পাঠোপযোগী ও কলোপধায়ক বলিয়া
তাহা কিছু বিস্তার করিয়া লেখা হইয়াছে। সমস্ত

ইতিহাস মধ্যে স্থানে স্থানে 'শাস্ত্রমুদ্রা' ;
 যে সমস্ত গল্প আছে, তাহার তাৎপর্য্য
 নানা মূনির নানা মত দেখা যায়। কিন্তু করা
 তাহা যথার্থ বলিয়া মানিত জানিয়া, এবং এই
 সমস্ত গল্প মধ্যে মধ্যে থাকিলে সুকুমারবুদ্ধি
 ছাত্রদিগের পাঠবিষয়ে অধিক আশ্রয় ও যত্ন হই-
 বে, বিবেচনা করিয়া গল্পগুলি অবিকল উদ্ধৃত
 করিয়াছি। আধুনিক প্রধানতম ইতিহাস লেখক
 প্রোট প্রভৃতি গ্রন্থকারদিগের মতানুসারে এই
 রূপ করাই কর্তব্য বোধ হয়। এখন পাঠকবর্গের
 মুখে আমার পুস্তকের ভাল মন্দের বিচার, যদি
 তাঁহারা ভাল বলিয়া আশ্রয় করেন তবেই শ্রম
 সকল বোধ করি, নচেৎ অনাদরের সহিত পুস্ত-
 কের অধোগতি।

ইংরেজী ভাষায় কুইন্সমদার এই শব্দের অর্থ
 যিনি রাজা হইলেন তাঁহার জননী ; সংস্কৃত অনু-
 সারে তাঁহাকে রুদ্ধা রাজমাতা লিখিতে হয়, কিন্তু
 তাহা বলিয়া উহার ঠিক স্পষ্ট রূপ অর্থ বুঝায়
 না বলিয়া কুইন্সমদারই রাখা হইয়াছে। টাউ-

১২
 ... ১২৩ আশ্বিনীমাসে দেশে
 যেমন বংশরক্ষণের জন্যে টোং নির্মিত হয়, সে
 দেশে তাহা না হইয়া এতদেশের মন্দিরাদি
 নির্মাণের মত পাকা করিয়া নির্মাণ করা হইত।
 গ্রীক নাম সকলের উচ্চারণ যেকপ নির্দিষ্ট করা
 হইল, তাহা যদি ব্যক্তি বিশেষের অসঙ্গত বোধ
 হয়, তাহা মার্জনা করিবেন, কারণ ঐ সকল
 নামোচ্চারণ বিষয়ে যাহার যেকপ ভাল লাগে,
 তিনি সেই রূপ উচ্চারণ করিয়া থাকেন ॥

{ শ্রীউমেশ চন্দ্র সেন গুপ্ত।
 { রামকৃষ্ণপুর।
 { সন ১২৮০ সাল ৯ই অগ্রহায়ণ।

THE BAGHBAZAR READING LIBRARY
 Call No. ২০০
 Acen. No. ২৪০২৭
 Dt. of acen. ০৬/০২/২০৮৭

গ্রীসদেশের ইতিহাস ।

২ - ২৪৫২

অতি পূর্বকালে গ্রীসদেশের অধি দীর্ঘ একদা আশিরার উপকূলবর্তী ট্রয়নগরের রাজার সহিত বিবাদে প্রবৃত্ত হইয়াছিল। সেই সংগ্রাম দশ বৎসর কাল চলিলে পর, উল্লিখিত নগরী “গ্রীক,” সেনার হস্তগত হইয়া একেবারে বিধ্বংসিত হয়। এই ঘটনাই গ্রীসদেশীয় পুরাতত্ত্বের অবধিস্থান। তাহার পূর্বতন কোন বৃত্তান্ত যথার্থ ইতিহাস মধ্যে সন্নিবেশিত হইবার যোগ্য নহে। এই নিমিত্ত তত্ত্বের বিবরণ এ স্থলে উপেক্ষিত হইল।

প্রথম অধ্যায় ।

হার্কিউলিস-সন্ততির প্রত্যাগমন ।

ট্রয় আধিকারের (খৃঃ পূঃ ১১৮৬) পর গ্রীকযোদ্ধারা সন্দেশে প্রত্যাগমন করিলে আদৌ গ্রীসে যে প্রধান ঘটনা উপস্থিত হয়, তাহা বীর “হার্কিউলিস্”-সন্ততির প্রত্যাগমন বলিয়া ইতিহাসে প্রসিদ্ধ আছে। পূর্বকালে গ্রীসদেশে পুরাণ-প্রসিদ্ধ অলৌকিকশক্তিমান হিরাক্লিস্ নামে একজন বীর পুরুষ ছিলেন। তিনি

বাবৎকাল ধরণীতল্লে অবস্থিতি করিয়াছিলেন, অশেষ-বিধ অত্যাশ্চর্য্য লীলাপ্রদর্শন পূর্ব্বক, পরিশেষে দেবর্তা-দিগের অনুগ্রহ ভাজন হইয়া স্বর্গযাত্রা করেন।

প্রবাদ আছে, বীর হার্কিউলিস্^১ স্বর্গযাত্রা করিলে তাঁহার পরম শত্রু ইয়ুরিস্টিস্ তদীয় সন্তানগণের প্রতি শত্রুতাচরণ করিতে প্রবৃত্ত হইলেন। অবশেষে তাঁহার দৌরাভ্যে হিরাক্লিডিস্-সন্তানবর্গ পিলপনিসস্ পরিত্যাগপূর্ব্বক পলায়ন করিয়া আটিকার শরণাগত হইয়া তথায় বাস করিয়াছিল। ইয়ুরিস্টিস্ তাহাতেও ক্রোড় না হইয়া সসৈন্যে আটিকা-যাত্রা করিলেন। এবং যুদ্ধে পরাভূত হইয়া শকটারোহণে পলায়ন করিতেছেন, পথে হার্কিউলিসের পুত্র হিলস্ তাঁহার প্রাণ বধ করিলেন।

এক্কে হিরাক্লিডিসেরা নিরাপদে সমস্ত পিলপনিসস্ অধিকার করিয়াও, তথায় ভয়ানক মারীভয় উপস্থিত হওয়াতে, অধিক দিন অবস্থিতি করিতে সমর্থ হয় নাই। উল্লিখিত মহামারীর কারণ জিজ্ঞাসার্থ ডেল্ফির আপলোদেবের নিকট আবেদন করা হইলে তাঁহার আদেশ হইল যে, অশীতি বৎসর অতীত না হইলে পিলপনিসসে কদাচ প্রত্যাগমন করিও না। এই দৈবশাসনের উল্লঙ্ঘনাপরাধে পূর্ব্বোক্ত অনর্থ

^১ এই বীর পুরুষের নাম হার্কিউলিস্ বা হিরাক্লিডিস্ উভয়খা লিখিত হয়। প্রথমটি ল্যাটিন ভাষাতে, দ্বিতীয়টি গ্রীক ভাষাতে প্রচলিত আছে।

ঘটনা উপস্থিত হইয়াছে। তখন তাহারা পিলপনিসস পারিত্যাগ পূর্বক পুনর্ব্বার আটিকায় পলায়ন করিল।

কিছুকাল পরে হিলসের প্রতি পুনর্ব্বার দেবতার এই আদেশ হইল, উত্তরোত্তর তিন পুরুষ আটিকায় অবস্থিতি করিয়া তৎপরে প্রণালী পথে গ্রীসে ফিঙ্গিয়া আসিবে। হিলস্, তৃতীয় বৎসরে করিন্থ-যোজক অতিক্রম করিয়া পিলপনিসসে যাত্রা করিতে হইবে এই তাৎপর্য্য স্থির করিয়া দুই বৎসর তথায় অবস্থিতি করিলেন। তৃতীয় বৎসরে সমস্ত আত্মীয় বন্ধুবান্ধব সম্মেলিত হইয়া পিলপনিসস্ যাত্রা করিয়া তথায় পরাস্ত ও নিহত হইলেন। অতঃপর তাহারা একবংশীয় আর আর ব্যক্তি যে সমস্ত চেষ্টা করিয়াছিলেন, সমুদায়ই তুল্যরূপ নিষ্ফল হইয়াছিল। অবশেষে হিলসের তিন পৌত্র টিমিনস্, আরিষ্টডিমস্ এবং ফ্রিস্ফান্টিস্ ইহারা দেবতার মত জানিবার জন্য ডেলফিতে হত্যা দিলে তাহাতেও পূর্ববৎ আজ্ঞা হইল। সেই আজ্ঞানুরূপ কার্য্য করিয়াও পরিশেষে কৃতকার্য্য হইতে পারিলেন না। তাহারা বারংবার এইরূপ অস্পষ্ট দৈববাণীর অনুবর্ত্তী হইয়া বিফলপ্রয়াস হইলে অবশেষে এই স্পষ্ট দৈববাণী হইল যে আটিকায় তিন পুরুষ ধরিয়া অবস্থিতি করিতে হইবে। পরে করিন্থ উপ-

২ গ্রীসের প্রধান ভূমিভাগ আর উপদ্বীপ ভাগ, যাহার নাম পিলপনিসস্, এ দুয়ের মধ্যে এক প্রণালী আছে। তাহাকে করিন্থ প্রণালী কহে।

মাগর অতিক্রম পূর্বক স্বদেশে যাত্রা করিবে। তখন তাঁহারা সেই স্থানে গমন পূর্বক পোত-নিৰ্ম্মাণ এবং সৈন্য সংগ্রহে যত্নবান হইলেন। কিন্তু হঠাৎ এক প্রবল বাত্যা উধিত হইয়া সমস্ত জলযান নষ্ট করিয়া তাঁহাদের পোত-নিৰ্ম্মাণ প্রয়াস ব্যর্থ করিয়া দিল। এবং দুর্ভিক্ষে পীড়িত হইয়া সমস্ত সৈন্য ছত্রভঙ্গ হইয়া পড়িল। ইহার পর তাঁহাদিগকে পুনর্ব্বার ডেলফিতে হত্যা দিতে হইল। হত্যা দিয়া এই উত্তর পাইলেন যে, তাঁহারা বিশিষ্ট চেষ্টা করিতে থাকুন। এক জন ত্রিনেত্র পুরুষ তাঁহাদিগের পথপ্রদর্শক হইবেক। কিন্তু ত্রিনেত্র পুরুষ কোথা পাওয়া যায়, তদ্বিষয়ে অনেক ভাবিয়া চিন্তিয়া কিছুই স্থির করিতে পারিলেন না। একদা এক-নেত্রহীন এক পুরুষকে অশ্বারোহণে গমন করিতে দেখিয়া তাঁহাদিগের জ্ঞান হইল, যে ইনিই দৈববাণীনির্দিষ্ট ত্রিনেত্র পুরুষ হইবেন; কেন না আরোহী ও ঘোটক উভয়ের তিন বৈ চক্ষু নাই। অতএব এই ব্যক্তিকেই আমাদের নেতা করা যাউক, এই বলিয়া তাঁহার নিকট তদ্বিষয়ের প্রস্তাব করিলেন। তিনি স্বীকার করিলে রণ-তরী আরোহণ করিয়া পূর্ব্বোক্ত মাগরশাখা অতিক্রম পূর্ব্বক পর তীরে উত্তীর্ণ হইলেন; এবং তথায় এক সম্মুখ যুদ্ধে জয়লাভ করিয়াই তাঁহারা সমস্ত অতীষ্ট প্রদেশের অধিকার প্রাপ্ত হইলেন। উত্তরোত্তর এইরূপ জয়লাভ করাতে যে যে প্রদেশে অধিকৃত হয়, আর্গস, লোকো-নিয়া, মেসীনিয়া, তাহার অন্তর্গত। অনন্তর গুটিকা-

পাত ৩ দ্বারা অর্গাস টিনিসের, কলকোনিয়া আরি-
ষ্টডীমসের এবং মেসীনিয়া ক্রিস্ফন্টিসের হস্তগত
হইল ।

কোদ্দুস ।

• পূর্বোল্লিখিত গ্রীক-বিজয়ীরা এইরূপে সমস্ত
পিলপনিসসের আধিপত্য প্রাপ্ত হইয়াই যে ক্ষান্ত
রহিলেন এমত নহে; তাঁহারা জিগীষা এবং ছুরাকাঙ্ক্ষার
বশীভূত হইয়া, গ্রীসের অন্যান্য অংশে আপনাদের
আধিপত্য বিস্তারে মনোযোগী হইলেন । স্বরণ হইবে,
ইতিপূর্বেই যে আটিকা প্রদেশ শরণ্য হইয়া তাঁহাদের
নিরাশ্রয় পূর্বপুরুষদিগকে রক্ষা করিয়াছিল, এক্ষণে
তাঁহারা সে সকল কথা বিস্মৃত হইয়া সেই আটিকা-
বিজয়ের পাপকর্ম্মে প্রবৃত্ত হইলেন । অচিরাৎ তাঁহারা
করিস্থযোজক অতিক্রম পূর্বক্ৰে• আটিকার রাজধানী
• আথেন্স নগরের আসন্নবর্তী ইলিসস্নদীতীরে সেনা
সন্নিবেশিত করিলেন ।

অনন্তর গ্রীসদেশীয় চিরন্তন প্রথা অনুসারে তাঁহারা
ডেল্‌ফির দেবালয়ে গমন করিলে তাঁহাদের প্রতি দেব-
তার এই আদেশ হইল যে, যদি তাঁহারা আথী-
• নীয় নরপতির প্রাণ-সংহার না করেন, তবেই জয়লাভ
হইবে; নচেৎ বিপদ ঘটবে । এই দৈববাক্যে দৃঢ়
বিশ্বাস করিয়া সেনাপতিরা শিবির মধ্যে এই অপ্রতি-

৩ গুটিকাপাও ইদানীন্তন স্মৃতিখেলার অনুরূপ এক
প্রাচীন প্রক্রিয়া ।

হত আজ্ঞা প্রচারিত্ত করিলেন যে, সেনার অন্তর্গত কোন ব্যক্তি যেন রাজকলেবর স্পর্শও না করে। কিন্তু আটিকার তৎকালীন নরপতি কোড্রুস এই দৈববাণীর সমস্ত বৃত্তান্ত অবগত হইয়া তৎক্ষণাৎ রাজবেশ পরিহারপূর্বক ক্রুষকের বেশ ধারণ করিলেন। এবং সহসা অরাতিশিবিরে প্রবেশ করিয়া এক জন সৈনিকের সহিত বিবাদে মূত্রপাত করিলেন। বিবাদ ক্রমশঃ বাড়িয়া উঠিলে সৈনিকেরা ক্রোধাক্ত হইয়া তাঁহার প্রাণসংহার করিল (খঃ পৃঃ ১০৬৮)।

পরদিন প্রভাত সময়ে আর্থীনীয়েরা এই সংবাদ শ্রবণমাত্র শক্রশিবিরে এক জন দূত প্রেরণ করিল। দূত যাইয়া মৃত রাজকলেবরের প্রত্যর্পণ প্রার্থনা করিলে, তখন ডেল্‌ফির দৈববাণী ডোরিকদিগের ৪ স্মৃতিপথা কট হইল এবং তাহার জয়লাভে হতাশ হইয়া পলায়ন করিল। নরপতি কোড্রুসের এই অসাধারণ দেশ-হিতৈষিতা দর্শনে সকলেই বিস্মিত হইল। পরে আর্থীনীয়েরা তাঁহার সম্মানার্থ এই ডিওমপ্রচার করিল যে, এই অবধি আথেন্সে আর কেহ কখন রাজা উপাধি প্রাপ্ত হইবেন না। সেই অবধি তথায় রাজা উপাধি উঠিয়া গেল এবং আর্কনু, অর্থাৎ অধিনায়ক, এই উপাধি প্রবর্তিত হইল।

-
- ৪ গিলপনিসমের উপর যে জাতির আধিপত্য ছিল, তাহা-
দিগকে ডোরিক কহিত। পুরোহিত্যিৎ প্রবাদ অনুসারে ইহা-
০ রাই হার্কিঘুলিস্-সম্ভান।

গ্রীসদেশের ইতিহাস ।

৫

গ্রীসদেশের ভূমিবিবরণ ।

কোন দেশের ইতিবৃত্ত লিখিতে আরম্ভ করিবার পূর্বে পাঠকবর্গের পাঠসৌকর্য্যার্থে প্রথমতঃ সেই দেশের আকার প্রকারঘটিত কিছু কিছু বিবরণ সংক্ষেপে লেখা আবশ্যক। এজন্য অগ্রে তাহাই লেখা যাইতেছে।

গ্রীসদেশের উত্তরভাগকে থেসালি কহে। থেসলি চতুর্দিকে পর্বতপরিবেষ্টিত একটি বিস্তীর্ণ ভূভাগ বা অধিত্যকা বলিলেও বলা যায়। ইহার দক্ষিণে বিয়োশিয়া প্রদেশ। বিয়োশিয়া ও থেসলির ন্যায় পর্বত-বৃন্দে পরিবেষ্টিত। থেসলি ইহাতে বিয়োসিয়ায় আসিবার যে কটীমাত্র সংকীর্ণ পথ আছে, তাহার নাম থার্মপাইলি। বিয়োশিয়ার সমুদ্রয় পর্বত লোকীয়, ফোসীয় প্রভৃতি নানা জাতির বাসস্থান। ইহার পূর্ব-ভাগে আটিকা পর্য্যন্ত বিস্তৃত এবং সম্মুখে ইয়ুবিসা-দ্বীপ বিদ্যমান আছে; আর বিয়োশিয়ার পশ্চিম ভাগে ইটোলিয়া প্রদেশ।

পিলপনিসস্, অর্থাৎ পিলপস্-নামক রাজার দ্বীপ, একটা উপদ্বীপ মাত্র। ইহা গ্রীসের দক্ষিণে অবস্থিত; করিন্থযোজক, উত্তর গ্রীস্, আর পিলপনিসস্, এই দুই প্রদেশ পরস্পর সংযুক্ত করিতেছে। আর্কেডিয়া পর্বতবৃন্দে এবং উপত্যকায় পরিপূর্ণ। এই দেশ পিলপনিসসের মধ্যস্থল ব্যাপিয়া আছে। আর্কেডিয়া, আর সমুদ্র, এই উভয়ের মধ্যবর্তী ভূভাগে চতুঃ-

পার্শ্ব আর্গস, লোকোনিয়া, মেসোনিয়া, ইলিস্ এবং একিয়া নামক কয়েক প্রদেশ আছে ।

“ স্পার্টা-লাইকর্গস্ ।

যে সমস্ত ডোরিকবিজয়ী লোকোনিয়া খণ্ডে বাস করিয়াছিল, তাহাদিগকে স্পার্টান্ কহে । স্পার্টা লোকোনিয়ার রাজধানী, এজন্যই তাহার স্পার্টান্ বলিয়া প্রসিদ্ধ । আর লোকোনিয়ার নামান্তর লেসিডিমোনিয়া বলিয়া তাহাদিগকে লেসিডিমোনিয়ান্ও কহে । তৎকালে লোকোনিয়া খণ্ডের শাসনকার্য্য হার্কিয়ুলিসের বংশসম্প্রদায় দুই জন রাজাকর্তক সম্পাদিত হইত । একদা ঘটনাক্রমে দুই রাজার পরস্পর বিবাদ উপস্থিত হইলে একজন অন্যতরের প্রাণবধ করিলেন । তৎকালে তাঁহার বিধবা মহিষী যে গর্ত্তবতী ছিলেন, এ সংবাদ সর্ব্বসাধারণে অগোচর থাকাতে নিহত ভূপতির ভ্রাতা লাইকর্গস্কে রাজপদ সমর্পণ করা হয় । কিন্তু কিয়দ্দিন পরে সর্ব্বসাধারণে জানিতে পারিল যে, রাজ্য সসভ্য আছে । তখন লাইকর্গস্ প্রজাসাধারণের নিকট প্রচার করিয়া দিলেন যে, রাজমহিষী যদি পুত্রসন্তান প্রসব করেন, তাহা হইলে সেই বালকই রাজপদের উত্তরাধিকারী হইবেন । আমি কেবল অভিভাবকের ন্যায় রহিলাম । কিন্তু রাজমহিষী লাইকর্গসের নিকট গুপ্তভাবে এই প্রস্তাব করিয়া পাঠাইয়াছিলেন যে, গর্ত্তস্থ সন্তানকে নষ্ট করিয়া তিনি তাঁহার শাণিগ্রহণ করুন । লাইকর্গস অতি ধর্ম্মপরায়ণ

হিলেন, সুতরাং এই প্রস্তাব অতি জুখন্য ও ঘৃণাই বলিয়া তাঁহার বোধ হইল। কিন্তু তৎকালে রাণীর প্রস্তাবে মৌখিক অনুমোদন করা পরামর্শসিদ্ধ জ্ঞান করিয়া তাঁহাকে বলিয়া পাঠাইলেন যে, রাণী স্বয়ং নষ্ট না করিয়া ভূমিষ্ঠ হইবামাত্র সন্তানকে তাঁহার নিকট পাঠাইয়া দেন। তাহা হইলে ঐ শিশু যাহাতে বিনষ্ট হয়, তাহার চেষ্টা হইবে।

প্রসবকাল উপস্থিত হইলে, লাইকর্গস কতকগুলি খ্রিস্ত লোককে প্রহরীস্বরূপ নিযুক্ত রাখিয়া এই আদেশ করিলেন, যদি পুত্রসন্তান হয়, তবে ভূমিষ্ঠ হইবা মাত্র, তিনি যেখানে থাকেন, যেন সন্ধ্যোজাত শিশুকে তাঁহার নিকট উপনীত করা হয়। এই আদেশ মতে, একদিন তিনি কতকগুলি প্রধান কর্মচারী লইয়া একত্র হোতলাইট করিতেছেন, এমন সময় সেই নব-প্রসূত বালককে আনিয়া নিকট উপস্থিত করিল। তিনি বালককে ক্রোড়ে ধারণপূর্বক স্পার্টার প্রজাবর্গকে সম্বোধন করিয়া বলিলেন “দেখ, আজি আমাদের এক অভিনব রাজা জন্মগ্রহণ করিয়াছেন”। এই বলিয়া তৎক্ষণাৎ লর্দসমক্ষে বালককে রাজসিংহাসনে বসাইলেন, এবং তাহার নাম করিলেন, অর্থাৎ (লোকলোচনানন্দ,) রাখিলেন। অনন্তর তিনি ঐ অপ-গণ্ড ভ্রাতৃপুত্রের রক্ষক ও অভিভাবক স্বরূপ থাকিয়া কিছুকাল রাজকার্য্য পর্যালোচনা করিয়াছিলেন; কিন্তু রাজমহিষীর কুটুম্ববর্গের সহিত বিবাদ হওয়াতে

এবং সেই ক্ষেত্রে তাঁহার শাসন সাধারণের মনোমত না হওয়াতে তিনি দেশান্তর দর্শন মানসে প্রবাস যাত্রা করিলেন।

তাঁহার অনুপস্থিতি সময়ে তদীয় জন্মভূমিতে ঘোরতর বিশৃঙ্খলা উপস্থিত হইল ; এবং তাবৎ ব্যক্তি তাঁহাকেই সে সমস্ত নিবারণে সমর্থ জ্ঞান করিয়া তাঁহার প্রত্যাগমন কামনা করিতে লাগিল। বারংবার সংবাদ পাঠাইবাতে তিনি সম্মত হইলেন এবং শাসন-কার্যের সম্পূর্ণরূপ সংশোধন করিবার সংকল্প করিয়া জন্মভূমির মুখ পুনর্ব্বার দর্শন করিলেন। ডেলফির মন্দিরে দেবসম্মতির প্রার্থনা করিলে, দেবাদেশ উচ্চারণে নিযুক্তা পূজয়িত্রী কহিয়াছিলেন যে, লাইকর্গস সামান্য ব্যক্তি নহেন, তিনি অলৌকিক পুরুষ। তাঁহার সংকল্পিত তাবৎ বিষয়ে আপনোদেবের সম্পূর্ণ সম্মতি আছে। তদনন্তর লাইকর্গস স্পার্টায় ফিরিয়া আসিয়া ত্রিশ জন পরমাত্মীয়কে আপনার অভিসন্ধি সমস্ত নিবেদন করিয়া বলিয়া দিলেন, কল্যাণ প্রাপ্তে সকলে অস্ত্র শস্ত্র লইয়া ইউচ্চুরে উপস্থিত থাকিবে। তাঁহার অভিপ্রায় মতে তাহারা সকলেই তদ্রূপ করিল। তদ্বারা যৎকিঞ্চিৎ যে বিবাদ হইবার সম্ভাবনা ছিল, তাহা নিরাকৃত হওয়াতে লাইকর্গস অবাধে নিজ ব্যবস্থা সংস্থাপিত করিতে পারিলেন।

লাইকর্গসের ব্যবস্থা।

ইতিপূর্বে লোকোনিয়া প্রদেশে ভূম্যধিকার সম্পর্কে

বিষম বিশৃঙ্খলা বিদ্যমান ছিল। কেহ স্ববিস্তৃত ভূমি সম্পত্তির স্বামী ছিলেন, কাহারো বা কিছুই ছিল না। এই কারণ বশতঃ অনেক অনর্থ ঘটনা হইত, লাইকর্গস তাহার নিবারণের জন্য বিশেষ চেষ্টিত হইলেন; এবং তদুদ্দেশ্যে তাবৎ ব্যক্তির প্রতি এই আজ্ঞা প্রচার করিলেন যে, প্রত্যেকে স্ব স্ব ভূমি ছাড়িয়া দেয়। এই রূপে দেশের অশেষ ভূমিসম্পত্তি রাজাধিকারভুক্ত হইলে, তিনি তাহা কতিপয় সমান খণ্ডে বিভাগ করিয়া প্রত্যেক অধিবাসীকে এক এক খণ্ড প্রদান করিলেন। কথিত আছে, এই বিধান কিছুকাল চলিলে পর একদা তিনি শরৎকালে পল্লীগ্ৰাম দিয়া আসিতেছিলেন, চতুর্দ্দিকে দৃষ্টিদান করিয়া দেখিলেন যে, সমস্ত শস্য শৃঙ্খলাপূর্বক সুনিয়মে ছেদন করা হইতেছে, এবং সকলেরই ভাগ সমান। তাহাতে তিনি কহিলেন, সম্পত্তি লোকোনিয়া দেখিলে বোধ হয়, যেন পাঁচ ভেয়ে এক খানি জমিদারি বাঁটিয়া লইয়াছে।

এতদ্ভিন্ন লাইকর্গস জানিতেন যে, অধিক ধনর্থাকিলেই লোকে অলস এবং কুক্রিয়াসক্ত হয়; তদ্বারা সমাজের অপকার ঘটে; এই নিমিত্ত তিনি সোণা রূপার মুদ্রা রহিত করিয়া দিয়া এক জনের হস্তে অধিক ধন সঞ্চিত হইবার পথ বন্ধ করিয়া দিলেন। কিন্তু কোন প্রকার মুদ্রা প্রচলিত না থাকিলে কারকারবার চলিবার পক্ষে নানা অসুবিধা ঘটে, অতএব তিনি আদেশ করিলেন যে, লৌহময় মুদ্রা প্রচলিত হয়;

ভাষা হইলে অনেক টাকা জমা না করিলে অন্ত্যম্প
মূল্যের সামগ্রী ক্রয় করিতে পারা যাইবেক না। আর
বাহাতে টাকার দাম আরো কমিয়া যায়, সেই জন্য
লোহাকে সিকা নামক দ্রব্য দ্রব্যে ভিজাইয়া মুদ্রাগুলি
বারপর নাই ভঙ্গুরপ্রকৃতি করিয়া দিলেন। এই ব্যবস্থা
নিবন্ধন স্পার্টাবাসী কোন ব্যক্তিকে ঋণ শোধ জন্য
কাহারো নিকট টাকা লইয়া যাইতে হইলে গাঙি
করিয়া লইয়া যাইতে হইত, এবং সিঙ্ক বা পেট্রার
ভিতর টাকা না রাখিয়া গুদামজাত করিয়া রাখিতে
হইত।

লাইকর্গস আরো অনুমতি করিলেন যে, নিজ গৃহে
ভোজন না করিয়া স্পার্টার যাবতীয় অধিবাসীকে নগ-
রের প্রকাশ্য বড় দালানে সকলে মিলিয়া একত্র ভোজন
করিতে হইবেক। এই নগরস্থানে প্রতিদিন তথায়
স্পার্টান যুবকেরা স্বতন্ত্র স্বতন্ত্র আসনে উপবিষ্ট হইয়া
এবং শিশুরা আপন আপন পিতার সহিত একাসনে
বসিয়া, আহার করিত। এক প্রকার মাংসযুগ্মই প্রথা
ভোজ্য দ্রব্য বলিয়া পরিগণিত ছিল। কিন্তু তাহ
এমনি বিশ্বাস যে, একদা কোন রাজা স্পার্টাদেশীয়
একজন পাচকের দ্বারা ঐ মাংসযুগ্ম কিঞ্চিৎ প্রস্তুত
করাইয়া আশ্বাদন কালে মুখ বিকট করিতে লাগি-
লেন। তদ্বর্ণনে সেই পাচক কহিল, “মহারাজ !
ইয়ুরোটাস্ নদীতে স্নান না করিলে এ খাদ্য ভাল
লাগিবার নহে।” এ কথা শুনিয়া এই যে,

স্পার্টার লোকেরা উৎকটরূপে ব্যায়াম সেবা দ্বারা গল-
দ্বন্দ্ব হইলে পর নগর-সম্মিলিত তটিনীতে অস্ত্র প্রদান
পূর্বক ক্ষুধা উদ্ভুক্ত করিয়া লইত। সেই মুখে বাত
খাইত, স্বস্তাছু লাগিত।

• লাইকর্গসের মুখ্য অভিপ্রায় এই ছিল যে, স্পার্টা-
বাসীরা বিলক্ষণ বলিষ্ঠ ও দৃঢ়কায় হইয়া জাতি সাধা-
রণে সৈনিককার্যে সুপটু হইয়া উঠে। একারণ স্বস্থ,
শক্ত ও সমর্থ না হইলে সম্মান প্রতিপালিত
হিতেন না।

• সদ্যোজাত শিশুর গাত্র জল না দিয়া মদ দিয়া
ধৌত করিয়া দিত। কেন না শিশু দুর্বল হইলে মদের
ঝঞ্জেই তৎক্ষণাৎ প্রাণত্যাগ করিত। পরে যে স্থলে
নগরের প্রাচীন লোকেরা বৈঠক করিয়া বসিতেন,
তথায় ঐ শিশু আনীত ও পরীক্ষিত হইত। যদি তাহারা
ঐ বসিতেন, তবে লালন পালনের উদ্যোগ হইত ;
অন্যথা টেজিটন পর্বতের কন্দরামধ্যে শিশুকে ফেলিয়া
আসিত। বালিকাগুলিও বাহাতে বলিষ্ঠ ও ~~স্বস্থ~~ ^{সুস্থ} হইয়া
বীরসু হয়, তদ্বদ্দেশে তাহাদিগেরও বালকদিগের
মত লালন পালন হইত। তাহাদিগকে দৌড় কুস্তি এবং
জ্ঞান্য অঙ্গচালনা অভ্যাস করাইত ; এবং তাহারা
সময়ে সময়ে অনাবৃত প্রায় থাকিয়া পুরুষদিগের সঙ্গে
লড়াই করিত ; আবালবৃদ্ধ সকলে চতুঃপার্শ্বে দাঁড়া-
ইয়া দেখিতেন। কিন্তু তা বলিয়া তাহাদিগকে কেহ
অনাদর বা হেয়জ্ঞান করিত না ; বরং গ্রীসের আর

আর সকলস্থান অপেক্ষা স্পার্টার নারীরা সমধিক ধর্ম-পরায়ণ ও আদরভাজন ছিলেন।

যুদ্ধে পারিপাট্যলাভের উপযোগী সর্বপ্রকার অঙ্গচালনা বাল্যকালাবধি সকলকে অভ্যাস করান হইত। শৈশবাবধি চৌরবিদ্যা শিক্ষা করা নিত্য আবশ্যিক বলিয়া লোকেয় জ্ঞান ছিল। এতদ্বারা চৌর-রুতির প্রতি উৎসাহদান বা সমাজের বিশেষ কোন অনিষ্ট হইতে পাইত না ; কারণ স্পার্টার লোকেরা জ্ঞান করিত যে, তাহারা সকলে মিলিত হইয়া এক গৃহ-স্থের স্বরূপ হইয়া আছে। সুতরাং পরিবারস্থ কোন ব্যক্তি মাজার সামগ্রী হইতে আপন অংশ যেকপে হউক গ্রহণ করিলে বিশেষ ক্ষতি নাই ; বরং পাঁচ জনের চক্ষে ধূলা দিয়া দ্রব্যসামগ্রী লাভ করিবার অভ্যাস করাতে তাহাদের চতুরতা শিক্ষা হইত ; এবং সংগ্রাম কালে শত্রুকেও সেইরূপে প্রবঞ্চনা করিবার ক্ষমতা জন্মিত। ছোট ছোট বালকদিগকে খাবার সামগ্রী চুঙ্কি-করিতে পাঠাইয়া দিত ; তাহারাও বাগান হইতে বা সাধারণ ভোজনাপার হইতে যাহা কিছু পারিত, গোপনে সরাইয়া লইত। বিন্দু ধরা পড়িলে অচতুর বলিয়া বিলক্ষণ প্রহার ভোগ করিত। কথিত আছে যে, কোন বালক একটা শৃগালশাবক অপহরণ পূর্বক আঙুরাখার মধ্যে লুকাইয়া রাখিয়াছিল ; এবং ধরা পড়িবার ভয়ে উহার আঁচড় কামড় খাইয়া প্রাণান্ত পর্য্যন্ত স্বীকার করিয়াছিল, তবু তাহা প্রকাশ করে নাই।

লেকোনিয়া-প্রদেশে হিলট্-নামক এক জাতি ইন্ডলোক বাস করিত, তাহারা স্পার্টা নগরের অধিবাসীদিগের ক্রীতদাসস্বরূপ ছিল। রাজ্যের সমস্ত কৃষিকর্মের ভার তাহাদিগের উপর অর্পিত ছিল। উহারা গ্রামে গ্রামে অংশীকৃত ক্ষেত্র সকলের সম্মিথানে বাস করিয়া উক্ত কার্য্য নির্বাহ করিত ; এবং মালগুজারির স্বরূপ, কৃষিজ দ্রব্যের নির্দ্ধারিত অংশ স্বীয় স্বীয় প্রভুকে প্রদান করিত। হিলট্দিগের অবস্থা অতি হীন ছিল। স্পার্টাবাসীরা তাহাদিগের উপর যার পর নাই অত্যাচার ও দৌরাত্ম্য করিত। কথিত আছে, পানদোষ যে কতদূর অহিতকর, জঘন্য ও হেয়, তাহা যুবা পুরুষদিগকে দেখাইবার জন্য হিলট্দিগকে সুরাপানে মত্ত করাইয়া মাংলাদি করাম হইত। আর, পাছে তাহাদিগের সংখ্যা অতিরিক্ত হইয়া আপনাদিগের কোন সঙ্কট ঘটায়, তন্নিমিত্ত মধ্য মধ্য “ হিলট্ ” যুগিয়া বলিয়া এক নিদারুণ ব্যাপারের অনুষ্ঠান করিত। সেই ব্যাপার এইরূপে ইতিহাসে বর্ণিত আছে;—প্রতি বৎসর রাজপুরুষেরা উহাদিগের বিরুদ্ধে সংগ্রাম ঘোষণা করিয়া বলিয়া দিতেন যে, হিলট্ হত্যায প্রত্যবায় নাই। পরে তাহারা সাহসিক এবং সতর্ক দেখিয়া কতকগুলি যুবা পুরুষ নিযুক্ত করিয়া পল্লীগ্রামে প্রেরণ করিতেন। ইহারা তরবারিহস্তে সমস্তাৎ পরিক্রমপূর্বক স্থানে স্থানে লুণ্ঠারিত থাকিতেন ; এবং সন্ধ্যোগ দেখিলেই হিলট্দিগের প্রাণবধ করিতেন। সকল বৃত্তান্ত সম্পূর্ণ

বিশ্বাসযোগ্য না হইউক, গ্রামবাসীরা যে স্পার্টা-নগরের অধিবাসীদিগের ক্রুরতা নিবন্ধন ঘোরতর অত্যাচার ও উৎপীড়ন ভোগ করিত, তদ্বিষয়ে সংশয় নাই।

এই সকল ব্যবস্থা সংঘটিত শাসনপ্রণালী সম্পূর্ণরূপে বলবৎ করা হইলে, ব্যবস্থাপক লাইকর্গস একদা রাজাকে, রাজ্যের প্রধান প্রধান ব্যক্তিদিগকে ও আপামর সাধারণ তানৎ প্রজাবর্গকে প্রকাশ্য স্থলে সংমিলিত করিয়া কহিলেন যে, “আরো কিছু কিছু হুতন প্রথা প্রচলিত করিতে হইবে, তদর্থে ডেল্ফির দেবতার সন্মতিগ্রহণ আবশ্যক; অতএব যাবৎ তাহা লইয়া আমি প্রত্যাগমন না করি, তাবৎ তোমরা আমার সংস্থাপিত ব্যবস্থার কোন পরিবর্তন করিবেনা বলিয়া শপথ করিলে আমি নিশ্চিন্ত মনে উল্লিখিত দেবালয়ে যাত্রা করি”। সকলে ব্যগ্রতা প্রদর্শনপূর্বক প্রতিজ্ঞাপাশে বদ্ধ হইলে, তিনি ডেল্ফিতে উপনীত হইয়া পূজয়িত্রীর প্রমুখাৎ অবগত হইলেন, আপলোদেব তৎপ্রণীত শাসনপ্রণালীর সম্পূর্ণরূপ অনুমোদন করিয়াছেন; এবং কহিয়াছেন যে, যত দিন স্পার্টায়েরা তাহা মানিবেক, তত দিন উহারা সর্বত্র বিজয়ী হইবেক। এই দৈববাণী তিনি জন্মভূমিতে প্রেরণ করিলেন; কিন্তু অধিবাসীদিগকে চিরকালের নিমিত্ত বচনবদ্ধ রাখিবার আশয়ে আর তথায় প্রত্যাগমন করেন নাই।

১ আপলো সূর্য্যামণ্ডলের অধিষ্ঠাত্রীদেবতা। কবিত্ব, সংগীত প্রভৃতি সুকুমার বিদ্যা সনত্ত ও তাঁহার আশ্রয়ে প্রতিপালিত হয়।

দ্বিতীয় অধ্যায়ঃ

মেসীনীয় সংগ্রাম ।

পিনপনীসদ উপদ্বীপ হস্তগত হইবার পর তিন শত বৎসর অর্ন্ত হইলে, মেসীনিয়ার সহিত স্পার্টার ঐ সর্বপ্রথম যুদ্ধপটনা হয়, তাহা মেসীনীয় সমর বলিয়া প্রসিদ্ধ আছে । ইহার বিবরণ পশ্চাৎ লিখিত হইতেছে ।

লেকোনিয়া ও মেসীনিয়া, 'এই উভয় রাজ্যের সীমান্তে আর্টিমিস, 'অর্থাৎ চন্দের অধিষ্ঠাত্রী দেবতার এক মন্দির ছিল । দুই জাতি সময়ে সময়ে তথায় যাইয়া দেবীর আরাধনা করিত । একদা কতিপয় স্পার্টাবাসিনী নারী আর্টিমিস্ দেবীর পর্বাহ উপলক্ষে তদীয় মন্দিরে গমন করিলে, কয়েক জন মেসীনিয়াবাসী যুব পুরুষ তাহাদের অপমান করে । স্পার্টার দুই রাজার অন্তর ঐ স্ত্রীলোকদিগকে রক্ষা করিতে গিয়া

• ১. ল্যাটিন, অর্থাৎ রোমক জাতির ভাষাতে ইহার নাম ডারান। ইনি তা লোদেবের সাহায্যে, দেবরাজ জুয়সের কন্যা, যাবজ্জীবন অবিবাহিত থাকিয়া যুগয়া করিয়া কালক্ষেপ করেন ; এই নিমিত্ত কোমারস্বরূপ ইহারই এক প্রকার আখ্যাত বলিলে বলা যায় । কোমারসুসধারিণী মনস্বিনী বর্ষাবসী রমণীরা এতদ্ভাষ্যে ইহার উপাসনা করিয়া থাকেন ।

নিহত হন ; সেই সকল স্ত্রীলোকরাও এই অপমান সহ করিতে অসমর্থ হইয়া আত্মহত্যা করে। স্পার্টার পক্ষীয় ইতিহাস লেখকেরা এইরূপে মেসীনীয়দিগের উপর সমুদয় দোষ অর্পণ করিয়া যুদ্ধঘটনার রূতান্ত বর্ণন করেন।

কিন্তু মেসীনীয়েরা কহিত যে, তাহাদের দেশের কয়েক জন প্রধান প্রধান ব্যক্তি দেবালয়ে যাইলে পর, স্পার্টার অধীশ্বর কতিপয় যুবা পুরুষকে স্ত্রীলোক সাজাইয়া, এবং তাহাদের পরিচ্ছদের ভিতর এক এক অস্ত্র লুক্কায়িত করিয়া দিয়া ঐ সকল মাতঙ্গর ব্যক্তির প্রাণবপার্থ প্রেরণ করেন। তিনি ভাবিয়াছিলেন যে, তাহা হইলেই চিরাভিলষিত মেসীনিয়া রাজ্য হস্তগত হইবেক। কিন্তু এই দুর্ভাগিনী ধরা পড়াতে মেসী-নীয়েরা স্পার্টার কুমারীবেশধারী যুবকদিগকে নিহত করিল। যাহা হউক, শুদ্ধ এই কারণে উপস্থিত সংগ্রাম আরম্ভ হয় নাই। একদা এক জন ধনাঢ্য মেসীনীয় কোন স্পার্টাবাসীর ক্ষেত্রে কতকগুলি গাভী চরিতে পাঠান। কথা ছিল যে, ক্ষেত্রপতি খাজানা না লইয়া গোধন হইতে উৎপন্ন দুগ্ধাদির অংশ পাইবেন। কিন্তু ইহাতে সন্তুষ্ট না হইয়া স্পার্টাবাসী ভূস্বামী গাভী ও রাখাল সম্বন্ধে বিক্রয়পূর্বক গোধনের অধিকারী মেসীনীয়কে আশ্রিয়া কহিল যে, এক জন দম্ভ্য আশ্রিয়া গাভী হরণ করিয়া লইয়া গেল। কিন্তু সে যখন এই উপায়াস শুনাইতেছিল, দৈবের কর্মে ঠিক সেই সময়ে

তাহার বিক্রীত ২ এক জন রাখাল ছুতন ক্রেতার নিকট হইতে পলায়ন পূর্বক স্বীয় প্রভুর নিকট উপস্থিত হইয়া সমস্ত নিবেদন করিল। তখন স্পার্টাবাসী এইরূপে ধরা পড়িয়া সমস্ত স্বীকার করিল; এবং ক্ষমা প্রার্থনা পূর্বক কহিল যে, আপনার পুত্রকে আমার সঙ্গে যদি আমার বাটাতে পাঠাইয়া দেন, তবে বিক্রয়লব্ধ সমস্ত অর্থ ফিরাইয়া দিব। সরলহৃদয় মেসীনীয় তাহাতে সন্মত হইয়া আপনার পুত্রকে তাহার সঙ্গে পাঠাইয়া দিলেন। কিন্তু দুরাত্ম স্পার্টাবাসী পশ্চিমধ্যে সেই যুবকের প্রাণ-সংহার পূর্বক পলায়ন করিল। স্পার্টার ধর্মান্বিতিকরণে ইহার প্রতীকার প্রার্থনা করিবার পর, কিছু ফলোদয় হইল না, দেখিয়া, উল্লিখিত মেসীনীয় একপ ক্রুদ্ধ হইলেন যে, স্পার্টার লোক দেখিলেই বধ করিতে লাগিলেন। স্পার্টায়েরা মেসীনীয়ার রাজার নিকট প্রার্থনা করিল যে, তাহাদিগের এই জাতিশত্রু তাহাদিগের হস্তে সমর্পিত হইয়া সমুচিত দণ্ডভাগী হয়। কিন্তু মেসীনীয়েরা সে কথায় কর্ণপাত করিল না। এইরূপে সেই গোপনহরণঘটিত বিবাদানল ক্রমে প্রজ্বলিত হইয়া উভয়জাতীর বিগ্রহ ঘটনাতে পরিণত হইল।

স্পার্টায়েরা দেবসাক্ষী শপথ করিল যে, “মেসী-

২. পূর্বকালে সকল দেশেই দাস দাসীর ক্রয় বিক্রয় ব্যবহার প্রচলিত ছিল। এক্ষণে ইতরালোকে সে সকল ব্যবসা করিয়া থাকে, তৎকালে ক্রীতদাসের দ্বারা উদ্ভাব্য ব্যাপার নির্বাহ করিয়া লওয়া হইত। •

নিয়া নিঃশেষে হস্তগত না করিয়া যুদ্ধ হইতে নিবৃত্ত হইব না”। এইকর্ত্তি অঙ্গীকার বদ্ধ হইয়া তাহারা সহসা যাইয়া “সীমান্তানবর্তী গিরি-শিখরস্থ এক মেসীণীয় নগর হস্তগত করিল; এবং তদ্রূপ অধিবাসী-দিগের প্রাণসংহার পূর্ব্বক তথায় নিবিষ্ট হইয়া সময়ে সময়ে সন্নিহিত জনপদে লুটপাট করিতে আরম্ভ করিল। ইহা দেখিয়া মেসীণীয়েরাও লেকোনিয়া প্রদেশে প্রবেশপূর্ব্বক ইহার শোধ তুলিতে লাগিল; এবং এই অবসরে বিশেষ যত্নের সহিত যুদ্ধ-বিদ্যাতে শিক্ষা করিতে লাগিল। যখন তাহাদের রাজা দেখিলেন যে, সমুচিত শিক্ষা হইয়াছে, তখন বহুসংখ্য সৈন্য সমভিব্যাহারে স্পার্টাভিমুখে যাত্রা করিলেন; এবং অনুচরগণ প্রকার নির্মাণোপযোগী কাষ্ঠাদি লইয়া তাঁহার সঙ্গে সঙ্গে চলিল। এক প্রান্তরে দুই সেনার দেখা হইলে, তাহারা পরস্পরাভিমুখে ক্রমাগত অগ্রসর হইয়া প্রান্তরমধ্যস্থ এক স্মৃগভীর খাতের উভয় তীরে শিবির সংস্থাপন করিয়া রহিল। বিশেষ কোন যুদ্ধাদি ঘটিল না। কেবল দুই দলের দুই শিবির হইতে কতকগুলি তুরগসোয়ার ও পদাতিসেনা যৎসামান্য রণসজ্জায় সজ্জিত হইয়া নির্গত হইল; এবং বরাবর প্রান্তরের আর এক প্রান্তে যাইয়া যুদ্ধ করিতে লাগিল। এই অবসরে মেসীণীয়ের উল্লিখিত অনুচরগণ মেসীণীয় সেনার পূর্ব্বভাগে ও দুই পার্শ্বে এক প্রকার নির্মাণে ব্যাপৃত ছিল; যাত্রা উপস্থিত হইলে

সম্মুখভাগেও তাহারা সেই প্রকার প্রাকার গড়িয়া তুলিল। স্পার্টায়েরা এইরূপে যিপককে সুরক্ষিত অবস্থায় সংস্থাপিত দেখিয়া, তথায় উপস্থিত থাকা অপরাধমর্শ জ্ঞান করিয়া স্পার্টায় প্রস্থান করিল। তদর্শনে মেসীনীয়দিগের আরো সাহস বৃদ্ধি হইল।

পর বৎসর স্পার্টীয়দিগকে পুনরাগমন করিতে হইল; কারণ কাপুরুষের ন্যায় গৃহে প্রতিগমন করাতে বৃদ্ধবর্গ তাঁহাদিগের যৎপরোনাস্তি লাঞ্ছনা করিয়াছিলেন। সেই প্রসঙ্গে যে যুদ্ধ উপস্থিত হয়, তাহাতে জয়ত্রী অন্যতর পক্ষ অবলম্বন করিবার পূর্বেই রাত্রি হইয়া উঠাতে উভয় পক্ষকেই যুদ্ধে ক্লান্ত দিতে হইয়াছিল। কিন্তু ফলিতার্থে মেসীনীয়দিগেরই পরাজয় সাব্যস্ত হওয়াতে, তাহারা নিম্নভূমিস্থ গ্রাম পরিত্যাগ পূর্বক সকলে মিলিয়া ইটোমি নামক ক্ষিরিভূর্গে আশ্রয় গ্রহণ করিল। তথা হইতে দৈববাণী^৩ নিমিত্ত লোক পাঠাইলে যখন সেই লোক ফিরিয়া আসিতেছিল, তখন স্পার্টায়েরা তাহাকে পশ্চিমধ্যে আক্রমণ করে।^৪ সেই বন্দীভাব অস্বীকার করাতে অস্ত্র প্রহার পূর্বক তাহার বধসাধনে উদ্যত হইতেছিল, ইত্যবসরে “দৈববাণীর

৩. গ্রীসের স্থানে স্থানে যে সকল দেবালয় ছিল, তথা এক একটা অবিবাহিত বালিকা থাকিত। গ্রীকেরা ভাবিতেন যে, সেই বালিকারা প্রগাঢ়রূপে দেবতার ধ্যান করিবার সময় উন্মত্তের ন্যায় হইয়া বাহ্য কিছু উচ্চারণ করিবেন, তাহাই দেবতার সাক্ষাৎ আদেশ।

Call No.....১৫৭.....

Accon. No.....২৪৫২৭.....

Dt. of accon. ০৬/০২/২০০৭

বাহককে ছাড়িয়া দাও ; ” এই আকস্মিকী বাণী শ্রবণ-
গোচর হইলে অর্হারা তাহাকে ছাড়িয়া দিল ; এবং
সে ইটোমিতে গাইয়া দৈববাণী রাজসমক্ষে নিবেদন
করিবার অব্যবহিত পরেই প্রাণত্যাগ করিল ।

আরিষ্ট্‌ডীমস্ ।

আরিষ্ট্‌ডীমস্ মেসীনিয়ার পূর্বতন রাজা ইপিট-
সের বংশসম্প্রসূত ছিলেন। ইহার বৃত্তান্ত বর্তমান সংগ্রা-
মের অন্তর্গত একটা প্রধান ঘটনা বলিয়া পরিগণিত ।
এজন্য সেই বৃত্তান্তের সারসংগ্রহপূর্বক নিম্নে উল্লিখিত
হইতেছে । মেসীনীয়েরা এই সংগ্রামের অন্তর্কূল কেন
মঙ্গল কর্মের অনুষ্ঠান আবশ্যক বিবেচনায়, কি করা
উচিত, তাহা জানিবার জন্য ডেলফির দেবালয়ে লোক
পাঠাইয়াছিল । তাহাতে দেবতারা এই আদেশ করেন
যে, ইপিটপের বংশসম্প্রসূত কোন একটা অবিবাহিত
কন্যাকে, সমরাধিদেবতাদিগের সন্তোষবিধানার্থ
যদি বলিদান দিতে পারে, তাহা হইলে নিশ্চয় মেসী-
নিয়দিগের জয় লাভ হইবেক । তাহারা দেবাদেশে
অতিশয় আতঙ্কিত ; এজন্য তাহারই উপর দৃঢ়
বিশ্বাস করিয়া তদনুষ্ঠানে ব্যাপৃত হইল ; এবং বলি-
যোগ্য রাজবংশীয় কোন কুমারী কন্যার স্থিরীকরণার্থ
এই পরামর্শ করিল যে, গুটিকাপাত করিলে যাহার
ভাগ্যে গুটিকা পড়িবেক, তাহাকেই বলিদান দিবা । অন-
ন্তর গুটিকাপাত করিয়া যাহার কুমারী কন্যার ভাগ্যে
গুটিকা পতিত হইল । তিনি দুহিতার প্রাণ রক্ষার্থ,

কোন দৈবজ্ঞকে : উৎকোচ স্বীকার করিয়া তাঁহার দ্বারা এই প্রচার করাইলেন যে, কন্যা বাস্তবিক রাজ-বংশীয় নহে। দৈবজ্ঞ এইরূপ বলাতে সমাজমধ্যে বিষম গোলযোগ উপস্থিত হইল। এই সুযোগে কন্যার পিতা কন্যা লইয়া স্পার্টায় পলায়ন করিলেন।

সকলে জয়লাভে একান্ত হতাশ হইয়া বিষাদ-মাগরে নিমগ্নপ্রায় হইতেছিল, এমন সময়ে এই দেশ-হিতৈষী আরিষ্ট্‌ডীমস্ নামক রাজবংশীয় আর এক বাক্তি আসিয়া স্বীয়া কুমারী কন্যাকে বলিদান দিতে সম্মত হইয়া সকলকে প্রোৎসাহিত করিলেন। কিন্তু যে ব্যক্তির সহিত তাঁহার কন্যার বিবাহের কথা স্থির হইয়াছিল, সে নিজ প্রিয়তমার প্রাণরক্ষার্থে এই ঘোষণা করিয়া দিল যে, যাহাকে কুমারী জ্ঞানে বলিদান দিতে বাইতেছে, তাহার কুমারীতাব অনেক দিন নষ্ট হইয়াছে। দুহিতার জাতি গিয়াছে, এই কথা শুনিয়া আরিষ্ট্‌ডীমস্ ক্রোধাক্ত হইয়া তৎক্ষণাৎ স্বহস্তে হতভাগা সন্তানের প্রাণবধ করিলেন। তদর্শনে দৈবজ্ঞ কহিল, আরিষ্ট্‌ডীমস্ যে কার্য্য করিলেন, ইহাকে হত্যা কহে ;

৪ যেরূপ এতদ্দেশে পূর্বকালে বশিষ্ঠ শতাব্দীতে রাজ-পুরোহিতগণের পরামর্শ না লইয়া রাজারা কোন গুরুতর কর্ম্মে বৃত্তান্ত করিতেন না, গ্রীসদেশে দৈবজ্ঞ নামক এক সম্প্রদায় লোক ছিলেন; যাহাদিগের পরামর্শ না লইয়া গ্রীকবাসীরা কোন কার্য্যে প্রবৃত্ত হইতেন না। ই হার যজ্ঞীয়পশুর অঙ্গচালনা অথবা পক্ষিবিশেষের গমনাগমন, ইত্যাদি নির্মিত দর্শনে দেবতার অভিপ্রায় বুঝিতে পারিতেন।

ইহা বলিদান নহে। অতএব অন্য কুমারী আনয়ন করিতে হইবেক। কিন্তু রাজা তাহার বাক্য অগ্রাহ করিয়া বলিলেন, আর অন্য কুমারীর প্রয়োজন নাই ; ইহাতেই দেবতার আদেশ প্রতিপালন করা হইয়াছে। সুতরাং তাঁহার উপর আর কেহ বাঙনিষ্পত্তি করিতে পারিল না।

কিছুদিন পরে মহাসাহসিক মেসীনিয়াধিপতি সংগ্রামে নিহত হইলেন। তাঁহার সন্তানাদি কিছু না থাকায় মেসীনিয়ার রাজ্যসন শূন্য হইল। আরিষ্ট-ডীম্ এবং আর দুই জন তৎপদাকাক্ষী হইলেন। কিন্তু দৈবজ্ঞেরা আরিষ্ট-ডীমসের বিপক্ষতাচরণে প্ররৃত্ত হইয়া বলিল যে, কন্যাহত্যাপাতকের পাতকীকে রাজপদে অভিষিক্ত করা বৈধ নহে। কিন্তু সর্বসাধারণে, আরিষ্ট-ডীমস্ ব্যতীত আর কেহই রাজপদের যোগ্য পাত্র নাই, বিবেচনা করিয়া, দৈবজ্ঞের কথা উল্লেখন পূর্বক তাঁহাকেই রাজা করিল। উদারস্বভাব ও ন্যায়পরায়ণ আরিষ্ট-ডীমস্ সিংহাসনে আরোহণ পূর্বক আপনার পূর্ব প্রতিদ্বন্দ্বী দুই ব্যক্তিকে সুযোগ্য দেখিয়া সেনাপতিপদ প্রদান করিলেন। পরে 'স্পার্টার সংগ্রামে প্ররৃত্ত হইয়া তাহাতেও জয় লাভ করিলেন।

আরিষ্ট-ডীমস্ দেশের সৌভাগ্য ফিরাইবার জন্য যত দূর চেষ্টা করিতে হয়, তাহার অণুমানও ত্রুটি করেন নাই ; কিন্তু বিধাতা বাম হওয়াতে সে সমস্ত ফলফল হইল। তৎকালে মেসীনিয়ার পতনের পূর্বসূচনা

স্বরূপ নানা ছদ্ম্নিমিত্ত ঘটিতে লাগিল । একদা আর্টি-
মিস্ দেবীর হস্ত হইতে হঠাৎ চাদর খসিয়া ভূতলে
পতিত হইল; বলি দিবার নিমিত্ত যে সকল পশু দেবতা-
দিগের নিকট আনীত হইতে লাগিল, তাহারা যজ্ঞবেদীতে
মস্তকাঘাত করিয়া স্বয়ং প্রাণত্যাগ করিতে আরম্ভ
করিল । নগরে কুকুর সকল একত্র সমবেত হইয়া নিশা-
কালে ভয়ঙ্কর চীৎকার করত, স্পাটীরশিবিরে গমন
করিল । আরিষ্ট্‌ডীমস্ পালঙ্কে নিদ্রা বাইতে বাইতে একদা
এই অদ্ভুত সপ্ন দেখিলেন, তিনি যেন সশস্ত্রে যুদ্ধযাত্রা
করিতেছেন ; দেশের প্রথানুসারে ইতিপূর্বে দেবো-
দ্দেশে যে সমস্ত বলি প্রদান করিয়াছিলেন, তাহাদের
অন্ত্র সকল যেন তাঁহার সম্মুখে বেদীর উপর পড়িয়া
রহিয়াছে ; এমন সময় সহসা তাঁহার নিহতকণা কৃষ্ণ
পরিচ্ছদ ধারণপূর্বক তাঁহার সম্মুখে আবির্ভূত হইয়া
যেন বক্ষঃস্থলের কর্তৃ দেখাইল ; এবং সেই সকল
নাড়ীভূঁড়ি পিতার সম্মুখ হইতে ফেলাইয়া দিয়া তদীয়
অস্ত্রশস্ত্র অপহরণ পূর্বক তাঁহার অঙ্গে শ্বেতপরিচ্ছদ
ও মস্তকে স্বর্ণ মুকুট পরাইয়া দিল । আরিষ্ট্‌ডীমস্
জাগরিত হইয়া স্বপ্নবৃত্তান্ত আমূল স্মরণ করিয়া স্থির-
চিত্তে এইরূপ তর্ক করিতে লাগিলেন ; আজ আমি
যে রূপ স্বপ্ন দেখিলাম, ইহাতো বিলক্ষণ অমঙ্গলসূচক ;
মের্মানীয়েরা শ্বেত পরিচ্ছদ পরাইয়া মর্যাদাপন্ন
ব্যক্তিদিগকে গোর দেয় ; অতএব বোধ হয় আমার
আর বিলম্ব নাই ; আমাকে শীঘ্রই জীবলোক হইতে

অপমৃত হইতে হইবেক । হায় ! আমি হইতে জন্মভূমির কোন কার্য্যই সিঁহ হইল না ; কেবল নিজ দুহিতার প্রাণবধের জন্যই আমার জন্ম হইয়াছিল । হায় ; আমাকে ধিক্ ! এই দণ্ডেই আমার মরণ ভাল ; এই বলিয়া বিলাপ করত অবশেষে আত্মহত্যা দ্বারা প্রাণ-ত্যাগ করিলেন ।

যিনি দেশরক্ষার জন্য বিধিমতে চেষ্টা পাইতে-ছিলেন, মেসীনীয়েরা এক্ষণে তাঁহার বিরহে একবারে হতাশ হইল বটে, কিন্তু সাহসহীন হইল না ; বরং সকলেই বদ্ধপত্রিকর হইয়া বারংবার যুদ্ধযাত্রা করত দেশরক্ষার চেষ্টা পাইতে লাগিল ; কিন্তু ভ্রান্ত্যক্রমে ভ্রমে আত্মত্যাগপ্রদানবৎ সমুদয় বিফল হইল । ক্রমে ক্রমে মেসীনীয়দিগের সেনাপতির সকলেই সমরশায়ী হইলে তাহারা অগত্যা শত্রুহস্তে ইটোমি সমর্পণ করিল, এবং দেশত্যাগী হইয়া পলায়ন পূর্ব্বক নানাস্থানী হইয়া পড়িল । তাহারা দেশে থাকিল, স্পার্টায়েরা তাহাদিগকে হিলট্‌দিগের তুল্যবস্থ করিল । এইরূপে খৃঃ পূঃ ৭২৪ প্রথম মেসীনীয় সংগ্রাম পর্য্যবসিত হইল ।

আরিষ্ট মীনিসের কীর্তিকলাপ ।

ইহার পর প্রায় চল্লিশ বৎসর কাল মেসীনীয়েরা স্পার্টার অধীন থাকে । এই সুদীর্ঘ কালের মধ্যে তাহারা স্বাধীনতা পুনরুদ্ধারের বিশেষ চেষ্টা করিবার সুযোগ না পাওয়াতে ক্রমাগত শত্রুদিগের হস্তে অশেষ অত্যাচার সহ করিয়া আসিতেছিল । এক্ষণে তাহারা

সেই অসহ্য যাতনা আর সম্ব করিতে সমর্থ না হইয়া আপনাদিগকে দাসত্ব-শৃঙ্খল হইতে মুক্ত করিবার সুযোগ দেখিতে লাগিল। এই সময় তথায় আরিষ্টমীনিস্ নামে রাজবংশসম্বৃত এক জন বীরপুরুষ বর্তমান ছিলেন। এই পরমসাহসিক যুবাপুরুষ মেসীণীয়দিগের সৈন্যপত্ন্য গ্রহণ করিলে, তাহারা সংগ্রামে যাত্রা করিল। প্রথমে যে সংগ্রাম ঘটনা হয়, তাহাতে আরিষ্টমীনিস্ অসাধারণ সাহসসহকারে বিলক্ষণ রণকৌশল প্রদর্শন করেন; কিন্তু তদ্বারা বিশেষ ফলোদয় হয় নাই। ইহাতে মেসীণীয়েরা নিরুৎসাহ না হইয়া বরং আরিষ্টমীনিসের সেই অলৌকিক সাহসিকতা দর্শনে আপ্যায়িত হইয়া তাহাকে রাজ্যোপাধি দিবার প্রস্তাব করিল। কিন্তু তিনি তাহা অস্বীকার করিয়া বলিলেন, “আমার রাজ্যোপাধির প্রয়োজন নাই; আমি যেমন আছি, তেমনি থাকিতে পারিলে পরমাক্সাদিত হই”।

অতঃপর তিনি যে অসংসাহসিক কৰ্ম্ম করিয়াছিলেন, ইতিহাসমধ্যে তাহার উল্লেখ করিলে তাহা অলৌকিক বা অতু্যক্তি বলিয়া মনে হইতে পারে; কিন্তু বাস্তবিক তাহা নহে। তিনি একদা রজনীযোগে প্রচ্ছন্ন-ভায়ে স্পার্টা প্রবেশ পূর্ব্বক তত্রত্য মিনর্ভা দেবীর মন্দিরে প্রবিষ্ট হইয়া আগমনের নিদর্শন স্বরূপ এক খানি ঢাল তথায় ঝুলাইয়া দিয়া তাহাতে এই লিখিয়া আসেন “আরিষ্টমীনিস্ বিপক্ষদলের মধ্য দিয়া মিনর্ভাদেবীকে এই উপহার প্রদান করিলেন”।

স্পার্টায়েরা মেসীনীয়দিগের এইরূপ অন্যান্য পুরুষকার দর্শনে ভীত হইয়া আপলোদেবের আজ্ঞা জানিবার জন্য ডেজ্‌ফিতে লোক প্রেরণ করিলে পূজ-
য়িত্রী এই উত্তর করেন যে, আথেন্স হইতে এক জন
মন্ত্রণা দিবার লোক আনিয়া তাঁহার পরামর্শানুসারে
কার্য্য করিলে অনায়াসে কৃতকার্য্য হইতে পারিবে ।
অন্যথা ভদ্রস্থতা নাই । তদনুসারে স্পার্টায়েরা তদগো
আথেন্সে দূত পাঠাইয়া দিল । আথীনীয়েরা স্বদে-
শীয় কোন ব্যক্তিকে স্পার্টা পাঠাইতে নিতান্ত অসম্মত
ছিল; কিন্তু দেবতার আদেশ উল্লঙ্ঘন করিলে পাছে
দেবতা ক্রুদ্ধ হন, এই ভয়ে এক জন অকস্মণ্য যুগ্মকে
পাঠাইয়া দিল । এই প্রেরিত ব্যক্তির নাম টিটুস্ ।
তিনি সহজত্ব দ্বারা স্পার্টীয়দিগের নিকৃৎসাহ চিত্তকে
এত প্রোৎসাহিত করিয়াছিলেন যে, তাহার বন্ধপারিকর
হইয়া পুনঃ পুনঃ ঘোরতর সংগ্রামে প্রবৃত্ত হয় । কিন্তু
আরিষ্টমীনিম্ তাহাদিগকে সম্পূর্ণরূপে পরাজিত করি-
লেন; একং জয়লীবিভূষিত হইয়া মহাসমারোহে মেসী-
নীয়ায় প্রবিষ্ট হইলেন । পুরবাসিনী কামিনীরা তাঁহার
জয়লাভ অবশেষে পরমাজ্জাদিত হইয়া রাজপথে পুষ্প-
বৃষ্টি প্রভৃতি নানাবিধ মঙ্গলাচরণ করত তদীয় অবদান
সংকীৰ্ত্তন করিতে লাগিল ।

অনন্তর আর একটি ভয়ানক যুদ্ধ হয় । এই যুদ্ধেও
মেসীনীয়েরা জয়লাভ করে । তৎকালে স্পার্টায় এই
প্রথা প্রচলিত ছিল যে, তথাকার স্ত্রীলোকেরা দেব-

তার প্রীতিবর্জনার্থ সময়ে সময়ে স্তথায় গমন করিয়া নৃত্যগীতাদি করিত। একদা কতকগুলি স্পার্টায় কুমারী আর্টিমিস্ দেবীর মন্দিরে গমন করিয়া নৃত্য-গীতাদি করিতেছিল। ইহা জানিতে পারিয়া আরিষ্টমীনিস্ প্রচ্ছন্নভাবে তাহাদিগকে হরণ করিয়া পলায়ন করেন। পথে রাত্রি উপস্থিত হইলে মেসীনীয়ার কোন পল্লী-গ্রামে এক গৃহস্থের ভবনে বাসা ভায়েন। সেই স্থানে তাঁহার সমভিব্যাহারী কতকগুলি লোক মদ্যপানে মত্ত হইয়া কুমারীদিগের সতীত্ব নষ্ট করিতে উদ্যত হইলে আরিষ্টমীনিস্ তাহাদিগকে নিষেধ করেন ; কিন্তু সেই উন্মত্তেরা কিছুতেই তাঁহার উপদেশ গ্রাহ্য না করিয়া যখন ঐ গর্হিত কর্মের অনুরোধে পুনরুদ্রাজ্ঞ হইল, তখন তিনি ক্রোধে অধীর হইয়া সেই দুরাশ্রাদিগের কয়েক জনকে স্বহস্তে নিহত করিলেন। তদনন্তর কুমারীদিগকে তাহাদের পিতামাতার নিকট পৌঁছাইয়া দিয়া তাহাদের উদ্ধার-মূল্য গ্রহণপূর্বক প্রতিনিবৃত্ত হইলেন।

• অনন্তর তিনি আর একবার ঐরূপ কর্মে প্রবৃত্ত হইয়া তাহাদের অপহরণ করিতে যান, সেই অবলম্বিত আশ্রয়ার্থ প্রচুর সাহসিকতা প্রদর্শনপূর্বক লুণ্ঠিত অস্ত্র দ্বারা তৎসহচরবর্গকে হতাহত ও দূরীকৃত করিয়া পরিশেষে তাঁহাকেও বন্দী করিয়া লইয়া যায়। কিন্তু দেবযাজ্ঞিকা তাঁহার প্রণয়পাশে বদ্ধ হইয়া একদা রাত্রিযোগে তাঁহাকে বন্ধনমুক্ত করিয়া দিলে, তিনি

পলায়ন করিলেন । অবশেষে পূজয়িত্রী আপনার দোষ কাটাইবার জন্য এই কথা বলিলেন যে, তিনি আপনিই বন্ধন খুলিয়া পলায়ন করিয়াছেন ।

অতঃপর তাঁহার সহিত স্পার্টীয়দের আর একটা মহান্ সংগাম উপস্থিত হয় । এই সংগ্রামে যে এক জন আর্কেডীয় সেনাপতি মেসোনিয় সেনার অধিনায়ক ছিলেন, স্পার্টীয়েরা উক্ত সেনাপতিকে উৎকোচ দান দ্বারা নিরস্ত রাখিয়া সংগ্রামে জয় লাভ করে । এই যুদ্ধে পরাজয় হইলে আরিষ্টমীনিস্ মেসোনিয়দিগকে পূর্বপুরুষ চরিত বজ্রের অমুসরণে প্রবৃত্ত হইতে আদেশ করিয়া বলিলেন, “এখন এমন কোন অপ্রদূষ্য স্থান আশ্রয় করিতে হইবেক যে, তথায় থাকিয়া শত্রুদিগকে ব্যতিব্যস্ত করিতে পারা যায়, অথচ আপনাদের কোন অনিষ্ট না ঘটে; তদ্ব্যতীত উপায়ান্তর নাই” । সকলে তাঁহার উপদেশ শিরোধার্য্য করিয়া পূর্বপুরুষাধিষ্ঠিত ইটোমিগিরি আশ্রয় না করিয়া আয়িরা-নামক একটা পর্বত আশ্রয় করিল । এই গিরি প্রায় সমুদ্রতটে অবস্থিত । ইহার পাদদেশে নীড়া নদী প্রবাহিত হইতেছে ।

আরিষ্টমীনিস্ সৈন্যমধ্য হইতে তিন শত সমর-কুশল সৈন্য বাছিয়া লইয়া পার্শ্ববর্তী গ্রাম সকল আক্রমণ করিতে আরম্ভ করিলেন, এবং অধিবাসীদিগকে ব্যতিব্যস্ত করিয়া ভুলিলেন । ইহাতে এই হইল যে, স্পার্টীয়দিগের কৃষিকর্ম্ম একবারেই বন্ধ হইয়া গেল । ভগ্নিবন্ধন ক্রমশঃ দুর্ভিক্ষের সূত্রপাত হইয়া অবশেষে

আহারাভাবে স্পার্টায়দিগের অতিশয় কষ্ট হইতে লাগিল ।

আরিস্টমীনিস্ এইরূপে স্পার্টার আসন্নবর্তী স্থান সমস্ত আক্রমণ করিতে প্রবৃত্ত হইয়া নানা স্থান আক্রমণ ও লুণ্ঠ করিতে থাকেন ; একদা এইরূপ এক ব্যাপারে বহির্গত হইয়া হঠাৎ একদল স্পার্টায়ের সম্মুখে পতিত ও পঞ্চাশত অনুচরের সহিত বন্দীকৃত হইয়া স্পার্টায় নীত হইলেন । তথায় রাজাজ্ঞানুসারে সকলে একটা গভীর গুহায় নিক্ষিপ্ত হইলেন । পড়িয়া-মাত্র আর সকলেই প্রাণত্যাগ করিল ; কেবল আরিস্টমীনিস্ ভাগ্যে ভাগ্যে জীবিত রহিলেন । প্রবাদ আছে, যে সময় তাঁহাকে ফেলাইয়া দেয়, সেই সময় এক বাজপক্ষী আসিয়া পক্ষ দ্বারা তাঁহাকে আশ্রয় আশ্রয় গুহার তলায় লইয়া যায়, এজন্য তাঁহাকে আঘাত লাগে নাই । তিনি নিজ বস্ত্র দ্বারা সর্ব্বাঙ্গ শরীর আচ্ছাদিত করিয়া সহিষ্ণুতা সহকারে মৃতবৎ পড়িয়া থাকেন ; এবং অনাহারেই প্রাণবিরোগ হইবে, এই ভাবিতে ভাবিতে তাঁহার দুই দিবস অতীত হয় । তৃতীয় দিবসে একটা শব্দ হঠাৎ তাঁহার কর্ণকুহরে প্রবিষ্ট হইলে তিনি মুখের কাপড় খুলিবামাত্র একটা শৃগাল দৃষ্টিতে পাইয়া বিবেচনা করেন, “ এই শৃগাল নরমাংস খাইতে আসিয়াছে, অতএব বহির্গমনের কোন পথ থাকিবেক । অতএব ইহার অনুসরণ করিলে আমিও বহির্গত হইতে পারিব ” । এই স্থির

করিয়া তুষীংভাষে থাকিলে, যখন শৃগাল তাঁহার নিকটবর্তী হয়, তিনি অমনি তাহার লেজ ধরিয়া ফেলেন। শৃগাল ভয়ে দৌড়িতে আরম্ভ করে। তিনিও লান্দুলধারণপূর্বক তাহার পশ্চাৎ পশ্চাৎ ধাবমান হইয়া অবশেষে একটা সুরঙ্গের মধ্য দিয়া আলোক দেখিতে পান। সেই সুরঙ্গ দ্বারা শৃগাল সর্বদা গুহার মধ্যে যাতায়াত করিত। তিনি ঐ গর্ত প্রশস্ত করিয়া তদ্বারা বহিরাগমনপূর্বক আন্নিরায়উপাস্থিত হন। এদিকে আরিস্টমীনিম্ পুনর্বার আবিভূত হইয়াছেন, এই সংবাদ স্পার্টীয়দিগের কর্ণগোচর হইলে তাহারা ভ ত ও আশ্চর্যান্বিত হয়।

এই ঘটনার কিছুদিন পরেই কোন পর্বাহ উপলক্ষে কিয়ৎকালের জন্য উভয় জাতির পরস্পর সন্ধি হয়। সেই সময় আরিস্টমীনিম্ একদা বিনা অস্ত্রে আন্নির পর্বত হইতে বহির্গত হইয়া দৈবাৎ স্পার্টীয়দিগের ভূতিগ্রাহী সাতজন ক্রীটীয় তীরেন্দাজের সম্মুখে পতিত হন। তাহারা তাঁহাকে গ্রেপ্তার করিয়া তদগ্রে ধনুগুণ দ্বারা বাঁধিয়া ফেলিল, এবং সুসংবাদ দিবার নিমিত্ত দুইজনকে অগ্রে স্পার্টা প্রেরণ করিল। অবশিষ্টেরা তাঁহাকে লইয়া গমন করত পথে সন্ধ্যা উপস্থিত হইলে কোন এক বিধবার কুটীরে বাসা লইল। বাহার কুটীরে বাসা লইল, তাহার এক কন্যা ছিল। ইহার পূর্বরাত্রে সেই বালিকা এই স্বপ্ন দেখে, যেন কতকগুলি ব্যাজ্র নথরহীন এক সিংহকে বাক্ষিয়া আনিয়া

তাহার সম্মুখে উপস্থিত করিল; সে যেন সিংহকে বন্ধনযুক্ত করিয়া দিয়া তাহাকে নখ প্রদান করিল। সিংহ নখানুপ্রাপ্তিমাত্র ব্যাঘ্রদিগকে খণ্ড খণ্ড করিয়া ফেলিল। কন্যা বিবেচনা করিল, “গত কল্য যে স্বপ্ন দেখিয়াছি, তাহার অনেকাংশই সত্য হইয়াছে; এক্ষণে তাহার অবশিষ্ট অংশ সম্পন্ন করিতে প্রবৃত্ত হই।” এই বলিয়া আরিস্টটমীনিসের রক্ষী পুরুষদিগকে অতিমাত্র মদ্যপান করাইয়া তাহা-দিগকে অচেতন ও নিরস্ত্র করিল; এবং তরবারি দ্বারা আরিস্টটমীনিসের বন্ধন ছেদন করিয়া দিল। তখন আরিস্টটমীনিজ্ সেই তরবারি দ্বারা শত্রুদিগকে নিহত করিলেন, এবং প্রত্যুপকার স্বরূপ সেই কন্যার সহিত আপন পুত্রের বিবাহ দিলেন।

আয়িরাদুর্গ পরহস্তগত।

এই ঘটনার অতি অল্পদিন পরে আরিস্টটমীনিজ্ একজন দৈবজ্ঞ সমভিব্যাহারে ডেলফি গমন পূর্বক নিবেদন জানাইলে দেবীর এই আদেশ হইল, যখন সন্ধ্যা ছাগলে আসিয়া নীড়া নদীর জল পান করিবে, তখন মেসীনীয়ার সর্বনাশ হইবে। আরিস্টটমীনিজ্ এই বাক্যের প্রকৃত তাৎপর্য্য অবধারণ করিতে না পারিয়া তৎকালে ফিরিয়া আসিলেন। যখন আয়িরা দুর্গ দশ বৎসর কাল শত্রুদিগের দ্বারা অনরোধ করা হইয়াছে, তখন একদা সেই দৈবজ্ঞ নীড়া নদীর তীরে ভ্রমণ করিতে

করিতে নদীতীরবর্তী একটি বন্য উদ্ভূত বৃক্ষের শাখা সকল জলে নিমগ্ন রহিয়াছে দেখিয়া বিবেচনা করিল, মেসীনিয় ভাষাতে এই বৃক্ষের নাম মদ্রা ছাগল ; অতএব ইতিপূর্বে যে দৈববাণী হয়, বোধ হয় এত দিনে তাহাই সম্পন্ন হইল । এই স্থির করিয়া আরিস্টটমীনিস্কে গোপনে সেই স্থানে আনয়ন পূর্বক ঐ বৃক্ষ দেখাইল । তদদর্শনে আরিস্টটমীনিস্ চিন্তা করিয়া স্থির করিলেন, যখন দেবাদেশ সত্য হইল, তখন জন্মভূমি মেসীনিয়া এই বার বিধ্বংসিত হইল ।

ঈরা মেসীনিয়দিগের চরম দুর্গ । এই দুর্গ শুদ্ধ আরিস্টটমীনিসের যৎপরোনাস্তি ঐকান্তিক অধ্যবসায় দ্বারা ক্রমাগত দশ বৎসর কাল রক্ষিত থাকিয়া অবশেষে যেক্ষণে ইহার পতন হয়, তাহা পশ্চাৎ লিখিত হইতেছে ।

এক জন স্পার্টীয় ক্রীতদাসের সহিত কোন মেসীনিয় প্রহরীর বনিতার প্রসক্তি ছিল । যখন প্রহরী কার্যে যাইত, সেই অবসরে ঐ ক্রীতদাস সেই কামিনীর নিকট গতায়াত করিত । কিছু দিন এইরূপ হইলে দৈবাৎ একদা রাত্রিযোগে অবিজ্ঞান বৃষ্টি হইতে লাগিল । নিবিড় অন্ধকারে কোলের মানুষও চিনিতে পারা যাক্ নাই । এই দিবস আরিস্টটমীনিস্ অস্ত্রাঘাতনিবন্ধন অতিশয় পীড়িত ছিলেন । এজন্য যাবতীয় প্রহরিবর্গ একত্র মিলিত হইয়া এই পরামর্শ করিল যে, একপ ঘোরতর বৃষ্টির সময় স্পার্টীয়দিগের আক্রমণের কোন সম্ভাবনাই

নাই। অতএব এখন গৃহে যাইলেও কোন ক্ষতি হইবে না। এই যুক্তি স্থির করিয়া যাবতীয় দুর্গরক্ষক চৌকী ছাড়িয়া স্ব স্ব গৃহে প্রতিনিবৃত্ত হইল। মেসীনীয়ার মহিলা উপপত্যিকে লইয়া স্বভবনে আমোদ প্রমোদ করিতেছে, এমন সময় তাহার স্বামী আসিয়া উপস্থিত হইল। হঠাৎ স্বামীকে উপস্থিত দেখিয়া ঐ দুঃচারিণী উপপত্যিকে কোন গোপনীয় স্থানে লুকাইয়া রাখিয়া দ্বার খুলিয়া দিল এবং স্বামীর সহিত কথোপকথন করিতে করিতে চৌকী ছাড়িয়া গৃহে আসিবার কারণ জিজ্ঞাসা করিল। প্রহরী যেকপে দুর্গ অধিকৃত রাখিয়া আসিয়াছে সমস্ত বর্ণন করিল।

অনন্তর সেই দাস সমস্ত রক্তান্ত আমূল শ্রবণ করিয়া নিঃশব্দপদ সঞ্চারে গৃহ হইতে বহির্গমন পূর্বক দ্রুতবেগে স্পার্টায় শিবিরে উপস্থিত হইল এবং সেনাপত্যিকে যথাস্থত নিবেদন করিল। সেনাপতি, এমন সুযোগ আর হইবেনা, বিবেচনা করিয়া তৎক্ষণাৎ সৈন্যে যাত্রা করিলেন, এবং শূন্য দুর্গে প্রবেশ করিয়া প্রবোধে দুর্গ অধিকার করিলেন।

মেসীনীয়েরা তখনও কিছুই জানিতে পারে নাই। যখন দুর্গস্থ কুকুরগণ ভয়ানক চীৎকার করিয়া উঠিল, তখন মেসীনীয়েরা জানিতে পারিল, যে বিপক্ষেরা দুর্গ অধিকার করিয়াছে। কিন্তু তখন আর প্রতিবিধানের কোন চেষ্টা না করিয়া সে রাত্রি অমন চপ্ করিয়া থাকিল। পর দিবস প্রভাতসময়ে কি স্ত্রী,

কি পুরুষ, সকলেই আপন আপন অস্ত্র ধারণ পূর্বক স্তম্ভিত হইয়া, “হয় আজ শত্রুজয় করিব, নয় দেশের সহিত উৎসন্ন যাইব;” এই প্রতিজ্ঞা করিয়া শত্রুদিগের সম্মুখীন হইল। উভয় পক্ষের ঘোরতর সংগ্রাম উপস্থিত হইল। এদিকেও ঘোরতর বৃষ্টি এবং নেত্রপ্রতিঘাতিনী বিদ্যুতের সহিত ঘনঘটার ঘোরতর গভীর-গর্জনে কর্ণকুহর বধিরীকৃত হইতে লাগিল। তথাপি সমরানল নির্বাপিত হইল না। ক্রমাগত দুই দিবস কাল দিবারাত্রের মধ্যে এক দণ্ডের জন্যও বিক্রাম হয় নাই।

তৃতীয় দিবসে মেসীনীয়াদিগকে নিতান্ত ক্লান্ত দেখিয়া আরিষ্টগীনিষ্ আরিরা রক্ষার আশা একেবারে পরিত্যাগ করিলেন, এবং কতকগুলি মৈন্যে ব্যূহরচনা করিয়া যাবতীয় অবরোধ এবং বালকদিগকে তাহার মধ্যস্থলে সংস্থাপনপূর্বক শত্রুগণ্মিথানে বহির্গমনের পথ প্রার্থনা করিলেন। স্পাটিয়েরা অবোধে তাঁহার পথ প্রদান করিলে তিনি প্রস্থান করিলেন। প্রায় অনেকেই আয়িরা পরিত্যাগ পূর্বক তাঁহার সঙ্গে প্রস্থান করিল। খৃঃ পূঃ ৬৬৮ দ্বিতীয় সংগ্রাম শেষ হইল।

এই সকল পলাতকের অধিকাংশ লোকেই স্মার্টে-ডিয়াভিমুখে ধাবমান হইয়া তৎ তৎ স্থান আশ্রয় করিল। অবশিষ্টেরা সিসিলি যাইয়া তথায় বসতি করিল। সিসিলিতে মেসীনীয়াদিগের প্রতিষ্ঠাপিত মেসীনা নগর অদ্যাপি বর্তমান রহিয়াছে। আরিস্ট

মীনিস্ আর্কেডিয়ায় থাকিয়া স্পার্টীয়দিগের অনিষ্ট চিন্তায় নিমগ্ন থাকিলেন বটে, কিন্তু কাজে কিছুই হইল না। তাঁহার মনের আশা মনেই রহিল। কিছুদিন পরে রোডমুদ্রীপের রাজকুমার দৈববাণী প্রণোদিত হইয়া বীরাগ্রণী আরিষ্টমীনিদের দুহিতার পাণিগ্রহণ করিলে তিনি তথায় যাইয়া জীবনের অবশিষ্ট ভাগ স্বচ্ছন্দে ও নিরুপদ্রবে অতিবাহিত করিলেন।

অথ্যায়িডিস্ ।

এইরূপে স্পার্টাবাসীরা সমস্ত মেনোনিয়ার অধীশ্বর হইয়া স্পার্টার অপর পার্শ্ববর্তী আর্গস্বাসীদিগের সহিত বিবাদে প্রবৃত্ত হইল। স্পার্টা এবং আর্গস্ উভয়ের মধ্যস্থলে টাইরিয়া-নামক একটা প্রদেশ আছে। এই প্রদেশ লইয়া বহুকালাবধি দুই জাতির ঘোরতর সংগ্রাম চলিতে ছিল। একদা স্পার্টীয়-সেনাপতি অথ্যায়িডিস্ কিয়দংশ সৈন্যসমভিব্যাহারে এই দেশে প্রবেশ করিলেন, তাহাতে যুদ্ধের উপক্রম হইলে আপসে এই বন্দোবস্ত হইল যে, উভয়ক্ষেত্রে তিন শত করিয়া সৈন্য বাছিয়া লইয়া যুদ্ধে প্রবৃত্ত হইতে হইবেক, তাহাতে যে পক্ষের জয়লাভ হইবেক, টাইরিয়া তাহা দেবই সম্পত্তি হইবেক। এইরূপ বন্দোবস্ত হইলে ছয়শত সৈন্যে যুদ্ধ আরম্ভ হইল; এবং যুদ্ধাবসানে আর্গস্বাসীদিগের দুইজন এবং স্পার্টীয়দিগের সেনাপতি একাকী মাত্র জীবিত রহিলেন; আর সকলেই মমরশায়ী হইল। আর্গস্বাসী দুই জন বিজয়সংবাদ দিবার জন্য রাত্রি-

যোগেই গৃহ প্রস্থান করিল। কিন্তু স্পার্টীয় সেনাপতি অথ্রায়েডিস্ মৃত আর্গিব ৭ দিগের সমস্ত অস্ত্রশস্ত্র গহণ পূর্বক স্বীয় ঈক্কাবারে গমন করিলেন।

পরদিবস প্রাতঃকালে সকলে একত্র হইলে কোন্ পক্ষের জয়, এই লইয়া মহান্‌গোলযোগ উপস্থিত হইল। আর্গিবেরা, যুদ্ধাবসানে তাহাদের দুই জন জীবিত আছে, এই বলিয়া জয়ত্রীর প্রার্থী হইল। এদিকে স্পার্টীয়েরা তাহাদের সেনাপতি রণভূমি পরিত্যাগ করেন নাই ; অতএব তাহাদেরই জয় এই বলিয়া নিতুণ করিতে লাগিল। অবশেষে এই গোলযোগ একটি সাধারণ সংগ্রামে পরিণত হইলে স্পার্টীয়েরা জয়লাভ করিল। অথ্রায়েডিস্ সন্ধি যোদ্ধারা সকলেই মরিয়াছে, আমি একাকী জীবিত আছি, এই ঘৃণাতে যুদ্ধাবসানে আত্মহত্যা দ্বারা প্রাণত্যাগ করিলেন।

তৃতীয় অধ্যায় ।

আখীনীয় শাসন-প্রণালী ।

স্পার্টার প্রতিপক্ষ আথেন্সের বৃত্তান্ত লিখিতে আরম্ভ করিবার পূর্বে ইহার শাসনপ্রণালী-ঘটিত কিছু কিছু বৃত্তান্ত সংক্ষেপে লেখা যাইতেছে।

৫ গ্রীকভাষাতে অ'র্গিস্ এই শব্দ হইতে আর্গিব এই বিশেষণ পদ সিদ্ধ হ'ল, যেমন বাঙ্গালি হইতে বাঙ্গালি।

স্পার্টার ন্যায় আথেন্সের শাসন-প্রণালীর ঘোর-
 তর বিশৃঙ্খলা বিদ্যমান হইলে, আথেন্সবাসীরা তন্নি-
 বারণার্থ, যোগ্য জানে (খৃঃ পূঃ ৫৯৪) সোলনকে
 আর্কিস্থ-পদে অভিষিক্ত করিয়া রাজ্যমধ্যে হুতন
 ব্যবস্থা প্রচলিত করিবার সম্পূর্ণ শক্তি প্রদান করিল।
 সোলন, যেক্রপ ব্যবস্থা প্রচলিত করিলে বর্তমান গোল-
 যোগ নিবারণ হয় ; অথচ সর্বসাধারণে সন্তুষ্ট হইয়া
 আক্বেশে বাহা প্রতিপালন করিতে পারে ; এক্রপ যে
 আঁভনব ব্যবস্থাবলী প্রণীত করিলেন, তাহা লাইকর্গস্
 প্রণীত বিধানমালা হইতে সম্পূর্ণ স্বতন্ত্র ; অর্থাৎ তিনি
 আটিকা প্রদেশে স্পার্টার ন্যায় ভূমির সমান বিভাগ,
 হিলট্জাতির ব্যবস্থা বা সাধারণে মিলিয়া একত্র
 ভোজন পদ্ধতি প্রভৃতি প্রচলিত করেন নাই। তিনি
 নিতান্ত দীন দুঃখীদিগের প্রতি সান্নিকুল হইয়া তাহা-
 দিগকে ঋণমুক্ত করিয়া দিলেন ; এবং শরীর বা ভূমি
 সম্পত্তি বন্ধক রাখিয়া ঋণপদ্ধতি একেবারে রহিত
 করিয়া দিলেন। টাকার মূল্য কিয়ৎপরিমাণে বাড়াইয়া
 দিয়া ঋণকর্তাদিগের অধিক শুদদিবার কষ্ট নিবারণ
 করিলেন ; অথচ মহাজনদিগেরও তাহাতে বিশেষ
 ক্ষতি হইল না ; এবং নামমাত্র তাহাদের ধনবৃদ্ধি
 হইল।

অতঃপর তিনি হত্যাবিধি ভিন্ন দ্রোঁকোপ্রণীত সমস্ত
 ব্যবস্থা রহিত করিয়া দিলেন। বিচারাধ্যক্ষতাও রাজ্যের
 অন্তান্ত কর্মের ভার ধনীদিগের উপর সমর্পণ করি-

লেন। নগরবাসীদিগের আয় ও সম্পত্তি অনুসারে তাহাদিগকে চারি শ্রেণীতে বিভক্ত করিয়া প্রথমশ্রেণীস্থ লোকদিগকে আর্কনুপ্রভৃতি উচ্চপদ লাভের যোগ্যতা প্রদান করিলেন; দ্বিতীয়শ্রেণীস্থ লোকদিগকে সংগ্রাম সম্পর্কীয় তুরগসৃাদীর, এবং তৃতীয় শ্রেণীস্থ দিগকে অস্ত্রধারী পদাতি সৈন্যের পদলাভের যোগ্যতা প্রদান করিলেন; এবং চতুর্থশ্রেণীস্থ লোকদিগকে কোন কার্যে নিযুক্ত না করিয়া তাহাদিগকে এই ক্ষমতা প্রদান করিলেন যে, তাহারা লোকদিগের প্রকাশ্য মহাসভায় সভ্য হইয়া সকল বিষয়ে আপন আপন সম্মতি প্রদান করিতে পারিবেন। ইহাতে লোকদিগের ক্ষমতা অতিশয় বৃদ্ধি পাইল; কেননা আথেন্সে এই নিয়ম ছিল যে, বিচারকর্তারা কোন বিষয় নিষ্পত্তি করিলে, তাহা প্রকাশ্য লোক-সভায় পুনর্বিচারের জন্য প্রেরিত হইত; সুতরাং ঐ সভার শক্তি অতিশয় বৃদ্ধি পাইবার সম্ভাবনা দেখিয়া তম্নি-হারণার্থ, আরিয়'পেগস্-নামক বিচার সভার উপর কর্তৃত্ব তার সমর্পণ পূর্বক লোকদিগের শক্তি সংযত করিলেন। এতদ্ভিন্ন চারিশত সভ্য আর একটি মন্ত্রণা সভা সংস্থাপিত করিলেন। অতএব দেখা যাইতেছে

১ আরিসনামক পর্বতের উন্নত প্রদেশে এই সভা সংস্থাপিত ছিল, একারণ উহার নাম আরিয়পেগস্ হইয়াছিল; কেহ বলেন এই সভা সোলন প্রতিষ্ঠিত করেন; কিন্তু বাস্তবিক তাহা নহে, এই সভা সোলনের সময়ের অনেক পূর্বেই প্রতিষ্ঠিত হয়।

যে, লোকদিগের হস্তে অধিক ক্ষমতা দেওয়াই তদীয় ব্যবস্থার প্রধান উদ্দেশ্য ছিল।

এতভিন্ন তিনি আরো কতকগুলি স্থানিয়ম প্রবর্তিত করিলেন। লোকেরা স্বার্থপর না হইয়া দেশ-হিতৈষী হয়, এই অভিপ্রায়ে তিনি আজ্ঞা করিলেন, রাজ্য-মধ্যে কোন বিরোধ উপস্থিত হইলে, যদি কেহ এক পক্ষের সাহায্য না করে, তবে তাহাকে নির্বাসিত করা যাইবেক। ইহাও আদেশ করিলেন যে, কাহার ক্ষতি বা অপমান হইলে তৎপক্ষ আশ্রয় করিতে হইবেক। নিঃসন্তান ব্যক্তি স্বেচ্ছাপূর্ব্বক আপন বিষয় দান বিক্রয় করিতে পারিবেক। সকলে পরিশ্রমী হয় এই অভিপ্রায়ে তিনি আদেশ করিলেন যে, যে ব্যক্তি কোন প্রকার ব্যবসায়-অবলম্বন পূর্ব্বক অর্থোপার্জন করিবেক, ইহা সপ্রমাণ হইলে, তাহার সমুচিত দণ্ড বিধান হইবেক। যদি পিতা পুত্রকে কোনরূপ ব্যবসায়ে নিযুক্ত না করেন, তবে তাঁহার বৃদ্ধাবস্থায় পুত্র পিতাকে প্রতিপালন করিতে পারিবেক না, ইহাও আদেশ করিলেন। সোলন আরো আজ্ঞা করিলেন, যে কেহ প্রকাশ্যে কাহার গ্লানি বা তিরস্কার করিতে পারিবেক না। স্ত্রীলোকদিগের সতীত্ব রক্ষা বিষয়ে তাঁহার একরূপ কঠোর আদেশ ছিল যে, যে ব্যক্তি সতীত্ব নষ্ট করিয়া ধরা পড়িবেক, তাহার প্রাণদণ্ড হইবেক। চুরি করিয়া ধরা পড়িলে, চোরিত অর্থের দ্বিগুণ অর্থ দণ্ডস্বরূপ দিতে হইত। ফলতঃ সোলনের

শাসনকাল অতিক্রান্ত হইলে, আমেরিকার ইয়ুনাইটেড ষ্টেটের ন্যায় আথেন্সের সমস্ত রাজকার্য সাধারণ লোক কর্তৃক সম্পাদিত হইত ।

সালামিস-বিজয় ।

আথেন্সের ব্যবস্থাপক মহোদয় সোলন কোড্রসের বংশসম্ভূত ছিলেন । কাব্যশাস্ত্রের আলোচনা এবং কবিতারচনা বিষয়ে ইহার বিলক্ষণ অনুরাগ ছিল ; এমন কি তাঁহার কতকগুলি কবিতা অদ্যাপি লোক-সমাজে পরিগৃহীত হইয়া পাঠকবর্গের পরম সন্তোষ বিধান করিতেছে ; বোধ হয়, বতকাল বিদ্যার আদর ও অনুশীলন থাকিবেক, ততকাল সকলেই সমাদর-সূৰ্ব্বক তাহা পাঠ করিবেন । অধিক কি বলিব, গ্রীস-দেশের সাত জন ভুবন-বিখ্যাত পণ্ডিতের মধ্যে সোলন এক জন । তিনি সৈনিক-কার্য্যে ও রাজনীতি-বিষয়েও বিলক্ষণ পারদর্শী ছিলেন । যে দুইটা কার্য্য দ্বারা তাঁহার উক্ত পারদর্শিতা জনসমাজে প্রতিষ্ঠিত হইয়া ছিল, তাহার বিবরণ নিম্নে লিখিত হইতেছে ।

আটিকা এবং করিন্থ-বোজকের মধ্যবর্তী সংকীর্ণ ভূভাগের অধিবাসীদিগকে মাগেরিয়ান্ কহে । সালামিস দ্বীপ লইয়া মাগেরীয়দিগের সহিত আধীনীয়দিগের বহুকালাবধি ঘোরতর সংগ্রাম চলিতেছিল ; কিন্তু এ পর্য্যন্ত কোন পক্ষই কৃতকার্য্য হইতে পারে নাই ; বরং সমরানল প্রজ্জ্বলিত থাকায় আধীনীয়-

দিগেরই বিশেষ কৃতি হইতে লাগিল ; এজন্য আখীনীয়েরা অতিশয় বিরক্ত হইয়া আথেন্সमध्ये এই আইন প্রচারিত করিল যে, অতঃপর যে ব্যক্তি সাল্যামিস দ্বীপ-জয়ের কথা পুনর্ব্বার মুখে আনিবেক, তৎক্ষণাৎ তাহার প্রাণদণ্ড হইবেক। সোলন স্বদেশের এই অসম্মান দর্শনে অতিশয় দুঃখিত হইলেন। দেশীয় যুবকগণ পুনর্ব্বার যুদ্ধ করিতে আন্তরিক নিতান্ত উৎসুক আছে; কিন্তু প্রাণভয়ে তাহা ব্যক্ত করিতে পারিতেছে না ; ইহা স্পষ্ট বুঝিতে পারিয়া তাহাদের অতিপ্রায় সাধনের জন্ম মনে মনে যে কৌশল-কল্পনা করিলেন তাহা এই :—সোলন ক্ষিপ্ত হইয়াছেন, এই কথা প্রকাশ্যে প্রচার করিয়া দিয়া, তিনি কিছু দিন গৃহ হইতে বহির্গত হইলেন না, এবং এই অবসরে সাল্যামিসের বৃত্তান্ত ঘটিত কতকগুলি কবিতারচনা মনোনিবেশ করিলেন। রাত্রিদিব পরিশ্রম দ্বারা তাহা সম্পূর্ণ ও কঠিন করিয়া একদা একটা নাইটকাপের টুপি মাথায় ক্ষিপ্তবেশে সহসা রাজপথে বহির্গত হইলেন। তদর্শনে যাবতীয় লোক বিস্মিত ও তাঁহার নিকট উপস্থি হইয়া তাঁহাকে বেষ্টন করিয়া চতুর্দিকে দাঁড়াইল, সোলন প্রস্তুতময় একটা উন্নত বেদিকায় আরোহণ পূর্ব্বক স্বপ্রণীত কবিতাবলী কল্পণ ও গদ্য গদ্যে আরুতি করিতে আরম্ভ করিলেন। তাহা শুনিয়া সোলনের যুদ্ধগণ তদীয় কবিত্বশক্তির ভূরি ভূরি প্রশংসা করতঃ নাগরবাসী লোকদিগকে সেই

মত কার্য্য করিবার জন্য বিশেষ অনুরোধ করিলে, আথেন্সবাসী সমস্ত লোক তাঁহার মতানুসরণ কার্য্য করিতে দৃঢ়প্রতিজ্ঞ হইয়া তৎক্ষণাৎ পূর্ব্বতন আইন রহিত করিয়া দিল; এবং সমরযাত্রার আয়োজনে প্রবৃত্ত হইয়া যুদ্ধের সমস্ত কর্তৃত্বভার সোলনের হস্তে সমর্পণ করিল।

সোলনের উপর এই ভার সমর্পিত হইলে, তিনি সসৈন্যে সালামিস্-বিজয়ার্থ বহির্গত হইলেন, এবং ঐ দ্বীপের বিপরীত উপকূলে উপস্থিত হইয়া দেখিলেন যে, আর্থানীয় মহিলাগণ তথায় ডেমিট্রু'-দেবীর মহোৎসব উপলক্ষে সমাগত হইয়া আমোদ প্রমোদ করিতেছে। পরে তিনি মনে মনে কল্পনা করিয়া সালামিস্ দ্বীপে একজন লোক পাঠাইয়া, দ্বীপবাসীদিগকে যেকপ বলিতে হইবেক, তাহা বলিয়া দিলেন। প্রেরিত ব্যক্তি দ্বীপে উপস্থিত হইয়া তত্রত্য মাগেরীয়দিগকে বলিল “আনি আথেন্স্ হইতে পলাইয়া আসিয়াছি, যদি তোমাদের আর্থানীয়দিগকে স্ববশে আনিবার ইচ্ছা থাকে, তবে আমার সঙ্গে আইস, আমি যাইব। মাত্র তোমাদের মনোরথ সিদ্ধ করিয়া দিব; কারণ কতকগুলি আর্থানীয় প্রধান প্রধান যুবতী কোন স্থানে আমোদ প্রমোদ করিতেছে, আমার সঙ্গে

২ আমাদিগের দেশে যেমন কমলা, গ্রীষ্মদিগের তেমনি ডেমিট্র দেবী শস্যাদি দেবতা। ইহা রিকুপায় মেদিনী শস্যাদি হয়েন।

নাহাদিগকে ধরিতে পারিবে।” তাহার এই কথা শুনিয়া মাগেরীয়েরা পোতারোহণপূর্ব্বক তদগুণে যাত্রা করিল। এদিকে সোলনও প্রস্তুত ছিলেন; শত্রুদিগকে আগত প্রায় দেখিয়া, যুবতীদিগকে গৃহে পাঠাইয়া দিলেন; এবং কতকগুলি যুবককে স্ত্রীবেশ ধারণ করাইয়া তাহাদের প্রত্যেকের বস্ত্রमध्ये এক এক অস্ত্র লুক্কায়িত করিয়া দিয়া বলিয়া দিলেন, (যতক্ষণ না শত্রুরা আসিয়া তীরে অবরুদ্ধ হয়, ততক্ষণ তোমরা নৃত্যগীতাদি করিতে থাক)। তাহারা তাহাই করিতে লাগিল। মাগেরীয়েরা তীরে উত্তীর্ণ হইয়া যেমন তাহাদিগকে ধরিতে গেল, অমনি সোলনের ষড়্‌যন্ত্রে পতিত হইয়া স্ত্রীবেশধারী যুবকগণ কর্তৃক নিহত হইল। পরে আথীনীয়েরা সমুদ্র অতিক্রমপূর্ব্বক অবলীলাক্রমে দ্বীপ অধিকার করিল।

ক্রীসীয় সমর।

এই বিজয়ের কিছু দিন পরে সোলন অার একটা মহৎকার্য সম্পন্ন করেন। ক্রীসার অধিবাসীরা ধর্ম বিরুদ্ধ কোন কার্যের অনুষ্ঠান করিলে তন্নিবারণার্থ গ্রীসে যে এক সংগ্রাম উপস্থিত হয়, তাহা ধর্ম সংগ্রাম বলিয়া প্রসিদ্ধ। এই সংগ্রামে সমস্ত গ্রীস একেবারে উৎসন্ন বাইবার উপক্রম হইয়া উঠে। যে কারণে এই সংগ্রাম উপস্থিত হয়, তাহা এইঃ—ডেল্‌ফির ধর্মক্ষেত্র সমুদ্রতীর হইতে অধিক দূর নহে, এজন্য ইয়ু-

রোপের অধিকাংশ যাত্রী জলপথে আসিয়া ক্রীসার বন্দরে উত্তীর্ণ হইত ; এবং ক্রীসার অভ্যন্তর দিয়া ডেল্‌ফি যাত্রা করিত । ক্রীসীয়েরা প্রথম প্রথম তাহাদিগের নিকট হইতে কিছু কিছু কর লইতে আরম্ভ করিয়া পরিশেষে তাহাদের উপর গুরুতর কর সংস্থাপিত করিলে, ডেল্‌ফির যাত্রী সংখ্যা ক্রমে ক্রমে অল্প হইয়া আসিল । ডেল্‌ফিবাসীরা ক্রীসীয়দিগের এই অত্যাচার গ্রীসের আফ্রিকটিয়ানী ৩ সাধারণ সভায়, আবেদন করিলে, সভ্যমণ্ডলীর এই আদেশ হইল যে, যাত্রীগণ বিনা শুল্কে ক্রীসার অভ্যন্তর দিয়া ডেল্‌ফির দেবালয়ে গতি বিধি করিতে পারিবেক ; তাহাতে যদি কেহ আপত্তি করে, তাহাকে সমুচিত দণ্ড ভোগ করিতে হইবেক । সভার এই আদেশ ক্রীসীয়দিগের কর্ণগোচর করিলে, তাহারা তাহা অগ্রাহ করিল ; এবং ডেল্‌ফি লুণ্ঠনে ক্রতসংকল্প হইয়া অবিলম্বে তাহা সম্পন্ন করিল । সেই পাপাত্মার শুদ্ধ তাহাতেই যে সন্তুষ্ট রহিল এমন নহে, পরন্তু তত্রত্য ধনাগারস্বরূপ সেই দেবালয় পর্য্যন্ত লুট করিয়া তথাকার অধিবাসীদিগকেও হতাহত করিতে আরম্ভ করিল ।

ইহা শুনিয়া আথেন্স সমাজের প্রতিনিধি পরম

৩ প্রাচীন গ্রীকদিগের সাধারণ সভা আফ্রিকটিয়ান নামক ব্যক্তির প্রতিষ্ঠাপিত বলিয়া ইহা আফ্রিকটিয়ানী সভা বলিয়া খ্যাত ।

ধার্মিক সোলন, যার পর নাই কুপিত হইয়া সেই
 ঐশ্বর্যাদিগের দমনে ক্রুতসংকল্প হইলেন, এবং
 আফিক্টিয়নীয়-সভায় উপস্থিত হইয়া ক্রীসীয়দিগের
 অত্যাচার সকল বর্ণনপূর্ব্বক তাহাদের প্রতিকূলে যুদ্ধ
 যাত্রার প্রস্তাব করিলেন, এবং অনেক তর্ক বিতর্কের পর
 তদ্বিষয়ে সভাসদগণের মত হইল ; পরে ক্রমে ক্রমে এই
 সংবাদ গ্রীসের সর্বত্র প্রচারিত করা হইলে, এবং
 সমস্ত প্রদেশ হইতে সৈন্য আসিয়া আথীনীয়দিগের
 সহিত মিলিত হইলে, ঘোরতর সংগ্রাম উপস্থিত হইল।
 ক্রীসীয়েরা দশ বৎসর কাল প্রাণপণে যুদ্ধ করিয়া
 অবশেষে পরাজিত হইলে, তাহাদের অনেকেই নিহত
 হইল, কতক বা বিক্রীত হইয়া দাসত্ব শৃঙ্খলে বদ্ধ
 হইল।

এইরূপে ধর্ম্মসংগ্রাম পর্য্যবসিত হইলে, সোলন
 আথীনীয়দিগকে আহ্বান করিয়া এই পরামর্শ দিলেন
 যে, আজ অবধি ক্রীস প্রদেশ দেবতার সম্পত্তি বলিয়া
 পরিগণিত হউক, এবং সকলে শপথ করিয়া বলুন
 যে, কোন ব্যক্তিই সেখানে কৃষিকর্ম্ম করিতে পারি-
 বেন না। সকলে তাঁহার মতেই মত দিলেন, এবং সেই
 অবধি সেই স্থান দেবস্বমধ্যে পরিগণিত হইল।

ঠিক এই সময় আথীনীয় ব্যবস্থাপক সমাজের
 অধ্যক্ষতা ভার সোলনের উপর সমর্পিত হয়। তিনি
 সমস্ত বিধানমালা লিপিবদ্ধ ও প্রচারিত করিয়া সক-
 লকে আহ্বানপূর্ব্বক বলিলেন, “ আমি সংপ্রতি যে

নিয়মগুলি লিপিবদ্ধ করিয়া প্রচারিত করিলাম, তাহা অন্যান্য নিয়মাবলীর অপেক্ষা উৎকৃষ্ট হউক বা না হউক, আথীনীয়দিগের পক্ষে যে সর্বোৎকৃষ্ট ও পরম মঙ্গল-কর হইবেক তাহাতে অনুমাত্র সন্দেহ নাই। এক্ষণে আমার অতিশয় দেশভ্রমণেচ্ছা হইয়াছে, এক্ষণে দশ-বৎসরের অনুমতি প্রার্থনা করি, আর তাহার সঙ্গে আমার ইহাও প্রার্থনীয় যে, আমি যে পর্য্যন্ত দেশ ভ্রমণ করিয়া ফিরিয়া না আসিব, ততদিন কেহ মৎ-প্রণীত নিয়মাবলীর কোনরূপ পরিবর্তন করিতে পারিবেক না ”। তাহার এই প্রস্তাবে সকলে সম্মত হইয়া তদীয় বিধানমালার যথা-বদন্তুপালনে প্রতিজ্ঞাবদ্ধ হইলে তিনি আথেন্স্ পরিত্যাগ পূর্ব্বক মিসরাতিমুখে যাত্রা করিলেন ; এবং সেই প্রসিদ্ধ রাজ্যে উপস্থিত হইয়া অত্রত্য বিদ্বন্মণ্ডলীর সহিত সদালাপে কিছুকাল অতি-বাহিত করিয়া, তথা হইতে সার্ডিস্ অবলোকনে যাত্রা করিলেন। সার্ডিস্ আসিয়ার অন্তঃপাতী লীডিয়া-নামক রাজ্যের রাজধানী। তৎকালে ক্রীসস্ তথাকার সত্ৰাট্ ছিলেন। প্রখ্যাত আছে লীডিয়াধিপতি ক্রীসস্ (তদানীন্তন ষাৰতীয় আসিয়িক সত্ৰাট্ অপেক্ষা ধনবান ছিলেন। তাহার বিচারালয় গ্রীক-পাণ্ডিতগণের আবাস ভূমি ছিল॥

ক্রীসস্ সোলন ।

সোলনের সার্ডিসে উপস্থিত হইবার অল্পদিন পরে,

রাজভৃত্যের। রাজার আদেশক্রমে তাঁহাকে রাজভবন দেখাইতে লইয়া যায়। তিনি সমস্ত রাজসম্পত্তি দেখিয়া ফিরিয়া আসিলে, ক্রীসস্ তাঁহাকে জিজ্ঞাসা করিলেন ; “ আনি শুনিয়াছি আপনি নানা দেশ ভ্রমণ করিয়া হাশেম জ্ঞানের আধার হইয়াছেন। অতএব জিজ্ঞাসা করি এপর্য্যন্ত আপনি যত লোক দেখিয়াছেন, তাহাদের মধ্যে কাহাকে আপনার সমধিক সুখী বলিয়া বোধ হইয়াছে ? ” এই প্রশ্ন করিয়া সম্রাট্ সম্পূর্ণ আশা করিলেন যে, সোলন্ তাঁহারই নাম উল্লেখ করিবেন। কিন্তু সোলন্ কহিলেন, “ আনি এপর্য্যন্ত যতলোক দেখিয়াছি, সকলের মধ্যে আথেন্স্-বাগী টেলস্-নামক কৃষক সমধিক সুখী । ” ক্রীসস্ কহিলেন, কিসে আপনার টেলস্কে সমধিক সুখী বলিয়া বোধ হইয়াছে, জানিতে ইচ্ছা করি । ” সোলন্ উত্তর করিলেন, তিনি অধিক ধনবান্ বা নিতান্ত দরিদ্র ছিলেন না ; তাঁহার যাহা অপ্রতুল হইত, তাহা পরিশ্রম দ্বারা উপার্জন করিতেন ; দেশের শ্রীবৃদ্ধি দেখিয়া ছিলেন ; তাঁহার অনেক গুণ্ডি শিষ্টশাস্ত্র সন্তান ছিল ; এবং তাহাদের ও সন্তান সন্ততি হইয়া সকলেই জীবিত ছিল। এ বিধায় সংসার মধ্যে শোক কাহাকে বলে, টেলস্ তাহা জানিতেন না। প্রিয়সাহস টেলস্, পুত্র পৌত্রাদি রাখিয়া অবশেষে স্বদেশ রক্ষার্থ যুদ্ধে প্রাণত্যাগ করিলে তদীয় মৃতশরীর সাধারণের ব্যয়ে সেই রণক্ষেত্রেই সমাহিত হয়। মহাশয়। এক জন মনুষ্যের ভাগ্যে ইহা অপেক্ষা

স্বথজনক বিষয় আর কি হইতে পারে ? অতএব টেলস্-কেই যথার্থ স্বথী বলিয়া আমার বিবেচনা হইয়াছে । ”

ইহা শুনিয়া ক্রীসস্ পুনর্বার জিজ্ঞাসা করিলেন, “ টেলসের পর স্বথী কে ? ” সোলন্ কহিলেন “আর্গ-সের অধিবাসী ক্রিয়োবিস্ এবং বীটন্ নামক দুই ভ্রাতা ছিলেন। একজন জীবতমান্ ব্যক্তির পক্ষে যে যে সামগ্রী উপাদেয় ও নিতান্ত আবশ্যক, তাঁহাদের তাহার অসম্ভাব ছিলনা ; তাঁহাদের শরীরে অপরিমিত বল ছিল ; তন্নিবন্ধন তাঁহারা বৎসর বৎসর প্রকাশ্য ক্রীড়া মহোৎসবে পুরস্কার লাভ করিতেন। প্রবাদ আছে, একদা তাঁহাদের জননী শকটারোহণে হারা দেবালয়ের মেলা দর্শনোপলক্ষে যাত্রা করেন ; আড়াই কোশের অধিক পথ থাকিতে সূর্যগণ অতিশয় ক্লান্ত হইলে, সময়ে নগরে পৌঁছিবার জন্য ভাতৃদ্বয় স্বয়ং শকট টানিয়া মহোৎসবসমাজে উপস্থিত হন। তথায় সমাগত যাবতীয় লোক তাঁহাদের মাতৃভক্তির পরাকাষ্ঠা দর্শনে প্রশংসা করিতে লাগিলেন ; স্ত্রীলোকেরা, তাঁহারই পুত্র-প্রসব সার্থক বলিয়া, তদীয় জননীর ভূরি ভূরি প্রশংসা ও তাঁহাকে আশীর্বাদ করিতে লাগিলেন। জননী, পুত্রদিগের এইরূপ প্রশংসাবাদ শ্রবণে আক্সাদে পরিপূর্ণ হইলেন ; এবং দেব-প্রতিমার সম্মুখে দণ্ডায়মান হইয়া “ দেবি ! মনুষ্যের পক্ষে যাহা কিছু উপাদেয় পদার্থ, অনুগ্রহ করিয়া আমার পুত্রদিগকে তাহাই প্রদান করুন ; ” এই বলিয়া দেবীর আরাধনা করিলেন। অনন্তর আহারাদি

সমাপ্ত হইলে, ভ্রাতৃদ্বয় দেবীমন্দিরে প্রবেশপূর্বক যে নিদ্রা যাইলেন আর উঠিলেন না। ইহাদিগকেও আমার বিলক্ষণ স্মৃখী বলিয়া বোধ হইয়াছে।

অনন্তর ক্রীসস্ অতিশয় বিরক্ত হইয়া জিজ্ঞাসা করিলেন, “আপনি কেমন করিয়া এই সকল অপ্রসিদ্ধ লোকদিগকে সম্পূর্ণ স্মৃখী বলিয়া নির্দেশ করিলেন, আর আমাকে তাহাদের অপেক্ষা অপস্মৃখী বিবেচনা করিলেন?” এতৎ প্রবণে মহাপ্রাজ্ঞ সোলন্, মনুষ্য-জীবনের অস্থিরতা এবং অবস্থার প্রতিকূলতা মনে মনে চিন্তা করিয়া অবশেষে এই বলিয়া বাক্যসমাপন করিলেন, “রাজন্! আমি কোন ব্যক্তির জীবনের শেষ পর্য্যন্ত না দেখিয়া তাহাকে স্মৃখী বা দুঃখী বলিতে পারি না। ক্রীসস্ নাকি এপর্য্যন্ত দুঃখের লেশমাত্রও অনুভব করেন নাই, এজন্য তিনি স্মৃখ কাহাকে বলে, তাহা সোলন্ জানেন না বলিয়া, ঘৃণা-প্রদর্শন-পূর্বক সোলন্কে বিদায় করিয়া দিলে তিনি সার্ডিসের রাজসভা হইতে প্রতিনিবৃত্ত হইলেন।

অশীতি বৎসর অতীত হইলে সোলনের মৃত্যু হয়। তাহার আদেশ মত তদীয় ভ্রাতুষাশি সালামিস্-দ্বীপের চতুঃপার্শ্বে বিক্ষিপ্ত করা হইয়াছিল।

ক্রীসস্—সাইরস্।

সোলন্ প্রতিনিবৃত্ত হইবার কয়েক বৎসর পরেই ক্রীসস্ পারস্যাদিপতি মহাবীর সাইরসের সহিত সমর-ব্যাপারে লিপ্ত হন, এবং রণে পরাভূত হইয়া প্রাণ

ভয়ে পলায়ন পূর্বক সার্ভিসে লুক্কায়িত থাকেন। পার-
সীক সৈন্যদল তাঁহার পশ্চাৎ পশ্চাৎ আসিয়া নগর গ্রহণ
পূর্বক ক্রীসন্কে বন্দী করিয়া সাইরন্সের নিকট লইয়া
যায়। সাইরন্স তাঁহাকে পোড়াইয়া মারিতে আদেশ
করিলে ভৃত্যেরা কাষ্ঠাহরণ পূর্বক চিতা সাজাইয়া তছু-
পরি ক্রীসন্কে নিঃশ্বাস্ত করিয়া চিতা জ্বালাইয়া দিল।
ক্রীসন্ জ্বলচ্ছিতায় শয়ান হইয়া মৃত্যুর প্রতীক্ষা করিতে-
ছেন, এমন সময় সোলন্সের কথাগুলি তাঁহার স্মরণ হইলে.
সোলন্ ! সোলন্ ! সোলন্ ! বলিয়া তিনবার আৰ্ত্তনাদ
করিয়া উঠিলেন। সাইরন্স সেই আৰ্ত্তনাদ শুনিয়া কারণ
জিজ্ঞাসার্থ লোক পাঠাইলে, ক্রীসন্ সোলন্সের কথা
গুলি তাবৎ বর্ণন করিলেন। লোক ফিরিয়া আসিয়া সেই
সকল কথা নিবেদন করিলে, সাইরন্স মনে মনে কহিতে
লাগিলেন “বুঝিলাম মনুষ্যিক পদার্থ নাত্রেই অগ্নির :
অতএব মনুষ্য হইয়া মনুষ্যকে অগ্নিতে নিঃশ্বাস্ত করিতে
যাওয়াই যৎপরোনাস্তি অপরাধজনক ব্যাপার ; বিশে-
ষতঃ আপনার সদৃশ ব্যক্তিকে ওরূপ করিয়া নষ্ট করিতে
চেষ্টা পাওয়া নিতান্ত অসংগত কার্য হইয়াছে, সন্দেহ
নাই। এই বিবেচনা করিয়া অগ্নি নির্ধ্বংস পূর্বক ক্রীস-
ন্কে চিতা হইতে নামাইয়া আনাইলেন ; এবং তাঁহাকে
চিরকালের জন্য পরম বন্ধু মধ্যে পরিগণিত করিলেন।

এই ঘটনার অব্যবহিত পরেই সাইরন্স সোলন্সের
উপদেশ বাক্যের বাথার্থ্য আপনাকে দিয়াই সম্পূর্ণ
সমপ্রমাণ করিয়াছিলেন। একদা তিনি মীড়ীয়, লীড়ীয়,

বাবিলোনীয় এবং গ্রীসের অন্যান্য জাতিকে জয় করিয়া অবশেষে পারস্যের উত্তরবর্তী মিনাজিটন্ নামক তুরক-জাতির রাণী টমিরিসের সহিত সংগ্রামে প্রবৃত্ত হইয়া পরাস্ত ও নিহত হইলেন। পরে তদীয় মন্তক রাজ্যের নিকট অন্তর্ভুক্ত হইল, তাঁহার আদেশ মত সেই মন্তক নরশোণিতপূর্ণ একপাত্রে নিঃক্ষিপ্ত হইল।

নরশোণিতপূর্ণ একপাত্র।

পূর্বে উল্লিখিত হইয়াছে যে, সোলন্ আতীনীর-দিগকে প্রতিরূপাংশে বন্ধ করার দেশ-ভ্রমণচ্ছলে জাথেস্ নগর পরিত্যাগ করেন। সুহার প্রহানের কিছুদিন পরেই তৎকাল্য সামাজিক বন্দোবস্ত পূর্ব্ববৎ বিশ্বস্ত হইল, এবং নগরবাসী তিন তিন সম্ভ্রদায়-ভুক্ত নৌকাদিগের পরস্পর বিবাদান পুনরুজ্জীবিত হইল। তাহাতে মেগাক্লিস্ এবং আলকিডোনিড্ প্রভৃতি প্রধান পুরুষেরা তিন তিন সম্ভ্রদায়ের অধ্যক্ষতা ভার গ্রহণ করিলে, সোলনের পরমাত্মার পিসিট্রেটস্ সম-বিক সম্মান লাভের বাসনায় নীচ-সম্ভ্রদায়স্থ লোক-দিগের কর্তৃত্বভার গ্রহণ করিলেন। তিনি একদা অস্ত্র-দ্বারা স্বীয় শরীর এবং নিজ অশ্বতরদিগকে ক্ষতবিক্ষত করিয়া হঠাৎ রাজপথে বাহিত হইলেন। ব্যক্তিগণ তদর্শনে বিস্ময়াপন্ন হইয়া কারণ জিজ্ঞাসা করিলে, তিনি করুণ-স্বরে কহিলেন “আমি সহস্রবর্গে পরি-বৃত্ত হইয়া নগর হইতে দেশে বাইতেছিলাম, পথে শত্রুরা আশিয়া আক্রমণ পূর্ব্বক আমার অন্তরদিগকে

নিহত করিল, আমি আহত, অনেক কষ্টে প্রাণ বাঁচাইয়া পলাইয়া আসিয়াছি।” আত্মীনীয়েরা তাঁহার এই চাতুরী বুঝিতে না পারিয়া তদগে তাঁহার শরীর রক্ষার্থে কতকগুলি লোক নিযুক্ত করিয়া দিল।

পিসিষ্ট্রেটস্, এইরূপ কৌশলে স্বাভিপ্রায় সিদ্ধ করিয়া ক্রমশঃ সমধিক লোক-বল সংগ্রহ করিয়া নগরমধ্যে অতিশয় অত্যাচার আরম্ভ করিলেন। তাঁহার পীড়নে নেগাক্রিস্ প্রভৃতি অন্যান্য সম্প্রদায়ের অধ্যক্ষেরা আথেন্স্ পরিত্যাগপূর্বক পলায়ন করিলে পিসিষ্ট্রেটস্ অবাধে দুর্গ অধিকার করিয়া নগরের অধীশ্বর হইলেন। তৎকালে গ্রীসবাসীরা এইরূপ ব্যক্তিকে টাইরান্ট^৪ অর্থাৎ, নরপতি কহিত।

যাহাহউক্ বিপক্ষদল ক্রমাগত তাঁহার এইরূপ অত্যাচার সহ করিতে নিতান্ত অসমর্থ হইয়া, অবশেষে সকলে একমত হইল, এবং পিসিষ্ট্রেটস্কে আথেন্স্ হইতে বহিস্কৃত করিয়া দিল। কিছুদিন পরেই আবার সেইরূপ বিবাদ আরম্ভ হইলে, কোন সম্প্রদায়ের অধ্যক্ষ পিসিষ্ট্রেটসের নিকট গমন পূর্বক এই প্রস্তাব করিলেন যে, যদি তিনি স্বীয় দুহিতার সহিত তাঁহার পাণিগ্রহণ অনুমতি করেন, তাহা হইলে তাঁহাকে পুনর্ব্বার স্বপদে প্রতিষ্ঠাপিত করিয়া দিবেন।

৪ যে ব্যক্তি কোন স্বাধীন প্রদেশে বল পূর্বক একাধিপত্য লাভ করিত, গ্রীকেরা তাহাকে টাইরান্ট কহিত। ইংরাজী ভাষায় ঐ শব্দের অর্থ নরপতি।

পিসিষ্ট্রেটস্ তৎক্ষণাৎ তাহাতে সম্মত হইয়া নিজ ছুহিতার সহিত তাঁহার বিবাহ দিলেন, এবং আর একবার আথেন্সে প্রবিষ্ট হইলেন। এইবার নগরপ্রবেশকালে উন্নতাকার একটী স্ত্রীলোকপেলস্ * আথেনার পরিচ্ছদ ধারণ পূর্বক তাঁহার তদীয় শকটে দণ্ডায়মান থাকিলে দ্রুতেরা অগ্রে অগ্রে গমন করত এই বলিয়াছিল ; “নাগরিকগণ ! দেখ নগরের অধিদেবতা স্বয়ং ইহঁার পথদর্শক হইয়া ইহঁাকে স্বতর্গে লইয়া যাইতেছেন ; অতএব তৌনরা সমুচিত সম্মান পুরঃসর ইহঁাকে গ্রহণ কর । ”

পিসিষ্ট্রেটস্ কোন কারণ-বশতঃ তৃতীয়বার নগর হইতে তাড়িত হন। এবার ক্রমাগত দশবৎসরকাল আথেন্সে প্রবিষ্ট হইতে পান নাই। দশম বৎসরের শেষে কতকগুলি সৈন্য সংগ্রহ পূর্বক ফিরিয়া আসিয়া বিপক্ষদিগকে পরাজিত করেন, এবং নিষ্কলঙ্কে জীবনের অবশিষ্ট দশবৎসর কাল আথেন্সে একাধিপত্য করত পরিশেষে মানবলীলা সম্বরণ করেন ; খঃ পুঃ (৫২৮)। তাঁহার শাসন-প্রণালী পরম রমণীয় ও প্রজারঞ্জক ছিল। তিনি সোলন্ প্রণীত সমস্ত নিয়মের কিঞ্চিৎমাত্র ও উল্লঙ্ঘন করেন নাই। তিনি পদে পদে ব্যৱস্থাপক মহোদয় সোলনের প্রশংসা এবং তাঁহার প্রতি যৎপরোনাস্তি সম্মান প্রদর্শন করিতেন।

* পেলস-আথেনা ; অর্থাৎ আথেন্সের অধিষ্ঠাত্রী দেবী
লাটিন ভাষায় ইহঁাকে মিনের্বা কহে ।

পিসিষ্ট্রেটসের, হীপিয়স্ এবং হিপার্কস্ নামে দুই পুত্র ছিলেন। পিতার পরলোকের পর তাঁহারা টেভমেই পিত্রসিংহাসনে যুগপৎ অধিকৃত হইয়া প্রজাপালন বিষয়ে পিতা অপেক্ষা অধিকতর প্রশংসা লাভ করিয়া ছিলেন। পিতার শাসনকালে প্রজাদিগের উপর যেকোন গুরুতর কর নির্দ্ধারিত ছিল, তাঁহারা অনেক পরিমাণে তাহা কনাইয়া দেন এবং নানা প্রকারে প্রজাদিগের একপ স্তুতি করিয়া দেন যে, সমস্ত ভাথেঙ্গ্ একে বারে স্তুতি পরিপূর্ণ হইয়া উঠে ; কিন্তু দুঃখের বিষয় এই যে, এক অশুভ ঘটন উপস্থিত হইয়া তাহা দাঁড়-কাল স্থায়ী হইতে দেয় নাই। একদা যেনপে হিপার্কসের প্রাণ দণ্ড হয় এবং হীপিয়স্কে দুঃশংকতাচরণে প্রবৃত্ত হইতে হয়, তাহা পশ্চাৎ নিমিত্ত হইতেছে।

তৎকালে আথেণ্স-নগরে আরিষ্ট জীটন্ নামক কোন ব্যক্তি তদ্রূপ হার্মোডিয়স্ নামক একজন কপবান্ যুবকের প্রতি অতিশয় অকরুণ ছিল। প্রবাদ আছে যে, ঐ যুবকের প্রতি হিপার্কসেরও অতিশয় লোভ পড়িয়াছিল ; কিন্তু হার্মোডিয়স্ রাজসুনারের প্রণয় হতগ্রাহ করে ; একদা হীপিয়স্ কোন ধর্ম্মালিষানে হার্মোডিয়সের এক ভগিনীকে ধর্ম্ম বর্ম্মের তুল্যমানে যাত্রা করিতে দেখিয়া, তাঁহার সতীত্ব নষ্ট হইয়াছে, অসতীর ধর্ম্মাত্ম্যানে বাইবার অধিকার নাই, এই বলিয়া গ্লানি করত তাঁহার গমনে বাধা দিলে, ঐ যুবক দ্বয়

নিতান্ত অবমানিত ও ক্রুদ্ধ হইয়া তাঁহার বধের ষড়যন্ত্রে প্রবৃত্ত হইল ; এবং আরো কতকগুলি লোক, নানা অভিপ্রায়ে, তাহাদের এই ষড়যন্ত্রে লিপ্ত হইলে, এই পরামর্শ হইল যে, আথেন্সে যে, জাতীয় মহোৎসব হইয়া থাকে, সেই সুযোগে উক্ত রাজ-কুমার-যুগলের বধ সাধন করিবেক। তৎকালে বর্ষ্ম পরিধান পূর্বক উক্ত মহোৎসবে যাত্রা করিবার প্রথা প্রচলিত থাকায় তাহাদের অভিসন্ধি সফল হইবার বিলক্ষণ সুবিধা হইয়া উঠিল।

মহোৎসবের দিন হীপিয়স্ মহাসমারোহে নগর হইতে বহির্গত হইলে, হার্মোডিয়স্ এবং তদীয় বন্ধুবর্গ ছোরা লইয়া তদীয় বধ সাধনে প্রস্তুত ছিল ; কিন্তু স্বপক্ষীয় কোন ব্যক্তিকে হীপিয়সের সহিত বিশ্রান্ত-লাপ করিতে দেখিয়া, হীপিয়স্ তাহাদিগকে আত্মসাৎ করিয়াছেন, এই বিবেচনায় ভীত ও তাঁহার বধে বিরত হইয়া হিপার্কসের প্রাণবধার্থ নগর মধ্যে প্রবিষ্ট হইল ; এবং হিপার্কসকে দেখিবামাত্র তাঁহাকে মর্ষ্ট করিল। নিহত রাজ-কুমারের শরীর-রক্ষকেরা তদ্রূপে হার্মোডিয়স্কে মারিয়া ফেলিল। আরিষ্টজীটন্ পলায়ন করিলে, কতকগুলি লোক তাহার অনুসরণে প্রবৃত্ত হইয়া অনেক প্রযত্নে তাহারও বধ সাধন করিল। এদিকে হীপিয়স্ ভ্রাতৃবধ-সংবাদ প্রাপ্তিমাত্র মহোৎসবযায়ী যাবতীয় লোকদিগকে ঢাল ও বর্ষা পরিত্যাগ করিতে আদেশ করিলেন, এবং কোনস্থানে সকলকে একত্র

সমবেত করিয়া তাহাদের মধ্যে ভ্রাতৃ শত্রুর অনুসন্ধানে প্রবৃত্ত হইলেন । মহোৎসব যাত্রাকালে ঢাল এবং বর্ষা মাত্র গ্রহণের অধিকার ছিল, স্ততরাং যাহাদের হস্তে ছোরা দেখিতে পাইলেন তাহাদিগকেই শত্রুজ্ঞান করিয়া সংহার করিতে লাগিলেন ।

হীপিয়সের বহিষ্করণ ।

হীপিয়স ভ্রাতৃবধে অতিশয় সন্দিহান ও নৃশংসতা পরবশ হইয়া কতকগুলি নাগরিকের প্রাণসংহার করিলে ; ইতিপূর্বে আথেন্সের সমৃদ্ধ আল্কিমিয়ন বংশীয় যে সমস্ত লোকেরা পিসিস্ট্রেটসের অত্যাচারে আথেন্স পরিত্যাগ পূর্বক আটিকা এবং বিয়োসিয়ার মধ্যবর্তী পার্শ্ববর্তী এক অধুষ্য স্থান আশ্রয় করিয়া-ছিলেন, তাঁহারা এখন হীপিয়সের প্রভুশক্তি সম্মুখ লনে যত্ববান হইলেন এবং তাঁহাদের উদ্দেশ্য সাধনের অনুকূল অনেক সুযোগও প্রাপ্ত হইয়াছিলেন । এই সময়, আফ্রিকটিয়ন্ নামক গ্রীসের সাধারণ সভা হইতে ডেল্ফির দেবমন্দির পুনঃ সংস্কারের আদেশ হইলে আলেক্সিমিয়ন বংশীয়েরা ঐ কর্ম ফুরাইয়া লইয়া সম-ধিক প্রশংসা লাভ করিবার মানসে দেবালয়ের সম্মুখ-ভাগ মার্কস প্রস্তর দ্বারা একপ স্তম্ভ করিয়া নির্মাণ করিলেন যে, তদ্বারা তাঁহারা ডেল্ফিবাসীদিগের অতিশয় প্রশংসা-ভাজন এবং যারপর নাই প্রিয়পাত্র হইয়া উঠিলেন ; এতদ্ভিন্ন তাঁহারা উপঢৌকন দ্বারা ডেল্ফির

পূজয়িত্রীকে আপনাদের অনুগত করিয়া, স্পার্টীয়দিগকে আর্থীনীয়দিগের সহিত যুদ্ধে প্ররুতি লওয়াইবার জন্য বিশেষ অনুরোধ করিলে, পূজয়িত্রী দেবালয়গত স্পার্টীয়দিগকে এই বলিয়া যপাইতে লাগিলেন, “দেবতার আদেশ হইয়াছে, তোমরা আথেন্সের অধীশ্বর হইবে, অতএব যত্নপূর্বক আথেন্স অধিকার করিবার চেষ্টা দেখ।”

লাসিডিমোনীয়েরা পূজয়িত্রীর এই কথায় দৃঢ় বিশ্বাস করিয়া আর্থীনীয়দিগের সহিত বিবাদে প্ররুত হইল, এবং কতকগুলি সৈন্যসংগ্রহ পূর্বক জনপথে আটকা প্রেরণ করিল ; কিন্তু সেই সৈন্যদল সংগ্রামে পরাজিত হইলেন, তাহাদের সেনানী ও বিনাশিত হইলেন। পরে তাহাদের অন্যতর রাজা ক্লিয়োমিনিসের কর্তৃত্বাধীনে আর একদল সৈন্য আথেন্সে প্রেরণ করিলেন। যে সকল আর্থীনীয় সেনা তাঁহার আগমনে বাধাদিতে আসিতেছিল, তিনি তাহাদিগকে পরাস্ত করিলেন ; এবং নগর প্রবেশ পূর্বক দুর্গমধ্যস্থিত হীপিয়স্ এবং তৎপক্ষীয় লোকদিগকে পরিবেষ্টিত করিলেন ; কিন্তু আর্থীনীয়দিগের যথেষ্ট খাদ্যসামগ্রীর আয়োজন থাকার এবং স্পার্টীয়েরা দুর্গবেষ্টন কার্যে নিতান্ত অনিপুণ থাকায়, ক্লিয়োমিনিস তাহাদের কিছুই করিতে পারিলেন না। অবশেষে বিরল হইয়া ফিরিয়া যাইবার অভিপ্রায় করিতেছেন, এমন সময় হীপিয়সের সন্তানেরা তাঁহার হস্তে পতিত হইল। হীপিয়স্ গুপ্ত-

ভাবে সম্মানদিগকে বাহির করিয়া দিতেছিলেন ; এক্ষণে সম্মানদিগকে শত্রুহস্তে পতিত দেখিয়া তাহাদের উদ্ধারের জন্য অগত্যা আথেন্স্ ছাড়িয়া দিতে সম্মত হইলেন ; এবং আথেন্স্ পরিত্যাগ পূর্বক খঃ পুঃ (৫১০) আনিরার উপকূলে প্রহিনিরত হইলেন।

চতুর্থ অধ্যায়।

খ্রীঃপূ. ৫১০

২৩৫৫

অতঃপর গ্রীক জাতির সহিত পারসীকদিগের যে সংগ্রাম উপস্থিত হয়, তাহা পারসীক সংগ্রাম বলিয়া ইতিহাসে প্রসিদ্ধ আছে। অনেক কারণে এই যুদ্ধঘটনা হয়, তন্মধ্যে গ্রীস্ হইতে হীপিয়সের বহিস্করণই প্রধান কারণ বলিয়া ধর্তব্য হইয়া থাকে। যৎকালে এই সংগ্রামের প্রথম সূত্রপাত হয়, তখন রাজনীতিকৃশাল সূত্র-সিদ্ধ ডেরায়স্ পারস্যের তৃতীয় সম্রাট ছিলেন। ইনি রাজ্যসনে উপবিষ্ট হইয়া কিছু কালের জন্য সাম্রাজ্য মধ্যে সুশৃঙ্খলা সংস্থাপনে যত্নবান্ হয়েন, অবশেষে দুরাকাজ্জনা ও জিগীষাপরতন্ত্র হইয়া সাম্রাজ্যের সীমা

সমধিক বিস্তৃত করিবার আশয়ে; ডানিয়ুর্ এবং উন্-নদীর মধ্যবর্তী অসভ্য জাতির বাসস্থান সীথিয়া-
নামক প্রদেশের প্রতি প্রথম কটাক্ষ করিলেন। ইতি পূর্বে সীথীয়দিগের সহিত ডেরায়সের যে
বৈরভাব ছিল এমন বোধ হয় না; তবে সীথিয়ার
অধিবাসীরা ইয়ুরোপের পূর্ব ভাগে এবং অধুনাতন
কসীয় সাম্রাজ্যের আসন্নবর্তী প্রদেশে ভ্রমণ
করিয়া বেড়াইত; বোধ হয় তাহাও ডেরা-
য়স সহ করিতে না পারিয়া তদ্রূপ আক্রমণে প্রস্তুত
হইলেন।

হার্কিয়লিস-নগরটির স্বদেশে প্রত্যাগমনের পর বহু
সংখ্যক গ্রীক জন্মভূমি পরিত্যাগ পূর্বক আশিয়ার
উপকূলে বসতি করিয়া তথায় ইফিসস্, মিলিটস্, স্মর্ণা,
প্রভৃতি কতিপয় সুপ্রসিদ্ধ স্মরণ্য নগরী নির্মাণ করিয়া-
ছিল। ঐ সকল নগরের লোকেরা প্রথমতঃ সামান্য-
কারে জলপথে বাণিজ্যাদি করিত; কাল সহকারে
বাণিজ্যের উত্তরোত্তর ত্রীবৃদ্ধি হওয়াতে ঐ সকল
নগর অতিশয় সমৃদ্ধিশালী ও বর্ধিষ্ণু হইয়া উঠিল;
পরে যখন লীডিয়ান রাজা ক্রীসস্ অতিশয় প্রতাপ-
শালী হইয়া উঠিলেন, তখন ঐ সকল নগর তদীয়
সাম্রাজ্যের অন্তর্ভুক্ত হইল; এবং ক্রীসসের পতন হইলে
পারস্যের অধীন হইয়াছিল। উল্লিখিত অভিযান কালে
ইহারা ছয়শত রণতরীর সাহায্য দান করিয়া ডেরায়-
সের আদেশানুসারে ঐ সকল রণতরী অগ্রে প্রেরণ

পূর্বক বম্পোরস্ প্রণালীর উপর একটি নৌসেতু নির্মাণ করিয়া রাখিয়াছিল। পরে ডেরায়স্ সাত লক্ষ সেনা সমভিব্যাহারে বম্পোরস্ প্রণালী সেতুপথ দ্বারা উত্তীর্ণ হইয়া, রণতরীর অধ্যক্ষ দিগকে ঈষ্টর-নদীতে যাইয়া পূর্ববৎ সেতু নির্মাণের আদেশ প্রদান পূর্বক স্বয়ং থ্রেসের অভ্যন্তর হইয়া বলদান্-গিরির অভিমুখে যাত্রা করত, গিরি অতিক্রম পূর্বক পরিশেষে ঈষ্টর নদী তীরে উপনীত হইলেন; এবং নির্মিত সেতুদ্বারা সসৈন্যে তটিনী ঈষ্টর উত্তীর্ণ হইয়া নৌসেনাগণকেও সেতু ভাঙ্গিয়া সঙ্গে যাইবার আদেশ করিলেন। তিনি ভাবিয়াছিলেন যে, প্রত্যাগমনকালে কৃষ্ণসাগরের উত্তর সীমা হইয়া ককেসস্ গিরি অতিক্রমপূর্বক পারস্যে আগমন করিবেন; কিন্তু কোন একজন গ্রীক-সেনাপতি তাঁহার এইরূপ অদূরদর্শিতার কার্য্য নিরীক্ষণ করিয়া তাঁহাকে কহিলেন “মহারাজ! এক্ষণে সেতু ভাঙ্গিয়া গিয়া পরে অন্তপথে আগমন করিবার পরামর্শ করা যুক্তিসিদ্ধ হইতেছে না; কারণ তাহাতে অনেক বিপদ ঘটবার সম্ভাবনা আছে।” তাঁহার এই বাক্যে প্রবোধিত হইয়া, ডেরায়স্ সেতু ভাঙ্গিতে নিষেধ করিলেন, এবং ষাট্ দিবস পর্য্যন্ত তাঁহার আগমন প্রতীক্ষা করিতে আদেশ করিয়া সীথিয়ায় প্রবেশ করিলেন।

১ যে প্রণালী দ্বারা কনসটান্টিনোপল্ হইতে কৃষ্ণসাগরে যাওয়া যায়, তাহার নাম বম্পোরস্ প্রণালী। বর্তমানে ইহার নাম ডার্ডানেলিস্।

ডেরায়স্ সীথিয়ায় প্রবেশ করিয়াছেন, এই কথা শুনিয়া তথাকার অধিবাসীরা অতিশয় ভীত হইল ; এবং সম্মুখ যুদ্ধে প্ররৃত্ত না হইয়া এই অতিপ্রায়ে লুক্কায়িত থাকিল যে, দেশে যেপরিমিত খাদ্যসামগ্রী আছে, তাহা এই অসংখ্য শত্রু-সৈন্য অতি অল্প-দিনের মধ্যেই ফুরাইয়া ফেলিবেক ; সুতরাং তখন আর কালবিলম্ব সহ্য করিতে পারিবেক না ; আহারাভাবে অগত্যা ইহাদিগকে পলায়ন করিতে হইবেক। এই বিবেচনা করিয়া সীথিয়েরা তাঁহার সম্মুখ হইতে ক্রমাগত অপসরণ করিতে লাগিল ; কুত্ৰাপি ডেরায়স্কে দেখা দিল না। ডেরায়স্ অবাধে সীথিয়ার মধ্যদিয়া গমন করত কুত্ৰাপি শত্রুদিগের কোন নিদর্শন না পাওয়াতে তাঁহার বৃথা কাল ক্লিষ্ট হইতে লাগিল ; তন্নিবন্ধন খাদ্য সামগ্রীও ক্রমে ফুরাইয়া আসিল। অনন্তর যখন দেখিলেন, সেনারা আহারাভাবে কষ্ট পাইতেছে, তখন আর ভিত্তিতে না পারিয়া অগত্যা সীথিয়া পরিত্যাগ পূর্বক গৃহাভিমুখে ধাবমান হইলেন।

যাহারা ঐষ্ঠর-নদীতে তাঁহার আগমন প্রতীক্ষা করিতেছিল, তাহারা, ষাট্‌দিন অতীত হইল তথাপি ডেরায়স্ ফিরিয়া আসিলেননা দেখিয়া, ইতস্ততঃ করিতেছে, এমন সময় কতকগুলি অশ্বারোহী সীথীয় তাহাদের নিকট উপস্থিত হইয়া বলিল ; “ডেরায়স্ সম্পূর্ণ পরাজিত ও তাড়িত হইয়া পলাইয়া আসিতেছেন ; এই সময় যদি তোমরা সেতু ভাঙ্গিয়া ফেল, এবং

স্বাধীনতা-পুনরুদ্ধারের চেষ্টা কর, তবে অনায়াসেই ক্লতকার্য্য হইতে পারিবে; এবং ডেরায়স্কেও আর পারস্যে ফিরিয়া যাইতে হইবেক না।” এই বলিয়া সীথীয়েরা সেতু ভাঙ্গিবার জন্য বারংবার অনুরোধ করিতে লাগিল। উপকূলবর্তী কোন গ্রীক নগরের শাসনকর্তা সকলকে সেই মতের অনুসরণ করিতে পরামর্শ দিলে, মিলিটসের শাসনকর্তা হিস্টিয়স্ এই বলিয়া ভয় প্রদর্শন করিলেন যে, যদি তাহারা এখন পারস্যের অধীনতা পরিত্যাগ করে, তাহা হইলে, লোকেরা কেহই তাহাদের বশীভূত থাকবেক না, এবং ডেরায়সের মৃত্যুর সহিত সকলের মৃত্যু ঘটিবেক। এই কথা শুনিয়া সকলে পারস্যরাজের অনুগত থাকিতে সম্মত হইল; এবং সীথীয়দিগের মনোরঞ্জন নিমিত্ত নদীর অপর পারে সেতু শিথিলবদ্ধ করিয়া রাখিল।

সন্ধ্যা উপস্থিত হইলে পারসীকসেনা ঈষ্টর্ন-নদীর তীরে উপস্থিত হইয়া সেতু শিথিলবদ্ধ দেখিয়া অতিশয় ভীত হইল। পরে ডেরায়সের হিস্টিয়স্কে ডাকিবার আদেশ হইলে, গভীর ও উন্নতধ্বনি এক ব্যক্তি নদীতীরে দণ্ডায়মান হইয়া উচ্চৈঃস্বরে হিস্টিয়স্কে ডাকিয়া সেতু দৃঢ়বদ্ধ করিতে কহিল। রাত্রির নিঃশব্দতা প্রযুক্ত তাহার সেই স্বর তরঙ্গায়মান প্রশস্ত নদীর অপর পারপর্য্যন্ত গমন করিয়া হিস্টিয়স্-প্রভৃতির কর্ণগোচর হইলে, তাহারা তৎক্ষণাৎ সেতু দৃঢ়বদ্ধ

করিয়া দিল। পারসীকেরা ঈষ্টর্ উত্তীর্ণ হইয়া সীথীয়দিগের হস্ত হইতে পরিত্রাণ পাইল। অনন্তর ডেরায়স্ হেলেনপন্ট্ অভিমুখে যাত্রা করিয়া সেষ্টস্ অতিক্রম পূর্বক অবিডসে উপস্থিত হইলেন। পরে তথা হইতে সার্ডিসে গমন করিয়া কিছুকাল তথায় অবস্থিতি পূর্বক পারস্যের রাজধানী সূসা যাত্রা করিলেন।

যাবনিক বিজ্ঞান ।

পারস্যাদিপতি ডেরায়স্ আশিয়া প্রত্যাগমনকালে সেনাপতি মেগাবেসস্কে থ্রেস্ এবং হেলেনপন্টের তীরবর্তী গ্রোকনগর সকল জয় করিবার নিমিত্ত ইয়ুরোপে রাখিয়া আসেন ; এবং হিষ্টিয়স্কে থ্রাইমনের নিকটবর্তী মাসিনস্ নামক নগর পুরস্কার স্বরূপ প্রদান করিয়া আসেন। মেগাবেস্ শুদ্ধ থ্রেস্ জয় করিয়াই ক্ষান্ত হইেন নাই ; থ্রামুনদী অতিক্রম পূর্বক থেসালির সীমা পর্য্যন্ত জয় করিয়াছিলেন। হিষ্টিয়স্ এই নগর প্রাপ্ত হইয়া গোপনে পারস্য সম্রাটের বিপক্ষতা প্রণে প্রকৃত হইবার চেষ্টায় আছেন, এই কথা মেগাবেসস্ জানিতে পারিয়া, এবং সম্রাটের সূসা যাত্রার উদ্যোগ হইতেছে শুনিয়া, অবিদ্রোহে সার্ডিসে আগমনপূর্বক ডেরায়স্কে কহিলেন “মহারাজ ! মাসিনস্ হিষ্টিয়স্কে প্রদান করা নিতান্ত অবিবেচনার কার্য্য হইয়াছে ; কারণ তথায় স্বর্ণের খনি এবং প্রচুর কাষ্ঠ প্রাপ্তির

স্ববিধা থাকায়, হিষ্টিয়স্ স্বযোগ পাইলেই পোতসেনা নির্মাণ পূর্বক অনায়াসেই বিদ্রোহ উপস্থিত করিতে পারিবেক ; এবং তাহার উক্তরূপ অভিপ্রায়ও আছে, জানিবেন। এক্ষণে যাহাতে এই অভ্যাপাত নিবারণ হয় তাহার চেষ্টা করুন ”।

ইহা শুনিয়া ডেরায়স্ হিষ্টিয়স্কে স্থানান্তরিত করা আবশ্যক বিবেচনা করিয়া, তাঁহাকে আত্মান পূর্বক তাঁহার সহিত সূসা যাত্রার প্রস্তাব করিলেন ; এবং বলিলেন যে, তাঁহার পরামর্শ ব্যতিরেকে তিনি স্বয়ং কোন কার্য্য করিবেন না। এ প্রস্তাবে হিষ্টিয়স্ অগত্যা সম্মত হইয়া তাঁহার সহিত সূসা যাত্রা করিলেন, এবং জামতা আরিষ্টগোরস্কে মিলিটসের শাসন-কার্য্যে নিযুক্ত করিয়া গেলেন। সম্রাট্ হিষ্টিয়স্কে তথায় লইয়া গিয়া, তাঁহার প্রতি যথোচিত সম্মান-প্রদর্শন করিতে লাগিলেন ; এবং তাঁহার সম্মতিব্যতিরেকে কোন কার্য্যই করিতেন না ; কিন্তু তাঁহাদের এই সম্ভাব অধিক কাল স্থায়ী হয় নাই। কোন কোন বিষয়ে মতের অনৈক্য হওয়াতে হিষ্টিয়স্ অতিশয় বিরক্ত হইয়া, স্বাধীনতা পুনরুদ্ধারের চিন্তায় নিমগ্ন হইলেন। অনেক বিবেচনার পর স্থির করিলেন, যদি কোন কৌশলে উপকূলবর্তী আইয়ো-নীয়-জাতিকে রাজপ্রতিকূলে অস্ত্রধারণ করাইতে পারেন, আর যদি তন্নিবারণার্থ স্বয়ং প্রেরিত হন, তাহা হইলেই স্বাভিপ্রায় সিদ্ধ হইবার সম্ভা-

বনা। এই বিবেচনা করিয়া, যাহাতে আশিয়ামাই-
নরের পশ্চিম উপকূলবাসী আইয়োনিয়জাতির
রাজবিদ্রোহী হয়, তাহাতে বিশেষ মনোযোগী হইবার
জন্য স্বীয় জামাতা আরিষ্টগোরস্কে একখানি পত্র
লিখিবার মানস করিলেন। কিন্তু সাধারণ প্রণালীতে
লিখিলে, পাছে সম্রাট্ জানিতে পারিয়া তাঁহার
প্রাণদণ্ড করেন, এই ভয়ে এক ছুতন প্রণালী অব-
লম্বন করিলেন। একজন বিশ্বস্ত ভৃত্যকে গোপনে
লইয়া গিয়া মস্তকমুণ্ডন পূর্ব্বক সূচ্যগ্রে এক প্রকার
ক্লৃপবর্ণ পদার্থ সংযোগদ্বারা তাহার মস্তকক বস্ত্রব্য কথা
সংক্ষেপে লিখিয়া দিলেন। কিছুদিন পরে তাহার মস্তক
কেশে পরিপূর্ণ হইলে, তাহাকে আরিষ্টগোরসের নিকট
এই বলিয়া পাঠাইয়া দিলেন, যে, “জামাতার নিকট
উপস্থিত হইয়া তাঁহাকে তোমার মস্তকমুণ্ডন করিয়া
ক্ষেপিতে বলিবে”।

হিষ্টিয়সের এই সংবাদ নিকট পৌঁছিবার পূর্বেই
আরিষ্টগোরসের পারসীক শাসনকর্তার সহিত মনান্তর
হইয়াছিল; তনিবন্ধন তিনিও বিদ্রোহ উপস্থিত করিবার
উপায় চিন্তা করিতেছিলেন; এমন সময় হিষ্টিয়সের
প্রেমিত লোক তাঁহার নিকট পৌঁছিলে, তিনি তাহার
মস্তকমুণ্ডনপূর্ব্বক স্বাভিপ্রায়ের অনুকূল সমস্ত বৃত্তান্ত
অবগত হইয়া যৎপরোনাস্তি আত্মদ্রুত হইলেন। অন-
ন্তর এক দিন মিলিটসের প্রধান প্রধান লোকদিগকে
আহ্বান করিয়া একটা সভা করিলেন; এবং তাহাদের

সমক্ষে স্বাভিপ্রায় ব্যক্ত করিয়া তাহাদের মত জিজ্ঞাসা করিলে, সকলেই তদীয় অভিপ্রায়ের অন্তমোদন করিল। এখন তিনি লোকবল সংগ্রহ করিবার আশয়ে সাধারণসমক্ষে আপন অত্যাচার পরিহার করিলেন ; এবং তৎকালোপস্থিত অন্যান্য স্থানের উৎপীড়কদিগকেও বন্দী করিয়া স্ব স্ব নগরে প্রেরণ করিলেন। নগর-বাসীরা বিধানানুসারে সকলকে বন্ধন মুক্ত করিয়া দিলে, তাহারা যথেষ্টাচারে গ্ৰহণ হইল। এইরূপে ক্রমে ক্রমে সমস্ত আশিয়াস্থ নগরে, এবং নিকটবর্তী দ্বীপ সকলে ভয়ানক বিদ্রোহানন প্রজ্জ্বলিত হইল।

স্পার্টানগরে আরিষ্টগোরামের বৃত্তান্ত

আরিষ্টগোরস্, এখন কোন বলবান্ জাতির সাহায্য লওয়া নিতান্ত আবশ্যক বিবেচনা করিয়া, প্রথমতঃ স্পার্টা যাত্রা করিলেন। যাত্রাকালে, বতকণ্ঠনি মুদ্রা এবং তাম্রফলকে লিখিত একখানি পৃথিবীর মানচিত্র সঙ্গে লইয়া যান। তৎকালে ক্লিয়মিনিস্ স্পার্টার রাজা ছিলেন। আরিষ্টগোরস্ রাজসভিধানে উপস্থিত হইয়া, সেই মানচিত্র খানি তাঁহার সম্মুখে বিস্তারিত করিলেন ; এবং তাহাতে পৃথিবীর ভিন্ন ভিন্ন জাতির নাম নির্দেশপূর্বক তাহাদের দেশ এবং দেশের সীমা প্রভৃতি বাহা অঙ্কিত ছিল, সে সমুদায় রাজাকে দেখাইয়া, যে জাতির যেকপ বলসম্পত্তি তাহাও বর্ণন করিলেন। পরিশেষে ইফিসস্ হইতে সূমা যাইবার পথ

প্রদর্শন করিয়া কহিলেন, স্পার্টাবাসীরা মনোযোগ করিলেই অতি সহজে পারসীক সাম্রাজ্যের অভ্যন্তরে প্রবেশপূর্ব্বক সূসার সমস্ত সম্পত্তির অধীশ্বর হইতে পারেন; এই বলিয়া স্পার্টার সাহায্য প্রার্থনা করিলে, ক্লিয়মিনিস তৃতীয় দিবসে তদীয় প্রস্তাবের উত্তর দিতে সম্মত হইলেন। তৃতীয় দিবসে আরিষ্টেগোরস উপস্থিত হইলে, রাজা তাহাকে জিজ্ঞাসা করিলেন, উপকূল হইতে সূসা কতদূর অন্তর? আরিষ্টেগোরস কহিলেন, উপকূল হইতে সূসা তিন মাসের পথ। ক্লিয়মিনিস তিন মাসের পথ শুনিয়া সাহায্য প্রদানের মত একবারেই পারত্যাগপূর্ব্বক সূর্যাস্ত সময়ে আরিষ্টেগোরসকে স্পার্টা পরিভ্রাণ করিতে আদেশ করিলেন। আরিষ্টেগোরস ইহাতেও হতাশ না হইয়া পুনর্ব্বার রাজভবনে উপস্থিত হইয়া দেখিলেন, রাজা আট নয় বৎসরের একটা কন্যা লইয়া উপবিষ্ট আছেন। আরিষ্টেগোরস বিনয়বচনে সেই কন্যাটিকে গৃহান্তরিত করিবার প্রার্থনা করিলে রাজা, তাহার আবশ্যকতা নাই। বলিয়া, আরিষ্টেগোরসকে স্বাভিপ্রায় ব্যক্ত করিতে কহিলেন। তখন আরিষ্টেগোরস দশ ট্যালেন্ট-^২ মুদ্রা দিতে স্বীকৃত হইলেন। কিন্তু রাজা তাহাতে সম্মত না হওয়াতে, আরিষ্টেগোরস পঞ্চাশৎ ট্যালেন্ট-মুদ্রা পর্য্যন্ত

২ এক ট্যালেন্ট-মুদ্রা প্রায় আমাদের ২৪০৭১০ রোপ্য মুদ্রার সমান।

স্বীকার করিলেন। ইহা শুনিয়া রাজকন্যা চীৎকার করিয়া কহিলেন “ পিতঃ ! তুমি এখান হইতে পলায়ন কর, নচেৎ এই অপরিচিত ব্যক্তি তোমাকে ভুলাইয়া লইয়া যাইবেক। ” অনন্তর ক্লিয়মিনিস্ সে গৃহ পরিত্যাগ করিয়া গৃহান্তরে প্রবিষ্ট হইলে, আরিষ্টোগোরস্ স্বাভিপ্রায়সিদ্ধি বিষয়ে বিফলপ্রয়াস হইয়া সন্ধ্যার সময় স্পার্টা পরিত্যাগপূর্ব্বক, দ্রুতবেগে আত্ম-স্বাভিমুখে যাত্রা করিলেন। তথায় উপস্থিত হইয়া সাহায্য প্রার্থনা করিবামাত্র তাহার সাহায্যদানে সম্মত হইল।

অব্যবাহত পরেই আথীনীয়েরা একদল রণতরী সজ্জীভূত করিয়া মিলিটসে প্রেরণ করিল। সেই রণতরীরূপে একত্র সমবেত হইয়া ইফিসসে উপস্থিত হইলে, সকলে অবরোধ করিল ; এবং ইফিসী-য়েরা পথ দেখাইয়া দিলে, তথা হইতে যাত্রা করিয়া পঞ্চবিংশতি ক্রোশ দূরবর্তী সার্ডিস্-নগরাভিমুখে চলিল। তথায় উপস্থিত হইয়া নির্বিঘ্নে সার্ডিস্ নগর অধিকার করিল। পারসীক শাসনকর্তা আর্টাফার্নস্ এবং নগর রক্ষকেরা পলায়ন পূর্ব্বক, ছুর্গমধ্যে প্রবিষ্ট হইল। সার্ডিসের গৃহ সকল নল, শর, খাণ্ডা ইত্যাদি পদার্থে নির্মিত ছিল। দৈবাৎ একজন আথীনীয় সৈনিকপুরুষ একখানি ঘরের অগ্নি সংযোগ করিয়া দিলে, তাহার স্ফুলিঙ্গ সকল চতুর্দিকে বিস্তৃত হইয়া ক্ষণকাল মধ্যে সমস্ত নগর ভস্মসীৎ

করিল। একারণ নগরবাসীরা ক্রোধে প্রজ্বলিত হইয়া স্ব স্ব অস্ত্র গ্রহণপূর্বক যুদ্ধ করিতে উদযুক্ত হইল। এতদদর্শনে আর্থীনীয়েরা, পলায়ন শ্রেয়স্কর বিবেচনা করিয়া, সেই রাত্রেই সার্ডিস্‌নগর পরিত্যাগ করিলে, পারস্যক অশ্বারোহীসৈন্যদল তাহাদের পশ্চাৎ পশ্চাৎ ধাবমান হইয়া অবশেষে ইফিসস্‌নগরে তাহাদিগকে পরাভূত করিল। তখন আর্থীনীয়েরা, এখন আইয়োনিয়দিগের ভাগ্যে যাহা আছে তাহাই হটুক, এই বলিয়া, তাহাদিগকে পরিত্যাগপূর্বক স্বগৃহাভিমুখে প্রস্থান করিল।

আইয়োনীয়েরা এইরূপে পরিত্যক্ত ও দা-হায় হইয়া চিন্তা সাগরে নিমগ্ন হইল, এবং সার্ডিস্‌ দাহ জনিত ক্ষতির প্রতিশোধের নিমিত্ত মিশর প্রভৃতি অন্যান্য দেশ হইতে ছয়শত রণতরী তাহাদের বিরুদ্ধে আসিতেছে শুনিয়া, অতিশয় ভীত হইয়া তাহারাও অন্যান্য তিন চারি শত রণতরী সংগ্রহ পূর্বক সম্মুখীন হইবার জন্য প্রস্তুত রহিল। আইয়োনীয়স্‌দিগের অন্যান্য সেনাপতির মধ্যে ডাইয়োনীসিয়স্‌-নামক একজন সেনাপতি সকলের সমক্ষে এই প্রতিজ্ঞা করিলেন; যদি তাহার। তাঁহার মতানুসারে চলিতে পারে, তাহা হইলে অবশ্য জয়লাভ হইতব্যক সন্দেহ নাই। অনন্তর তাহার। তাঁহারই মতানুসারে চলিতে স্বীকৃত হইলে, ডায়োনীসিয়স্‌ তাহাদিগকে প্রতি-দিবস অতি প্রভাতে নৌকারোহণে যাইয়া সমুদ্রে

ব্যায়াম শিক্ষা করিতে আদেশ করিলেন ; তাহারা সাত দিন কাল এইরূপ ব্যায়াম করিয়া যখন নিতান্ত অস-
মর্থ হইয়া পড়িল ; তখন একপ কষ্ট স্বীকার করা
অপেক্ষা পারসীকদিগের দাস হইয়া থাকাও শ্রেয়-
স্কর বিবেচনা করিয়া, তথা হইতে ছাউনি উঠাইয়া
নিকটবর্তী এক দ্বীপে আশ্রয় লইল ; এবং পারসীক-
রণতরীর আক্রমণকাল পর্য্যন্ত আরামে কালযাপন
করিতে লাগিল ।

একপ ঘটনায় যুদ্ধের যে কি ফল হইবেক, তাহা
বিলক্ষণ বুঝা যাইতেছে । যখন যুদ্ধ আরম্ভ হইল,
তখন যুদ্ধ কেয়স্ দ্বীপের অধিবাসীরা সাহসপূর্ব্বক
যুদ্ধে প্রবৃত্ত হইল ; অবশিষ্ট সকলে পলায়ন করিল ।
ডাইয়োনীসিয়স্ অতঃপর দেশের যে রূপ দুরবস্থা
ঘটিবেক, তাহা মনে মনে চিন্তা করিয়া, যে সিসিলি
যাত্রা করিলেন, আর দেশে ফিরিয়া আসিলেন না ;
এবং তিনি তথায় থাকিয়া সর্বদা দস্যুবৃত্তিদ্বারা
জীবিকা নির্ব্বাহ করত কাল যাপন করিতে লাগি-
লেন । আরিস্টগোরস্ থ্রেসে পলায়ন করিয়া, তথা-
কার অধিবাসীদিগের সহিত বিবাদে প্রবৃত্ত হইয়া
অশুচিবর্ণের সহিত নিহত হইলেন । এদিকে
হিষ্টিয়স্ বর্তমান বিদ্রোহ শান্তির অভীষিত ভার
গ্রহণ কর্পূক যাত্রা করিয়া সার্ডিসে উপস্থিত হইলেন ;
এবং তথাকার শাসনকর্তা তাহার প্রতি সন্দিহান
হইয়াছেন, তাহে বুঝিতে পারিয়া রাত্রিযোগে কেয়স্

দ্বীপে পলায়ন করিলেন। কিছু দিম পরে কতকগুলি সৈন্য সংগ্রহ করিয়া তাহাদের খাদ্যাহরণার্থে উপকূলে উত্তীর্ণ হইলে, পারসীক-সৈন্য-কর্তৃক পরাস্ত ও বন্দীকৃত হইয়া সার্ডিসে উপনীত হইলেন। পরে শাসন-কর্তার আদেশানুসারে নিহত হইলে, তাঁহার মস্তক সূসায় প্রেরিত হইল।

ডেরায়স্ নাকি অতিশয় কৃতজ্ঞ রাজা ছিলেন, এজন্য তিনি তাঁহার পূর্বকৃত উপকার স্মরণ করিয়া, যাহারা তাঁহার বিনাশসাধন করিয়াছিল, তাহাদিগকে যৎপরোনাস্তি ভৎসনা করত তাঁহার সেই মস্তক সম্মান পুরঃসর সমাহিত করিতে আদেশ

গ্রীস্ আক্রমণ ।

আখীনীয়েরা আইয়োনীয়দিগের সাহায্যে প্রবৃত্ত হইয়া সার্ডিস্-নগর দখল করাতো, ডেরায়স্ তাহাদিগের প্রতি অতিশয় ক্রুদ্ধ হইয়া সমগ্র গ্রীসদেশ নিজ সাম্রাজ্যের অন্তর্ভুক্ত করিবার মানস করিলেন ; এবং যুদ্ধযাত্রার পূর্বে পারসীক প্রথা-অনুসারে গ্রীসে দূত প্রেরণ দ্বারা তাহাদিগের নিকট জল ও মৃত্তিকা প্রার্থনা করিয়া তাঁহার বশ্যতা স্বীকারের আদেশ করিলেন। তৎকালে গ্রীকদিগের পরস্পর ঐক্য ছিল না, একারণস্পর্শা ও আথেন্স্ ভিন্ন গ্রীসের আর আর প্রদেশের প্রায় সকল লোকেই ডেরায়সের অধীনতা স্বীকারে সম্মত হইল ; কিন্তু আখীনীয়েরা পারস্যাদিপতির সেই

প্রস্তাব অগ্রাহ্য করিয়া “ যদি তোমাদের জল ও মৃত্তিকা-
 কার প্রয়োজন থাকে, তবে এই কূপ হইতে তুলিয়া
 লও,” এই বলিয়া দূতদিগকে একটা কূপে নিঃক্ষিপ্ত
 করিল ; এবং স্পার্টীয়দিগের সহিত মিলিত হইয়া
 পারসীকদিগের সহিত যুদ্ধ করিতে উদ্যত হইল।
 এদিকে ডেরায়স্, ডেটিস এবং আর্টাফার্নিস্ নামক
 দুই ব্যক্তিকে সেনাপতিপদে নিযুক্ত করিয়া অসংখ্য
 পদাতি সৈন্য এবং পোত সৈন্য সমভিব্যাহারে গ্রীসে
 বিদায় করিয়া এই আজ্ঞা করিলেন, “ তোমরা যাও
 এবং গ্রীস্ আক্রমণ পূর্বক মদীয় সাম্রাজ্যের অন্ত-
 ভূত কর ”। অনন্তর তাহারা গ্রীসযাত্রা করিল।
 পথে ইয়ুবিয়া দ্বীপে অবরোধ পূর্বক সংগ্রামে প্রবৃত্ত
 হইয়া জয়লাভ করিল এবং তদ্রূপ ইরীট্রিয়া নগরের
 অধিবাসীদিগকে বন্দী করিল। ইহারা নাকি সার্ডিস্
 দাহের সময় আথীনীয়দিগের সহায়তা করিয়াছিল,
 এজন্য তাহাদিগকে নিগড় বদ্ধ করিয়া পারস্যে লইয়া
 যাইবার বাসনা করিয়াছিল। যাহা হউক, এই অভি-
 যানে হীপিয়স্ তাহাদের সহিত গমন করিয়াছিলেন ;
 ইনি পারসীকদিগকে আটকা আক্রমণের জন্য
 বিশেষ অনুরোধ করিলে, তাহারা সম্মত হইয়া প্রাণালী
 অতিক্রম পূর্বক আটকার অন্তঃপাতী মারেথন-নামক
 ক্ষেত্রে সেনাসম্মিলন করিল। এদিকে আথীনীয়েরাও
 নিশ্চিন্ত ছিল না ; তাহারা ইরীট্রিয়ার পতন সংবাদ
 পাইয়া সাহায্যার্থে আহ্বান করিবার নিমিত্ত একজন

নীত্ৰগামী দূতকে স্পার্টায় প্রেরণ করিয়াছিল। যদিও
অ্যাথেন্স্ হইতে স্পার্টানগর পঞ্চাশ কোশ অন্তর,
তথাপি সেই দূত দুই দিনে তথায় উপস্থিত হইয়াছিল।

প্রবাদ আছে, যখন ঐ দূত স্পার্টাযাত্রাকালে
অ্যার্কিডিয়ার কোন পর্বত দিয়া গমন করিতেছে,
তখন ঐ দেশের পানদেব তাহাকে আহ্বান করিয়া
বলিয়াছিলেন, “আথীনীয়েরা কি নিমিত্ত আমার
আরাধনা করে না? যাহাইউক, আমি এই যুদ্ধে
আথীনীয়দিগের সহায়তা করিব”। শুনিতে পাওয়া
যায় যে, সেই অবধি অ্যাথেন্স্ মধ্যে পানদেবের
আরাধনা প্রচলিত হয়। স্পার্টীয়দিগের এই রীতি
ছিল যে, তাহারা পূর্ণিমা ব্যতিরেকে গৃহ হইতে
বহির্গত হইত না; আথীনীয় দূত নীকি নবমীর দিবস
পৌছিয়াছিল, এজন্য তাহারা সঞ্চায্যার্থ প্রস্তুত হই-
য়াও পূর্ণিমার অপেক্ষায় পাঁচ দিন ক্রান্ত ছিল।
এখন আথীনীয়েরা স্পার্টীয়দিগের কালবিলম্ব দর্শনে
আর থাকিতে পারিল না; শুদ্ধ বিরোধিয়ার অন্তঃ-
পাত্ৰী প্লেটিয়নগরীয় এক সহস্র, এবং আপনা-
দিগের নয় সহস্রমাত্র সৈন্য সম্বল লইয়া বিপক্ষদিগের
দুই লক্ষ সৈন্যের সম্মুখীন হইতে সাহস করিল। দশ
সহস্র আথীনীয় সৈন্য যে দশজন সেনানীর অধীনে
যুদ্ধযাত্রা করে, তাহাদের মধ্যে মিল্টাইডিস্ এক জন।
অনন্তর যুদ্ধবিষয়ক মন্ত্রণার্থ একটা সভা হইলে, মিল-
টাইডিস্ তাহাতে এই অভিপ্রায় ব্যক্ত করিলেন যে,

একেবারে যুদ্ধঘাট্টা করাই কর্তব্য, স্পার্টারদিগের অপেক্ষায় বিলম্ব করিলে হীপিয়সের পুনরুদ্ধানের বিলম্ব সস্তাবনা আছে। চারিজন সেনাপতি তদীয় মত সমর্থন করিলে, অবশিষ্টেরা তাঁহার মতে সম্মত হইল না। এইরূপে উভয়পক্ষ তুল্যবল হওয়াতে সভাপতি পলিমার্কের উপর বিবেচনার ভার অর্পিত হইলে, তিনি মিল্টাইডিসের মতেরই সমর্থন করিলেন। পরে তন্মতানুসারী চারি জন সেনাপতি নিজ নিজ কর্মের ভার মিল্টাইডিসের উপর নিঃক্ষিপ্ত করিলেন; কারণ তৎকালে আথেন্সের নিয়মানুসারে সকল সেনাপতিকেই পর্য্যায়ক্রমে আপন আপন নির্দিষ্ট দিনে সংগ্রামে গমন করিতে হইত।

—

মারেথনের যুদ্ধ।

আটিকার পূর্ব উপকূলবর্তী এই রণক্ষেত্র আথেন্স হইতে প্রায় পাঁচ ক্রোশ অন্তর। ইহা দেখিতে অর্ধ চন্দ্রাকৃতি, এবং ক্ষেত্রের ভূমিভাগ দীর্ঘে প্রায় তিন ক্রোশ, প্রস্থে একক্রোশ মাত্র। যুদ্ধের দিবস পারসীক সৈন্য সমুদ্র তীর হইতে অর্ধ ক্রোশ আসিয়া ব্যাহ বিন্যাস করিল, এবং যাবতীয় রণতরী পশ্চাৎভাগে সমুদ্রতটে রহিল। এদিকে মিল্টাইডিস, উভয়পার্শ্ব পর্ব্বতে সুরক্ষিত থাকিলে, শত্রুপক্ষেরা বেড়িয়া আসিয়া পশ্চাৎভাগ আক্রমণ করিতে পারিবেক না, এই অভিপ্রায়ে এখার ওখার ব্যাপিয়া পর্ব্বত-

মধ্যবর্তী সংকীর্ণ উন্নত প্রদেশ আশ্রয় করিলেন, এবং সৈন্য সংখ্যা অল্প থাকায় মধ্যভাগে বিরলরূপে সৈন্যবিন্যাস করিয়া উভয়পার্শ্বে গভীর বলবিম্যাস-দ্বারা বুলক্ষণ সূদৃঢ় করিয়া বাহরচনা করিলেন। পলিমার্ক এই ব্যাহের আখীনীয় সৈন্য বিনির্মিত দক্ষিণ পার্শ্ব ও মধ্যভাগ, এবং প্লাটায়েরা বামপার্শ্ব রক্ষায় নিযুক্ত হইলে (খঃ পৃঃ ৪৯০) সংগ্রাম উপস্থিত হইল। সেনাপতি মিল্টাইডিস্ আক্রমণে সমধিক ভর প্রদান, এবং পার্শ্ববর্তী সৈন্যদিগকে পারসীক শররূপ্তি হইতে রক্ষা করিবার নিমিত্ত সৈন্যগণকে বিপক্ষ বলের প্রতি অনিবার্য্য বেগে ধাবমান হইতে আজ্ঞা করিলেন। পারসীকেরা, সেই ধাবমান সৈন্যদিগকে নিরাশো-ন্নত জ্ঞান করিয়া তাহাদের প্রতি তাক্ষিলা প্রদর্শন পূর্বক আখীনীয় ব্যাহেরমধ্য ভেদ করিতে ধাবমান হইল, এবং ব্যাহমধ্যভেদ করিয়া তাহাদের অনুসরণে ঞ্জরুত হইল। এই অবসরে মিল্টাইডিসের পার্শ্ববর্তী সেনাগণ পারসীক পার্শ্বগ্রাহ সৈন্যকে আক্রমণ পূর্বক জয়ী হইয়া হঠাৎ ফিরিয়াই ব্যাহভেদকদিগকে আক্রমণ করিল। এই রূপে নানাদিকে আক্রান্ত হইয়া পারসীক সৈন্যগণ রণে ভঙ্গ দিয়া শিবির পরিত্যাগ পূর্বক তীরাভিমুখে ধাবমান হইয়া স্ব স্ব নৌকায় আরোহণ করিতে লাগিল। আখীনীয়েরাও প্রস্ফাৎ ধাবমান হইয়া সম্পূর্ণ জয়লাভ করিল। এইরূপে সংগ্রাম পর্য্যবসিত হইলে পারসীকদিগের

হয় সহস্র সৈন্য নিহত হইয়াছিল ; কিন্তু আথীনীয়-দিগের দুইশতও বিনষ্ট হয় নাই। এই সংগ্রামে পলি-মার্ক এবং হীপিল্লস্ মানবলীলা সম্বরণ করেন।

যুদ্ধাবসানে যখন পারসীকেরা নৌকা লইয় পলাইতেছিল, তখন একজন আথীনীয় সৈন্য এক-খানা নৌকার পশ্চাৎভাগ দক্ষিণ হস্তদ্বারা ধরিলে। পারসীকেরা বাসীদ্বারা তাহার হস্ত কাটিয় দিল, সে পুনর্বার বামহস্তদ্বারা ধরিলে বামহস্তও কাটিয়া দিল ; তখন সে দস্তদ্বারা কাছি ধরিল ইহাও বর্ণিত আছে যে, ঐ সংগ্রামে এক ব্যক্তি ক্রমকৈর বেশে আসিয়া লাক্স প্রহার দ্বারা অনেক পারসীকসৈন্য সংহার করিয়া যুদ্ধাবসানে অদৃষ্ট হইয়াছিলেন। অনন্তর আথীনীয়েরা দেবতার নিকট যাইয়া জানিতে পারিল যে, ঐ ব্যক্তি পূর্বতন সমর-বিজয়ীদিগের মধ্যে একজন বীরপুরুষ, অর্থাৎ যাহার পূর্বে বিষয়কর সংগ্রাম করিয়াছিলেন, ইনি তাঁহা-দিগের মধ্যে একজন ; এজন্য সেই ভবধি তাঁহা উপাসনাও আরম্ভ হইল। পোর্নমাসী অতিক্রম হইলে স্পার্টীয়েরা আসিয়া দেখিল, আথীনীয়ের সমরে জয়লাভ করিয়াছে। স্পার্টীয়েরা সমরশায়ী পারসীকদিগকে দেখিবার জন্য মেরাথনক্ষেত্রে গমন করিয়া পারসীকদিগের ভীষণমূর্ত্তি অবলোককে আথীনীয়দিগের ভূয়োভূয়ঃ প্রশংসা করিয়া স্পার্টা ফিরিয়া গেল।

পারসীকেরা যুদ্ধ যাত্রাকালে, • ইয়ুবিরাবাসী যে সকল লোকদিগকে বন্দী করিয়া এক ক্ষুদ্র দ্বীপে রাখিয়া গিয়াছিল, পলায়নকালে তাহাদিগকে লইয়া যায়, এবং ডেরায়সের নিকট উপস্থিত করে। ডেরায়স তাহাদিগের প্রতি অসহ্যবহার না করিয়া, বরং বাস করিবার জন্য ভূমি প্রদান করিলেন। অতএব প্রাচ্যজাতির এই রীতি ছিল যে, তাহারা এক দেশ হইতে লোক আনিয়া বসতি করাইত। যদি এপ্রথা প্রচলিত না থাকিত, তাহা হইলে অনেক ভূমিই রূপা পড়িয়া থাকিত।

মিল্টাইডিসের পরিণাম।

মিল্টাইডিস মেরাথন্-সংগ্রামে জয়ী হইয়া ৫৭০ পরোনাস্তি সূখ্যাতি ও সম্মানের সহিত মহাসমারোহে আথেন্সে প্রবিষ্ট হইলেন। তদীয় কীর্তিকলাপ চিরস্মরণীয় করিবার জন্য তথাকার কোন রাজ-প্রাসাদের ভিত্তিপটে, মিল্টাইডিস দশজন সেনাপতির অধিনায়ক হইয়া যেক্ষেপে পারসীকদিগকে সংগ্রামে পরাস্ত করিয়াছিলেন, তাহার একটা চিত্র নিখিয়া রাখা হইয়াছিল। পূর্বে কথিত হইয়াছে যে, ডেরায়সের আক্রমণের পূর্বেই স্পার্টা এবং আথেন্স ভিন্ন প্রায় সকল দ্বীপের অধিবাসীরা বশ্যতার চিহ্নস্বরূপ ডেরায়সকে ভূমি ও জল প্রদান করিয়াছিল। এক্ষণে মিল্টাইডিস, ইচ্ছাপূর্বক সপ্ততি বণতরীর অধ্যাক্রম

করিয়া তাহাদের দণ্ড বিধান করিলেন। তিনি প্রথমতঃ পেরস-নামক দ্বীপে পৌঁছিয়া তথাকার ক্ষেত্র বিধ্বস্ত করিয়া অবশেষে নগরের অবরোধ করিলেন; কিন্তু তাঁহাকে, নগরগ্রহণে বিফলপ্রয়াস হইয়া আথেস্তে ফিরিয়া আসিতে হইল। নগর অবরোধকালে তাঁহার এক উরু ভগ্ন হইয়া যায়। নিষ্ফলে প্রত্যাগমনের পর পেরিক্লিসের পিতা জাহ্নিপস তাঁহাকে প্রবঞ্চক, এবং সরকারী অর্থের অপচায়ক বলিয়া সাধারণের নিকট বারং বার অভিযোগ করিলে, তাঁহার প্রাণদণ্ডের আজ্ঞা হইল। এই সময় মিল্টাইডিস্ দাঁড়াইতে বা চলিতে অসমর্থ ছিলেন। তদীয় বন্ধুগণ শয্যাগত অবস্থায় তাঁহাকে সাধারণ লোক সমক্ষে লইয়া গিয়া, রাজ্যমধ্যে তাঁহার অলৌকিক কার্য্য সকল বর্ণন করিলেন, যত্নদণ্ড হইতে অব্যাহতি পাইলেন; কিন্তু তাঁহার বিস্তর অর্থ দণ্ড হইল। মিল্টাইডিস্ সেই সমস্ত টাকা দিতে অসমর্থ হইলে, তাঁহাকে কারাগারে নিঃক্ষিপ্ত করিল। তিনি তথায় অশেষবিধ ক্লেশ ভোগ করিয়া পরিশেষে মৃত্যুর রূপায় সেই নিদারুণ অত্যাচারের হস্ত হইতে মুক্তি পাইলেন।

মিল্টাইডিসের মৃত্যু।

অতঃপর ডেরায়স আর একবার গ্রীস্ আক্রমণের উদ্দেশ্যে প্রবৃত্ত হইয়া, অল্প দিনের মধ্যে মানবলীলা

সম্বরণ করেন। বীর সাইরসের ছহিতা আটোমার গর্ভসম্মত তদীয় পুত্র জার্কসিস্ পিতার শূন্য সিংহাসন অলঙ্কৃত করিলেন। এই সম্রাট্ প্রথমতঃ গ্রীস-আক্রমণের কোন চিন্তাই করেন নাই ; কিন্তু তাহার ভগিনী-পুত্রি মার্ডোনিয়স্-নামক ছুরাকাজক্ষ এবং উগ্রস্বভাব এক যুবক নির্বাক সহকারে গ্রীস-আক্রমণের পরামর্শ দিয়া কহিলেন “ আমি নিশ্চয় বলিতেছি, গ্রীস-বিজয় অতি সহজেই হইবেক, তাহার পর সমস্ত ইয়ুরোপ বিজয়েও আমাদিগের কোন বাধা ঘটবেক না, অবাধে তাহাও সম্পন্ন হইবেক। ” ইহা শুনিয়া জার্কসিসের পিতৃব্য পরিণতবয়স্ক, বহুদর্শী আর্টাবেনস্ ভাভু-স্পুত্রকে এই উদ্যম ইহাতে কাস্ত করিবার জন্য কহিলেন, “ এ অভিযানের চরম ফল বিপদ, ক্ষতি এবং অপমান বৈ আর কিছুই হইবেক না। ” কিন্তু এই উপদেশ অভিনব সম্রাটের মনঃপূত না হওয়ায়, তিনি স্বয়ং যুদ্ধ যাত্রায় ক্লতসংকল্প হইলেন।

ক্রমিক তিন বৎসরকাল এই সংগ্রামের উদ্যোগ হইতে লাগিল, এতাবৎকাল ব্যাপিয়া পোত নির্মাণ, সৈন্য সংগ্রহ, আহারসামগ্রী প্রভৃতি সমস্ত প্রস্তুত হইলো রাজার আদেশ মত সৈন্যসাগর আশিয়া-মাইনরের বিস্তৃত ক্ষেত্রে একত্র সমবেত হইলো। সম্রাট্ জার্কসিস্ স্বয়ং অধিনায়ক হইবার বাসনায় সূমা হইতে যাত্রা করিয়া, লীডিয়া-বাসী পীথিয়স্-নামক কোন ধনিকের ভবনে সঠৈন্যে আতিথ্যগ্রহণ-পূর্বক,

সার্ভিসে উপস্থিত হইলেন । তথা হইতে স্পার্টা এবং আথেন্স ভিন্ন গ্রীসের সর্বত্র দূত প্রেরণ করিয়া বশ্যতার চিহ্নস্বরূপ জল ও মৃত্তিকা প্রদানের আদেশ করিলেন ; এবং আশিয়ার অধীশ্বরের জন্য আহাৰ সামগ্রী প্রস্তুত রাখিতে আজ্ঞা করিলেন । সার্ভিসে অবস্থিতি কালে মিশর-বাসী এবং ফিনীশিয়া-বাসী প্রজাবর্গকে অর্ধক্রোশবিস্তৃত হেলেন্স্পান্ট ' প্রণালীতে এক নৌসেতু নির্মাণের আদেশ করিয়াছিলেন ; কিন্তু এক ভয়ানক ঝড় উত্থিত হইয়া সমস্ত সেতু বিধ্বস্ত করিয়া দিলে, সত্ৰাট্, তাহা দৈবঘটনার কার্য্য বিবেচনা না করিয়া, সেতু নির্মাণে নিযুক্ত প্রধান প্রধান ব্যক্তিদিগের শিরশ্ছেদন করিতে আজ্ঞা দিলেন ; এবং হেলেন্স্পান্টের শাস্তি দিবার নিমিত্ত কতকগুলি লোক পাঠাইয়া বলিয়া দিলেন, “ তোমরা যাইয়া গর্বিত হেলেন্স্পান্টের পৃষ্ঠে তিনশত বেত্রাঘাত কর, এবং সৌবর্ণ শৃঙ্খল নিঃক্ষিপ্ত করিয়া দাসবৎ শৃঙ্খলবদ্ধ করিয়া বল যে, আমার ইচ্ছার প্রতিকূলাচরণ করার এই শাস্তি ; যাহা হউক, সত্ৰাট্, তোমাকে অতিক্রম করিয়া যাইবেন । ” অনন্তর দুই শারি নৌকা দ্বারা ঐ সেতু পুনর্ব্বার যোজনা করা হইল, এবং নগর ও কাছি দ্বারা বিলক্ষণ দৃঢ় করা হইল । সেতুর উপরিভাগে কাষ্ঠ ও বৃক্ষশাখা বিস্তৃত করিয়া তদুপরি মৃত্তিকাময় পথদ্বয় প্রস্তুত করা হইল ; এবং ঘোটকাদি পশুগণ

: এখন ইহাকে ডার্ডনেলিস্ প্রণালী কহে ।

জল দেখিয়া ভয় না পায়, এজন্য উভয়পার্শ্বে আবর্তন দেওয়ান হইল।

পঞ্চম অধ্যায়।

জার্কসিসের যাত্রা।

অভিযান যোগ্য সমস্ত সামগ্রী প্রস্তুত হইলে, খৃঃ পূঃ (৪৮০) জার্কসিস্ গ্রীস-বিজয়ার্থ সার্ডিস্ হইতে যাত্রা করিলেন। তাঁহার সহিত পীথিয়সের পাঁচটি পুত্রেরই গ্রীস্ সাইবার কথা ছিল, একারণ জার্কসিসের যাত্রাকালে পীথিয়স্ আসিয়া বিনয়-নম্র বচনে নিবেদন করিলেন, “আমি বৃদ্ধ হইয়াছি, অতএব এ সময় যদি কৃপা করিয়া আমার জ্যেষ্ঠ পুত্রকে আমার নিকট রাখিয়া সাইবার অনুমতি দেন, তবে এ অধীন বিশেষ অনুগ্রহীত হয়।” কিন্তু সেই নৃশংস সম্রাট্ পীথিয়সের এবস্থিধ প্রার্থনা বাক্যকে গর্ভস্থচক বিবেচনা করিয়া, ক্রোধে পরিপূর্ণ হইয়া বলিলেন, “আতিথ্য নিষেকন তোমার চারিটি পুত্র রক্ষা পাইল, জ্যেষ্ঠের আর নিস্তার নাই।” এই বলিয়া পিতৃসমক্ষে জ্যেষ্ঠের শিরশ্ছেদন আদেশ করিলে, তৎক্ষণাৎ তাহা সম্পন্ন হইল; অনন্তর সম্রাটের আদেশানুসারে যাবতীয় সৈন্য সেই দ্বিধাকৃত শরীরের মধ্যদিয়া গমন করিল।

সেই সৈন্যসাগর সার্ভিস্ হইতে বহির্গত হইয়া ট্রোজাভিমুখে যাত্রা করিয়া, (একদা যে স্থানে রাজা প্রায়স্ একাধিপত্য করিয়াছিলেন, এবং বীর হেক্টর্ যথায় আপন বীরত্ব প্রদর্শন করিয়াছিলেন) তথায় উপস্থিত হইলে, জার্কসিস্ অশ্ব হইতে অবতীর্ণ হইলেন, এবং পূর্বকালে যথায় ট্রয়নগর বিদ্যমান ছিল, তথায় গমন পূর্বক দেহতোদ্যে বलिপ্রদান করিলেন । পরে তদীয় সেনাগণ তথা হইতে নির্গত হইয়া হেলেন্পন্টের আশিয়ার তীরে উপনীত হইয়া, উপকূলভাগ আক্রমণ করত তথায় সন্নিবিষ্ট হইলে, সম্রাট্ উক্তভূমিস্থ এক মার্কল-সিংহাসনে উপবিষ্ট হইয়া পটভবন, পতাকা, তুরঙ্গমসেনা, অস্ত্রশস্ত্র এবং অসংখ্য সৈন্যসাগর অবলোকন করিতে লাগিলেন । যে সেতু ইয়ুরোপ, এবং আশিয়া-বিভাগকে সংযুক্ত করিয়া অর্দ্ধ ক্রোশ বিস্তৃত রহিয়াছে, দূর হইতে সেই সেতু অবলোকন করিতে লাগিলেন । এই সময় পারসীকদিগের পরমারাধ্য সূর্য্যদেব নির্মল নভোমণ্ডল হইতে কিরণ বিস্তার করিতেছিলেন ; ভূতলে সৈনিকদিগের অধ্যবসায় ও গতিবিধি ব্যতিরেকে আর কিছুই দৃষ্টিগোচর হয় নাই ; সমুদ্রে অসংখ্য রণতরী সন্মোচনের সন্তোষার্থে কৃত্রিম যুদ্ধ করিয়া ইতস্ততঃ বেড়াইতেছিল । এই সমস্ত অবলোকন করিয়া জার্কসিসের হৃদয় আহ্লাদে পরিপূর্ণ হইতে লাগিল ; এবং তাঁহার হৃদয়, মহিমা এবং প্রতাপ প্রভৃতির গর্বের পরিপূর্ণ হইয়া

আসিল ; কিন্তু অবিলম্বেই তাঁহার নয়নযুগল হইতে অবিরত বারিধারা বিগলিত হইতে দেখা গেল । তাঁহার পিতৃব্য আর্টাবেনস্ অশ্রুপাতের 'কারণ জিজ্ঞাসা করিলে, তিনি কহিলেন “ আমি এই ভাবিয়া ক্রন্দন করিতেছি যে, শত বৎসরের মধ্যে এই লক্ষ লক্ষ লোক দিগের কেহই জীবিত থাকিবেক না । ” কিন্তু বাস্তবিক তিনি যে স্বীয় দুৰাকাম্য ও জিগীষাবৃত্তির বশীভূত হইয়া, এত লোককে, তাহাদের জন্মভূমি এবং পরিবারবর্গের নিকট হইতে বিদেশে মারিতে আনিয়াছেন, এই ভাবিয়া অশ্রুপাত করা উচিত ছিল ।

পর দিবস সূর্য্যোদয়কালে জার্কসিস্ এক স্বর্ণ পাত্র সুরা পূর্ণ করিয়া এবং তাহা সমুদ্রে ঢালিয়া দিয়া, “আমাকে রক্ষা করুন; আমার প্রাণ অনুগ্রহ করুন ;” বলিয়া সূর্য্যদেবের বন্দনা করিলেন ; এবং সম্রাটের আদেশানুসারে নাটিল্-শাখা দ্বারা সমস্ত সেতু আন্তত করা হইলে, ধূপ ও ধূনার গন্ধে নভোমণ্ডল পরিপূর্ণ হইলে, জার্কসিস্ সেতুপথে হেলেন্সপন্ট পার হইতে আরম্ভ করিয়া, সৈন্যগণসমভিযাহারে, সেতুর দক্ষিণ পার্শ্ব দিয়া গমন করিতে লাগিলেন ; এবং ভারবাহী পশুগণ বামপার্শ্ব দিয়া পার হইতে লাগিল । সৈন্যদিগকে শীঘ্র শীঘ্র পার করিবার জন্য স্থানে স্থানে বেত্রধারী পুরুষ নিযুক্ত ছিল, তথাপি, সৈন্যসংখ্যার আধিক্যবশতঃ ঐ তাবৎ সেনার সেতু পার হইতে সম্পূর্ণ সাত দিবস লাগিয়াছিল । যৎকালে

জার্ক্‌সিসের সৈন্যগণ প্রেসের বিস্তৃত ক্ষেত্র দিয়া
 আথেম্‌স্‌ভিয়ুথে গমন করে, তখন তাহারা উক্ত
 ক্ষেত্রের যাবতীয় নদীর জন খাইয়াই শুদ্ধ করিয়াছিল ।
 জার্ক্‌সিস্‌ প্রেসের সেই বিস্তৃত ক্ষেত্রে, যাবতীয় সৈন্য
 গণনা করিবার মানস করিলেন ; পদাতিক সৈন্য-
 সংখ্যা অত্যন্ত অধিক থাকায়, গণনার জন্য জার্ক্‌-
 সিস্‌কে যে নূতন প্রণালী অবলম্বন করিতে হইয়া
 ছিল ; তাহা এইঃ— প্রথমতঃ দশ সহস্র সৈন্য একত্র
 দণ্ডায়মান হইলে, তাহাদের চতুঃপার্শ্বে একটা গোলাব-
 কার রেখা অঙ্কিত করা হইল, এবং সেই রেখা অনুসারে
 দোমর পর্য্যন্ত উচ্চ করিয়া প্রস্তরময় এক প্রাচীর
 নির্মাণ করাইলেন । অনন্তর ঐ প্রাচীর-বেষ্টিত স্থানের
 মধ্যে সৈন্যদিগকে প্রবেশ করাইয়া তাহা পরিপূর্ণ
 হইলে, এক অযুত করিয়া পরিগণিত হইতে লাগিল ;
 এইরূপ গণনা করিয়া সর্ব্বশুদ্ধ পদাতিক সৈন্য সংখ্যা
 সপ্তদশ লক্ষ হইল, এতদ্ভিন্ন এক লক্ষ তুরঙ্গম সেনা
 এবং পাঁচ লক্ষ পোত-সৈন্য ছিল ; এতদ্ভিন্ন অন্যান্য
 লোকও পূর্ব্বোক্ত সংখ্যার সমান ছিল । অতএব জার্ক্‌-
 সিস্‌ পাঁচ নিযুত সৈন্য লইয়া গ্রীস্‌দেশ আক্রমণ
 করিতে গমন করেন ; কিন্তু তখন সমস্ত গ্রীসে দোটে
 চারি নিযুত বৈ অধিবাসী ছিল না ।

গ্রীক্‌দিগের সময়সজ্জা ।

ইতি পূর্বে জার্ক্‌সিস্‌ গ্রীসে যে সমস্ত দূত পাঠাই-
 ইয়াছিলেন, তাহার গ্রীসে প্রবিষ্ট হইবার পূর্বেই, সেই

সকল দূতের সহিত সাক্ষাৎ হইলে, তাহাদের মুখে আখীনীয়, ফোণীয়, এবং বিয়োসিয়ার অন্তঃপাতী স্পেটিরা, এবং থেস্পী নামক ক্ষুদ্র নগরদ্বয়ের অধিবাসী ভিন্ন, প্রায় সমস্ত গ্রীস দেশ তদীয় সাম্রাজ্যের অন্তর্ভূত হইতে স্বীকৃত হইয়াছে শুনিয়া, জার্কসিস্ থেসলিয়ার মধ্য দিয়া সৈন্য পাঠনা করত, অবশেষে থার্মোপাইলি নামক সংকীর্ণ গিরিবন্য সম্মুখে উপস্থিত হইয়া দেখিলেন, থেসলি হইতে বিয়োসিয়ায় প্রবিষ্ট হইবার যে একটিমাত্র পথ আছে, তাহাও আবার স্পার্টা-রাজ লিয়নিডাসের অধীনস্থ এক দল সেনা রুদ্ধ করিয়া বিবাদ করিতে প্রস্তুত আছে ।

আখীনীয় এবং স্পার্টায়েরা জার্কসিসের ভয়ানক রণসজ্জা শ্রবণ করিয়া দৃঢ়তর অধ্যবসায় সহকারে গ্রীসের স্বাধীনতা রক্ষা করিতে দৃঢ়প্রতিজ্ঞ হইয়া গ্রীসের অপরাপর প্রদেশের অধিবাসীদিগকে সাহায্যার্থ আহ্বান করিল ; কিন্তু অধিকাংশ গ্রীকই স্বাধীনতা পরিহার পূর্ব্বক জার্কসিসের বশীভূত হইতে অভিলাষ করিল ; এজন্য আখীনীয়েরা তাহাদের সে আশা পরিত্যাগ করিয়া যে প্রকারে ইউক দেশের স্বাধীনতারক্ষার জন্য স্থিরপ্রতিজ্ঞ হইয়া দেবতাদিগের মত জানিবার জন্য ডেল্‌ফির দেবালয়ে লোক প্রেরণ করিল । তাহাতে দেবতার এই অস্ফুট আদেশ হইল যে, জুয়স্ অর্থাৎ দেবরাজ, শুদ্ধ আথেন্সের অধিদেবতা পেল্লস্-আথেনার প্রতি অনুরোধ করিয়া নগর

রক্ষার্থ যে কাষ্ঠময় প্রাচীর প্রদান করিবেন, আখীনী-
য়েরা তাহা আশ্রয় করিয়া জীবন রক্ষা করিবেক ।
এখন, কাষ্ঠময় প্রাচীর এই শব্দের অর্থ কি, এই লইয়া
নানাপ্রকার তর্ক উপস্থিত হইলে, কতকগুলি বুদ্ধ
পুরুষ অনুমান করিলেন, পূর্বের দুর্গ একবার কণ্টক
বৃক্ষের রুতি দ্বারা পরিবেষ্টিত হইয়া রক্ষা পাইয়াছিল ;
বোধ হয়, দেবতারা তাহারই আশ্রয় লইতে আদেশ
করিয়াছেন । কিন্তু অন্যান্য লোকেরা কাষ্ঠময় প্রাচী-
রের অর্থ রণ-তরীই স্পষ্ট স্থির করিয়া লোকদিগকে
তদারোহণ পূর্বক দেশান্তরে পলায়ন করিবার পরা-
মর্শ দিল । এইরূপ অনেকেই অনেক প্রকার অনুমান
করিলে, তদানীন্তন মহাপুরুষদিগের মধ্যে সর্বপ্রধান
থেমিষ্টক্লিস্, ঐ দৈববাণীর প্রকৃত তাৎপর্য গ্রহণ
করিয়া বলিলেন, দারুময় প্রাকার শব্দের অর্থ জাহা-
জই বটে ; কিন্তু দেবাদেশের অর্থ এই বুঝিতে হই-
বেক যে, যদি গ্রীকেরা জাহাজে আরোহণ করিয়া
সালামিস্ দ্বীপ আশ্রয় করে, তবে তাহাদিগের
বিনাশ নাই । এই 'উপদেশই সর্ববাদিসম্মত হইয়া
গ্রাহ্য হইল ; এবং সকলে একত্র হইয়া এই পরামর্শ
স্থির করিলেন যে, গ্রীকদিগকে নৌকায় আটরাইণ
পূর্বক স্বাধীনতা রক্ষার জন্য প্রাণপণে যুদ্ধ করিতে হই-
বেক । এবিধায় ঐতদূর হইতে পারে, পোতনির্মাণের
উদ্যোগ হইতে লাগিল ।

জার্কসিস্ থেসলি প্রবেশ করিতেছেন, এই

সংবাদ গ্রীকদিগের কর্ণগোচর হইলে, তাহারা সমস্ত গ্রীক রণতরী একত্রিত করিয়া যাত্রা করিল; এবং ধার্মপাইলি বয়ে'র পুরোবর্তী ইয়ুবির দ্বীপের উপকূল ভাগ আশ্রয় করিল; এদিকে স্পার্টারাজ লিয়-নিডাস প্রায় পাঁচ সহস্র সৈন্য লইয়া গিরিপথ রুদ্ধ করিবার মানসে অগ্রেই তথায় উপস্থিত ছিলেন। এই সকল সৈন্যের অধিকাংশই পিলপনীসীয় ছিল। এই সংকীর্ণ পথের এক দিকে পর্বত, অন্য দিকে সমুদ্র; ইহার দীর্ঘতা প্রায় আড়াই ক্রোশ হইবেক, স্থানে স্থানে ইহার প্রশস্ত্য এত অল্প যে, আড়াইশ হাতের অধিক হইবেক না; এজন্য তিনি বিবেচনা করিলেন, যে পর্য্যন্ত প্রভূত সৈন্যনা আইসে, সে পর্য্যন্ত সৈন্য সংখ্যা অল্প হইলেও, সেই গিরিপথ রুদ্ধ করিতে সমর্থ হইবেন। বিয়োশিয়ার অন্তঃপাতী থীবস্ নগরবাসীরা গ্রীক জাতিসাধারণের প্রতি বিশ্বাসঘাতকতা করিয়াছিল, এ কারণ তাহাদিগকেও এই বিপদের অংশী করিবার মানস করিলেন, এবং তাহারা সম্মত হইয়া তাঁহার সহায়তায় প্রবৃত্ত হইলে, তাহাদিগকে বয়ে'র পুরাতন ভগ্নাবশিষ্ট প্রাচীর রক্ষায় নিয়োজিত করিলেন; এই প্রাচীর পূর্বকালে থেসলিবাসীদিগের আক্রমণনিবারণার্থ ধার্মপাইলির উত্তর প্রান্তে বিনির্মিত হইয়াছিল।

ধার্মপাইলি।

জার্কিস্ কয়' সমীপে পৌছিয়া, যখন গ্রীকদিগের

অবস্থিতি ভূমি পর্য্যবেক্ষণের নিমিত্ত অগ্রে একজন অশ্বারোহী পাঠাইলেন, তখন গ্রীকেরা প্রাচীরের বহির্ভাগে কেহ অস্ত্র সাজ্জন, কেহ কেশবিন্যাস, এবং কেহ বা ব্যায়ামশিক্ষা করিতেছিল। পারসীক তুরগসাদী তদ্রূপে সাতিশয় বিস্ময়াপন্ন হইয়া প্রত্যাগমন পূর্ব্বক যথাদৃষ্ট সংবাদ দিল ; জার্কিন্স্ ডেমরেটস্কে ইহার মর্ম্ম জিজ্ঞাসা করিলে তিনি কহিলেন, এতাবত তাহাদের অটল-প্রতিজ্ঞা প্রকাশ পাইতেছে ; অর্থাৎ তাহারা শেষ পর্য্যন্ত দেখিবেক ; জীবন থাকিতে রণাঙ্গন পরিত্যাগ করিবেক না। জার্কিন্স্ সে কথায় কর্ণপাত না করিয়া, তাহাদের প্রস্থানের আশায় চারি দিন অপেক্ষা করিয়া, যখন দেখিলেন, তাহারা নিকল না, তখন তাহাদিগকে ধরিয়া আনিবার জন্য একদল সৈন্য পাঠাইলেন। ছকুম যত সহজে দেওয়া হইল, তাহা সম্পন্ন করা তত সহজ হইল না ; সমস্ত দিন যুদ্ধের পর পারসীক-আক্রমণকারীরা বিলক্ষণ ক্ষতি সহ্য করিয়া ফিরিয়া আসিল। পরে অমরদল-নামক দশ সহস্র সৈন্য প্রেরিত হইয়া সম্মুখীন হইলে, গ্রীকেরা পলায়নচ্ছুলে ইটিয়া গিয়া তাহাদিগকে বজ্রের ভিতর আনিল, সেখানে স্ফামের সঙ্কীর্ণতাবশতঃ অধিক লোকের একেবারে যুদ্ধ করিবার যো ছিল না, সুতরাং পারসীকদিগের অধিক সৈন্য থাকাতে কোন উপকারও দর্শিল না ; বরং গ্রীকেরা ফিরিয়া আক্রমণ পূর্ব্বক অকাতরে ইত্যা

করত তাহাদিগকে পরাস্ত করিলে, তাহারা পলায়ন করিল। জাক্সিস্ রক্ষকদিগকে পলায়নোন্মুখ দেখিয়া, ভয়ে সিংহাসন হইতে লাফাইয়া পড়িলেন। পরদিন পুনর্বার আক্রমণ করিলেন বটে, কিন্তু সে দিনও পরাস্ত হইলেন; এবং যার পর নাই হতাশ ও হতবুদ্ধি হইয়া পড়িলেন। 'এই সময়ে একিয়ল্টিস্ নামে স্বদেশদ্বেষ্টা এক ব্যক্তি জাক্সিসের নিকটে আসিয়া তৎপক্ষ অবলম্বন পূর্বক, পর্বতের উপর দিয়া যে আর একটি পথ আছে, ঐ পথ দ্বারা এক দল পারসীক সৈন্য লইয়া যাইবার প্রস্তাব করিলে, অমরদল-নামক সৈন্যদিগের উপর এই কার্যের ভারার্পণ হইল; এবং তাহারা সন্ধ্যার সময় ঐ স্বদেশদ্বেষ্টা নরাদমের সহিত যাত্রা করিল।

পরদিন প্রাতঃকালে বিপক্ষদলের অজ্ঞাতে পারসীক সৈন্য বন্যমুখের উপরিস্থ গিরিশিখরে পুঁজিছিল। অপর্যন্ত গ্রীকেরা তাহার কিছুই জানিতে পারে নাই; কিন্তু ঐ পর্বত তরুমণ্ডলীতে সমাচ্ছাদিত থাকায়, তদীয় অধিত্যকাগ্রদেশের ভূমি বিগলিত পর্ণরাশি দ্বারা আকীর্ণ ছিল; এই নিমিত্ত পর্বতস্থ গ্রীকপক্ষীয় রক্ষী-পুরুষেরা গলিতপত্রের খড়্‌মড্‌ শব্দে শত্রুদিগের পদশব্দ বলিয়া বুঝিতে পারিয়া অবিলম্বে অস্ত্র ধারণ করিল; কিন্তু পারসীকেরা তাহাদের উপর অনবরত শরশব্দ করিতে আরম্ভ করিলে, তাহারা পলায়ন করিল; এবং আক্রমণকারীরাও

তাহাদিগকে পশ্চাতে ফেলিয়া দ্রুতবেগে পর্বত হইতে নানিতে লাগিল। লিয়নিডাস্ ইতিপূর্বেই নরাধমের কাব্যজানিতে পারিয়াছিলেন ; পরে যখন প্রাতঃকালে উল্লিখিত প্রহরীরা আসিয়া সংবাদ দিল যে, শত্রু সৈন্য পর্বত অতিক্রমপূর্বক নিকটবর্তী হইয়াছে ; তখন তিনি বিপক্ষ সেনার গতিরোধের আশা পরিত্যাগ করিয়া, স্পার্টায়, থীবীয় ও ম্যেসীয় সৈন্যদিগকে অধীনস্থ সৈন্য বর্গের মধ্যে বিশিষ্টরূপে বণক্ষম জ্ঞান করিয়া, এবং প্রাণান্তেও তাহার। রণে ভঙ্গ দিয়া পলায়ন করিবেক না, ইহা নিশ্চয় জানিয়া তাহাদের সকলকেই তথার উপস্থিত থাকিয়া যুদ্ধ করিতে আদেশ করিলেন। এবং অন্যান্য নিম্নসৈন্যদিগকে এই অভিপ্রায়ে বিনায় করিলেন যে, তাহার। অতঃপর দেশ রক্ষার জন্য চেষ্টা করিতে সমর্থ হইবেক।

প্রাতঃকালে জার্ক্লিস্ গ্রীকদিগকে পুনরাক্রমণ করিবার নিমিত্ত সৈন্য পাঠাইলে, গ্রীকেরা শরীরের নমতা পরিত্যাগ করিয়া অকুতোভয়ে বহ্নিমধ্য হইতে তাহাদের অভিমুখে অগ্রসর হইতে লাগিল, এবং এমন মরিয়া হইয়া যুদ্ধ আরম্ভ করিল যে, পারসীক সৈন্যদিগকে রণাভিমুখে রাখিবার নিমিত্ত প্রহার পর্য্যন্ত করিতে হইয়াছিল। তাহাদের মধ্যে অনেকেই নিহত হইল, এবং সেই সঙ্গে রাজার দুই পিতৃব্য ও দুই সহোদরও মরিলেন। পরিশেষে যখন লিয়নিডাসও পড়িলেন, তখন গ্রীকেরা, আপনাদের অঙ্গ

শস্ত্র বিকল দেখিয়া, বয়ে'র ভিতর ফিরিয়া আসিল, এবং একটি ক্ষুদ্র পাহাড়ের উপর আশ্রয় লইয়া যতক্ষণ স্পার্টার এক প্রাণীও জীবিত থাকিল, ততক্ষণ রিপূর বশ্যতা স্বীকার করিল না।

জার্মিস স্বহস্তে লিয়নিডাসের শিরশ্ছেদন করিয়া তদীয় কবন্ধ বুলাইয়া রাখিলেন। গ্রীসদেশ, শত্রুহস্ত হইতে মুক্ত হইলে একটি মার্কলের-সিংহ লিয়ডিডাসের উদ্দেশে সেই ক্ষুদ্র পাহাড়ের উপর সংস্থাপন করাইয়াছিল, এবং চিরস্মরণার্থ তাহার সঙ্গীগণের ও কীর্তিস্তম্ভ নামাঙ্কিত করিয়া রাখা হইয়াছিল।

যে দুরাশা পারসীকদিগকে পথ দেখাইয়া দেয় তাহার মুণ্ড-আনয়ন-কর্তার পুরস্কার হইবেক, এই ঘোষণা প্রচার করা হইল। কিন্তু সে পামর কয়েক বৎসর পরে যখন কারণান্তরে নিহত হইল, তখন সেই বধ-কর্তাকে উল্লিখিত পুরস্কার দেওয়া হইল।

ডেল্‌ফি-আক্রমণ।

ইয়ুবির উপকূলে পারসীক রণ-তরী না আসিতে পায়, এই উদ্দেশে যে সকল গ্রীক-সৈন্য নিযুক্ত ছিল, তাহারা, লিয়নিডাস ও তদীয় অনুচর বর্গের নিধন সংবাদ প্রাপ্ত হইয়া তথা হইতে পলায়নের উদ্যম করিল। তাহাদের প্রস্থানের পূর্বে থেমিষ্টক্লিস্ ভিন্ন ভিন্ন বন্দরে গমন করিয়া, যে সকল আইয়োনিয়াবাসী লোক, পারসীক-রণপোতে

কর্ম করিত, তাহা দিগকে সম্বোধনপূর্বক প্রস্তরফলকে এই কথা লিখিয়া আসিয়াছিলেন “যে তোমরা পারসীকদিগের দাসত্ব স্বীকার করিয়া স্বজাতির অপমান করত নিতান্ত নরাধমেব কর্ম করিতেছে, যদি তোমরা সাহায্য করিতেই না পার, অন্ততঃ এই লঙ্কা-কর দাসত্ব অবলম্বন পূর্বক জাতিশত্রু পারসীকদিগের সাহায্য হইতে বিরত হও।” তাহার একপ করিবার এই তাৎপর্য ছিল যে, যদি তাহারাও না আইসে, অন্ততঃ জাক্কিন ও তাহাদের উপর সন্ধিহান হইবেন।

একগে পথ নিষ্কটক পাইয়া জাক্কিন অবশেষে সৈন্য গ্রীসের মধ্য দিয়া চলিলেন, এবং বিয়োশিয়ায় পঁছছিয়া, ডেল্‌ফির পরমসমৃদ্ধ দেবমঠ আক্রমণ ও বিলুপ্ত করিবার নিমিত্ত এক দল সৈন্য পাঠাইলেন। তত্রত্য লোকেরা শত্রুর আগমনে ভীত হইয়া দেবতার নিকট জিজ্ঞাসা করিল যে, দেবালয়ের সমস্ত ঐশ্বর্য কোথায় রাখা যাইবেক, মাটিতে পুঁতিয়া রাখা যাইবেক, কি স্থানান্তরিত করা যাইবেক? আপনো দেব কহিলেন “আমি আপনার ধন আপনিই রক্ষা করিব তোমাদের কোন চিন্তা নাই।” অতএব তাহারা আপনাদের পরিবারবর্গকে পিলপনীসীয়া-দিগের নিকট পাঠাইয়া দিল; এবং নগরমধ্যে ষাট জনমাত্র লোক রাখিয়া সকলে পার্নেসস পর্বতের বৃহত্তর এক কন্দরে লুক্কায়িত হইল। পারসীকেরা প্রায় মঠের নিকট পঁছছিয়াছে, এমন সময়ে, সহসা ঝড়,

বৃষ্টি, বজ্রপাত ও বিদ্যুৎ ইহাতে লাগিল, পার্নেসসের শিখর দেশ ইহাতে বৃহৎ বৃহৎ প্রস্তরখণ্ড ভাঙ্গিয়া পড়িতে লাগিল, এবং নঠের অভ্যন্তর ইহাতে যেন বোদ্ধাদিগের ক্ষয়সূচকক্ষনি শুনা যাইতে লাগিল। কতকগুলি অক্রমণকারী প্রস্তরখণ্ড নিষ্পিষ্ট হইয়া মরিল, এবং কতক বা ডেলফায়দিগের হস্তে নিধন প্রাপ্ত হইল; এবং যাহারা রক্ষা পাইল তাহারা স্বদলে মিলিত হইয়া বলিল যে, “যাহারা আমাদিগকে আক্রমণ করিতে আসিয়াছিল তাহাদিগের মধ্যে দুইজন মহাকায় বীরপুরুষ ছিলেন; যাহাদিগকে ডেলফিবাসীরাও তাহাদের রক্ষকস্বরূপ প্রধান বীর বলিয়া বর্ণন করিয়াছে।”

আথেন্স ও হেল্লা

জার্কসিন্ বিয়োশিয়ার মধ্য দিয়া আথেন্সাত্তিমুখ গমন কালে তত্রতা থেম্পি ও স্পেটিয়া-নগর অগ্নিসংকটান্বিত আথেন্সে উপস্থিত হইলেন; এবং নগর শূন্যপ্রায় দেখিলেন। অর্থাৎ অগ্নিগণ থেমিষ্টে ক্রিসের পরামর্শে ইতিপূর্বেই নগর পারত্র্যাগপূর্বক পলায়ন করিয়াছিল। * থেমিষ্টে ক্রিস্ আপন উদ্দেশ্য সাধনের নিমিত্ত এই কিংবদন্তী-প্রচার করিয়াছিলেন যে, পেলস্-আথেনার মন্দিরে যে মহাকায় নারাজ ছিলেন, তিনি অতৃপ্ত হইয়াছেন; এইটী দেবার নগর পরিহারের একটা প্রমাণস্বরূপ। আরো এই নিয়ম প্রচারিত করিয়াছিলেন

যে, সকলকেই আপন আপন পরিবারবর্গের রক্ষার নিমিত্ত যথাসাধ্য চেষ্টা করিতে হইবেক; এবং সকলকেই পোতে আরোহণ করিতে হইবেক। মিল্টাইডিসের পুত্র সাইমন্ সর্ব প্রথম এই যুক্তির অনুবর্তন করেন ; তিনি কতিপয় সমবয়স্ক ও সমান মর্য্যদাপন্ন যুবক সমভিব্যাহারে দারুদুর্গে গমনপূর্ব্বক তথায় যে সকল ঢাল্ ছিল তন্মধ্য হইতে একখানি গ্রহণপূর্ব্বক দেবীর বন্দনা করিয়া জাহাজে উঠিলেন। আখীনীদ-দিগের কেহ কেহ আপন আপন পরিবারদিগকে সালামিস্-দ্বীপে পাঠাইয়া দিল, কেহ বা পিল-পনীসমের উপকূলে প্রেরণ করিল। ফলতঃ তৎতৎ স্থানের অধিবাসীগণ তাহাদের উপর যারপর নাই সদয় ব্যবহার করিয়াছিল, এমন কি সন্তানদিগের শিক্ষার্থে অধ্যাপক পর্য্যন্ত নিযুক্ত করিয়া দিয়াছিল ; এবং তাহাদিগকে যথেষ্ট ফল মূল আহরণ করিয়া খাইতে দিয়াছিল। আমরা শুনিয়াছি, একটা প্রভু-ভক্ত কুকুর আপন প্রভু জাহাজের সঙ্গে সঙ্গে সাঁতার দিয়া সালামিস্-দ্বীপ পর্য্যন্ত গিয়া তীরে উঠিয়াই মরিয়া গেল।

কেবল কতিপয় যুগ্মমতি দারুদুর্গকে দৈববাণী নির্দিষ্ট স্থান ভাবিয়া তথায় রহিল। কিন্তু তাহারা পারসীক-দিগকে নিবারণ করিতে পারিল না। সুতরাং পারসীকেরা দুর্গ অধিকারপূর্ব্বক তাহাদিগকে নষ্ট করিয়া নগর দখল করিয়া চলিয়া গেল।

সালামিসের যুদ্ধ ।

সমস্ত গ্রীকরণতরী সালামিসের উপকূলে থাকিয়া আথেন্সের দুরবস্থা নিরীক্ষণ করিল। অতঃপর কি করা উচিত, তাহা স্থির করিবার জন্য যে সভা হইল, তাহাতে আখীনীয় প্রধান সেনাপতি থেমিষ্টক্লিস্ এই পরামর্শ দিলেন যে, সালামিসের সংকীর্ণ সমুদ্রে থাকিয়া যুদ্ধ দিতে হইবেক, তাহা হইলে পারসীকদিগের অধিক সৈন্যবল কোন কার্য্যকারক হইবেক না। কিন্তু স্পার্টায়সেনাপতিরা পদাতি সৈন্যের সাহায্য পাইবার সুবিধা দেখাইয়া তথা হইতে করিন্থ-যোজকের নিকটবর্তী সমুদ্রে যাইয়া যুদ্ধ দিবার মত ব্যক্ত করিলে, পর দিবস যোজকের সমীপবর্তী সাংগের রণতরী লইয়া গমন করাই সভার শেষ সিদ্ধান্ত হইল। কিন্তু ইহাতে যে অনিষ্টাপাতের সূত্ৰাবনা ছিল, তাহা থেমিষ্টক্লিসের এক জন বন্ধু তাঁহার মনে পড়াইয়া দিলে, তিনি পুনর্বার স্পার্টার প্রধান সেনানায়ক ইউরিবাইডিসের নিকট যাইয়া, তাঁহাকে এই বিষয়ের জন্য আর একটি সভা বসাইতে অনুরোধ করিলেন। সভা-খসিলে পর থেমিষ্টক্লিস্ সভাপতি আরিষ্টাইডিসের অপেক্ষা না করিয়াই স্বয়ং অভিপ্রেত বিষয়ের প্রস্তাব দ্বারা সভ্যগণকে স্বমতে আনিবার নিমিত্ত, বিশেষ যত্ন করিলে, কোন সভ্য কহিলেন “ থেমিষ্টক্লিস্ ! যাহারা সময় না হইতেই খেলায় উঠে, চাবুক খাইয়াই তাহাদের প্রাণ বাহির হয় ”। এই কথা শুনিয়া তিনি

উত্তর করিলেন, “হাঁ সত্য বটে, কিন্তু যাহারা সময় হইলেও না উঠে, তাহাদের কপালেও কখন নুকুট ঘটে না।” এই কথা শুনিয়া ইউরিবাইডিস্ যষ্টি-প্রহার করিতে উদ্যত হইলেন। কিন্তু থেমিষ্টক্লিস্ নিজের কোন উপকার অপেক্ষা দেশের উপকার গুরুতর ভাবিয়া এই বলিয়া চেষ্টাইয়া উঠিলেন, “মারুন, কিন্তু আমার কথায় একবার কর্ণপাত করুন” এই বলিয়া তিনি যে বক্তৃতা করিলেন তাহাতে, তথা হইতে পলাইয়া যাওয়া যে কতদূর যুঁটতার কাজ, এবং সফলামিসিস্ পারিবারদিগকে পরিত্যাগপূর্বক শত্রুহস্তে নিক্ষিপ্ত করা যে কতদূর নিষ্ঠুরতা, তাহা বর্ণন করিলেন। কিন্তু যখন তিনি দেখিলেন, এইরূপ যুক্তি দেখাইয়াও আপন ইচ্ছা সফল হইল না, তখন তিনি কহিলেন, যদি তাহারা এখানে থাকিয়া যুদ্ধ করিতে না চাহেন; হবে আত্মাণীয়েরা তাহাদিগকে পরিত্যাগপূর্বক সপরিবারে ইটালি গমন করিবেন। এইরূপ তৎ-প্রদর্শনে থেমিষ্টক্লিসের অভীষ্ট সিদ্ধি হইল; সালামিসে থাকিয়া পর দিন যুদ্ধ করাই স্থির হইল।

এই সময় জাক্লিস্ স্বীয় রণপোতের অধ্যক্ষদিগকে ডাকাইয়া যে সভা করিলেন, তাহাতে সকলেই যুদ্ধ করিবার অভিপ্রায় ব্যক্ত করিলে, কোরিন্থীয় অধীশ্বরী আর্টিনীসিয়া, যিনি পারসীক রাজের সাহায্যার্থ স্বয়ং সৈন্যাধ্যক্ষ হইয়া আসিয়াছিলেন, এই পরামর্শ দিলেন যে, “ইটাং যুদ্ধে প্রবৃত্ত না হইয়া পদাতিক

সৈন্যদিগকে পিলপনীসমে পাঠাইয়া দিলে খাদ্যের অভাবে গ্রীক-রণতরী সকল ছত্রভঙ্গ হইয়া পড়িবেক, তাহা হইলেই আমাদিগকে আর জন্মযুদ্ধে পয়াস্ত হইতে হইবেক না।” জাক্লিস্ তাঁহার এই পরামর্শ শুনিয়া তদীয় বুদ্ধি ও সাহসের যথেষ্ট প্রশংসা করিলেন। কিন্তু তদীয় পরামর্শের অনুবর্তন করিতে পারিলেন না, তাঁহাকে বলবৎ পক্ষের মতেই চলিতে হইল। পরে পারসীক-রণপোত সকল যুদ্ধার্থ সালামিসে যাত্রা করিল, কিন্তু রাত্রি উপস্থিত হওয়াতে সে দিন যুদ্ধ বন্ধ রহিল।

এই রাত্রে গ্রীকেরা, কতকগুলি পারসীক-সৈন্য যোজকাভিনুখে যাত্রা করিয়াছে শুনিয়া, উদ্বেগ করিতে লাগিল। ইহা দেখিয়া থেমিষ্টক্লিস্ অতঃপর যুদ্ধে বিলম্ব হইলে সব নষ্ট হয়, দেখিয়া পারসীক-শিবিরে এক জন বিশ্বাসী ভৃত্যকে পাঠাইলেন, এবং বক্তব্য কথা বলিয়া দিলেন। সে তথায় গিয়া বলিল, “গ্রীকেরা যুদ্ধার্থ সসজ্জ হইতেছে, এই সময় সহসা আক্রমণ করিলে অনায়াসে আপনাদের জয়লাভ হইবেক। এই কথা বলিবার নিমিত্ত আপনাদের গুপ্ত মিত্র কোন আখীনীয় সেনা-নায়ক আমাকে এখানে পাঠাইয়াছেন।” থেমিষ্টক্লিসের এই কৌশল সিদ্ধি হইল। পারসীকেরা আর কোন আপত্তি না করিয়া অবিলম্বে আক্রমণে উদ্যত হইল, এবং কতকগুলি রণতরী সালামিস্ দ্বীপের চারি দিকে পাঠাইয়া

দিল যে গ্রীসেরা কোন দিক দিয়া পলাইতে না পারে।

এই সময়ে আথেন্স্ নগরে যে এক অদ্ভুত প্রথা প্রচলিত ছিল, তাহার নাম নির্বাসন-বিধি। নগরের কোন অধিবাসী লোক বিশেষ প্রিয়পাত্র বা বিশেষ ক্রমাশালী হইয়া সাধারণের ঈর্ষসিদ্ধির ব্যাঘাত করিতেছে, একপ বিবেচনা হইলে, তাঁহাকে সর্ব সমক্ষে আনিয়া বিচার করা হইত; বিচারে ছয় সহস্র লোক একবাক্য হইলেই, তাঁহাকে দশ বৎসরের নিমিত্ত বাড়ী ঘর ছাড়িয়া নির্বাসনে যাইতে হইত। আরিষ্টো-ইডিস্ নামে দেশহিতৈষী পরম ধার্মিক ও সত্যপরায়ণ এক ব্যক্তি এইরূপে নির্বাসিত হন। থেমিষ্টক্লিস্ তাঁহার প্রতিদ্বন্দ্বী ছিলেন, তিনি চাতুরী দ্বারা সমস্ত লোকদিগকে লওয়াইয়া তাঁহাকে নির্বাসনে পাঠাইয়াছিলেন। তিনি নির্বাসিত হইয়া আথেন্সের সম্মুখবর্তী ইজাইনা দ্বীপে বাস করিতে ছিলেন। তিনি এখন পারসীকদিগকে সালামিস বেষ্ঠন করিতে দেখিয়া, (যাহারা তাঁহাকে দেশ হইতে তাড়াইয়া দিয়াছিল, মুহূর্তের নিমিত্ত ও তাহাদের সে নিষ্ঠুরতা স্মরণ না করিয়া,) অবিলম্বে এক খানি বোটে "চড়িয়" সালামিস্ দ্বীপে উপস্থিত হইলেন, এবং থেমিষ্টক্লিসের শিবিরে গিয়া তাঁহাকে বলিলেন, "শত্রুরা চারি দিক বন্ধ করিয়াছে, তাহাতে কোন দিক দিয়া পলাইবার যো নাই, অতএব যদি তোমরা এই সময় বলপূর্বক উহা-

দের মধ্য দিয়া অপক্রান্ত হইতে পারি, তবেই বাঁচিবে, নতুবা আর কোন উপায় দেখি না।” থেমিষ্টক্লিসও তাহার প্রতি বিশ্বাস করিয়া গোপনে যাহা যাহা করিয়াছেন, সে সমস্ত খুলিয়া বলিলেন, এবং আর আর মেনাপতিদিগের নিকট গিয়া স্বাভিপ্রায় জানাইতে অনুরোধ করিলেন যে, তাহারাও তাঁহাকে সেইরূপ বিশ্বাস করিবেন। তিনি সকলের নিকট যাইয়া সমস্ত নিবেদন করিলেন, কিন্তু তথাপি তাহারা তাঁহার কথায় বিশ্বাস করিল না। পরিশেষে যখন শত্রুশিবির হইতে এই সম্বাদ লইয়া একখানি নৌকা আসিল, তখন তাহাদের সে সন্দেহ ভঞ্জন হইল। ভোর হইতেছে দেখিয়া, থেমিষ্টক্লিস সকলকে যুদ্ধার্থ সজ্জিত হইতে আদেশ দিলেন, এবং সৈন্যদিগকে সম্বোধন করিয়া এমন এক ওজস্বি বক্তৃতা করিলেন যে, তাহাতে প্রোৎসাহি হইয়া তাহারা পোতে আরোহণ করিলে, খঃ পুঃ ৪৮০ সংগ্রাম উপস্থিত হইল।

জার্ক্লিস্ যুদ্ধ দেখিবার নিমিত্ত সালামিসের সম্মুখবর্তী এক পর্বতের উপর অধিষ্ঠান করিলেন, এবং পারিষদেরা যুদ্ধ রূতান্ত লিখিবার জন্য তাঁহার পার্শ্বে দাঁড়াইল। উভয় পক্ষেরই নৌসেনা যুদ্ধার্থ শ্রেণীবদ্ধ হইল। পার্শ্বসীক্ রণ-তরী সহস্র সংখ্যক, এবং গ্রীকদিগের চারিশত অপেক্ষাও কম হইল। এবং উক্ত চারিশতের মধ্যে আথীনীয়ের প্রায় দুইশত সরবরাহ করিয়াছিল। গ্রীকেরা আক্রমণ করিতে

ইতস্ততঃ করত কিছুকাল দাঁড়ের উপর শয়ন করিলে-
 পর একটি স্ত্রীমূর্তি সহসা আবিভূত হইয়া “ওহে
 কাপুরুষগণ ! আর কতক্ষণ নিদ্রা যাইবে ? ” এই কথা
 একপ উচ্চৈঃস্বরে বলিল যে, রণতরী সম্পর্কিত সমস্ত
 লোকেই তাহা শুনিতে পাইল ; এবং একখানি আখী-
 নীয় রণপোত বেগে আসিয়া শত্রুদিগের একখানির
 উপর আক্রমণ করিলে, ক্রমশঃ দেখাদেখি উভয়
 পক্ষীয় সকলেই রণে মত্ত হইল । কিন্তু ঐ স্থানের
 সাগর অতি সঙ্কীর্ণ থাকায় পারসীকদিগের আক্র-
 মণের বিশেষ ব্যাঘাত জন্মিলে, অল্পকাল মধ্যেই
 তাহারা হতজান হইয়া পড়িল ; এবং তাহাদের
 অনেক রণতরী নষ্ট হইল । একখানি আখীনীয় রণ-
 পোত আর্টিমিসিয়ার প্রতি ধাবমান হইলে, তিনি
 পরিত্রাণের কোন উপায় না দেখিয়া, স্বপক্ষের এক-
 খানি জাহাজ আক্রমণ করিয়া বারিসাৎ করিলেন ।
 এই দেখিয়া আখীনীয় সেনাপতি তাঁহাকে আপনাদের
 মিত্র ভাবিয়া আক্রমণোদ্যোগ পরিত্যাগ করিলেন ।

জার্কিস্ এই ব্যাপার অবলোকন করিয়া, রাজ্যী
 শত্রু পক্ষের জাহাজ জলসাৎ করিলেন ভাবিয়া, বলি-
 লেন “পুরুষেরা মেয়ে এবং মেয়েরা পুরুষ ।” এদিক্
 পারসীকদিগের সমস্ত রণ-তরী ইতস্ততঃ বিক্ষিপ্ত
 হইয়া চারিদিকে পলাইতে লাগিল ; এবং সন্ধ্যা
 পর্য্যন্ত এইরূপ সংগ্রাম চলিয়া পরিশেষে শান্ত
 হইল । এই যুদ্ধে সমুদায়ে গ্রীকদিগের চল্লিশখানি

মাত্র রণতরী বিনষ্ট হইল ; কিন্তু পারসীকদিগের, যাহা অধিকার করিয়া আনা হয়, তাহা ব্যতিরেকে প্রায় দুইশত জনমগ্ন হইয়াছিল।

জাক্সিসের পলায়ন।

জাক্সিস্ অতঃপর আর জনযুদ্ধে সাহস করিতে না পারায়, মার্ডোনিয়স্ তাঁহাকে পরামর্শ দিলেন, “হয় একেবারে পিলপনীসীয়দিগকে আক্রমণ করুন, না হয় অমাকে তিন লক্ষ সৈন্য দিয়া গৃহে প্রতিগমন করুন ; আমি পণ করিতেছি, সৈন্য লইয়া সমস্ত গ্রীস্ সম্পূর্ণ জয় করিয়া যাইব।” রাজা এই যুক্তিটি শুনিয়া যার পর নাই সন্তুষ্ট হইলেন, এবং আর্টিমীসিয়াও তাহাতে সম্মতি প্রদান করিলেন ; এবং থেমিষ্টক্লিসের নিকট হইতে গুপ্তভাবে এক দূত আসিয়া তরু প্রদর্শন পূর্বক রাজাকে আরো দৃঢ় করিয়া গেল। সালামিস্ জয় লাভের পর, থেমিষ্টক্লিস্ সমস্ত গ্রীক-সেনাপতিদিগের নিকট, হেলেন্সপন্টে গিয়া তথাকার সেতু উৎপাটন দ্বারা জাক্সিসের পলায়নের পথ খণ্ডন করিবার প্রস্তাব করিলেন ; কিন্তু ইয়ুরিবাইডিস্ তাহা অগ্রাহ করিলে, থেমিষ্টক্লিস্ আপনার বিশ্বাসী দূত দিয়া জাক্সিস্কে বলিয়া পাঠাইলেন যে, “গ্রীকেরা হেলেন্সপন্টের সেতু ভাঙ্গিয়া দিবার প্রস্তাব করিয়াছিলেন, কেবল আমি তাহাদিগকে সে মতলব হইতে ক্ষান্ত করিয়াছি।”

পলায়নকালে^১ পারসীকেরা তয়ানক ক্লেস পাইয়া-ছিল ; পীড়া এবং দুর্ভিক্ষে তাহাদের বিলক্ষণ ক্ষতি হইয়াছিল। তুর্গ এবং গাছের পাতা খাইয়া তাহা-দিগকে প্রাণ ধারণ করিতে হইয়াছিল ; এবং এত লোক মরিয়াছিল যে, যে দেশ দিয়া তাহারা গমন করিয়াছিল, সেই দেশ মৃত দেহে আচ্ছন্ন হইয়াছিল। হেলেন্সপন্ট পঁছছিয়া দেখিল, ঝড় ও তরঙ্গ বেগে সেতু ভাঙ্গিয়া গিয়াছে। সালামিনে যে সকল জাহাজ রক্ষা পাইয়াছিল, তদ্বারা জাক্সিস্ এখন মৃত্যুবশিষ্ট সৈন্য লইয়া আশিয়ার উপকূলে পঁছছিলেন। জাক্সিস্ সার্ডিস নগরে শীত-কাল অতিবাহিত করিয়া বসন্তের প্রারম্ভে সূসা যাত্রা করিলেন। তিনি অতঃপর স্বয়ং কোন যুদ্ধে অধ্যক্ষতা করিবার বাসনা একেবারে দূর করিলেন ; প্রাচ্য ভূমিপালদিগের চিরাভ্যস্ত পদ্ধতি-ক্রমে জীবনাতিপাত করিতে লাগিলেন, এবং কিছুকাল-পরে স্বীয় এক কর্মচারীর হস্তে নিহত হইলেন। •

গ্রীসদেশের ঘটনা।

পারসীকদিগের রণপোত সকল প্রস্থান করিলে,^২ গ্রীকেরা, (মেরাথন-যুদ্ধের পর, যেমন সন্ধিহিত দ্বীপ^৩ সমূহের অধিবাসীদিগের নিকট টাকার দাবী করিয়া-ছিল) পুনর্বার তাহাদের উপর সেইরূপ করিবার মানস করিল। থেমিষ্টক্লিস্ আগ্র দ্বীপে গিয়া তত্রত্য অধিবাসীদিগের নিকট বলিলেন, আর্থীনীয়েরা দুইটা

দেবী সঙ্গে লইয়া আসিয়াছেন, অতএব তোমাদিগকে অবশ্যই টাকা দিতে হইবেক। ইহা শুনিয়া তাহারা উত্তর করিল, আমাদের এখানেও দুইটী দেবী আছেন, তাঁহারা কখন এদ্বীপ ছাড়িয়া অন্যত্র যান না, সুতরাং আমরা টাকা দিতে পারিব না। ইহা শুনিয়া গ্রীকেরা তাহাদের নগর বেষ্ঠন করিলে, সে বেষ্ঠনের কোন ফল দর্শিল না। নিকটবর্তী অন্যান্য দ্বীপের লোকেরা গোপনে থেমিষ্টক্লিসের নিকট টাকা পাঠাইয়া নিষ্কতি পাইল। অনন্তর গ্রীকেরা সালামিসে ফিরিয়া আসিল।

মার্ডোনিয়স্ সসৈন্যে থেসলিতে শীতকাল অতি-পাতিত করিয়া বসন্তের প্রারম্ভে যুদ্ধার্থে সমাজ্জ হইলেন। তিনি প্রথমতঃ আথীনীয়দিগকে স্বপক্ষে আনিবার চেষ্টায় প্রবৃত্ত হইয়া, মেসিডোনীয়-রাজ আলেকজাণ্ডরকে এই বলিয়া তথায় পাঠাইলেন; যদি তাহারা তাঁহার সহিত মৈত্রী করেন, তবে তিনি তাহাদের সমস্ত রাজ্য ও স্বাধীনতা প্রত্যর্পণ করিবেন, এবং সমস্ত দেব-মঠ পুনর্বার নির্মাণ করিয়া দিবেন। আলেকজাণ্ডর তাহাদিগকে এই প্রস্তাবে সম্মত করাইবার নিমিত্ত বিশেষ যত্ন করিতে লাগিলেন। এদিকে স্পার্টায়েরা তাহাদিগকে বিনয় বচনে কহিল, “তোমরা কদাচ সাধারণ পক্ষ পরিত্যাগ করিও না; আমরা তোমাদের পরিবারবর্গের ভরণ-পোষণ করিব; এবং প্রাণপণে তোমাদের উপকার করিতে ক্রটি

করিব না । ” এতাবৎ শ্রবণ করিয়া আর্থীনীয়ানেরা যে উত্তর করিল, তাহাতে তাহাদের বিলক্ষণ উদার-শয়তা ও মহত্ব প্রকাশ পাইল । তাহারা আলেক-জাগুরকে বলিল “ যাহারা আমাদিগের দেবালয় ও বাসস্থান দক্ষ করিয়াছে, যতকাল সূর্য্যদেব আপন গতির অনুবর্তন করিবেন, ততকাল তাহাদের সহিত মিত্রতা করিব না । হে লেসিডিমোনীয় দূতগণ । তোমরা আর্থীনীয়দিগের স্বভাব জান না বলিয়াই তাহাদিগকে, সাধারণ পক্ষ ছাড়িবেক বলিয়া মনে করিয়াছ । তোমরা আমাদের পরিবারবর্গের ভরণ-পোষণের কথা ছাড়িয়া দিয়া, শুদ্ধ আটিকার শীমা রক্ষার জন্য অবশ্য অবশ্য বিয়োশিয়ায় একদল সৈন্য পাঠাইয়া দিবে । ” স্পার্টায় দূত তাহাতেই সন্মত হইয়া চলিয়া গেল ; কিন্তু গৃহে যাইয়াই তাহা বিস্মৃত হইল ।

অধুনা মার্ডোনিয়স্ সসৈন্তে থার্মপাইলি অতিক্রম করিয়া বিয়োশিয়ায় প্রবিষ্ট হইলে, ঐ দেশের ক্ষেত্র বিলক্ষণ বিস্তৃত থাকায়, তাহার অশ্ব-সৈন্যদিগের পক্ষে অনুকূল হইবেক বলিয়া, থীবীয়েরা তাহাকে তথায় ছাউনি করিতে পরামর্শ দিল । কিন্তু তিনি তথায় না থাকিয়া সমুদ্র আটিকায় গমন করিলেন ; এবং আথেন্সে উপস্থিত হইয়া দেখিলেন, নগর পূর্বের মত শূন্যপ্রায় পড়িয়া আছে ; অধিবাসীগণ সাল্যামিসে প্রস্থান করিয়াছে । তিনি পূর্বোক্ত পথে মৈত্রী করিবার জন্য প্রস্তাব করিলে, সেনেটসভার অধ্যক্ষ

উক্ত পথে মৈত্রী করণের ইচ্ছা ব্যক্ত করিলেন ; তদ্রূপে অন্যান্য অধ্যক্ষগণ ও অধিবাসীরা তজ্জন্য তাঁহাকে পাথর চাপাইয়া মারিয়া ফেলিলেন ; এবং স্ত্রীলোকেরাও তাঁহার তপস্বিনী ভার্য্যা ও সন্তানদিগকে সেই পথে পাঠাইল। তখন মার্ডোনিয়স্ ভ্রূদ্ধ হইয়া, আথেন্স্ নগরের অবশিষ্ট যে দুই একটা ভাল দেবালয় ছিল, তাহাও পোড়াইয়া দিলেন।

পারসীকদিগকে সন্নিহিতপ্রায় শুনিয়া, এবং স্পার্টীয়দিগের সাহায্যার্থ সৈন্য পাঠাইবার বিলম্ব দেখিয়া, আথেন্স্ বাসীরা স্পার্টায় দূত পাঠাইয়া দিল, এবং তথায় যাইয়া যেকপ বলিতে হইবেক, তাহাও বলিয়া দিল। দূতেরা স্পার্টায় পৌঁছিয়া দেখিল, স্পার্টাবাসীরা নিশ্চিন্ত হইয়া কোন ধর্ম্ম-মহোৎসবে মত্ত হইয়া ভ্রামোদ প্রমোদ করিতেছে। অধিকন্তু স্পার্টাবাসীরা আপনাদের মঙ্গলের জন্য করিহ-যোজকের উপর এক প্রাচীর নির্মাণে ব্যাপৃত ছিল, একারণ তাহারা আজ কাল করিয়া দূতদিগের সহিত সাক্ষাৎ না করিয়া প্রাচীর নির্মাণে তৎপর রহিল। দশম দিবসে কোন স্পার্টীয় বিদ্রুপকৃত তাহাদিগকে বলিলেন যে, “যদি তোমরা আর্থীনীয়দিগের সাহায্য না কর, আমরা আর্থীনীয়েরা যদি তন্নিবন্ধন পারসীকদিগের সহিত মিলিত হয়, তবে তোমাদের প্রাচীর নির্মাণ কোন কার্য্যেই আসিবেক না।” ইহা শুনিয়া স্পার্টীয়েরা প্রাচীর নির্মাণে বিরত হইল ; এবং আর্থীনীয় দূত-

দিগের অগোচরে সেই রাত্রেই পাঁচ সহস্র সৈন্য পাঠাইয়া দিল। পর দিবস প্রাতঃকালে আধীনীয় দূতেরা তদ্রূপ প্রবান শান্তিরক্ষক দিগের নিকট যাইয়া কহিল “স্পার্টায়েরা অগ্রে সাহায্য করিতে প্রতিশ্রুত হইয়া, এখন যদি সাহায্যদানে একেবারে পরাজিত হয় ; তবে আমরা এখন চলিয়া যাইয়া সংবাদ দিব। সংবাদ পাইবামাত্র আধীনীয়েরা পারসীক নরপতির সহিত মিলিত হইবেক।” দূতদিগের এই কথা শুনিয়া স্পার্টায়েরা কহিল, “আমরা ইতিপূর্বেই একদল সৈন্য তাহাদের সাহায্যার্থ আর্কেডিয়ায় প্রেরণ করিয়াছি ; বোধ হয় এতদিন তাহারা তথায় পৌঁছিয়া থাকিবেক।” ফলতঃ এই কথা সত্য বলিয়া প্রথমতঃ দূতদিগের বিশ্বাস হইল না। পরে যখন আর পাঁচ সহস্র সৈন্য তাহাদিগের সহিত দিল, তখন তাহারা পূর্বোক্ত সৈন্য-সংগে সত্যজ্ঞান করত আত্মদে পরিপূর্ণ হইয়া স্পার্টা হইতে যাত্রা করিল।

শ্লেটিয়ার যুদ্ধ।

স্পার্টায়েরা অগসর হইতেছে শুনিয়া, মার্ডোনিয়স স্বীয় সৈন্যগণকে ফিরাইয়া বিয়োশিয়ায় চলিয়া গেলেন, এবং আসেপস্ নদীর তীরে দারুময় প্রাচীর নির্মাণ-পূর্বক তন্মধ্যে ছাউনি করিয়া রহিলেন। এ দিকে স্পার্টায়েরা আধীনীয় ও অন্যান্য স্বদেশপ্রিয় গ্রীক-দিগের সহিত মিলিত হইয়া, সীথারন্ পর্বতের পাদ-


দেশে অবস্থিতি করিল। সমুদায়ে তাহাদের প্রায়
এক লক্ষ সৈন্য ছিল ; কিন্তু পারসীক সৈন্য ইহার তিন
গুণ অধিক ছিল। পারসীক অশ্ব-সৈন্য কতকগুলি
গ্রীক সৈন্যের উপর কয়েক বার আক্রমণ করিলে, এক
বার পারসীক সেনাপতির ঘোড়া আহত হইয়া
তাহাকে ফেলিয়া দিল ; এবং গ্রীকেরা তাহাকে মারি-
বার নিমিত্ত দৌড়িয়া আসিল ; কিন্তু তাহার গাত্রে
মৃদু বর্ম থাকায় গাত্রে আঘাত করিতে পারিল না ;
পরিশেষে একজন তাহার চক্ষে এমন আঘাত করিল
যে, সেই আঘাতেই তাহার প্রাণ বিয়োগ হইল। অন-
ন্তর তাহারা তাহার মৃত শরীর এক শকটে রাখিয়া,
সমস্ত সৈন্যদিগকে দেখাইবার নিমিত্ত, সৈন্যরাজির
সম্মুখ দিয়া লইয়া গেল। তিনি ঐক জন মর্যাদাপন্ন
লোক ছিলেন ; এজন্য পারসীকেরা তাহার নিমিত্ত
অতিশয় বিলাপ করিতে লাগিল, এবং দেশের রীতি
স্বনুসারে আপনাদের এবং ঘোটকদিগের কেশ কঁড়স
করিল।

গ্রীকেরা তথায় জলকষ্ট দেখিয়া, সেই পর্বতের
পার্শ্বে পার্শ্বে গিয়া, প্লেটিয়ানগরের নিকট ছাউনি
করিল। আট দিন কাল উভয় পক্ষেই চূপ করিয়া
রহিল। কিন্তু গ্রীকেরা পিলপনীসীয়দিগের নিকট হইতে
লোকবল এবং খাদ্য সামগ্রী প্রাপ্ত হইতেছে শুনিয়া,
মার্ডোনিয়স খীবীয়দিগের পরামর্শে, তাহাদের পশ্চা-
ত্যাগস্থ সিথরন্ পর্বতের পথ অবরোধ করিবার

নিমিত্ত রাত্রিযোগে একদল অশ্বারোহী পাঠাইলেন ; এবং তথায় যাইয়া তাহারা বড় এক গাড়ি খাদ্যদ্রব্য আটক করিল। এইরূপে আরও দুই দিবস গত হইলে, মার্ডোনিয়স্ আর বিলস্ব সহিতে না পারিয়া, একেবারে যুদ্ধ দিতে মানস করিলেন; এবং কর্মচারীদিগকে ডাকাইয়া পর দিন প্রাতে যুদ্ধার্থ সৈন্যপ্রস্তুত রাখিবার নিমিত্ত আদেশ কিলেন। রাত্রি উপস্থিত হইলে, আলেকজান্ডর আখীনীয় সেনানিবেশের বহির্ভাগে গমন করিয়া অধ্যক্ষদিগকে আহ্বানপূর্বক মার্ডোনিয়সের প্রতিজ্ঞা প্রকাশ করিলেন। আখীনীয়েরা পারসীক যুদ্ধ-প্রণালী জানিত, স্পার্টায়েরা জানিত না ; একারণ স্পার্টায় প্রধান সেনানায়ক পসেনিয়স্ আখীনীয়দিগকে স্পার্টান্দিগের সহিত স্থান পরিবর্তন করিতে বলিলে, তাহারা সম্মত হইয়া পরস্পর স্থান পরিবর্তন করিল। কিন্তু প্রাতে খীবীয়েরা এই ব্যাপার জানিতে পারিয়া মার্ডোনিয়স্কে সংবাদ দিলে, তিনিও পারসীকদিগের স্থান পরিবর্তন করাইলে, ঠিক পূর্বের মত পারসীক সৈন্য স্পার্টায় সৈন্যের সম্মুখীন হইয়া দাঁড়াইল। মার্ডোনিয়স্ দূত দ্বারা স্পার্টায়দিগকে তাহাদের ভীকৃত বিষয়ে অতিশয় তিরস্কার করিয়া পাঠাইলেন ; এবং উভয় পক্ষের তুল্য-সংখ্যক সৈন্যের এক যুদ্ধ দ্বারা এই ঘোর সংগ্রামের নিষ্পত্তি করিতে চাহিলেন। কিন্তু যখন স্পার্টায়েরা তাহাতে কিছুই উত্তর করিল না, তখন মার্ডোনিয়স্ স্বীয় সৈন্যগণকে অগ্রসর

হইতে আদেশ দিলেন। পারসীকেরা শর বর্ষণ করিয়া গ্রীকদিগের শরীর ক্ষত বিক্ষত করিল; এবং যে সকল কুপ হইতে তাহারা জল লইত, সে সমস্ত বুজাইয়া ফেলিল। এজন্য গ্রীকেরা, অতিশয় জলকষ্ট হওয়াতে রাত্রে তথা হইতে ছাউনি উঠাইবার মানস করিয়া, তথা হইতে প্রস্থানপূর্বক স্পেটিয়া-নগরের সান্নিধ্যে শিবির সংস্থাপন করিল। কিন্তু এক জন স্পার্টায়-সেনানায়ক কিছুতেই বিপক্ষের সম্মুখ ছাড়িয়া যাইতে চাহিলেন না; পসেনিয়াস তাঁহাকে লইয়া যাইবার নিমিত্ত যথোচিত চেষ্টা করিলে, তিনি কিছুতেই যাইতে সম্মত হইলেন না।

এখন স্পার্টায়েরা বাস্তবিক আসিতেছে কিনা, ইহা জানিবার নিমিত্ত আর্থীনীয়েরা একজন অশ্বারোহীকে পাঠাইয়া দিল। পসেনিয়াস সেই অশ্বারোহীকে এই বলিলেন “আপনি তো সমস্তই দেখিলেন, সেনাপতি কিছুতেই যাইতে সম্মত নহেন; অতএব আপনি শীঘ্র যাইয়া আর্থীনীয়দিগকে এখানে আসিতে বলুন; কারণ আমরা এখানে অসহায় হইয়া পড়িয়াছি।” এইরূপ তর্ক করিতে করিতে রাত্রি প্রভাত হইয়া পড়িল, তখন পসেনিয়াস আর থাকিতে না পারিয়া, বরাবর পর্বতের উপর দিয়া চলিলেন; এবং আর্থীনীয়েরা নীচে দিয়া যাইতে লাগিল। পরিশেষে যখন সকলেই চলিয়া গেল, আপনি একাকী পড়িলেন; তখন স্পার্টায়-সেনাপতিও অত্যাতি



করিলেন। পারসীক সেনাপতি মার্ডোনিয়স, গ্রীক-দিগের পলায়ন শুনিয়া, সহস্রপরিমিত রণকুশল অশ্বারোহী সৈন্যে পরিবৃত্ত হইয়া শুক্রবর্গ এক অশ্বে আরোহণ পূর্বক, পারসীক তুরগসেনার আধিনায়ক হইয়া, শত্রুদিগের অনুসরণে প্রবৃত্ত হইলেন; এবং সম্মুখে লেসিডিমোনীয়দিগকে পাইয়া আক্রমণ করিলেন; এদিকে থীবস্বাসীরা, এবং মার্ডোনিয়সের পক্ষ অন্যান্য গ্রীকেরা আথেস্বাসাদিগের সাহায্য করিতে আসিবার পথ রুদ্ধ করিয়া থাকিল। লেসিডিমোনীয়েরা যখন শত্রুদিগের বাণে অতিশয় পীড়িত হইতে লাগিল, তখন পমোনয়স্ নিকটবর্তী হারার দেবালয়ের প্রতি দৃষ্টিদান করিয়া, এই প্রার্থনা করিলেন; “আপনার পরম ভক্ত গ্রীকেরা বিনষ্ট হইতেছে দেখিয়া আপনি কখনই তাহা সহ্য করিবেন না।” এই উপাসনার পর গ্রীকেরা অকুতোভয়ে পারসীক সৈন্যের অভিমুখে পড়িলে, ঘোরতর সংগ্রাম উপস্থিত হইল। মার্ডোনিয়স্ একজন স্পার্টারের হস্তে প্রাণ-ত্যাগ করিলে, তাঁহার পার্শ্ববর্তী রক্ষকেরাও নিহত হইল; এবং সৈন্যের অবশিষ্ট ভাগ ছত্র ভঙ্গ হইয়া স্বজ্ঞাবারে পলায়ন করিল। পারসীক-সেনাপতিগণের অন্যান্যতম আর্টাবেজস্ সৈন্যগণকে পলায়ন করিতে দেখিয়া স্বাধিকারস্থ চল্লিশ সহস্র অশ্ব সৈন্য লইয়া হেলস্পন্টের অভিমুখে যাত্রা করিলেন। লেসিডিমোনীয়েরা বিক্রান্ত সৈন্যের পশ্চাৎ পশ্চাৎ ছাউনি পর্য্যন্ত

যাইয়া ; ঐ ছাউনি দারুময় প্রাচীরে বেষ্টিত থাকায়, কোন অনিষ্ট করিতে পারিল না ; অবশেষে অবরোধ-কার্যে স্থনিপুণ আর্থীনায়েরা আসিয়া আক্রমণ পূর্বক নির্দয়তার সহিত ছাউনিস্থ সকল লোককে বিনষ্ট করিল। আর্টাবেজসের সৈন্য বাদে তিন সহস্রের অনধিকমাত্র বাঁচিয়া আসিল। অপরিমিত লুণ্ঠিত ধন অধিকৃত হইলে, পসেনিয়স্ তাহার দশনাংশ ডেলফির দেবালয়ে পাঠাইয়া দিলেন ; বক্রো যাহা থাকিল, তাহা যাবতীয় যোদ্ধাদিগকে বন্টন করিয়া দিলেন। থীবীয়-দিগকে সমুচিত শাস্তি দিবার আদেশ হইল ; এবং প্লেটীয়দিগকে স্বদেশের প্রতি অনুরাগের জন্য যথেষ্ট পুরস্কার দেওয়া হইল। এই সংগ্রাম খৃঃ পূঃ (৪৭০) পর্য্যবসিত হইল।

মাইকেলের যুদ্ধ।

যে দিন প্লেটিয়ার যুদ্ধ হয়, সেই দিবস আশিয়ার উপকূলে গ্রীকেরা আর একটি জয়লাভ করে। পারসীক রণতরী সেমস্‌দ্বীপে ছিল, এবং গ্রীক নৌসেনা ডিলস দ্বীপের উপকূল আশ্রয় করিয়াছিল। সেমস্‌দ্বীপের অধিবাসীরা গ্রীক রণতরীর অধ্যক্ষ স্পার্টীয় লিয়টিচাইডিস্‌কে সহায়তার জন্য আহ্বান করিলে, তিনি স্বাত্মা করিলেন। এদিকে পাবস্‌কেরা লিয়টিচাইডিস্‌ আসিতেছেন, শুনিয়া সেমস্‌ পরিত্যাগ পূর্বক আশিয়ার উপকূলবর্তী মাইকেল-নামক অন্ত-

রীপে পলাইয়া আসিল ; তথায় যে ষষ্ঠি সহস্র পার-
সীক সৈন্য ছাউনি করিয়াছিল, তাহারা লিয়টিচাই-
ডিস্ পৌঁছিবার পূর্বেই ঐ সমস্ত রণতরী তীরে তুলিয়া,
তাহাদিগকে প্রস্তুতময় প্রাচীরে বেষ্টিত করিল ; এবং
সমস্ত সৈন্য সুসজ্জিত করিয়া যুদ্ধার্থ প্রস্তুত করিল।
গ্রীকেরা উপস্থিত হইয়াই সমস্ত প্রস্তুত দেখিয়া
অতিশয় বিস্মিত হইল ; এবং শত্রুসৈন্য আক্রমণে ক্রুত-
সংকল্প হইয়া তীরে অবতরণপূর্বক দুইভাগে বিভক্ত
হইয়া বিপক্ষ শিবিরভিমুখে ধাবমান হইল। আই-
য়োনীরেরাও এই স্থানে ছিল, এজন্য তাহারাও গ্রীক-
দিগের সহায়তায় প্রবৃত্ত হইল। *পারসীকেরা সাহ-
সিকতা প্রদর্শন পূর্বক কিছুকাল যুদ্ধ করিয়া অবশেষে
প্রায় সকলেই শত্রু হস্তে পতিত হইলে, গ্রীকেরা
তাহাদিগকে কাটিয়া খণ্ড খণ্ড করিয়া ফেলিল ; পরে
শিবির লুণ্ঠন এবং রণতরী সকল দক্ষ করিয়া সেমস-
দ্বীপে প্রতিনিবৃত্ত হইল ঃ পূঃ (৪৭০) । অনন্তর
তাহারা হেলেন্পন্টে আসিয়া সেষ্টস্ নগর অধিকার
করিল।

ষষ্ঠ অধ্যায় ।

থেমিষ্টক্লিসের কৌশল ।

• পারসীকেরা সম্পূর্ণরূপে পরাস্ত হইয়া গ্রীস্ হইতে প্রতিনিবৃত্ত হইলে, গ্রীকেরা নিরাপদে বিধ্বস্ত নগরের পুনঃসংস্কারে প্রবৃত্ত হইল । কিন্তু পরত্রী-কাতর স্পার্টায়েরা আখীনীয়দিগের এতাদৃশ বল ও প্রভুতা দর্শনে নিতান্ত অসহিষ্ণু হইয়া ; যাহাতে তাহাদের নগর সংস্কারের বাধা জন্মে, তাহার চেষ্টায় প্রবৃত্ত হইল ; এবং সর্বসাধারণের মঙ্গল কামনাচ্ছলে আথে-জের মহাসভায় এই বলিয়া আবেদন করিয়া পাঠাইল যে, যাহাতে সর্বসাধারণের মঙ্গল হয়, একপ কার্য প্রবৃত্ত হওয়াই কর্তব্য । • যদি তাঁহারা আথেজ-নগর প্রাচীর দিয়া পরিবেষ্টিত করেন, তবে নগরই নিরাপদ হইতে পারিবেক ; কিন্তু যদি পারসীকেরা পুনর্বার গ্রীস্ আক্রমণ করিতে আইসে, তবে সমস্ত গ্রীকজাতির সম্পূর্ণকতি ও অনর্থাপাতের সম্ভাবনা হইবেক । অতএব যাহাতে সাধারণের অনিষ্ট হইতে পারে, একপ কার্য্যে প্রবৃত্ত হওয়া কদাচ উচিত হইতেছে না । • •

স্বচতুর থেমিষ্টক্লিস্ স্পার্টায়দিগের এই প্রস্তাবের প্রকৃত অভিসন্ধি বুঝিতে পারিয়া, যে চাতুরী অবলম্বন করিলেন, তাহা এইঃ—তিনি প্রথমতঃ, স্পার্টায়দিগের

সেই প্রস্তাবের উত্তর, দূত দ্বারা পশ্চাৎ প্রেরণ করিতেছি বলিয়া, স্পার্টায় দূতগণকে অগ্রে বিদায় করিয়া দিলেন। পরে স্বেচ্ছাপূর্ব্বক স্বয়ং দৌত্যকার্য্যের ভার গ্রহণ করিয়া, রাত্রিন্দিব পরিশ্রম দ্বারা আথেন্স নগর প্রাচীরবেষ্টিত করিতে আদেশ করিয়া, 'একাকী স্পার্টায় যাত্রা করিলেন ;' এবং তদীয় সহকারী অন্যান্য দূতদিগকে প্রাচীর নির্মাণ সম্পূর্ণ হইলে স্পার্টা যাইতে বলিয়া গেলেন।

কোনরূপে কালক্ষেপ করাই নাকি থেমিষ্টক্লিসের উদ্দেশ্য ছিল, এজন্য তিনি স্পার্টায় উপস্থিত হইয়া তত্রত্য কর্তৃপক্ষদিগের সহিত সাক্ষাৎ করিলেন না ; অপরাপর দূতেরা আসিলে, সকলে একত্র হইয়া সাক্ষাৎ করিবেন, এই কথা বলিয়া ইতস্ততঃ ভ্রমণ দ্বারা কালক্ষেপ করিতে লাগিলেন। ইতিমধ্যে স্পার্টায়েরা, আথেন্সের প্রাচীর সম্পূর্ণপ্রায় হইয়াছে, শুনিয়া, জিজ্ঞাসা করিলে, থেমিষ্টক্লিস্ সেই কিস্বদন্তী অমূলক বলিয়া উড়াইয়া দিয়া বলিলেন, যদি তাঁহার কথায় বিশ্বাস না হয় তবে, আথেন্সে লোক পাঠাইয়া ইহার তথ্য জানুন ; এই বলিয়া তাহাদিগকে কান্ত করিলেন ; এবং গুপ্তভাবে আথেন্সে লোক পাঠাইয়া আপনার উদ্ধারের উপায় স্বরূপ, স্পার্টায় দূতদিগকে আটক করিয়া রাখিতে বলিয়া পাঠাইলেন। ইত্যবসরে প্রাচীরনির্মাণ প্রায় শেষ হইয়া আসিলে, থেমিষ্টক্লিসের সহকারী দূতেরা স্পার্টায়

পৌছিল । থেমিষ্টক্লিস্, তাহাদের মুখে প্রাচীর নির্মাণ সম্পন্ন হইয়াছে শুনিয়া, স্পার্টায় কর্তৃপক্ষ-দিগের নিকট গমনপূর্বক বলিলেন, 'আথেন্স নগর প্রাচীরবেষ্টিত হইয়াছে ; এখন সমস্ত গ্রীসদেশের পক্ষে যে কি সমধিক উপকার জনক, তাহা তাহারা বিলক্ষণ বুঝিতে সমর্থ হইয়াছে । লেমিডিমোনীয়েরা তখন থেমিষ্টক্লিসের চাতুরী বুঝিতে পারিয়া হতজ্ঞান হইল ; এবং উপায়বিহীন হইয়া আন্তরিক ক্রোধে পরিপূর্ণ হইয়াও, তাহা বাহিরে প্রকাশ করা অযুক্ত বিবেচনা করিয়া, থেমিষ্টক্লিস্-প্রভৃতিকে সম্মান পুরঃসর বিদায় করিয়া দিল । থেমিষ্টক্লিস্ আর্থান্স ফিরিয়া আসিয়া সমুদ্রতীরবর্তী পাইরিয়স্-নামক বন্দরকে প্রাচীরবেষ্টন দ্বারা দুর্গাভূত করিবণর মানসে লোক-দিগকে বশীভূত করিয়া উক্ত কার্য্য সম্পন্ন করিলেন । বন্দর হইতে আথেন্স-নগর প্রায় আড়াই ক্রোশ অন্তরে থাকায়, আধীনীয়দিগের স্থল ও জলপথে শত্রুদিগের আক্রমণভয় একেবারে দূরীভূত হইল ।

থেমিষ্টক্লিসের বিবরণ ।

- লোকে অনায়াসেই ইহা বিবেচনা করিতে পারেন যে, থেমিষ্টক্লিস্ স্বদেশের মহৎ উপকার সাধন করিয়া, জীবনের অবশিষ্ট ভাগ সুখস্বচ্ছন্দে অভিবাহিত করিয়া ছিলেন । কিন্তু তাঁহার ভাগ্যে তাহা ঘটে নাই । প্রায়ই দেখিতে পাওয়া যায় যে, লোকে যখন কোন রাজকীয়

কমতা প্রাপ্ত হয়, তখন তাহারা সর্বদা চঞ্চলচিত্ত, এবং প্রবঞ্চক হইয়া থাকে ; এমনও হয় যে, পরিশেষে যারপর নাই ক্রুতঘ্ন হইয়া উঠে। আথীনীয়েরা অতিশয় গাৰ্ব্বিত স্বভাব ছিল ; থেমিষ্টক্লিস ও সূৰ্বদাই আপনার কীত্তিকলাপ আথীনীয়দিগের স্মরণ করাইয়া দিতে ভাল বাসিতেন ; এজন্য তাঁহার শত্রুরা তাঁহাকে অপদস্থ করিবার নিমিত্ত তাঁহার নামে সর্বদা অভিযোগ করিতে আরম্ভ করিল। কিছু দিন এইরূপ করিতে করিতে লোকেরাও তাঁহার প্রতি বিলক্ষণ চটিয়া উঠিল ; এবং পরিশেষে বলপূৰ্ব্বক আথেন্স হইতে বহিস্কৃত করিয়া দিল। তিনি নির্বাসিত হইয়া আর্গসে প্রতি নিবৃত্ত হইলেন। কিছু দিন পরেই তথা হইতে পলায়নপূৰ্ব্বক পারস্তে গমন করিয়া পারস্ত-রাজের আশ্রয় লইলেন। অতঃপর যেকপ ঘটনা হইয়াছিল, তাহা পশ্চাৎ লেখা যাইতেছে।

পসেনিয়স্ স্পেটিয়ার জয়লাভের পর অতিশুষ্ক সম্মান লাভ করিয়াছিলেন, এবং গ্রীক রণতরীর অধ্যক্ষতা পদে প্রতিষ্ঠাপিত হইয়া, ইউরোপ ও আশিয়ার উপকূলবর্তী সমস্ত গ্রীক অধিকার হইতে পারসীকদিগকে তাড়াইয়া দিবার জন্য প্রেরিত হইয়াছিলেন। কিন্তু সেই উচ্চপদলাভই পসেনিয়সের বুদ্ধি বৃত্তি অতিশয় কলুষিত করিয়া দিল ; তিনি গুপ্তভাবে জার্কসিসের নিকট এই প্রার্থনা করিয়া পাঠাইলেন যে, যদি তিনি স্বীয় কন্যা রূপাণিগ্রহণ সন্মতি করেন,

তাহা হইলে, তিনি জার্কসিস্কে সমস্ত গ্রীসের অধী-
 স্বর করিয়া দেন। এতদ্ব্যতীত তিনি ক্রমে ক্রমে সমস্ত
 পারসীক সম্রাট লোকদিগকে কারামুক্ত করিয়া দিতে
 আরম্ভ করিলেন ; এবং প্রচণ্ডতা পরবশ হইয়া আখী-
 নীয় এবং অন্যান্য সৈন্যদিগের প্রতি অতিশয় অবজ্ঞা
 প্রদর্শন করিতে লাগিলেন ; সুতরাং তাহারা পসী-
 নিয়স্কে পরিত্যাগ করিয়া, আখীনীয় পদাতিসৈন্যের
 অধিনায়ক আরিষ্টাইডিস্ এবং সীমন্কে আশ্রয়
 করিল। পরিশেষে পসেনিয়সের এই সকল বৃত্তান্ত
 ক্রমে ক্রমে স্পার্টার শাসনকর্তার কর্ণগোচর হইলে,
 তিনি পসেনিয়স্কে স্পার্টায় আসিতে আদেশ করি-
 লেন। পসেনিয়স্ তথায় উপস্থিত হইলে, তাঁহার
 কোন দোষ সপ্রমাণ হইল না ; কিন্তু তাঁহাকে আর
 তথায় প্রেরণ করা হইল না। তিনিও স্থির থাকিতে
 পারিলেন না ; এবং এক খানি জাহাজ ভাড়া করিয়া
 হেলেন্সপন্টে প্রত্যাগমন পূর্বক পুনর্বার পারস্য-রাজের
 সহিত বখোপকথনে প্রবৃত্ত হইলেন। এই সংবাদ
 প্রাপ্ত হইয়া, স্পার্টায়েরা তাঁহাকে পুনরাহ্বান করিল ;
 কিন্তু তিনি কর্মচারীদিগকে উৎকোচ দিয়া সে যাত্রাও
 প্রারিত্যাগ পাইলেন। অনন্তর পসীনীয়স্ হিলটদিগকে
 স্বাধীনতা অর্পণ করিতে প্রতিশ্রুত হইয়া তাহাদিগকে
 অস্ত্র ধারণের পরামর্শ দিতে লাগিলেন। তাহারা এই
 সংবাদ তাহাদের শাসনকর্তার নিকট প্রেরণ করিলে,
 তিনিও পসীনীয়সের প্রতিকূলে অস্ত্র ধারণ করিতে

সাহস করিলেন না। পসেনিয়াস্ প্রতি দিন ফুত, দ্বারা পত্র প্রেরণ করিতেন, যাহারা পত্র লইয়া যাইত, তাহারা আর ফিরিয়া আসিত না। অবশেষে এক দিবস পসেনিয়াস এক ভৃত্যকে পত্র লইয়া কোন পারসীক কর্মচারীর নিকট পাঠাইয়া দিলে, সে পথে যাইতে যাইতে বিবেচনা করিল, যাহারা পত্র লইয়া যায়, তাহারা আর ফিরিয়া আইসে না ইহার কারণ কি, এই বলিয়া পত্র খুলিয়া দেখিল, তাহাতে পত্র বাহকের প্রাণবধ করিতে লেখা আছে। অতএব সে অবিলম্বে সেই পত্র লইয়া তদ্রত্য শাস্তি-রক্ষার প্রধানবিচারপতিদিগের নিকট উপস্থিত হইল, এবং তাঁহাদের আদেশানুসারে এক দেবালয়ে যাইয়া, তথায় দুই থাক্ প্রাচীরে বেষ্টিত এক কুটার নির্মাণ পূর্বক তাহার মধ্যে আশ্রয় লইল; এবং শাস্তিরক্ষার প্রধান বিচারপতিরা ইহার বৃত্তান্ত শুনিবার জন্য সেই প্রাচীরদ্বয়ের অভ্যন্তরে লুকাইয়া রহিলেন। পসেনিয়াস্, ভৃত্য দেবালয়ে আছে, এই কথা শুনিবামাত্র দ্রুতবেগে তথায় উপস্থিত হইলেন, এবং যাহাতে আপনার রক্ষা হয় তাহার জন্য ভৃত্যকে বিশেষ অনু-রোধ করিতে লাগিলেন। প্রধান শাস্তিরক্ষকের সমস্ত বৃত্তান্ত শ্রবণ করিয়া চলিয়া আসিলেন; এবং পসেনিয়াসের নগরপ্রত্যাগমনকালে তাঁহাকে ধরিবেন বলিয়া পরামর্শ করিলেন। কিন্তু ঐ বিচারপতিদিগের এক জন পসেনিয়াসের পরম বন্ধু থাকায়, তিনি সঙ্কেত

দ্বারা তাঁহাকে বিপদের সংবাদ দিলে, পাসেনিয়স্ তৎক্ষণাৎ পলায়ন করিয়া তদ্রূপ প্রধান দেবালয়ের একটি ক্ষুদ্র গৃহ আশ্রয় করিয়া রহিলেন। অনন্তর শান্তিবন্ধুর প্রধান বিচারপতিরা সেই গৃহের ছাদ ভাঙ্গিয়া, উহার উপর একটি দ্বার বসাইয়া দিলেন ; এবং তথায় প্রহরী নিযুক্ত করিয়া দিয়া পাসেনিয়স্কে দ্বালাহারে মারিবার আদেশ করিলেন। তাঁহার শেষ সবহা উপস্থিত হইলে, তাঁহাকে তথা হইতে বহিষ্কৃত করিয়া লইয়া গেলেন ; কারণ দেবালয়ের সামান্য মন্দিরে পবিত্র স্থান দূষিত হয় ও তাহা নিতান্ত অবৈধ কার্য হয় বলিয়া লোকদিগের জ্ঞান ছিল।

লেমিডিসেশনীয়েরা থেমিষ্টক্লিস্কে অতিশয় ঘৃণা করিত, একা গ তাহারা, থেমিষ্টক্লিস্ ও পাসেনিয়সের অভিসন্ধিতে সংযুক্ত আছেন, তাঁহার প্রতি এইরূপ দোষারোপ করিয়া আদেশে বলিয়া পাঠাইল। তথায় থেমিষ্টক্লিসের অত্যন্ত শত্রু ছিল, তাহারা এই সূত্র পাইয়া নানা পোসকতা দ্বারা তাঁহার সম্পূর্ণ দোষ সমপ্রমাণ করিল; এবং তাঁহাকে ধর্ম্মবিহার জন্য আর্গসে লোক প্রেরণ করিল। এদিকে থেমিষ্টক্লিস্, তাঁহাকে ধর্ম্মিতে আসিতেছে, এই সংবাদ প্রাপ্ত হইয়া গ্রীসের পশ্চিমবর্ত্তী কর্ম্মীরা দ্বীপে পলায়ন করিলেন। কিন্তু দ্বীপবাসীরা, তিনি তথায় থাকিলে, তাঁহাকে শত্রু হস্ত হইতে রক্ষা করিতে সমর্থ হইবেক না, এই বলিয়া তাঁহাকে দ্বীপে না রাখিয়া

ইপিরসের উপকূলে পাঠাইয়া দিল। থেমিষ্টক্লিস্ এখন গতান্তর বিহীন হইয়া, মনোসীয়-রাজ আড্‌মিটস্‌কে আপন শত্রু জানিয়াও, তাঁহার শরণাগত হইবার বাসনায়, যখন তদীয় ভবনে উপস্থিত হইলেন, তখন আড্‌মিটস্‌ গৃহে ছিলেন না ; কিন্তু রাজপত্নী সমুচিত সম্মান পুরঃসর তাঁহার অভ্যর্থনা করিলেন। ক্ষণকাল পরে স্বামী আসিতেছেন দেখিয়া, রাজ্ঞী শিশু রাজকুমারকে থেমিষ্টক্লিসের কোড়ে দিয়া, তাঁহাকে চুল্লীর নিকটে বসিতে আদেশ করিলেন। এইকপ করাই তথাকার লোকদিগের ক্রমা প্রার্থনাসূচক ছিল। এখন থেমিষ্টক্লিস্ সেইকপ করিয়া বসিয়া আছেন, এমন সময় আড্‌মিটস্‌ আসিয়া উপস্থিত হইলেন ; এবং থেমিষ্টক্লিসের প্রতি সদয় হইয়া তাঁহাকে অভয় প্রদান করিলেন। প্রাতে যখন আপেন্স্‌ এবং স্পার্টা হইতে দূত আসিয়া, তাঁহার প্রত্যর্পণের প্রার্থনা করিল, তখন আড্‌মিটস্‌, বলে তাহাদিগকে পরাস্ত করিতে সমর্থ হইবেন না, বিবেচনা করিয়া, নানা কোশলে তাঁহাকে তথা হইতে সরাইয়া দিলেন। তিনি ইপিরস্‌ হইতে নির্গত হইয়া অনেকানেক পর্য্যন্ত অতিক্রম পূর্ব্বক মেনিডোনিয়ায় উপস্থিত হইলেন ; তথা হইতে সমুদ্রের উপকূল-বর্ত্তী এক বন্দরে প্রবিষ্ট হইয়া দেখিলেন, একখানি জাহাজ আশ্রয়ণ যাইবার জন্য প্রস্তুত আছে। এক্ষণে পারশ্বের সম্রাট্‌ ব্যতিরেকে তাঁহাকে নির্দয় শত্রুহস্ত হইতে পরিত্রাণ করিতে পারে, এমন কেহই

নাই, মনে মনে এই স্থির করিয়া, সেই জাহাজে আরোহণ করিলে, জাহাজ ছাড়িয়া গেল ; এবং পথে ঝড় উত্থিত হইয়া জাহাজকে ন্যাক্সস্ দ্বীপে উপস্থিত করিল। এই সময়ে সীমন্ একদল রণতরী লইয়া তথায় ছিলেন ; একারণ থেমিষ্টক্লিস্ জাহাজের অধ্যক্ষের নিকট আত্মপরিচয় দিয়া বলিলেন, “যদি তুমি আমাকে ধরাইয়া দাও, তবে আমি বলিব যে, আমি আশিয়া যাইবার জন্য এই জাহাজ ভাড়া করিয়াছি। আমি এই কথা বলিলে তোমারও বিপদ ঘটবার সম্ভাবনা। কিন্তু যদি তুমি তাহা না করিয়া আশিয়ায় পৌঁছিয়া দাও, তাহা হইলে তোমাকে যথেষ্ট পুরস্কার দিব। আরো তুমি আমার নিকট ইহাও প্রতিশ্রুত হও যে, এখানে কোন ব্যক্তিকে জাহাজের বাহিরে যাইতে অনুমতি করিবে না।” অধ্যক্ষ তাহাতেই সম্মত হইলেন। জাহাজ এক দিন এক রাত্রি ঐ দ্বীপের কিছু দূরে নোঙ্গর করিয়া রহিল। পরে পূর্ব্বার ছাড়িয়া ইফিসসে পৌঁছিলে, থেমিষ্টক্লিস্ তথায় অবতীর্ণ হইয়া অধ্যক্ষকে সন্মুখিত পুরস্কার দিয়া বিদায় করিলেন ; এবং বন্ধুবান্ধবের নিকট নিরাপদে পৌঁছ সংবাদ প্রেরণ করিলেন। পরে বন্ধুরা তাঁহার সস্তুতি বজায় রাখিয়া যত টাকা সংগ্রহ করিতে পারিল, তাঁহার নিকট পাঠাইয়া দিল।

জার্ক্লিস্ ইতিপূর্বে তাঁহাকে প্রভূত পুরস্কার প্রদান করিলেও, তিনি সূসার রাজত্ববনে যাইবার মানস করিলেন। যদিও এক্ষণে জার্ক্লিস্ জীবিত নাই, তথাপি

তিনি, সূসায় বাইলে অনায়াসেই যুবরাজ আর্টা জাক্লিসের অনুগ্রহ ভাজন হইতে পারিবেন, বলিয়া সাহস করিলেন। আর্টাজাক্লিস তখন অতি অপ্প দিন মাত্র সিংহাসনে আরুঢ় হইয়াছিলেন। থেমিষ্টক্লিস চতুর্দিকে আবৃত্ত একখানি শকটে আরোহণ করিয়া সূসা যাত্রা কালে, শকটের নিয়ন্তাকে এই বলিয়া দিলেন যে, পারস্যের কোন সম্ভ্রান্ত ব্যক্তি, একটা গ্রীক যুবতী ক্রয় করিয়াছেন, সে তাঁহাকে লইয়া যাইতেছে। বর্তমান সময়ে পারস্যে সুন্দরী স্ত্রীলোক পাইলেই যেমন ক্রয় করিবার প্রথা আছে, প্রাচীন কালেও সেই প্রথা প্রচলিত ছিল। থেমিষ্টক্লিস সূসার রাজত্ববনে পৌঁছিলে, রাজা সমুচিত সম্মান পুরস্কার তাঁহাকে গ্রহণ করিলেন। তিনি এক বৎসরের পর সম্রাটের অনেক সুরিধা করিয়া দিবেন বলিয়া, প্রতিশ্রুত হইয়াছিলেন; কিন্তু এক বৎসর ব্যাপিয়া পারস্য ভাষা না শিখিলে ঐ সকল বিষয় বুঝাইয়া দিতে পারিবেন না; এজন্য এক বৎসর সময় প্রার্থনা করিলেন। আর্টাজাক্লিস তাহাই স্বীকার করিলেন। অনন্তর এক বৎসর অতীত হইলে, থেমিষ্টক্লিস উক্ত ভাষায় বিলক্ষণ কথা বার্তা কহিতে শিখিলেন, এবং সহজে শীঘ্র শীঘ্র উক্ত ভাষায় বক্তৃতা করিতে সমর্থ হইলেন। তিনি রাজার এত প্রীতিভাজন হইয়াছিলেন যে, এপর্যন্ত কোন গ্রীক বাসী তাঁহার সদৃশ উচ্চপদে অভিষিক্ত হয় নাই। থেমিষ্টক্লিস

সম্রাটের নিকট গ্রীস্ জয় করিয়া দিবার প্রস্তাব করিয়াছিলেন ; এই লোভে আর্টাক্সিস্ থেমিষ্ট-ক্লিসের ভরণ পোষণের জন্য তিন নগরের রাজস্ব নির্দ্ধারিত করিয়া দিয়া, কিছুদিন পরেই তাঁহাকে আইয়োনিয়ায় বাইয়া বাস করিতে আদেশ করিলেন। তাঁহার মৃত্যুর বিষয়ে অনেকেই অনেক প্রকার লেখেন ; কেহ বলেন, তিনি রোগাক্রান্ত হইয়া তথায় প্রাণত্যাগ করিয়াছিলেন ; অন্যে কহেন, তিনি রাজাকে যাহা প্রতিশ্রুত হইয়াছিলেন, তাহা সম্পাদন করিতে না পারিয়া আত্ম-হত্যা দ্বারা বিনষ্ট হইয়াছিলেন।

যে থেমিষ্টক্লিস্ এত বড় লোক ছিলেন, তাঁহার জীবন ও এইরূপে পর্য্যাপ্ত হইল। তাঁহার প্রতিস্পর্ধী ন্যায়পরায়ণ আরিষ্টাইডিস্ বহুকাল সম্মানের সহিত কাল যাপন করিয়াছিলেন। তিনি এত দরিদ্র ছিলেন যে, তিনি যখন মরেন, তখন চাঁদা করিয়া প্রাকৃত জনের দ্বারা তাঁহার সমাধিকার্য্য সম্পাদিত হইয়াছিল ; এবং সমাজস্থ সকল লোকেই তাঁহার সম্মানগণের ভরণ পোষণের ভার গ্রহণ করিয়াছিল।

• • পারসীক সংগ্রাম--ইউরিমিডনের যুদ্ধ।

সীমন্ ক্রমাগত পারসীকদিগের বিপক্ষে যুদ্ধ করিতে লাগিলেন। প্রেসের উপকূলবর্তী কোন কোন স্থান পারসীকদিগের অধিকৃত ছিল ; একারণ তিনি তদভিমুখে যাত্রা করিলেন। সেই দেশের ঈাইমন্ নামক

নদীর একটা নগর অবরুদ্ধ করিলেন। নগর রক্ষকেরা সাহসিকতা সহকারে যুদ্ধ করিয়া অবশেষে হীনবল হইলেন, তথাকার শাসনকর্তা, শত্রুহস্তে পতিত হওয়া অপেক্ষা আত্মহত্যা শ্রেয়স্কর বিবেচনা করিয়া, স্বর্ণ এবং রৌপ্যময় যাবতীয় সামগ্রী নদীতে নিক্ষিপ্ত করিলেন ; এবং অবশেষে পরিবারবর্গকে নিহত, ও সজ্জিত চিতায় নিক্ষিপ্ত করিয়া অগ্নিসংযোগ-পূর্বক, শেষে স্বয়ং ঝাঁপ দিয়া মানবলীলা সম্বরণ করিলেন।

কিছু দিন পরে মীমন্ জলপথে যাত্রা করিয়া আশিয়ার উপকূলে উত্তীর্ণ হইয়া দেখিলেন, পারসীকেরা প্রভূত রণতরী এবং অসংখ্য সৈন্য সংগ্রহ করিয়া ইউরিমিডন নদীর তীরবর্তী পার্সীলিয়া-ক্ষেত্রে অবস্থিতি করিতেছে। তাহাদের সাহায্যার্থে ফিনীশিয়া হইতে অশীতি রণতরী আসিবার কথা ছিল, এজন্য তাহারা সেই অপেক্ষায় তথায় ছিল। কিন্তু মীমন্ আক্রমণের উদ্যোগ করিতেছেন দেখিয়া, আর তথায় থাকিতে পারিল না, এবং সদলে সমুদ্রে অবতীর্ণ হইয়া খৃঃ পূঃ ৪৬৬ তাঁহার সহিত সংগ্রামে প্রবৃত্ত হইল। এই যুদ্ধ অতি অল্পকাল মাত্র স্থায়ী হইয়াছিল। পারসীকেরা প্রায় অর্ধেক জাহাজ পরিত্যাগ করিয়া তীরে পলায়ন করিলে, মীমন্ সৈন্য সমভিব্যাহারে তীরে অবতীর্ণ হইয়া পারসীকদিগের পদাতি সৈন্যদিগকেও আক্রমণ করিলেন। অভিনিবেশ সহকারে যুদ্ধ করিয়া,

অবশেষে সমস্ত পারসীক সৈন্য পলায়ন করিলে, তাহাদিগের শিবির বিজয়ী হস্তে পতিত হইল। এই রূপে একদিনে দুইটি যুদ্ধে জয়লাভ করিয়া সীমনের প্রভাব অতিশয় বাড়িয়া উঠিল। অনন্তর ফিনীশীয়দিগের রণতরী সাইপ্রস-দ্বীপে আছে, এই সংবাদ প্রাপ্ত হইয়া, তদভিমুখে যাত্রা করিলেন ; এবং ক্রমকাল মধ্যেই তাহাদের সমস্ত বিধ্বস্ত করিয়া ফেলিলেন। সীমন্ এই সকল জয়লাভের পর আর পারসীক সংগ্রামে প্রমুত্ত হন নাই। এই খানেই তাঁহার পারসীক সংগ্রাম শেষ হইয়াছিল। এবং ইহার কিছুদিন পরেই আর্টাক্সার্কিসের সহিত গ্রীকদিগের এক সন্ধি হইল, এই সন্ধি বহুকাল ব্যাপিয়া পরিবর্তিত হয় নাই।

সীমন্ এবং পেরিক্লিস্ ।

পেরিক্লিসের প্রতিদ্বন্দ্বী সীমন্ অতিশয় সমৃদ্ধ শালী ছিলেন। তিনি সহোধ্যায়ী নাগরীকদিগের প্রীতিভাজন হইবার জন্য যে উপায় অবলম্বন করেন, তাহা অতি উৎকৃষ্ট ; এবং তাহা এইঃ—তিনি প্রভূত অর্থ ব্যয় করিয়া দুর্গে প্রাচীর দেওয়াইয়াছিলেন; এবং নগর ও বন্দরে মিলাইয়া দিবার জন্য অল্প প্রাচীর আরম্ভ করিয়াছিলেন ; হউচত্বরে বৃক্ষশ্রেণী রোপণ করিয়াছিলেন ; নানাজাতীয় বৃক্ষরোপণ ও জলনালী প্রবর্তন দ্বারা নগরের প্রকাশ্য স্থানমাত্রের শোভা সম্পাদন করিয়াছিলেন ; এবং নগরের উত্তর প্রান্তে একা-

ডেমি'-নামক যে ভূমি পড়িয়াছিল, সর্বসাধারণের ব্যবহারার্থ, তাহাতে স্থানে স্থানে আফ্লাদজনক লতামগুপ, সমতল ক্ষেত্র, ব্যায়ামস্থান এবং ভ্রমণযোগ্য ছারাময় পথ, প্রস্তুত করিয়া দিয়াছিলেন ; এতদ্ভিন্ন নগরবাসীদিগকে স্বীয় উদ্যানে যাইয়া ভ্রমণ ও ফুল গুল্পাদি উপভোগ করিতে আদেশ করিয়াছিলেন । যাহাদের নিতান্ত ধনকষ্ট দেখিতেন, তাহাদিগকে ডাকিয়া ধন বিতরণ করিতেন । যখন তিনি সুপরিচ্ছন্ন ভূত্রে পরিবেষ্টিত হইয়া নগরমধ্য দিয়া বেড়াইতে যাইতেন, তখন যদি কোন বৃদ্ধ নাগরিকের পরিচ্ছন্ন মলিন দেখিতেন, তৎক্ষণাৎ নিজ ভৃত্যের গরিচ্ছন্ন তাহাকে প্রত্যাহ্বান করিতেন । যাহারা রাজশাসনের সমস্ত ভার কুলীন এবং সম্মুদ্রিকানাঁদিগের হস্তে থাকা উচিত বলিয়া বিবেচনা করেন, ইংরেজী ভাষায় এই সম্প্রদায় ভুক্ত লোকদিগকে আর্বিষ্টোক্রাটিক্ সম্প্রদায় কহে । সীমন্ সেই কুলীন সম্প্রদায়ের প্রধান কর্তা ছিলেন ।

পেরিক্লিস্ সীমন্নের প্রতিস্পর্দী ছিলেন । পেরিক্লিসের পিতা সীমন্নের পিতার প্রাণবধ করাতে, তাঁহার সহিত পেরিক্লিসের অহিনকুলতা সম্ভব ছিল । পেরিক্লিস্ যদিও সীমন্ অপেক্ষা অল্প ধনশালী ছিলেন, কিন্তু জ্ঞানে ও সম্বলতায় তাঁহা অপেক্ষা অনেকাংশে উৎকৃষ্ট ছিলেন । নীচসম্প্রদায়স্থ লোকদিগের উপকারের

১. এই স্থানে বিজ্ঞান বাগ্‌বিৎ প্লেটো-নামক পণ্ডিতের চতু-
স্পার্শী ছিল ।

দিকে পেরিক্লিসের বিশেষ মনোযোগ ছিল ; আর তিনি, নিজগুণ দ্বারা তাহাদিগকে বশীভূত করিয়া অনার্যানে আপন ইচ্ছানুসূত কার্য্যে প্রবর্তিত করিতে পারিবেন, ইহা মনে মনে স্থির নিশ্চয় করিয়া, সম্রাজমণ্ডে প্রজাতন্ত্র-প্রণালী সংস্থাপন পূর্ব্বক রাজবৎ নিজ আধিপত্য বিস্তারের অভিপ্রায় করিয়া ছিলেন।

অনন্তর আথীনীয়দিগের প্রতি স্পার্টীয়দিগের ঈর্ষা ভাবই পরবর্তী বিবাদে মূলপাত করিল। যে সময় এই বিবাদ আরম্ভ হয়, তখন এক ভয়ঙ্কর ভূমিকম্প হইয়া সমস্ত স্পার্টা বিধ্বস্ত হইয়া গেল। এই সন্ধ্যোগে মেসীনিয়ের স্বাধীনতা পুনরুদ্ধারের চেষ্টায় প্রবৃত্ত হইল এবং ইটোমি-নামক গিরিভূমি পুনঃসংস্কার দ্বারা দৃঢ়ীভূত করিলে, স্পার্টীয়েরা সহকারীদিগের সহিত মিলিত হইয়া ইটোমি অবরুদ্ধ করিল। কিন্তু কিরূপে অবরোধ কার্য্য সুশৃঙ্খলরূপে নির্বাহ করিতে হয়, তাহা না জানাতে শত্রুদিগের কিছুই করিতে পারিল না ; এ জন্য আথীনীয়দিগের নিকট সহায়তা প্রার্থনা নিতান্ত আবশ্যক হইলে, তথায় দূত প্রেরণ করিল। স্পার্টীয়দিগের সহিত প্রীতি রাখা সীমনের প্রধান উদ্দেশ্য ছিল ; সুতরাং তিনি সাহায্যদানার্থ আথীনীয়দিগকে সবিশেষ অনুরোধ করিলে, তাহারা সম্মত

• ২. যাহাতে রাজ্যের সমস্ত ক্ষমতা প্রজাদিগের হস্তে থাকে, তাহাকে প্রজাতন্ত্র প্রণালী কহে।

হইল । অনন্তর স্বয়ং সৈন্যাধ্যক্ষের ভার লইয়া সীমন্ স্পার্টায়দিগের সাহায্যার্থ গমন করিয়া ইটোমিতে উপস্থিত হইলেন ; কিন্তু স্পার্টায়েরা অবিলম্বে, সাহায্যার্থ আগত আথীনীয়দিগের বিদ্রোহী হইয়া উঠিল ; এবং তাহারাই অবরোধ কার্য সম্পন্ন করিতে সমর্থ, অন্যের সহায়তার প্রয়োজন নাই বলিয়া, আথীনীয়দিগকে বিদায় করিয়া দিল । ইহাতে আথীনীয়েরা অতিশয় অবমানিত হইল । এই সময়ে পেরিক্লিস্ সীমন্নের প্রতি লোকদিগের বিরাগ জন্মাইবার বিলক্ষণ সুযোগ পাইলেন ; এবং অবিলম্বে তাহাকে নির্বাসিত করিয়া আজিপায় সিদ্ধ করিলেন । যাহা হউক, পেরিক্লিস্কে অল্পকাল পরেই সীমন্নের পুনরাস্থান করিতে হইয়াছিল ; কারণ আথীনীয় এবং জেসিডিমোনীয়দিগের পরস্পর যে যুদ্ধ ঘটনা হইল, তাহাতে আথীনীয়েরা পরাস্ত হইলে, তাহাদের সহিত সন্ধি সংস্থাপন করাই বিধেয় বিবেচনা করিলেন ; এবং সীমন্ ব্যতিরেকে আর কেহ সন্ধি সূচয়িত করিতে সমর্থ হইবেক না, এই বিবেচনা করিয়া, তাহাকে পুনরাস্থান করিলেন । তিনি আসিয়া পাঁচ বৎসরের জন্য উভয় জাতির এক সন্ধি করিয়া দিলেন । অনন্তর সীমন্ পৌতসৈন্যের আধিপত্য গ্রহণপূর্বক পার্গাসীকদিগের প্রতিকূলে সাইপ্রস্ দ্বীপে যাত্রা করিয়া তথাকার সীটিয়ন্ নগর অবরুদ্ধ করিলেন । এই অবরোধ সমাপ্ত না হইতে হইতেই তিনি রোগাক্রান্ত হইয়া কাল-

কবলে পতিত হইলেন। এখন পেরিক্লিস্ নিঃশত্রু হইয়া
জীবনের অবশিষ্ট ভাগ সুখ স্বচ্ছন্দে অতিবাহিত
করিতে লাগিলেন।

সপ্তম অধ্যায় ।

পিলপনীসীর সংগ্রামের কারণ ।

পেরিক্লিসের শাসন কালে গ্রীসে যে একটি ভয়-
ঙ্কর সংগ্রাম উপস্থিত হয়, তাহার নাম পিলপনীসীয়
সংগ্রাম। এই প্রসিদ্ধ সংগ্রাম ক্রমাগত সপ্তবিংশতি
বৎসর প্রজ্জ্বলিত থাকিয়া, অবশেষে আথেন্স্ নগর
একেবারে উৎসন্ন করিয়া নির্ব্বাণ প্রাপ্ত হয়। পেরিক্লি-
সের চক্রান্ত, আথীনীয়দিগের বলবতী দুৰাকাজ্জ্ঞা ও
চপলতা, এবং স্পার্টীয়দিগের ঈর্ষ্যাই এই সংগ্রামের
মূলভূত কারণ ; ফলতঃ কোন কারণ বশতঃ যোজকবা-
সীদিগের সহিত কমাইরার ঔপনিবেশিকদিগের বিবাদ
আরম্ভ হওয়াতে, স্পার্টীয়েরা যোজকবাসীদিগকে
অভয় প্রদান করিলে, আথীনীয়েরা যে ঔপনিবেশিক-
দিগের পক্ষ অবলম্বন করিয়াছিল, তাহাই বর্ত্তমান
সংগ্রামের অব্যবহিত কারণ। এতদ্ব্যতীত আথীনীয়েরা
ইজাইনার লোকদিগকে হতাহত ও বশীভূত করিয়া

মাগেরীয়দিগকে বন্দর ও বিপণি হইতে বহিস্কৃত করিয়া দিলে, সমরানল প্রদীপ্ত হইয়া উঠিল। অনন্তর ফাব-
তীয় ডোরিয়া-প্রদেশের প্রতিনিধিবর্গ স্পার্টায় সমবেত
হইলে, কর্তব্য স্থিরীকরণার্থ তথায় যে একটী সভা
হইল, তাহাতে করিন্থবাগীরা বলপক্ষ আশ্রয় করিয়া
প্রযত্নসহকারে সংগ্রামে ব্যাপ্ত হইবার পরামর্শ
দিলে, স্পার্টা-রাজ সুবিজ্ঞ আর্কিডেমস্ কহিলেন,
ইহাং সংগ্রামে প্রবৃত্ত না হইয়া ত্রুষ্ণাস্তাবে সুবোগের
প্রতীক্ষার থাকিলে ভাল হয়। কিন্তু সকলেই সংগ্রামের
অভিপ্রায় ব্যক্ত করিলে, পরিশেষে তৎপর যুদ্ধযাত্রাই
কর্তব্য বলিয়া স্থিরীকৃত হইল।

অনন্তর শুদ্ধ এই পণে সন্ধিপ্ৰস্তাব করিবার জন্য
স্পার্টা হইতে আথেন্সে দূত পাঠান হইল যে, আর্থীনী-
য়েরা, মাগেরীয়দিগের প্রতি যে অসদ্ব্যবহার করিয়া-
ছেন, তাহা ব ক্ষমা তাহাদিগের নিকট ক্ষমা প্রার্থনা এবং
ইজাইনীয়াগকে স্বাধীনতা প্রত্যর্পণপূর্বক সন্ধিস্থাপন
করুন। এবং বলিয়া সন্ধিপ্ৰস্তাব করায় স্পার্টীয়দিগের
বিবাদ করিবার অভিপ্রায়ই স্পষ্ট ব্যক্ত হইয়াছিল। ফলতঃ
আর্থীন যেরা পেরিক্লিসের উপদেশানুসারে তাহাদের
সে প্রস্তাবে অস্বীকৃত হইয়া “সমস্ত বিষয় পক্ষপাত-
শূন্য বিচার দ্বারা নিষ্পন্ন হয়, আমাদের এইকপ ইচ্ছা।”
এই মাত্র বলিয়া দূতকে বিদায় করিয়া দিল। আর্থী-
নীয়দিগের এই উত্তর স্পার্টীয়দিগের মনোমত না হও-
য়াতে খৃঃ পূঃ ৪৩১ তাহা সংগ্রামে পর্য্যবসিত হইল।

আথেন্স বাসীরা গ্রীসের সমস্ত জাতি অপেক্ষা জলযুদ্ধে উৎকৃষ্ট থাকায়, সীমনের কর্তৃত্ব সময়ে সপ্তন নগর প্রাচীর দ্বারা পরিবেষ্টিত থাকায়, এবং সম্মুখে বিস্তীর্ণ সমুদ্র থাকায়, শত্রুপরোধের ভয় একেবারেই পরিত্যাগ করিয়া, পেরিক্লিড্ নগরবাসী লোকদিগকে এই উপদেশ দিলেন যে, “তোমরা সমস্ত প্রদেশ শত্রুহস্তে সমর্পণপূর্বক পলাইয়া আসিয়া নগরमध्ये অবস্থিতি কর, এবং কতকগুলি রণতরী পিলপনীসসের উপকূল ভাগ লুণ্ঠন করিতে পাঠাইয়া দাও।”

যদিও সমস্ত গ্রীকদিগের মধ্যে আথেন্স বাসীরা নগরবাস অপেক্ষা পল্লোগ্রামে বাস করিতে অধিক ভাল বাসিত, তথাপি তাহারা পেরিক্লিডসের শাসনের বশবর্তী হইয়া আপন আপন পশুপাশ ইচ্ছাবিধি দ্বিগুণে পাঠাইয়া দিল; এবং আপন আপন ঘর ভাঙ্গিয়া আথেন্সে ছুটপাশ্য ভাসংখ্য দাঠ লইয়া দেশ পরিত্যাগপূর্বক আথেন্সে চলিয়া আসিল। যাহা, কি বন্ধুগৃহ, কি দেবমন্দির, কুত্রাপি স্থান পাইল ন, তাহারা ঐ সকল কাষ্ঠ দ্বারা নগরের অনাবৃত স্থানে, এবং প্রাকারের অভ্যন্তরবর্তী যাবতীয় ভূমিভাগে ছুটারনির্মাণপূর্বক বসতি করিল।

ইহা দেখিয়া বিপক্ষ স্পার্টায়েরা এই যুক্তি করিল, যে স্বদেশীয় এবং মিত্রসৈন্য একত্র সববেত করিয়া আটিকা আক্রমণপূর্বক, তদেশ হারথার করা

এবং তত্রত্য ফজদ রক্ষা সকল কাটিয়া ফেলা প্রভৃতি, নানাবিধ উৎপাত আরম্ভ করিবেক, তাহা হইলেই আর্থীনীয়দিগকে স্ব স্ব সম্পত্তি রক্ষার নিমিত্ত স্বদেশে আগমন করিতে হইবেক। এই স্থির করিয়া আটিকা-মধ্যে দৌরাগ্য আরম্ভ করিলে, দেশবাসীরা নিজ নিজ সম্পত্তি রক্ষার জন্য স্বদেশ গমনে উদ্যত হইল। কিন্তু পেরিক্লিস্, শত্রুরা যাবৎ কাল আটিকায় থাকিয়া দৌরাগ্য করিয়াছিল, তাবৎ কাল আর্থীনীয়দিগের উপর প্রভুত্ব করত অতি কষ্টে তাহাদিগকে সম্পত্তি রক্ষার জন্য দেশে প্রতিগমন হইতে বিরত রাখিয়াছিলেন। যখন দেখিলেন, শত্রুরা আটিকা হইতে প্রস্থান করিল, তখন পিলপনীমসের উপকূলে দুই দল নৌসেনা প্রেরণ করিলেন। তাহারা যাইয়া উপকূল দ্বার খার করিয়া আটিকার উপর অত্যাচারের প্রতিশোধ দিয়া আসিল।

আথেন্সের মহামারী।

আথেন্সবাসীরা যে প্রণালীতে সংগ্রাম চালাইতে ছিল, তাহাতে তাহাদের বিজয় লাভের বিলম্ব মস্তাবনা ছিল। কিন্তু স্পার্টীয়দিগের অপেক্ষাও ভীষণতরূপে এক অভিনব শত্রু আসিয়া আক্রমণ করিতে তাহাদিগকে একেবারে উৎসন্নপ্রায় করিয়া তুলিল, তাহার নাম সুপ্রসিদ্ধ মহামারী। ইহার পূর্বে একুপ ভয়ানক মারী আর যে কোন কালে হইয়াছিল, তাহা

কোন ইতিহাসে দেখিতে পাওয়া যায় না। শুনিতে পাওয়া যায়, মিসর দেশই ইহার জন্মস্থান। মিসর হইতে ক্রমশঃ আশিয়ার সমুদায় উপকূল আক্রমণ ও উৎসন্ন করিয়া পরিশেষে এই সর্বসংহারক মহামারী আথেজের সমুদ্রতীরবর্তী পিরস্ নগরে প্রবেশ করে। একেত সেই গ্রীষ্ম কালের উত্তাপ, তাহাতে আবার শত্রুদিগের আক্রমণনিবন্ধন অধিক সংখ্যক লোকে নগরে আশ্রয় লওয়াতে বায়ু বিষাক্ত হইয়া ভূরি ভূরি লোকের প্রাণ সংহার করিতে লাগিল ; এবং এই মরক ক্রমশঃ এত প্রবল হইয়া উঠিল, যে মৃত দেহের সমাধিক্রিয়া সম্পন্ন হওয়া ভার হইল। নূতন নূতন রোগের আবির্ভাব হওয়াতে চিকিৎসকদিগের চিকিৎসানৈপুণ্য একেবারে বিফল হইয়া গেল, এবং লোক সকলও নিঃসম্বল ও নিঃসহায় হইয়া পড়িল। কাহারও ধর্ম্মের প্রতি আস্থা বা ভক্তি রহিল না ; সকলেই বিধিবিহিত কার্যের অনুষ্ঠানে প্রবৃত্ত হইতে লাগিল। যে হেতু তৎকালে ধর্ম্মসংক্রান্ত বিষয়ে লোকের মনে একপ ভ্রমাত্মক সংস্কারের আবির্ভাব হইল যে, তাহারা বিবেচনা করিয়াছিল, দেবতারা তাহাদের আনুকূল্যে নিবৃত্ত হইয়াছেন, আর তৎকালে এমন কেহই নাই যে অপরাধীদিগের দণ্ড করেন ; এবিধায় রাজনিয়মই বা কিরূপে রক্ষা পাইতে পারে। সুতরাং তাহাও বিপর্যাস্ত হইয়া পড়িল।

এইরূপে যখন যমরাজ করাল কবল বিস্তার করিয়া দিন দিন লোকসমূহকে উদরসাৎ করিতেছিলেন ; তখন লোকদিগের মধ্যে, ভয়ানক কুক্রিয়ার প্রাখর্য্য দৃষ্ট হইয়াছিল। ইহা প্রায়ই সচরাচর দেখিতে পাওয়া যায় যে, মরকের প্রাবল্যের সহিত কুক্রিয়ার প্রাবল্যও ঘটয়া থাকে। ১৬৬৫ খৃষ্টাব্দে যখন লণ্ডনে মরক হয়, তখনও এইরূপ ঘটয়াছিল।

মরক প্রায় চারি বৎসর প্রবল ছিল, কেবল মধ্যে মধ্যে এক এক বার নিবৃত্ত থাকিত। এই মরকে আথেন্সের প্রায় অর্দ্ধেক লোক মরিয়া যায়। তন্মধ্যে সুপ্রসিদ্ধ পেরিক্লিস্ এক জন ; মরকের দ্বিতীয় বৎসরে তাঁহার মৃত্যু হয়। ইতিপূর্বে তাঁহার সমুদায় সন্তান, সমৃদ্ধি ও পরিবারবর্গ বিনষ্ট হইয়াছিল, কেবল একটী-মাত্র সন্তান জীবিত ছিল, তাহাপি তাঁহার স্থির-চিত্ততার কিছুমাত্র ভ্রাম হয় নাই। কিন্তু যখন তাঁহার সেই শেষ পুত্রটীও গত হইল, তখন তিনি আর স্থির-চিত্ত হইয়া থাকিতে পারিলেন না। দেশের প্রথানুসারে সমাধি দিবার পূর্বে যখন তিনি সেই মৃত সন্তানের মস্তকে মালা দিতেছিলেন, তখন তাঁহার শোকসাগর একেবারে উথলিয়া উঠিল, তিনি আর নিবারণ করিয়া রাখিতে পারিলেন না, তাঁহার নয়ন-জল হইতে অঞ্জলি প্রবল বেগে বহিতে লাগিল।

প্লেটোয়া নগরের আশেপাশ ।

যত দিন আথেন্সमध्ये মহামারীর স্রোত রহিল, তত দিন পিলপনীসীয়েরা, শরীরে বিনাক্ত বায়ুর সংক্রমণ ভয়ে, আথেন্স-আক্রমণে নিবৃত্ত ছিল ; এবং এই অবসরে তাহারা আখীনীয়দিগের স্থির মিত্র প্লেটীয়দিগকে অবসন্ন করিবার চেষ্টায় প্রবৃত্ত হইল। পিলপনীসীয়েরা প্লেটীয়দিগের নিকট প্রস্তাব করিল, “ যদি তোমরা আমাদের উপর কোন প্রকার উৎপাত না করিয়া উদাসীন থাক, তবে আমরা বিরত হই। ” যুদ্ধের প্রারম্ভে প্লেটীয়েরা তাহাদের স্বীয় পরিবারদিগকে আথেন্সে রাখিয়াছিল, এজন্ত তাহারা আখীনীয়দিগকে জিজ্ঞাসা না করিয়া, উপস্থিত সে প্রস্তাবের উত্তর দিতে পারিল না, এবং তজ্জন্ত আথেন্সে দূত পাঠাইয়া দিল ; তাহাতে আখীনীয়েরা এই উত্তর দিল যে, “ তোমরা উক্ত প্রস্তাবে কখনই সম্মত হইও না, আমরা তোমাদিগের সাহায্য করিব ” ।

• প্লেটীয়েরা প্রাচীরের মধ্য হইতে বলিল, “ আমরা তোমাদিগের প্রস্তাবিত বিষয়ে সম্মত নহি। ” তখন আর্কিডেমস্ আপন বৈরনির্বাতনের ন্যায্যতা বিষয়ে দেবতাদিগকে সাক্ষী রাখিয়া, তদ্বিময়ে প্রবৃত্ত হইলেন। • নগর হইতে কোন ব্যক্তি পলায়ন করিতে না পারে, এই উদ্দেশ্যে তিনি প্রথমতঃ বৃক্ষ ছেদন-পূর্বক নগরের চতুর্দিকে বেগ দেওয়াইলেন। তৎপরে নগরের সম্মুখে এক উচ্চ সেতু নির্মাণাভি-

লাগে, সিংহরূপ পর্বত হইত বাহু দুই কাঠি আন-
 রুন্যূর্বক চতুঃপার্শ্বে পুঁতি ।। অন্তর্দেশ কাঠি, কদম
 ও প্রস্তর দ্বারা ভরাই করাইয়া তাহা নির্মাণ
 করাইলেন । নগরের অভ্যন্তরপ্রদেশ বাহির হইতে
 দেখিতে পাওয়া যায়, ও তন্মধ্যে অস্ত্র নিক্ষেপ করিতে
 পারা যায়, এই উদ্দেশ্যে পুণ্যকালের অবরোধকারী-
 গণ নগরের নিকটে একপ উচ্চ স্থান নির্মাণ
 করিত । অবরুদ্ধ ব্যক্তিরাজ সেইরূপ, যাহাতে শত্রুরা
 নগরের অভ্যন্তর ভাণ দেখিতে না পায়, ও অস্ত্রাদি
 নিক্ষেপ করিতে না পারে, এই অভিপ্রায়ে সেই পরি-
 মাণে প্রাচীর উন্নত করিত, শ্লেটিয়েরা প্রাচীর আব-
 শ্যক মত উচ্চ করিবার জন্য প্রথমতঃ প্রাচীরের উপর
 একটা কাঠের আবরণ দিল ; ও পরে নির্মাতা-
 দিগকে বিপক্ষদিগের প্রথর, বাণবর্ষণ হইতে রক্ষা
 পরিবার জন্য কতকগুলি কাঁচা চামড়া ঐ কাঠাবরণের
 সম্মুখে দিল ; এবং নিকটবর্তী গৃহ হইতে ইষ্টক
 আনিয়া সেই আবরণের মধ্যে প্রাচীর নির্মাণ করিতে
 লাগিল । কিন্তু এই কামনা আশারূপ ফলোপ-
 খারিনী হইল না দেখিয়া, তাহারা সম্মুখস্থ দুর্গ
 প্রাচীর ফুটাইয়া, গোপনে গোপনে শত্রুকৃত উচ্চ
 ভূমির মৃত্তিকা স্থানান্তরিত করিতে লাগিল । এই
 অভিযান নিবারণের জন্য অবরোধকারীরা কতকগুলি
 নলের বুড়ি প্রস্তুত করিয়া তাহা মৃত্তিকা পূর্ণ করত
 প্রাচীর পথের সম্মুখে ক্ষেপন করিতে লাগিল । অন্তর



অবরুদ্ধ স্লেটীয়েরা এই কৃত্রিম পর্বতো নীচে দিয়া এক সুড়ঙ্গ কাটিয়া তদ্বারা যুক্তকাংক স্থানান্তরিত করিবার কল্পনা করিল।

পরিশেষে পিলপনীসীয়েরা শত্রুকৃত উচ্চভূমির উপর একটা দুর্গ নিৰ্ম্মাণ করিবার কল্পনা করিল; তদ্বারা প্রাচীরের উপর একটা আঘাত করিতে লাগিল যে, তাহা একেবারে কাঁপিয়া উঠিল। তাহারা নগরের আর আর স্থানও ঐকপ যন্ত্র দ্বারা অক্রাণ করিলে স্লেটীয়েরা ইহার প্রতীকারার্থ কিন্তু যন্ত্র সকল কাছি দিয়া বাঁধিয়া পার্শ্বে ক্ষেপন করিতে লাগিল, এবং তাহাদের উপর বড় বড় কাঠ, লৌহ শৃঙ্খলে বাঁধিয়া, নিঃক্ষেপ করাতে, প্রতিঘাতজ্ঞ ঐ সকল যন্ত্রের সম্পূর্ণ বেগ রুদ্ধ হইতে লাগিল। তাহার পর অবরোধকারীরা প্রাকার ও উচ্চ ভূমির মধ্যে রাশীকৃত ইক্ষন সংগ্রহ করিয়া নগর দক্ষ করিবার বাসনা করিয়া, সেই কাঠরাশির উপর গন্ধক ও তালিকাংরা দিয়া তাহাতে আগুন লাগাইয়া দিল। অগ্নি এত প্রবল হইয়া জ্বলিয়া উঠিল যে, যদি নগরের দিকে বায়ু বহিত, তাহা হইলে তাহা নিশ্চয়ই ভস্মীভূত হইত। কিন্তু তৎক্ষণাৎ ভয়ানক ঝড় ও বৃষ্টি আরম্ভ হওয়াতে সেই অগ্নি নির্ব্বাণ প্রাপ্ত হইল। অবরোধকারীরা সকল বুকমেই দেখিল, কেবল সৈন্য দ্বারা নগরকে উত্তমরূপ বেষ্টিত করাই বাকী রহিল। তাহাও এইবার দেখিবেক; এই অভিপ্রায়ে তাহারা নগরের চতুর্দিকে

দুইটি পরিখা খনন করিল; এবং দুইটির ভিতরের দিকে ইষ্টকময় প্রাচীর দিল, সেই প্রাচীরের উপর, দশ হাত অন্তরে যুদ্ধকালের আশ্রয়োপযোগী দশ টাউয়ার নির্মাণ করিল।

দুর্গমধ্যে, চারি শত মাত্র শ্বেট্টীয় সৈন্য, অশীতি আখীনীয় সৈন্য, এবং ঐ সকল সৈন্যের আহারাদি প্রস্তুত করিবার নিমিত্ত এক শত দশ জনমাত্র স্ত্রীলোক ছিল। তাহারা প্রায় এক বৎসরের অধিক কাল নগর রক্ষা করিয়া, যখন দেখিল যে, তাহাদের খাদ্যসামগ্রী নিঃশেষিত হইয়া আসিতেছে, আর আখীনীয়েরাও এপর্যন্ত সৈন্য প্রেরণ করিল না, তখন তাহারা বিপক্ষ-নির্মিত প্রাচীর অতিক্রমপূর্বক পলায়ন করিবার চেষ্টায় প্রবৃত্ত হইয়া, প্রাচীরের ইষ্টকশ্রেণী গণনাপূর্বক প্রাচীর আরোহণোপযোগী মই প্রস্তুত করিতে আরম্ভ করিল। মই প্রস্তুত হইলে, যাহাতে তাহারা নির্বিঘ্নে পলায়ন করিতে পারে, এমন একটি রাত্রির প্রতীক্ষায় রহিল।

ক্রমশঃ শীতকাল উপস্থিত হওয়াতে। তাহারা আর কালক্ষেপ না করিয়া, একদা রাত্রিকালে, প্রবল বায়ুর সহিত অবিশ্রান্ত কৃষ্টি এবং সূচীভেদ্য অন্ধকারে দৃষ্টিপথ রুদ্ধ হইলে, একশত বিংশতি জনমাত্র শ্বেট্টীয় সাহসপূর্বক নগর পরিত্যাগ করিল, অবশিষ্ট লোক ভগ্নোৎসাহ হইয়া নগরেই থাকিল। পাছে অস্ত্র শস্ত্রের শব্দ হয়, এজন্য তাহারা বিরলসমিবেশে গমন

করিতে লাগিল ; কর্দমে পা পিছলিয়া না যায়, এজন্য সকলেই দক্ষিণ পদের জুতা পরিত্যাগ করিল। বাহা-
 হউক, প্রবল বায়ু তাহাদিগের বিলক্ষণ আনুকূল্য করি-
 যাছিল। প্রহরীরা প্রবল বায়ুতে থাকিতে না পারিয়া
 প্রাচীরের উপরিতন টাউয়ার দুর্গমধ্যে প্রবিষ্ট হইলে,
 তাহারা দুই দুই টাউয়ারের মধ্যবর্তী স্থানে মই লাগা-
 ইয়া বারো জনমাত্র শুদ্ধ ছোঁা গ্রহণপূর্বক উঠিয়া
 প্রত্যেক টাউয়ারে চর জন করিয়া বাইল ; এবং তৎ
 পশ্চাৎ বর্ষা লইয়া কয়েক জন লোক উঠিল ; তৎপরে
 ঢাল লইয়া কতকগুলি আকড় হইল। ইহাদের আরোহণ
 কালে শত্রুরা কিছুই টের পায় নাই। দৈবাৎ এক
 জনের অসাবধানতার প্রাচীরের এক খানি ইট পড়িয়া
 গেলে প্রহরীরা অত্যন্ত ভয় পাইল। ইতি পূর্বেই
 যে কতকগুলি লোক নগরমধ্যে ইতস্ততঃ লুক্কা-
 য়িত ছিল, তাহারা সেই সময় আসিয়া প্রাচীরের
 অন্ত অংশ আক্রমণ করিলে, অবরোধকেরা তাহাদের
 প্রতি শিল্পপ্রযত্ন হইয়া, আক্রান্ত অংশের দিকে
 বাইল। ইত্যবসরে বিক্রতেরা দুই টাউয়ার সম্পূর্ণ-
 রূপে অধিকার করিয়া উহার উপরিভাগ আশ্রয়পূর্বক
 বাণ দ্বারা, কতক বা দ্রুতবেগে বহিঃপ্রকারে আরো-
 হণপূর্বক বর্ষা ও বান্য অস্ত্র দ্বারা শত্রুদিগকে
 আহত করিতে লাগিল। এই স্থযোগে অবশিষ্ট
 লোকেরা শত্রু হস্ত হতে পরিত্রাণ পাইবার আশয়ে
 ধীবসের অভিমুখে ধাবমান হইয়া প্রায় অর্দ্ধ কোশ

গমন করিয়া দেখিল, তাহারা যাহা মনে করিয়াছে, তাহাই ঘটিয়াছে ; বিপক্ষেরা আলোকহস্তে সীথং পর্বতের অভিমুখে ধাবমান হইতেছে। তখন তাহারা ফিরিয়া আথেস্তের অভিমুখে যাত্রা করিল।

বিদ্রুত শ্লেটীয়দিগের একজনমাত্র বিনষ্ট হয়, আর সাত জন নন্দোৎসাহ হইয়া নগরে প্রতিগমন করে। যাহারা নগরনগ্নে ছিল, তাহারা, বিদ্রুত শ্লেটীয়েরা বিনষ্ট হইয়াছে, বিবেচনা করিয়া পর দিন প্রাতঃকালে অবরোধকদিগের নিকট তাহাদের মৃত শরীর প্রার্থনা করিয়া পাঠাইল। কিন্তু অব্যবহিত পরেই বিদ্রুতেরা অবাধে শত্রুহস্ত হইতে পরিত্রাণ পাইয়াছে, এই সংবাদ পাইয়া আত্মলাদে পরিপূর্ণ হইল। ১৭

যাহারা নগরনগ্নে অবরুদ্ধ ছিল, তাহারা অনেক দিন পর্য্যন্ত অবরুদ্ধ থাকিয়া অবশেষে খাদ্যভাবে খঃ পূঃ ৪২৭ অগত্যা শত্রুহস্তে আত্মসমর্পণ করিলে, শত্রুরা অসঙ্খ্যচিত চিত্তে তাহাদিগকে বিনষ্ট করিল ; এবং স্ত্রীলোকেরা বিক্রীত হইয়া দাসত্বশৃঙ্খলে বদ্ধ হইল ; নগর এবং ভূমি সমস্ত খীবীয়দিগকে প্রদান করিলে, খীবীয়েরা নগরকে উৎসন্ন করিয়া ফেলিল। এখন বোধ হইতেছে যে, আখীনীয়দিগের প্রতি সম্পূর্ণ বিশ্বাস করা শ্লেটীয়দিগের অত্যন্ত অদূরদর্শিতার কার্য্য হইয়াছিল। আর শ্লেটীয়েরাই তাহাদের এই সর্বনাশের কারণ হইয়াছিল বলিতে হইবেক ; কারণ যদি তাহারা শ্লেটীয়দিগকে আখীনীয়দিগের

সহিত মিলিত হইবার উপদেশ না দিত, তাহা হইলে তাহাদের এ অনর্থ ঘটিত না। প্লেটোরেরা স্পার্টীয়দিগের উপদেশে এই ভাবিয়াছিল যে, আথীনীয়দিগের সাহায্যে তাহাদের প্রতি খীবীয়দিগের অত্যাচার অনেক নিবারণ হইতে পারিবেক ; কিন্তু তাহার কিছুই হইল না। এক্ষণে সেই খীবীয়দিগের হস্তে পড়িয়া প্লেটোরেরা এইরূপে নিহত হইল। আথীনীয়েরা যে তাহাদের পক্ষে কিছুই নৃশংসতা বা অায়-বিরুদ্ধ কার্য্য করে নাই, তাহা পশ্চাৎ প্রকাশ হইবেক।

মিটিলিনির রাজবিদ্রোহ।

পারসীক সংগ্রামের পর আথীনীয়দিগের পোতলৈঃ সমধিক উৎকৃষ্ট হইলে, তাহা ১, যাবতীয় দ্বীপবাসী, এবং আশিয়ার উপকূলবর্তী নগরবাসীদিগকে, প্রজা বলিয়া তাহাদিগের প্রতি গুরুতর কর নির্ধারণ প্রভৃতি নানাবিধ উৎপীড়ন করিয়াছিল, কিন্তু দ্বীপবাসী, এবং নগরবাসী প্রজাবর্গ আধীনীয় ধুরবৃত্তনে স্বভাবতঃই অনিচ্ছুক ছিল। তৎকালে যাহারা বিদ্রোহ উপস্থিত করিয়াছিল, আথীনীয়েরা নাকি তাহাদিগকে কঠিন শাস্তি দিয়াছিল, এজন্য তাহারা তখন আর বিদ্রোহ উপস্থিত করিতে সাহসী হয় নাই। আথীনীয়েরা পিলপনীসীয়দিগের সহিত সংগ্রামে প্রবৃত্ত হইলে, তাহাদের কেহ কেহ স্বাধীনতা পুনরু-

স্কারের চিন্তায় নিমগ্ন হইল। তাহাদের মধ্যে লেস্‌বস্‌ দ্বীপের প্রধান নগর মিটিলিনির অধিবাসীরা। এ বিষয়ে প্রথম উদ্বেগী হইয়া, জাহাজনির্মাণ, খাদ্যাহরণ, এবং সৈন্যসংগ্রহ প্রভৃতি সংগ্রামোপযোগী অন্যান্য দ্রব্য সামগ্রীর আয়োজনে নিযুক্ত হইল। কিন্তু তাহাদের প্রতিদানীরা এই সংবাদ আশঙ্কিত প্রেরণ করিলে, তাহারা শ্রবণ মাত্র চত্বারিংশৎ রণতরী স্বগৃহীত করিয়া গুপ্তভাবে লেস্‌বস্‌ দ্বীপে যাইতে কহিয়া তাহাদিগকে এই বলিয়া দিল যে, যখন মিটিলিনীয়রা ধর্ম্মনহোৎসবোপলক্ষে নগরের বহির্ভাগে আনিবেক, তখন তাহাদিগকে বন্দী করিয়া আনয়ন করিবে। আখীনীয় রণতরীর মধ্যে দশ খানি মিটিলিনীয় জাহাজ ছিল। পাছে তাহারা মিটিলিনীয়দিগকে এই সংবাদ দেয়, এই আশঙ্কায় আখীনীয়েরা সেই সমস্ত জাহাজের যাবতীয় লোককে কারাবদ্ধ করিল; কিন্তু যে ভয়ে আখীনীয়েরা এই সাবধানতা গ্রহণ করিয়াছিল, তাহার কোন ফল দর্শিল না; কারণ আখীনীয় পোত-সৈন্য লেস্‌বসে উপস্থিত হইবার পূর্বেই মিটিলিনীয়দিগের এক জন বন্ধু অগ্রে তাহাদিগকে এই সংবাদ দিয়াছিল। সুতরাং তাহারা উক্ত মর্হোৎসবে নগরের বহির্গত হয় নাই।

আখীনীয়দিগের এই চাতুরী বিফল হইলে, এখন তাহারা মিটিলিনি অবরোধের সংকল্প করিল; এবং অবিলম্বেই পেকসু-নামক একজন সেনাপতি সৈন্যে

আগমনসূৰ্বে সমাগত সৈন্যের সহিত মিলিত হইয়া
 জন-এবং স্থল উভয় পথে মিটিলিনি অবরুদ্ধ করিলেন।
 লেসিডিমোনিয়েরা মিটিলিনীয়দিগের সহায়তা করিতে
 প্রতিশ্রুত হইয়াছিল; কিন্তু তথাকার সাহায্য
 আসিতে বিলম্ব হওয়াতে মিটিলিনির খাদ্যসামগ্রী
 প্রায় ফুরাইয়া আসিল। তৎকালে যে একজন স্পার্টীয়
 মিটিগিনিতে ছিলেন, তিনি সাধারণ লোকদিগকেও অস্ত্র
 ধারণ করাইবার জন্ত শাসনকর্তাকে অনুরোধ করিলে,
 তিনি বলপূর্ব্বক সামান্য লোকদিগকেও অস্ত্র ধারণ করা-
 ইলেন। কিন্তু তাহারা অস্ত্র গ্রহণপূর্ব্বক এই বলিয়া ভয়
 প্রদর্শন করিল, “যখন গবর্ণমেন্টে আমাদিগকে বলপূর্ব্বক
 অস্ত্রধারণ করাইলেন, তখন, আহা! ফুরাইলে মিটিলি-
 নীয় সম্ভ্রান্ত লোকেরা যদি তাহা আহরণ করিয়া না
 দেন, তাহা হইলে আমরা নগর শত্রু হস্তে সমর্পণপূর্ব্বক
 আথেন্সের পক্ষ অবলম্বন করিব।” তখন গবর্ণমেন্ট
 ভীত হইয়া অগত্যা শত্রুদিগের স্বয়ং শরণাগত হইবার
 অভিপ্রায়ে, বিপক্ষদিগের অনুমতি লইয়া আথেন্সে
 প্রতিনিধি প্রেরণ করিলেন; এবং আখীনীয় সেনাপতি
 পেকসের সহিত এই বন্দোবস্ত করিলেন, যেপর্য্যন্ত
 আথেন্স হইতে সংবাদ না আইসে, তত দিন কেহ
 কাহার প্রতিঅত্যাচার করিতে পারিবেন না। পেকস
 তাহাতে সন্মত হইয়া অবরোধে নিরস্ত থাকিলেন;
 কিন্তু কিছু পরেই সন্ধি ভঙ্গ করিয়া মিটিলিনীয় প্রায়
 সহস্র লোককে বন্দী করিয়া আথেন্সে প্রেরণ করিলেন।

সম্পূর্ণ সহায়বল ব্যতিরেকে স্বাধীনতা পুনরুদ্ধারের চেষ্টা করা মিটিলিনীদিগের সম্পূর্ণ অকর্ষ্য হইয়াছিল বলিতে হইবেক। আর সহায় বল না থাকাতে অবশেষে শত্রুরা যে তাহাদিগকে প্রতারণা করিয়াছিল, তাহাও নিতান্ত আয়বিরুদ্ধ কার্য্য হইয়াছিল, সন্দেহ নাই। আত্মীয়েরা তাহাদিগকে এইরূপে প্রতারণা করিয়াই ক্ষান্ত থাকিল না। সর্ব্ব সাধারণ সমাজে ক্রিয়নের প্রভাব অতিশয় বলবান থাকায়, সকলেই ক্রিয়নকে সর্বিশেষ মম্মান করিত। একারণ আথেম্-বাদীরা প্রচণ্ড ও নির্দয় ক্রিয়নের সর্বিশেষ অনুরোধে পতিত হইয়া, তদীয় অভিপ্রায়ানুসারে পেকস যাহাদিগকে বন্দী করিয়া প্রেরণ করিয়াছেন, তাহাদের প্ৰাণদণ্ডের আজ্ঞা করিল; এবং মিটিলিনিতে পেকসকে এই বলিয়া পত্র লিখিয়া পাঠাইল যে, সমস্ত পরিণত বয়স্ক পুরুষদিগকে নিহত করিবেন; স্ত্রী এবং বালকদিগকে বিক্রয় করিবেন। বাহা হউক, বাহারা স্বভাবতঃ নির্দয় নহে, শুদ্ধ ক্রিয়নের কুমন্ত্রণায় উক্ত বিষয়ে মত দিয়াছিল; তাহারা পর দিবস অতিশয় অনুতাপ করিতে লাগিল; এবং দয়াজ্ঞা চিত্ত লোকেরা উক্ত হত্যা নিবারণের জন্য আর একটী সভাও করিলেন। তাহাতে কতকগুলি লোক ক্রিয়নের বিপক্ষে এক মত হইলে, উক্ত হত্যার নিষেধ লিখিয়া পেকসের নিকট আর একখানি বাহাজ প্রেরণ করা হইল। ক্রিয়নের প্রেরিত বাহাজ মিটিলিনিতে পৌছি-

বার পূর্বে এই জাহাজ তথায় উপস্থিত হওয়া আব-
শ্যক বিবেচনা করিয়া, মিটিলিনির প্রতিনিধিরা,
নাবিকদিগকে পুরস্কার অঙ্গীকার করিলে, নাবিকেরা
শুদ্ধ রুটি আহার, এবং মদ্যপান করিয়া দিবা রাত্রি,
নিরবচ্ছিন্ন বাহিয়া যাইতে লাগিল। অবশেষে অমু-
কুল বায়ুরশতঃ নির্বিঘ্নে মিটিলিনিতে উপস্থিত হইল।
অনন্তর প্রতিনিধিরা এই সম্বাদ লইয়া পেকসের নিকট
উপস্থিত হইয়া দেখিল, পেকস্ ক্লিয়নের পত্রপাঠ
করিয়া তদনুসংগ কাৰ্য্যানুষ্ঠানের উদ্দেশ্যে
ছেন। যাহা হউক, আথীনীয়েরা পেকসের প্রেরিত
সমস্ত বন্দীদিগকে নিহত করিয়া, দয়া বিষয়ে তাহা-
দের যে, নিতব্যায়িতা আছে, তাহার পরাকাষ্ঠা
প্রদর্শন করিয়াছিল। অনন্তর মিটিলিনির সমস্ত
প্রাণীর ভাঙ্গিয়া ফেলিল, ও সমস্ত ষ্ণতরী অধিকার
করিল; এবং প্রায় সমস্ত দ্বীপ, আথীনীয় উপনি-
বেশকদিগকে বিভাগ করিয়া দিয়া তাহাদিগের উপর
ভূমির কর আদায়ের ভারপাল্প করিল।

কর্সাইরার হত্যা ।

পূর্বে উল্লেখ করা গিয়াছে যে, স্পেটিয়া, এবং
মিটিলিনীয়েরা বিদেশীদিগের হস্তে নিধন প্রাপ্ত
হয়। কিন্তু এক্ষণে আমরা কর্সাইরার যে ভয়ঙ্কর
নরহত্যা বর্ণনে প্রবৃত্ত হইতেছি; পরে দৃষ্ট হইবেক,
তাহা দেশীয় লোকেরাই সম্পন্ন করিয়াছিল। গ্রীক

প্রথামুসারে কর্ণাইরায় দুইটি দল ছিল। মর্যাদাপন্ন লোকদিগের একটি, এবং সাধারণ লোকদিগের অন্যটি। এই উভয়পক্ষের পরস্পর অহিনুকুলতা সম্বন্ধ ছিল; একারণ সময়ে সময়ে ঘোরতর বিবাদ বিসংবাদ হইত। একদা সাধারণ সমাজের অধ্যক্ষেরা সম্ভ্রান্ত সমাজের কতিপয় অধ্যক্ষদিগের নামে অভিযোগ করিয়া, পরিশেষে পলায়ন পূর্বক কোন দেবালয়ে আশ্রয় লইলেন। পরে সেনেটের সদস্যবর্গ আখীনীয়দিগের সহিত মিলিত হইবেন, শুনিয়া তাহারা, এবং তাহাদের বন্ধু বান্ধবেরা, ও আত্মীয় অন্তরঙ্গ, সকলে ক্রোধে পরিপূর্ণ হইয়া, অস্ত্র শস্ত্র গ্রহণপূর্বক সভা মধ্যে দ্রুত বেগে সহসা প্রবেশ করিল, এবং ষাট জনের প্রাণ বধ করিল। এই কারণে, উভয় পক্ষের যে ঘোরতর সংগ্রাম উপস্থিত হইল; তাহাতে সাধারণ লোকেরা পরাস্ত হইয়াছিল। যুদ্ধ আরম্ভ হইবার পূর্বে উভয় পক্ষই নগরের এক এক অংশ আশ্রয় করেন, প্রাতঃকালে উভয়পক্ষীয় লোকেরাই দেশীয় ক্রীতদাসদিগকে তাহাদের সাহায্যার্থ আজ্ঞান করিলে, অধিকাংশ লোকেই সাধারণ লোকদিগের সহায়তায় প্রবৃত্ত হইল; কিন্তু ইপিরসের বিপরীত উপকূল হইতে আট শত লোক আসিয়া, সম্ভ্রান্তদিগের সাহায্যে প্রবৃত্ত হইয়াছিল। অতঃপর যে আর একটি সংগ্রাম উপস্থিত হয়, তাহাতে সাধারণ লোকদিগের জয় লাভ হইলে, সম্ভ্রান্ত লোকেরা অগ্নি সংযোগ দ্বারা নিজ গৃহ, এবং

নগরের অধিকাংশ দক্ষ করিয়া ফেলায়। এইরূপ বিবাদ চলিতেছে, এমন সময়ে, একজন আধীনীয় সেনাপতি তথায় উপস্থিত হইয়া, উভয় পক্ষের এই বিবাদ নিষ্পত্তি করিয়া দিবার জন্য উভয় পক্ষের একটা সন্ধি স্থাপন করিয়া দিলে, তবে তাহারা বিবাদে ক্রান্ত থাকিল। অতি অল্পকাল পরেই প্রায় চারি শত সম্ভ্রান্ত লোক, তাহাদের শত্রুরা তাহাদের বিনাশের চক্রান্ত করিতেছে, এই সন্দেহ করিয়া, পলায়নপূর্বক কোন দেবালয় আশ্রয় করিলেন, কিন্তু লোকেরা তাঁহাদিগকে বন্দরের সম্মুখবর্তী এক ক্ষুদ্র ছাঁপে প্রেরণ করিয়া, তথায় তাঁহাদের খাদ্যসামগ্রী পাঠাইয়া দিতে লাগিল। কিন্তু শীঘ্রই তাঁহাদিগকে তথা হইতে আনয়ন করিয়া এক দেবালয়ে রাখিয়া দিল।

এই সময় এক দল আধীনীয় রণতরী তথায় আসিয়া পৌঁছিল। বোধ হয় এত দিন লোকেরা পিলপনার-দিগের ভয়ে বৈরনির্ভাতনে বিভত ছিল; এক্ষণে তাহারা সেই আশা পরিতৃপ্ত করিতে স্থিরনিশ্চয় হইয়া, এই বলিয়া সম্ভ্রান্তদিগকে দেবালয় ছাড়িয়া আদিবার প্রস্তাব করিল, যে, তাঁহারা আসিলে ন্যায়-অন্যায়ের বিচার হইবেক। সম্ভ্রান্তেরা তাহাদের বাক্যে বিশ্বাস করিয়া ঐ পবিত্র স্থানের সীমা অতিক্রম করিবানাত্র শত্রুগণ বিনাশসন্ধানে তৎক্ষণাৎ তাঁহাদের প্রাণ বধ করিল; যাহারা দেবালয়ে রহিলেন তাহারা পরিদ্রাণের উপায়াস্তর না দেখিয়া, ভয়ঙ্কর

শত্রু হস্তে বিনাশ অপেক্ষা আত্মহত্যা শ্রেয়স্কর, বিবেচনায়, তৎ সম্পাদনে কৃতসংকল্প হইয়া, কতকগুলি দেবালয়ের বৃক্ষে উদ্ধবন দ্বারা প্রাণ ত্যাগ করিলেন ; কেহ কেহ অত প্রকারে মানবলীলা সম্বরণ করিল। এইরূপে সকলেই প্রাণত্যাগ করিলে, এক জনও বীভূত রহিলেন না । সাধারণ লোকের এইরূপ ক্রমাগত সাত দিন কাল নরহত্যা হইতে বিরত ছিল না । যাহার যাহাকে শত্রু বলিয়া বিবেচনা হইল, সে তাহারই প্রাণনাশ করিতে লাগিল । এই সুযোগে অনেক অধর্ম ব্যক্তির ঐতর্ন্যদিগের শোণিত দ্বারা আপন আপন ঋণ ক্ষালিত করিয়াছিল । এইরূপে নগরমধ্যে ভয়ঙ্কর অত্যাচার আরম্ভ হইলে, পিতা ও পুত্রের প্রাণ সংহার করিয়াছিল । শরণাগতদিগকে দেবালয় হইতে বলপূর্ব্বক আকর্ষণ করিয়া নিহত করিয়াছিল । কতকগুলিকে দ্বার বন্ধ করিয়া দেবালয়ে রাখিলে, তাহারা আহারাভাবে প্রাণত্যাগ করিল । আত্মীয়-বান্ধবেরা শাস্ত্রভাবে এই নৃশংস ব্যাপার অবলোকন করিতে লাগিল ; নিবারণের কোন চেষ্টা করিল না ।

প্রায় পাঁচ শত সন্তান লোক তথা হইতে পলায়ন পূর্ব্বক বিপরীত উপকূল আশ্রয় করিয়া ছিলেন । কিছু দিন পরে তথা হইতে প্রতিনিবৃত্ত হইয়া এক সুদৃঢ় দুর্গ নির্মাণপূর্ব্বক শত্রুদিগের অভিযান হানি করিতে আরম্ভ করিলেন । এই সময় একদল আত্মীয় রণতরী কর্ণািব্যাহার আনিয়া পৌঁছিলে, সেনাপতিরা সন্মিলে

অবরুদ্ধ হইয়া দুর্গবাসী সম্ভ্রান্তদিগকে আক্রমণ করিলে, তাঁহারা আখীনীয়দিগের শরণাগত হইলেন ; আখীনীয়েরা, তাঁহাদিগকে যতদিন আথেন্সে না লইয়া যাওয়া হয়, ততদিন কসাইরার বন্দরের সম্মুখ-বর্তী দ্বীপে রাখিয়া দিল । যদি তাঁহারা পলায়নের চেষ্টা করিতেন, তাহা হইলে তাহাদিগকে সন্ধি ভঙ্গ জন্য সম্পূর্ণ দোষী হইতে হইত ।

সম্ভ্রান্তদিগকে আখীনীয়েরা দ্বীপান্তরে বন্দী করিয়া রাখিলে, সাধারণ লোকদিগের কর্তৃপক্ষেরা বৈরনির্যাতনের ব্যাঘাত জন্মিল দেখিয়া, বন্দীকৃত-দিগকে পাতিত করিবার জন্য যে এক ফন্দি করিল, তাহা এই । তাহারা প্রথমতঃ, ঐ দ্বীপে কতকগুলি লোক পাঠাইয়া দিল ; প্রেরিত ব্যক্তিরা তথায় পৌঁছিয়া বন্ধুত্বের ভান করিয়া বলিল ; “ আখীনীয়েরা তোমাদিগকে শত্রু হস্তে সমর্পিত করিবার অভিপ্রায় করিয়াছে, অতএব তোমরা যদি আমাদের পরামর্শ শুন ; তবে এই সজ্জিত জাহাজে আরোহণ করিয়া এস্থান হইতে পলায়ন কর । ” বন্দীরা তাহাদের বাক্যে প্রত্যয় করিয়া পরিব্রাজ্য পাইবার, আশয়ে সেই জাহাজে আরোহণ পূর্বক যাত্রা করিলে, পথিমধ্যে শত্রু হস্তে পতিত হইয়া, এক বৃহৎ অটালিকার মধ্যে অবরুদ্ধ হইলেন । অনন্তর সেই অটালিকা হইতে বিংশতিজন করিয়া বাহির করিয়া আনা হইয়া জেণীবদ্ধ অঙ্গধারীদিগের মধ্যদিয়া গমন করিতে আদেশ

১৫২ ক্যাক্টারিয়ায় স্পাটীগদিগের অবরোধ । [৭ম অ

করিল। অস্ত্রধারী পুরুষেরা যে যাহাকে নিজ শত্রু
বলিয়া বোধ করিল, সে তাহারই প্রাণবধ করিতে
লাগিল। এইরূপে ষাট জন নিহত হইলে, অবশিষ্টেরা
আপনাদের বিপদ জানিতে পারিয়া, আখীনীদিগকে
অস্থান করিয়া বলিল “তোমরা আইস আমাদিগকে
বিনষ্ট কর, আমরা বাহিরে যাইব না।” যাহা হউক
সাধারণ লোকেরা সেই গৃহের ছাদ ভাঙ্গিয়া ফেলিয়া
তাহার অভ্যন্তরে ইষ্টক ও বাণ নিক্ষেপ্ত করিতে
লাগিল; তখন অবরুদ্ধেরা পরিত্রাণের আর উপা-
য়াস্তর নাই দেখিয়া, কেহ কেহ শত্রুর বাণাঘাতে
মরিল কতক বা উদ্বন্ধন দ্বারা আপন আপন প্রাণ বধে
উদ্যত হইল। পরদিবস তাহাদের মৃত শরীর একত্র
রাশীকৃত করিয়া শকট দ্বারা নগর হইতে বাহির
করিয়া ফেলাইয়া দিতে লাগিল। এইরূপে কস্টা-
ইরার সামাজিক বিদ্রোহ পর্য্যবসিত হইয়া সম্রাট-
দিগকে সমূলে উৎসন্ন করিয়াছিল ॥

ক্যাক্টারিয়া দ্বীপে স্পাটীগদিগের অবরোধ ।

মেসীনিয়োপকূলের অনতিদূরে ক্যাক্টারিয়া-নামক
একটী দ্বীপ আছে। একদা আখীনীয়েরা সেই দ্বীপে
কতকগুলি স্পাটীয় সৈন্যকে যে আক্রমণ করিয়া-
ছিল, ইহাই বর্তমান যুদ্ধের প্রাধান ঘটনা বলিয়া
পরিগণিত। এই অবরোধের স্থূল বৃত্তান্ত পশ্চাৎ
লেখা যাইতেছে। একদা কতিপয় আখীনীয় রণতরী

মেসীনিয়ার উপকূল হইয়া যাত্রা করিতে ছিল ; এমনত সময় ঐ রণতরীর একজন কর্মচারী ডিমস্-থিনিস্, পাইলস্ অন্তরীপ অবলোকন করিয়া তথায় একটা সুদৃঢ়, তুর্গ নিৰ্ম্মাণের মানসে নাবিকদিগের তথায় অবরোধের প্রস্তাব করিলে, সেনাপতিরা তাহাতে অসম্মত হইলেন। দৈবযোগে এক প্রবল বাত্যা উপস্থিত হওয়াতে তাঁহাদিগকে অগত্যা সেই অন্তরীপ আশ্রয় করিতে হইল। সৈন্যেরা বৃথা কালক্ষেপ না করিয়া তথায় একটা প্রাচীর নিৰ্ম্মাণে ব্যাপৃত হইয়া তদুপযোগী উপকরণের মধ্যে প্রস্তর ও কৰ্দম ব্যতীত আর কিছুই প্রাপ্ত হয় নাই ; সুতরাং তাহারা হস্ত ও পৃষ্ঠ দ্বারা কৰ্দম আনয়ন পূৰ্ব্বক ছয় দিনের মধ্যে এক প্রাকার নিৰ্ম্মাণ করিল। প্রাচীর নিৰ্ম্মিত হইলে সেনাপতিরা ইহার রক্ষণার্থ ডিমস্-থিনিগের উপর ছয়খানি জাহাজের কর্তৃত্বভার সমর্পণপূর্ব্বক তথা হইতে যাত্রা করিলেন।

এই সংবাদ লেসিডিমোণীয়দিগের কর্ণগোচর হইলে, তাহারা ত্বরায় আসিয়া জলে এবং স্থলে ঐ স্থান অবরুদ্ধ করিল। ঐ দ্বীপের বন্দরের মধ্য দিয়া অবরুদ্ধ স্থানে প্রবিষ্ট হইবার একটী মাত্র পথ ছিল ; এবং অন্তরীপের উভয় পার্শ্ব দিয়া বন্দরে প্রবিষ্ট হইবারও দুইটী বৈ পথ ছিল না। সুতরাং সেই পথ-দ্বয় রুদ্ধ করা আবশ্যক বিবেচনা করিয়া, লেসিডিমোণীয়েরা চারি শত কুড়ি জন সৈন্য, এবং কতিপয়

১৫৪ ফ্যাক্টরিয়ায় স্পাটীয়াদিগের অবরোধ ।। ৭ম অ

জাহাজ রাখিয়া ঐ পথ রুদ্ধ করিয়া দিলে, আর্থীনীয়-
দিগের আর এমন পথ রহিল না, যদ্বারা আসিয়া অব-
রুদ্ধদিগের সহায়তা প্ররূত হয়। কিন্তু রক্ষকদিগের
অভাবশিদ্ধ আলস্য বশতঃ তাহাদের রক্ষণপ্রয়াস
ব্যর্থ হইয়া গেল। তাহাদের অনাধানতাবসরে, ডিম-
স্থিনিম্ কর্তৃক আহুত আর্থীনীয় রণতরী আসিয়া অনা-
য়াসে বন্দর মধ্যে প্রবেশ পূর্ব্বক স্পাটীয়াদিগকে
পরাস্ত করিল; এবং স্পাটীয়াদিগের নির্গমের পথ অব-
রুদ্ধ করিয়া ফেলিল; সুতরাং বহির্গমের পথ না
থাকায়, স্পাটীয়াদিগকে বন্দেই অবরুদ্ধ থাকিতে
হইল; এবং তাহাদের খাদ্যসামগ্রীর আয়োজনের
পথ একেবারেই বন্দ হইয়া গেল; কারণ আর্থীনীয়েরা,
বাহাতে স্পাটীয়াদিগের আসার প্রসার বন্দ হইয়া, এই
অভিপ্রায়ে দুই খানি যাহাজ নিযুক্ত করিয়া দিয়া
ছিল। সেই যাহাজ সমস্ত দিন চতুর্দিকে ভ্রমণ
করিয়া চৌকী দিত। রাত্রি হইলে, সমস্ত যাহাজ আসিয়া
শত্রুদিগকে বেষ্টিতপূর্ব্বক নঙ্গর করিয়া থাকিত। এইরূপে
শত্রুদিগের আর কোন দিকে নড়িবার যো রাখিল
না। কিন্তু স্পাটীয়েরা, তদ্রত্য স্বাধীন ব্যক্তিদিগকে,
পুরস্কার স্বীকার, এবং হেল্টদিগকে, স্বাধীনতা পুনরু-
দ্ধার করিয়া দিবার প্রস্তাব করিয়া দীপ হইতে ময়দা,
মদ্য, এবং অন্যান্য খাদ্য সামগ্রীর আয়োজন্য গুপ্ত-
ভাবে নিযুক্ত করিয়াছিল। তাহারাও গুপ্তভাবে এই
সকল সামগ্রী আনিয়া দিতে লাগিল। যে সময় বায়ু

অতিশয় প্রবল হইত, আর্থীনীয় জাহাজ সকলের চলিবার সামর্থ্য থাকিত না, সেই সময় তাহারা নৌকাযোগে যাইয়া তীর হইতে খাদ্যসামগ্রী আনিয়া দিত ; এবং ডুবুকীয়া-ব্যাগ পরিপূর্ণ করিয়া পোস্তদানা, শণের বীজ প্রভৃতি এমনি আনিয়া দিত যে, কেহই তাহাদিগকে দেখিতে পাইত না। এজন্য দ্বীপের রক্ষকেরা আশার অতিরিক্ত কাল জীবন পারণ করিয়াছিল। আর্থীনীয়েরাও যখন খাদ্যসামগ্রী এবং ভাল জলের অভাবে অতিশয় কষ্ট পাইতে লাগিল, তখন কর্তব্য জিজ্ঞাসার জন্য সেনাপতিরা আথেন্সে সংবাদ পাঠাইয়া দিল।

সমস্ত লোক সভায় একত্র সমবেত হইলে, নীচাশয় গজ্জ্বলকারী এবং মিথ্যাবাদী ক্লিয়ন্ সকলের মধ্য হইতে বলিয়া উঠিল, ডিমস্থিনিন্স্ যে জল অভিযোগ করিয়াছে, সে সমস্তই ভলীক। এই বলিয়া সেনাপতি নীসীয়সের প্রতি দৃষ্টিপাত করিয়া কহিল, যদি সেনাপতিদিগের পুরস্কার থাকিত তবে, ঐ দ্বীপ শীঘ্র অধিকৃত হইত ; যদি আমি স্বয়ং ইহার কর্তৃত্ব ভার গ্রহণ করিতাম, তাহা হইলে ঐ দ্বীপ এত দিন অধিকৃত হইত, সন্দেহ নাই। ইহা শুনিয়া নীসিস্ ক্লিয়ন্কে যে কোন সৈন্যদল লইয়া উক্ত যুদ্ধে যাত্রা করিবার প্রস্তাব করিলে, ক্লিয়নের মুখ শুখাইয়া গেল। ক্লিয়নের মুখে যত কলিত কাজে তাহার একাংশও সম্পন্ন হইত না। যাহা হউক ক্ষতিপ্রিয় লোকেরা নীসীয়সের

১৫৬ ফ্যাক্টরিয়ান্স স্পার্টারদিগের অবরোধ। [১৫ অ

প্রস্তাবে সম্মত হইবার জন্য ক্লিয়ন্কে অভ্যস্ত অনুরোধ করিতে লাগিল। ক্লিয়ন্ এই সঙ্কট হইতে উত্তীর্ণ হইতে না পারিয়া, বাহিরে প্রসন্নতা প্রকাশ করত অগত্যা পাইলস্ যাত্রা করিতে সম্মত হইলেন; এবং আর কিছু সৈন্য প্রার্থনা করিয়া এই শপথ করিলেন যে, বিংশতি দিবসের মধ্যে, হয় স্পার্টারদিগকে সেই দ্বীপে নিহত করিয়া আসিবেন, নয় তাহাদিগকে বন্দী করিয়া আথেঙ্গে আনয়ন করিবেন। ক্লিয়ন্ মনে মনে জানিতেন, যে তিনি স্বয়ং সৈন্যপত্য কার্য্য নিতান্ত অপটু; একারণ বুদ্ধিপূরক ডিস্‌স্থিনিস্কে আপনার সহকারিত্বে নিযুক্ত করিয়াছিলেন।

ক্লিয়ন্ পাইলস্‌কে উপস্থিত হইয়া স্পার্টারদিগকে তাঁহার শরণাগত হইবার প্রস্তাব করিলেন। কিন্তু তাঁহারা তাঁহার প্রস্তাবে অস্বীকৃত হইলে, আখীনিয় সৈন্যেরা রাত্রিযোগে জাহাজ হইতে দ্বীপে অবতীর্ণ হইল। প্রাতঃকালে স্পার্টারদিগের সহিত যুদ্ধ আরম্ভ হইল। উভয় পক্ষের প্রচুর অভিনিবেশ নিবন্ধন যুদ্ধ, অধিক কাল স্থায়ী হইয়াছিল। অবশেষে যখন শতাধিক স্পার্টার নিহত হইল, তখন অবশিষ্টেরা তাহাদের বন্ধুজনের সহিত পরামর্শ করিবার জন্য তীরে যাইবার অনুমতি প্রার্থনা করিল। ফলতঃ তাহাদের সেই প্রার্থনা গ্রাহ্য হইল না। কিন্তু আখীনিয়েরা একজন দূত পাঠাইল; এবং একজন স্পার্টার আসিয়া দুপক্ষদিগকে কর্তব্য জিজ্ঞাসা

করিলে, স্পার্টায়েরা আখীনীয়দিগের শরণাগত হইল।
 বাহাহউক স্পার্টায়েরা এইটা অতি বিগর্হিত কর্ম
 করিয়াছিল। ক্রিয়ন্ দুখে বাহা বলিয়াছিলেন কাজেও
 তাহা করিবলেন। কুড়ি দিনের মধ্যেই স্পার্টায়দিগকে
 আথেন্সে লইয়া গেলেন; এবং তাহাদিগকে বন্দী
 করিয়া রাখিয়া এই প্রচার করিয়া দিলেন; যদি কখন
 স্পার্টায়েরা আটিকা আক্রমণ করে, তাহা হইলে বন্দী-
 দিগকে নিহত করিবে। স্পার্টায়েরা এপর্যন্ত কখন
 কাহারও শরণাগত হয় নাই, তাহার এই মাত্র শরণা-
 গত হইল। ফলতঃ এই ঘটনা গ্রীকদিগের অতিশয়
 বিস্ময়জনক হইয়াছিল।

ক্রিয়ন্ এঃ ব্রাসিডাস।

এই ঘটনা দ্বারা ক্রিয়ন্ অতিমাত্র উল্লাসিত হইয়া,
 আপনাকে প্রথমশ্রেণীস্থ সেনাপতি বলিয়া অহঙ্কার
 করিতে লাগিলেন। কিছু দিন পরে, প্রসিদ্ধ স্পার্টায়
 সেনাপতি ব্রাসিডাস্, থ্রেসে থাকিয়া তত্রত্য অধি-
 বাসীদিগকে আথেন্সের প্রতিকূলে অস্ত্রধারণ করি-
 বার পরামর্শ দিলে, তাহার ঠাঁহাকে প্রধান
 সেনাপতিত্বে বরণ করিয়া অখিল সৈন্যের কর্তৃত্বভার
 ঠাঁহার উপর সমর্পণ পূর্বক সংগ্রামে প্রেরণ করিল।
 তিনি আফ্রিপোলিস-নগরের আসন্নবর্তী ষ্ট্রাইমন-নদীর
 মোহানায় আশ্রয় গ্রহণ করিলেন। তিনি যে যে
 স্থানে বিদ্রোহ উপস্থিত করেন, আফ্রিপোলিস-নগর

ভ্রমধ্যে প্রধান ছিল। ব্রাসিডাস্ নগরের প্রতি শত্রু-
দিগের আক্রমণের প্রতিরোধ জন্য ঘুরাবান্ হইয়া নগ-
রের সম্মিহিত এক পর্বত আশ্রয় করিলেন। ক্রিয়নের
সৈন্যগণ, তদীয় কাপুরুষতা ও চাতুরীবিহীনতানিবন্ধন
অতিশয় অপদার্থ ও হেয়জ্ঞান করিত, এজন্য তাহারা
কলহ আরম্ভ করিল ; ক্রিয়ন্ শুদ্ধ লোকদিগকে সন্তুষ্ট
করিবার মানসে নগরের সম্মুখবর্তী কোন উচ্চস্থানে
সৈন্যচালনা করিলেন ; ফলতঃ ইহাতে তাঁহার যুদ্ধ
করিবার কোন অভিপ্রায় ছিল না। ব্রাসিডাস্ নগরে
ফিরিয়া আসিলেন ; এবং যদিও তদীয় সৈন্য শত্রু-
সৈন্য অপেক্ষা বলে নিকৃষ্ট ছিল, তথাপি তিনি
আপন বিজ্ঞতা ও সংগ্রাম-পারদর্শিতা দ্বারা শত্রুর
সে সুবিধা অতিক্রম করিতে সম্পূর্ণ সাহস করিয়া-
ছিলেন।

ক্রিয়ন্ ক্রমশঃ নগরের এত নিকটবর্তী হইলেন যে,
তথা হইতে, নগরাত্যন্তরে দেবভোদেশে ব্রাসিডা-
সের বলি-প্রদান, এবং সমজ্ঞ পদাতিসৈন্য ও অশ্ব-
গণের চরণসমূহ পুরদ্বার দিয়া স্পষ্ট দেখিতে পাই-
লেন ; দেখিয়াই তৎক্ষণাৎ নদীর মোহানায় ইটিয়া
যাইবার মানস করিয়া, সৈন্যদিগকে একপ বিশৃঙ্খল-
রূপে ফিরাইলেন যে, সৈন্যের দক্ষিণ পার্শ্ব শত্রু-
সৈন্যের দিকে সম্পূর্ণরূপে অরক্ষিত হইয়া পড়িল।
ব্রাসিডাস্ এই সুযোগ পাইয়া তৎক্ষণাৎ সৈন্যে নগর
হইতে বহির্গত হইয়া আর্থীনীয় সৈন্যের মধ্যভাগ

আক্রমণ করিলেন ; এবং অন্য একজন স্পার্টীয় সেনাপতি নগরের অন্য দ্বার দিয়া সৈন্যে বহির্গত হইয়া আক্রমণ করিলেন, তাহাতে বামপার্শ্বের সৈন্য ছত্রভঙ্গ হইয়া পলায়ন করিলে, ব্রাসিডাস্ দক্ষিণপার্শ্বস্থ সৈন্য দিগের প্রতি ধাবমান হইয়া কোন অদৃষ্ট ব্যক্তির হস্তে সাংঘাতিক আঘাত প্রাপ্ত হইলেন। এদিকে ক্লিয়ন্ ও যেমন ভয়ে অস্থির হইয়া পলায়ন করিতেছিলেন, অমনি এক জন বিপক্ষ সৈনিকপুরুষ কর্তৃক ধৃত ও নিহত হইলেন। এই যুদ্ধে আথীনীয়দিগের সাত শত এবং বিজয়ীদিগের সাত জন মাত্র সৈন্য নিহত হইয়াছিল।

ফ্যাক্টোরিয়ার যুদ্ধে লেসিডিমোনীয় দিগের যে সকল লোক বন্দীকৃত হইল, তাহাদের উদ্ধারের নিমিত্ত লেসিডিমোনীয়েরা সন্ধি সংস্থাপনে একান্ত উৎসুক ছিল ; এবং নীসিয়স্ ও আথেন্সের অন্যান্য কুলীন বংশীয়েরা বহুকালাবধি সন্ধিবিষয়ে যত্নবান ছিলেন ; কিন্তু ব্রাসিডাস্ এবং ক্লিয়ন্ এই দুই ব্যক্তি উক্ত কার্যের কটকস্বরূপ থাকায় তাহা সফল হয় নাই। এখন (খৃঃ পূঃ ৪২২) নীসীয়স্ বহুকাল বাঞ্ছিত সন্ধি সংস্থাপন বিষয়ে কৃতকার্য হইলেন, এবং তাহা নীসিয়স্-কৃত সন্ধি বলিয়া প্রসিদ্ধ হইল।

অষ্টম অধ্যায় ।

আলসিবাইডিউস্ ।

তৎকালে আথেন্স্ নগরে আলসিবাইডিউস্ নামে সংগ্রামযশঃপ্রিয় যে এক সম্ভ্রান্ত যুবক নীসিয়সের প্রতিদ্বন্দ্বী ছিলেন, তিনিই পূৰ্ব্বোক্ত নীসিয়স-কৃত সন্ধি-ঘটনা অধিককাল স্থায়ী হইতে না দিবার কারণ হইলেন । ইনি অতিশয় দুরাকাঙ্ক্ষ ছিলেন ; যেমন রূপবান্, তেমনি মহাকুল-প্রসূত ; যেকপ ধনবান্, সেইরূপ অসাধারণ বুদ্ধিমান্ ছিলেন ; এজন্য দেশের যাবতীয় লোক, বিশেষতঃ আথেন্স্-বাসীরা তাঁহার ঈর্ষেষ্ঠ সন্মান করিত, এবং তাঁহার আজ্ঞাবহ ছিল । কিন্তু দোসিডিমোনিয়ার অধিবাসীরা আলসিবাইডিউস্ অপেক্ষা নীসিয়সের অধিক সন্মান করিত ; এবং নীসিয়সের নিকটেই সকল বিষয়ের অভিযোগ করিত ; এজন্য তিনি স্পার্টীয়দিগের প্রতি অতিশয় বিরক্ত হইয়া, যাহাতে স্পার্টীয়দিগের সহিত আখীনীয়দিগের বৈবভাব পুনরুদ্ধীপিত হইয়া পূৰ্ব্বোক্ত সন্ধি বিঘটিত হয় ; এবং যাহাতে আপন উচ্ছ্রাজ্জ্বলতা ও অসহায় নিবন্ধন যে সমস্ত অর্থ ব্যয় হইয়াছিল, সমর-লোপ্ত দ্বারা তাহার পূরণ হয় ; তাহার চেষ্টায় প্রবৃত্ত হইলেন, এবং অবিলম্বেই আর্গাইবদিগের সহিত স্পার্টী-

যদিগের বিগ্রহ ঘটনা দ্বারা সে চেষ্টা সফল করিলেন। এই বিবাদ সূত্রে আর্বেডিয়া প্রদেশে মার্টোনিয়াক্সে যে যুদ্ধ হইয়াছিল, তাহাতে লেসিডিমোনীয়েরা জয়ী হয়, এবং ক্যাক্টীরিয়া যুদ্ধে আপনাদের বিলুপ্ত যশের পুনরুদ্ধার করে।

আর্থীনীয়েরা আল্‌সিবাইডিসের পরামর্শে মেলস্‌ দ্বীপস্থ লোকদিগের প্রতি যেকপ নৃশংসতাচরণ করিয়াছিল, তাহা অপব্যস্ত লোকের মনে জাজ্বলমান আছে ; এবং কস্মিন্ কালেও মার্জিত হইবার নহে। মেলস্‌-দ্বীপের অধিবাসীরা স্পার্টার ঔপনিবেশিক হইলেও এই সংগ্রামের প্রারম্ভে কোন পক্ষই অবলম্বন করে নাই, তথাপি আর্থীনীয়েরা সন্তুষ্ট না হইয়া ইচ্ছাপূর্বক ঐ দ্বীপ আক্রমণ করিল ; এবং তাহাতে বিলক্ষণ বাধাও প্রাপ্ত হইল ; সুতরাং এখন দ্বীপবাসীরা স্পার্টা যদিগের পক্ষ অবলম্বন করিল। অতীত সন্ধিপত্রে মেলিয়ান্দিগের নাম থাকিলেও আর্থীনীয়েরা তথায় নৌসেনা ও পদাতিসেনা প্রেরণ পূর্বক তাহাদিগকে অন্যান্য দ্বীপবাসীদিগের ন্যায় অধীন হইতে বলিলে, দ্বীপবাসীরা সম্মত হইল না ; এজন্য আর্থীনীয়েরা তাহাদিগের নগর, স্থল ও জল উভয় পথে অবরুদ্ধ করিল। মেলস্‌বাসীরা যাহাদের ভরসায় যুদ্ধে প্রবৃত্ত হইয়াছিল ; দীর্ঘসূত্রী স্পার্টাবাসীরা মেলিয়ান্দিগের রক্ষার নিমিত্ত কোন প্রকার চেষ্টাই করিল না ; সুতরাং তাহারা অগত্যা আর্থীনীয়দিগের শরণাগত

হইল। আর্থীনীয়েরা, কি বৃদ্ধ কি যুবক, সকলকেই নিহত করিয়া, স্ত্রীলোক ও বালক বালিকা দিগকে বিক্রয় করিতে লাগিল ; এবং ভূমি সকল আথেন্সের ঔপনিবেশিকদিগের মধ্যে বন্টন করিয়া দিল। আথেন্সের সাধারণ-তত্ত্ব পক্ষের লোকেরা ইহাকে স্বাধীনতা বলিতেন। আল্‌সিবাইডিস্ আথেন্সকে ষোল্ল দিবার নিমিত্তই ভূমণ্ডলে জন্মগ্রহণ করিয়াছিলেন : একারণ আর্থীনীয়দিগকে সিসিলি আক্রমণ করিতে প্রেরণ করিবার বিষয়ে তিনিই এক জন সর্বপ্রধান উদ্যোগী ছিলেন ; সিসিলি আক্রমণই পারিশেষে আথেন্সের বিনিপাতের কারণ হইয়া উঠিল।

সিসিলি ক্ষত্র।

‘ অতি পূর্বকালে সিসিলি দ্বীপে যে সমস্ত গ্রীক-জাতীয় ঔপনিবেশ সংস্থাপিত হইয়াছিল ; ইহাঙ্গ মধ্যে কতকগুলি ডোরীয় ও কতকগুলি আইয়োনিয় । উভয় দলের পরস্পর বৈরভাব থাকায় নিরন্তর বিরোধ উপস্থিত হইত। অত্রত্য ডোরিক প্রদেশের মধ্যে সিরাকুস নগরী অতিশয় প্রভাবশালী ছিল ; ও কতকগুলি আইয়োনিয়-প্রদেশের লোকেরা সিরাকুসীয়দিগের উপীড়নে নিতান্ত নিপীড়িত বা নগরের অীরুদ্ধি দর্শনে নিতান্ত কাতর হইয়া আপন স্বজাতীয় আখানাদিগের নিকটে আপনাদের রক্ষার্থ শরণাগত হইল। পিলপনীসার সংগ্রাম কালে সময়ে সময়ে

আথীনীয়েরা প্রায়ই সিসিলিতে নৌসেনা প্রেরণ করিয়াছিল, পরন্তু তৎকালে তদ্দেশবিজয়ের কোন চেষ্টাই করে নাই। এক্ষণে সিসিলি হইতে দূতমুখে সিরাকুজীয় শক্তির অতিশয় শ্রীবৃদ্ধি শুনিয়া, আথীনীয়দিগকে এই প্রভাবশালী ও ধনসম্পূর্ণ দ্বীপকে পবাক্রান্ত করিয়া আথেন্সের অধীন করিবার জন্য বিশেষ অনুরোধ করিয়া কহিলেন, “আনি দেখিতেছি উক্ত দ্বীপ অধিকৃত হইলে ইটালি জয় করা দুঃসাধ্য হইবেক না, এবং বহু প্রভাবশালী বিস্তৃত বাণিজ্যসম্পন্ন কার্থেজ ও তাহাদের হস্তগত হইবার বিলক্ষণ সম্ভাবনা, এবং ঐ সকল দেশ জয়ানন্তর তোমরা দুর্নিবার্য প্রভাবশালী হইয়া অনায়াসে পিলপনীসীর দিগকেও আক্রমণ করিতে পারিবে।” তথলসিবাইডিস্ ইত্যাদি নানা যুক্তি ও লোভ দেখাইয়া আথীনীয়দিগকে সিসিলি আক্রমণে সমজ্জ করিয়া তুলিলেন। ফলতঃ একপ চেষ্টায় যে অধিকতর বিপদ ঘটবার সম্ভাবনা, এবং ইহা যে বার পর নাই, অদূরদর্শিতার কার্য্য, তাহা আথীনীয়দিগকে বুঝাইয়া দিবার নিমিত্ত নীসিয়স্ যে আন্তরিক চেষ্টা পাইলেন, তাহা বৃথা হইল। ইহাতে অধিক ~~ইহা~~ আবশ্যকতা বলিয়া নীসিয়স্ যে ভয় প্রদর্শন করিলেন, তাহাতেও কোন ফল দর্শিল না ; কারণ আথীনীয়েরা তাহাতে ভীত না হইয়া, বরং সৈন্য ও অর্থ সংগ্রহ করিবার নিমিত্ত তাহাকে অসীম ক্ষমতা প্রদান

পূর্বক আল্‌সিবাইডিস্ ও লামেকস্ক তাহার সহ-
যোগীত্বে নিযুক্ত করিল। এই চেষ্টা সফল হইবেক
বলিয়া, কি বৃদ্ধ কি যুব, সকলেরই দৃঢ় বিশ্বাস ছিল ;
অন্ততঃ ইহাও নিশ্চয় হইয়াছিল যে, যদিও ইহা সফল
না হয়, তথাপি আথেন্সের বিশেষ ক্ষতি হইবেক না।

সিসিলি যাত্রার প্রায় সমুদায় উদ্দেশ্য সম্পন্ন
হইলে, যুদ্ধযাত্রার দুর্নিমিত্তসূচক যে একটি ঘটনা
উপস্থিত হইয়া আথেন্স্‌ মধ্যে মহাগোলোযোগ
উপস্থিত হয়, তাহা এইঃ—দ্বারে দ্বারে এক চতুষ্কোণ
স্তম্ভের উপর হামিস্‌-দেবের এক একটি প্রতিমূর্তি রাখা
আথেন্সের চিরন্তন প্রথা ছিল। এক দিবস রাত্রি
যোগে যাবতীয় প্রতিমূর্তি গুলি ভগ্ন ও বিক্রী হইয়া
ভূতলে পতিত আছে, প্রভাতকালে ইহা নিরীক্ষণ
করিয়া নগরবাসীগণ অতিশয় বিস্ময়াপন্ন হইল ;
কিন্তু কোন্ ব্যক্তি যে এই গর্হিত ব্যাপারের অনুষ্ঠান
করিয়াছে, তাহা কেহই স্থির করিতে পারিল না।
অবশেষে আল্‌সিবাইডিস্ ও তাঁহার উদ্ধাম সহ-
রণগণের প্রতি সকলেরই সন্দেহ জন্মিল : বহু অনু-
সন্ধানের পর, ইতি পূর্বে আর একবার কতকগুলি
দেবপ্রতিমূর্তি তিনিই ভগ্ন ও বিক্রী করিয়াছিলেন ;
এতদ্ভিন্ন আথিনীয়দিগের অতি পবিত্র ইলিউসিনীয়-
নামক মন্ত্র-রহস্য পরিহাস প্রসঙ্গে ব্যক্ত করা হইয়া-
ছিল ; ইহা প্রকাশ হওয়ায়, তাঁহার শত্রুরা নানা
অলঙ্কার দ্বারা ঐ সকল অপবাদ বাড়াইয়া বলিলে,

তাঁহাকেই উক্ত গর্হিত ব্যাপারের অনুষ্ঠান বলিয়া স্থির করিল ; কিন্তু তিনি উহার কিছুই স্বীকার না করিয়া তদুপে উহার বিচারের প্রার্থনা করিলেন । কিন্তু তৎক্ষণাৎ তদ্বিষয়ের বিচার হয়, তদীয় শত্রুপক্ষের একপ অভিসন্ধি ছিল না ; কারণ আধীনীয় সাধারণলোকের উপর তাঁহার যেকপ প্রভুত্ব ছিল, তাহাতে দদুপে বিচার হইলে, তিনি অনায়াসেই পরিত্যাগ পাইবেন ; এই আশঙ্কায়, এবং তাঁহার অনুপস্থিতি সময়ে তাঁহাকে এককালে বিপদজালে জড়িত করিবার বাসনায়, তাহাতে যুদ্ধযাত্রার আর বিলম্ব না হয়, এবং যাহাতে আল্‌সিবাইডিস্ সংগ্রাম হইতে প্রত্যাগত হইলে তদ্বিষয়ের বিচার হয়, এ বিষয়ে যত্ন বান্ হইলেন । (খৃঃ পূঃ ৪১৫) গ্রীষ্মকালের মধ্য-সময়ে যুদ্ধযাত্রার সমুদায় উদ্দেশ্য সম্পন্ন হইলে ; যাত্রার দিবস প্রাতঃকালে যাবতীয় পুরবাসীগণ যাত্রা দর্শনার্থ পাইরিয়স্ বন্দরে উপস্থিত হইলে সৈন্যগণ মখন আগ্নীয়বর্গের নিকট বিদায় লইয়া রণপোতে আরোহণ করিতে যায়, তখন তাহাদের আগ্নীয়গণ ক্রন্দন করিতে লাগিল ; কিন্তু এতাদৃশ অদৃষ্টপূর্ব যুদ্ধ-সমারোহ নিরীক্ষণ করিয়া তাহাদের মন সাহসে পরিপূর্ণ হইয়া উঠিল ; কারণ ইহার পূর্বে এতাদৃশ নোসেনা সমারোহে আর কখন গ্রীক্ উপকূল হইতে বহির্গত হয় নাই । সেনাগণ পোতে আরোহণ করিলে, নীরব হইবার নিমিত্ত তুরীক্ষনি হইতে লাগিল ; এবং

সকলেই নিরাপদ ও যাত্রার সাকল্যের নিমিত্ত দেবতা দিগের বন্দনা করিতে লাগিল। তনদন্তুর রণ-পোত সকল বাহিতে বাহিতে ইজাইনা দ্বীপে উপস্থিত হইল, তথা হইতে যাত্রা করিয়া পিলপনীসম্ বেষ্ঠন পূর্বক কর্সাইরা দ্বীপে পৌঁছাইল, ততঃপর তথা হইতে ইটালির পূর্ব উপকূলে, এবং পরিশেষে সিসিলিতে উপস্থিত হইল।

আল্‌সিবাইডিসের পুনরাহ্বান ও পদচ্যুতি।

যাহা হউক, বহুদর্শী বিজ্ঞতম নীসিয়স্ ইতি পূর্বে যাহা বলিয়াছিলেন, পরিশেষে ঠিক তাহাই ঘটিল; আথেক্সবাসীরা সিসিলি দ্বীপে উপস্থিত হইবার পর দূতমুখে সমস্ত অবগত হইয়া দ্বীপবাসীরা পূর্ব-প্রতিশ্রুত সাহায্যের প্রাপ্তি বিষয়ে সম্পূর্ণ হতাশ হইল; এবং তাহাদিগের সর্বপ্রকার ভাবভঙ্গী ও আকার প্রকার নিরীক্ষণ করিয়া তাহাদিগকে প্রবঞ্চক বলিয়া স্থির করিল। অতঃপর কি করা উচিত, তাহা স্থির করিবার জন্য যে এক সভা বসিল, তাহাতে নীসিয়স্ এই অভিপ্রায় ব্যক্ত করিলেন যে, আপনাদিগের সৈন্যসম্পত্তি প্রকাশার্থ দ্বীপ প্রদক্ষিণ পূর্বক স্বদেশে প্রতিগমন করাই শ্রেয়স্কর কার্য। কিন্তু আল্‌সিবাইডিস্ তথায় কিছুকাল অপেক্ষা করিয়া সিরাকিউস্ নগরী আক্রমণ করিবার প্রস্তাব করিলে, লামেকস্ও তদীয় মতের অনুমোদন করিলেন। এই-

কপ কৰ্তব্যতাবধারণের তর্ক বিতর্ক হইতেছে, এমন সময় আথেন্স্ হইতে একখানি জাহাজ আসিয়া হার্মিস্-দেবের প্রতিমূর্তি ভঙ্গাভিযোগের প্রতিবাদ করিবার নিমিত্ত আল্‌সিবাইডিসের গৃহ প্রত্যাগমনের আজ্ঞা প্রকাশ করিলে, তিনি অক্ষুণ্ণ চিত্তে লোক সমক্ষে গমনসম্মতি প্রকাশ করত নৌকারোহণপূর্বক সিসিলি পরিত্যাগ করিলেন ; কিন্তু প্রতিগমনকালে ইটালির উপকূলে উপস্থিত হইয়া, আপনাকে দোষী জ্ঞানেই হউক বা বিপক্ষদিগের ভয়েই হউক, তিনি তথায় লুপ্তায়িত হইলেন। পরে এই সংবাদ আথেন্সে প্রচারিত হইলে সর্বস্ব আক্রমণ পূর্বক আল্‌সিবাইডিসের প্রাণদণ্ডের আজ্ঞা হইল। ইহা শুনিয়া আল্‌সিবাইডিস্, প্রতিশোধ দিবার জন্য, যতদূর সাধ্য, আথেন্সের অপকার করিতে প্রতিজ্ঞাবদ্ধ হইয়া স্পার্টা যাত্রা করিলেন ; এবং তথায় উপস্থিত হইয়া সিস্রাক্রিউস্ হইতে সাহায্য প্রার্থনার নিমিত্ত দূত আসিয়াছে দেখিয়া, তৎপক্ষ অবলম্বন পূর্বক আথেন্স-বাসীদিগের সর্বাতিশায়িনী ছুরাকাঙ্ক্ষতা এবং সময়ে যদি তাহার প্রতিবিধান করা না হয়, তাহা হইলে সম্পূর্ণ বিপদ ঘটিবার সম্ভাবনা আছে, এই বলিয়া তাহাদিগের বিলক্ষণ প্রতিপোষকতা করিলে, সিরাকিউসীয়দিগের সাহায্য করা স্থির হইল ; এবং গিল্লিপুস্ নামক এক ব্যক্তিকে, রণতরীর সৈন্যাধ্যক্ষ পদে নিযুক্ত করিয়া অবিলম্বে প্রেরণ করা হইল।

সিরাকিউসের অবরোধ ।

আখীনীয়েরা সিরাকিউস নগর অবরোধ করিলে যে সমস্ত ক্ষুদ্র ক্ষুদ্র সংগ্রাম উপস্থিত হয়, তাহার মধ্যে কোন যুদ্ধে আখীনীয সেনাপতি লামেকস্ নিহত হয়েন; সৈন্যগণ সেনানীর বিনাশে হতাশ্বাস না হইয়া একপ যুদ্ধ করিতে লাগিল যে, সেই সংগ্রামে সিরাকিউসের অশিক্ষিত সৈন্যদিগের উপর সম্পূর্ণ উৎকর্ষ লাভ করিয়া সেই দিনই নগর অধিকারের প্রত্যাশা করিয়া ছিল, কিন্তু সেই সময় গিলিপস্ সৈন্যে পিলপনীসস্ হইতে সমাগত হইয়া তাহাদের সে আশা বিফল করিয়া দিলেন। এখন গিলিপসের আগমনে আপনাদিগকে হীনবল বিবেচনা করিয়া নীসিয়স্ তৎক্ষণাৎ আথেক্সে এই বলিয়া পত্র লিখিলেন, “প্রথমে যে পরিমাণে সৈন্য তাহার সহিত আসিয়াছিল, সেই পরিমাণ আর এক দল সেনা যদি পত্রপাঠ আসিয়া সহায়তায় নিযুক্ত না হয়, তাহা হইলে অবরোধ শিথিল-প্রযত্ন হইয়া অগত্যা পলায়ন করিতে হইবেক।” আথেক্সবাদীরা জয়লাভের স্বপ্নে অভিভূত থাকিয়া অদ্যাপি জাগরিত হয় নাই, এখন নীসিয়সের পত্র পাইবামাত্র তাহারা ডিমস্থিনিস্কে সৈন্যাপত্য প্রদান পূর্বক নীসিয়সের সাহায্যার্থে আর এক দল সৈন্য সিসিলি প্রেরণ করিল। ডিমস্থিনিস্ তৎকালে একজন বলিষ্ঠ সমর্থ সেনাপতি বলিয়া প্রসিদ্ধ ছিলেন। তিনি সিরাকিউসে উপস্থিত হইবার পূর্বে আখীনী-

যেরা সিরাকিউসের বন্দরে দুইবার পরাজিত হইয়াছিল। ডিমস্থিনিন্স উপস্থিত হইয়া তথাকার সমস্ত অবস্থা পর্যালোচনা দ্বারা, কোন একটা উন্নত স্থান অধিকার করিবার চেষ্টা করা নিতান্ত আবশ্যক বিবেচনা করিলেন, এবং যদি, সে চেষ্টায় ক্লতকার্য্য হইতে না পারেন, তবে অবরোধ ছাড়িয়া সৈন্যে পলায়ন করিবেন ; এই স্থির করিয়া সৈন্যদিগের পাঁচ দিনের উপযুক্ত খাদ্যসামগ্রী এবং এক দুর্গ নির্মাণের উপযোগী সমস্ত উপকরণ সংগ্রহ পূর্ব্বক রজনীমুখে সৈন্যে দুর্গত হইয়া অভিপ্রেত উন্নত প্রদেশে আরোহণ করিতে আরম্ভ করিলে, বিবিধ প্রকার বিভীষিকা ও নানা অশুভ ঘটনা উপস্থিত হওয়াতে, সৈন্যগণ ভীত হইয়া চারিদিকে ছত্রভঙ্গ হইয়া পড়িল ; এবং তাহাদের অনেক ক্ষতি হইল ; বিশেষতঃ ডিমস্থিনিন্সের সৈন্যদিগের বিশেষ হানি হইল। সৈন্যগণে ছত্রভঙ্গ হইয়া দেশের পথ ঘাট না জানাতে অপথে গমন করিলে, প্রভাতে সিসিলীয় তুরগ-সেনার সম্মুখে পতিত হইয়া বিনষ্ট হইল।

এখন ডিমস্থিনিন্স সৈন্য বিনাশে ভয়গোঁসাহ হইয়া গৃহ ও গানের পরামর্শ দিতে লাগিলেন। কিন্তু নীসিয়ুস্ এত কিছুতেই সম্মত হইলেন না ; সুতরাং সৈন্যদিগকে থাকিতে হইল। কিছু দিন পরেই যখন গিলিপসু সৈন্য সংগ্রহপূর্ব্বক প্রভূত বলসমূহে পরিবৃত্ত হইয়া প্রত্যাগমন করিলেন ; তখন নীসিয়ুস্ আপ-

নার প্রতিজ্ঞা পরিত্যাগ করিয়া গুপ্তভাবে পলায়ন করা শ্রেয়ঃকল্প বলিয়া স্থির করিলেন। পলায়নের উদ্দেশ্যে হইতেছে এমন সময় দৈবাৎ চন্দ্রগ্রহণ উপস্থিত হইল। নীসিয়স্ উপধাৰ্মিক ছিলেন, একারণ দৈব-জ্ঞেরা অপর পূর্ণিমা পর্য্যন্ত সৈন্যদিগের গমন নিষেধ করিলে, পূর্ণিমা পর্য্যন্ত তিনি কোনপ্রকারে সৈন্যদিগকে অপেক্ষা করিতে আজ্ঞা করিলেন।

এদিকে সিরাকিউসীয়েরা, আথীনীয়দিগকে পলায়ন করিতে না দিবার পরামর্শ করিয়া স্থলপথে আথীনীয় সন্ধাবার আক্রমণ করিল ; এবং নৌসেনা, আথীনীয় নৌসেনা আক্রমণ করিতে গেল। এতদর্শনে জাহাজের নঙ্গর উত্তোলনপূর্বক জাহাজ ছাড়িয়া পলাইয়া বাইবার চেষ্টা করিতে লাগিল ; কিন্তু সিরাকিউসীয়দিগের রণকর্মের কোশলে সম্পূর্ণরূপে বেষ্টিত হইয়া পড়িল। ইত্যবসরে যে যে সিরাকিউসীয় পদাতি-সেনা আথীনীয় শিবির আক্রমণ করিয়াছিল, তাহারা আথীনীয় সেনা কর্তৃক পরাজিত হইয়া আথীনীয় রণতরীযুদ্ধ অপথে লইয়া গিয়া পোড়াইয়া দিবার চেষ্টায় প্রবৃত্ত হইয়া তদ্বিষয়ে ক্লতকার্য্য হইল। সিরাকিউসীয়েরা জলযুদ্ধে জয় লাভ দ্বারা অতিমাত্র আহ্লাদিত ও প্রোৎসাহিত হইয়া সমগ্র আথীনীয় তরণী-সেনা এবং পদাতি-সৈন্য বিধ্বস্ত করিবার অভিপ্রায় করিল, এবং এই উদ্দেশ্য সফল করিবার জন্য অর্ণব-পোত সকল শ্রেণীবদ্ধরূপে অবস্থাপিত করিয়া বন্দরে

প্রবিষ্ট হইবার পথ একেবারে রুদ্ধ করিয়া দিল। এক্ষণে যেকপ অবস্থা তাহাতে খাদ্যাভাবে প্রাণত্যাগ করিতে হয়, দেখিয়া আর্থীনীয়েরা এই পরামর্শ স্থির করিল যে, তাহাদের যতগুলি জাহাজ আছে সমস্ত জাহাজ লোক দ্বারা পরিপূর্ণ করিয়া বলপূর্বক এক পথ আবিষ্কৃত করিবার চেষ্টা করিবে, যদি সে প্রযত্ন সফল না হয়, তবে জাহাজ সমস্ত দক্ষ করিয়া অবশেষে স্থলপথে ফিরিয়া যাইবার চেষ্টা করিবে। এই পরামর্শ স্থির হইলে, সকলে পোতে আরোহণ পূর্বক বেগে বাহিয়া গিয়া বন্দরের সম্মুখে উপস্থিত হইলে, সিরাকিউসীয়েরা তাহাদের অমুখাবনে তুরাবান্ হইল, এবং সৈন্যের ক্রিয়দংশ আর্থীনীয়দিগের সহিত যুদ্ধে ব্যাপ্ত হইয়া পরিশেষে নিহত হইল। এদিকে আর্থীনীয়েরা, সিরাকিউসীয়দিগের যে সকল জাহাজ বন্দরে প্রবিষ্ট হইবার পথ রুদ্ধ করিয়াছিল, সেই সমস্ত জল যাতনর নঙ্গর শিথিল করিয়া দিবার উদ্যম করিল। তাহারা এই কার্যে ব্যাপ্ত আছে, এমন সময় অবশিষ্ট সিরাকিউসীয় রণ-তরী আসিয়া উপস্থিত হইলে, যুদ্ধ আরম্ভ হইল। ইতি পূর্বে কোন যুদ্ধেই উভয় পক্ষের একপ অধ্যবসায় দেখা যায় নাই। এই সময় আর্থীনীয়েরা আপনাদিগের সম্পূর্ণ সঙ্কট ভাবিয়াছিল, এবং সিরাকিউসীয়েরাও, রণতরী বিধ্বস্ত হইলে বিপক্ষ সেনারা সৰল হইয়া উঠিবে এইকপ আন্দোলন করিতেছিল। এদিকে আর্থীনীয়-সৈন্যেরা তীরে

দ্রুতগমন ইহঁরা মহান্ ঔৎসুক্যের সহিত সমর-
ব্যাপার অবলোকন করত পরিশেষে আখীনীয় নৌসে-
নাকে জয় লাভে বিভূষিত এবং সিরাকিউসীয়-
দিগকে হতাশধ্বনি করত আখীনীয়দিগের শরণাগত
হইতে দেখিয়া আনন্দে জয়ধ্বনি করিয়া উঠিল। অব-
শেষে যখন, সমস্ত আখীনীয় নৌসেনা পলায়ন করি-
তেছে, এবং শত্রুরা তাহাদের পশ্চাৎ ধাবমান হই-
তেছে দেখিল, তখন তাহাদিগের মধ্যে এক শোক-
সূচক উন্নত ধ্বনি উথিত হইল ; এবং সকলে পলায়মান
রণতরী রক্ষার্থ দ্রুতবেগে ধাবমান হইল। যাহা হউক
আখীনীয়েরা এই পরাভবে এত নিরুৎসাহ হইয়া পড়িল
যে, আহত সৈন্যদিগকে সমাহিত করা যে এক তাহা-
দের অপরিবর্তনীয় রীতি ছিল, তদনুসারে আহত সৈন্য-
দিগকে সমাহিত করিবার জন্য লোক পাঠাইতেও
পারিল না।

আখীনীয়দিগের পলায়ন।

বিপক্ষেরা তাহাদিগের এই পরামর্শ জানিতে না
পারে, এই অভিপ্রায়ে, আখীনীয়েরা সেই রাত্রেই
পলাইবার উদ্দেশ্য করিল, কিন্তু কোন সিরাকিউসীয়
সেনাপতির চাতুরী নিবন্ধন তাহাদিগের সে রাত্রে
ষাত্রার উদ্যম ভঙ্গ হইয়া গেল। সিরাকিউসীয়
সেনানী আখীনীয়দিগের পলায়নের অভিমুখি
জানিতে পারিয়া, সমস্ত সৈন্য প্রেরণ দ্বারা তাহাদের

পথ রুদ্ধ করিবার মানস করিলেন। *কিন্তু সেই দিন সিরাকিউসীয়েরা জয়োৎসবে মত্ত হইয়া আমোদ প্রমোদে প্রবৃত্ত ছিল, তখন তাহাদের সেই আমোদে বাধা দেওয়া বিধেয় বিবেচনা করিলেন না। ফলতঃ আখীনীয়েরা পলায়ন করিতে না পারে, এই ভাতি প্রায়ে, ভূম-গুল অন্ধকারে আবৃত হইলে, আখীনীয় স্কাবাবে কতকগুলি লোক পাঠাইয়া দিলেন। এবং যাহা বলিতে হইবেক, তাহাও শিখাইয়া দিলেন। তদনুসারে তাহারা আখীনীয় স্কাবাবে উপস্থিত হইয়া বলিল, “ আমরা আপনাদের নগরস্থিত বন্ধুদিগের প্রেরিত। সিরাকিউসীয়েরা সমস্ত রাজপথ রুদ্ধ করিয়াছে একারণ অদ্য রাত্রে প্রতিগমন নিষেধ করিয়া পাঠাইলেন। ” এই কথায় বিশ্বাস করিয়া আথেন্স-বাসীরা সে রাত্রি, এবং খাদ্যাদি আহরণার্থ পরদিবস পর্য্যন্ত প্রতিগমন স্থগিত রাখিল; সেই অবকাশের মধ্যে শত্রুপক্ষেরা বিলক্ষণ সমস্ত হইয়া পলায়নের সর্বপ্রকার সুবিধাই বন্ধ করিয়া ফেলিল। গিলিপন্স পরদিবস যাত্রা করিয়া রাজপথ সকল রুদ্ধ করিয়া বসিলেন, এবং নদীপার স্থানে এবং প্রান্তর মধ্যে সৈন্য প্রেরণ করিলেন। এতে সহজে পলাইবার পথ মাত্রেই রুদ্ধ হইয়া গেল। অতঃপর আখীনীয়-সৈন্যগণের প্রতিগমনকালে তাহাদিগের অবস্থা যেকপ শোচনীয় হইয়াছিল তাহা বর্ণনাভীত। তাহাদের ভাগ্যে কখন যাহা ঘটে নাই তাহাও ঘটিল, যাত্রা-

কালে, মৃতশরীর সকল অসমাহিত হইয়া পড়িয়া রহিল ; পীড়িত ও আহত ব্যক্তিদিগকে যখন শত্রুদিগের নৃশংসতার করাল কবলে পরিত্যাগ করিয়া গেল, তখন তাহাদিগকে লইয়া যাইবার জন্য রাস্তার অনুরোধ করিলেও প্রাণভয়ে কেহই তাহাদের সে অনুন্নে সম্মত হইতে না পারিয়া কান্দিতে কান্দিতে চলিয়া গেল ; ফলতঃ কোন নগর অবরুদ্ধ হইলে, নাগরিকদিগের পলায়ন ব্যাপার যেকপ শোচনীয় হয়, ইহাদের পলায়ন ব্যাপার ও ঠিক সেইরূপ হইল। পলাতকদিগের সংখ্যা সর্বশুদ্ধ চল্লিশ সহস্র ছিল। পলায়নকালে, ভৃত্যগণ অবসর পাইলেই পলায়ন করিতে লাগিল, একারণ তাহাদিগের প্রতি বিশ্বাস না করিয়া ; কি প্রধান প্রধান কর্মচারী, কি অন্যান্য লোক, সকলেই আপন আপন খাদ্য সামগ্রী আপনার সঙ্গেই লইয়াছিল ; এবং এই অবস্থায় সৈন্যদিগকে দুইভাগে বিভক্ত করা হইয়াছিল। নীসিয়ন্ প্রথম দলের, এবং ডিমস্থিনিন্ দ্বিতীয়দলের অধ্যক্ষ হইয়া দ্রব্যাদি সকল এবং ভৃত্যবর্গকে উভয় দলের মধ্যে রাখিয়া গমন করিবার আদেশ করিলেন।

সৈন্যগণ এনাপন্ নদীর অবরোধ হইয়া দ্বীপের মধ্যবর্তী সাইসেল্-নামক প্রদেশের অভিমুখে অহুন্] আড়াই ক্রোশ পর্য্যন্ত অবাদে গমন করিয়া, অবশেষে একদা সিরাকিউসীয় অশ্ব-সৈন্য এবং পদাতি-সৈন্য কর্তৃক একপ নিরস্তর উদ্বেজিত হইল যে, গমন বন্ধ

করিয়া সে রাত্রি কোন এক উন্নত স্থানে আশ্রয় লইতে হইল । পর দিবস প্রত্যুষে পুনর্বার যাত্রা করত এক সঙ্কট গিরি-পথে উপস্থিত হইয়া দেখিল সিরাকিউসীয়েরা পথের মধ্যে একটা প্রাচীর দিয়া পথ রুদ্ধ করিয়া আছে । পথ অতিক্রমণের জন্য অনেক চেষ্টা করিয়া যখন সে চেষ্টার কোন ফল দর্শিল না, তখন অন্য পথ দিয়া যাইতে আরম্ভ করিল । কিন্তু শত্রু পক্ষের তুরঙ্গ-সেনা এবং পদাতি-সেনা তাহা-দিগকে এত উদ্বেজিত করিতে লাগিল যে, তাহারা সমস্ত দিনেও ক্রোশাংশের অধিক পথ যাইতে পারিল না । এখন তাহারা অনুসৃত পথ দ্বারা দেশের মধ্য ভাগ প্রাপ্ত হইবার আশা পরিত্যাগ পূর্বক সমুদ্রাভিমুখে যাইবার পরামর্শ করিল এবং অগ্নি প্রজ্জ্বলন দ্বারা শত্রুদিগকে প্রভারিত করত রাত্রিযোগে যাত্রা করিয়া নিরাপদে উপকূলভাগ প্রাপ্ত হইল । অনন্তর মধ্যভাগ প্রাপ্ত হইবার মাননে কোন স্রোতঃস্বতীর দ্বারা দিয়া গমন করিতে আরম্ভ করিল ।

পর দিন প্রাতে, সিরাকিউসীয়েরা, শত্রুগণ পলায়ন করিয়াছে দেখিয়া, দ্রুতবেগে তাহাদের পশ্চাৎ পশ্চাৎ ধাবমান হইল ; এবং মধ্যাহ্ন সময়ে ডিমস্থিনিস্-রক্ষিত সৈন্যের এক ভাগের নিকটে উপস্থিত হইয়া, সৈন্যদিগকে প্রাকার বেষ্টিত এক ডিম্বাকার স্থানে কৌশলে রুদ্ধ করিয়া সমস্ত দিন বর্ষা দ্বারা উদ্বেজিত করিলে পর, আত্মীনীয়েরা, এই অঙ্গীকারে সন্ধ্যার

সময় সিরাকিউসীয়দিগের “শরণাগত হইল যে, কোন
 রূপে কেহ কাহাকে বিনষ্ট করিতে পারিবে না। এই-
 রূপে ডিমস্থিনিদের সৈন্যদল বশীভূত করিয়া, পর
 দিবস নীসিয়সের সৈন্যকে আক্রমণ করিল, এবং
 নীসিয়সকেও ডিমস্থিনিদের মত শরণাগত হইবার
 আদেশ করিল। নীসিয়স, শত্রুপক্ষেরা পূর্ব সৈন্য-
 দলের দেকপ অবস্থা বর্ণন করিল তাহা যথার্থ স্থির
 করিয়া করিলেন, “যদি তোমরা আমাকে সসৈন্যে
 দেশ প্রত্যাগমনের অনুমতি কর, তবে এই সংগ্রামে
 তোমাদিগের “যাণ ব্যয় হইয়াছে তাহা দিতে সম্মত
 আছি।” সিরাকিউসীয়েরা তাঁহার এই প্রস্তাবে
 সম্মত হইলে, তিনি পূর্ববৎ রাত্রিযোগে পলাইবার
 চেষ্টায় থাকিলেন। কিন্তু শত্রুপক্ষেরা সতর্ক ছিল
 বলিয়া সেই রাত্রে কেবল তিন শত লোক অপক্রান্ত
 হইল, অবশিষ্টের পারিল না। প্রত্যুষে নীসিয়স
 অবশিষ্ট সৈন্য সমভিব্যাহারে কোন নদীর অভিমুখে
 যাত্রা করিয়া আশা করিলেন যে, নদী উত্তীর্ণ হইতে
 পারিলে, তাঁহারা কতকটা পরিত্রাণ পাইবেন। কিন্তু
 শত্রুসৈন্যের সম্ভূত আক্রমণে অতিমাত্র ক্লান্ত হইয়া
 সেনাগণ নদীতীরে উপস্থিত হইল এবং পিপাসায় ও
 নদী প্লাবনের বাসনায় জলে পতিত হইল। সিরাকিউ-
 সীয়েরা তীর হইতে তাহাদের প্রতি ভল্ল, বর্ষা প্রভৃতি
 একপ অস্ত্রবৃষ্টি করিতে লাগিল যে, তাহাতে অনেক
 কেই পঞ্চত্ব পাইল, এবং যদিও তখন নদী কন্দমিত

এবং শোণিত দ্বারা পরিপূর্ণ হইল, তথাপি পিপাসার ভরে সকলে সেই জলই পান করিতে লাগিল। নীসিয়স্, ইহার পর বাধা দিতে চেষ্টা করা নিষ্ফল বিবেচনা করিয়া, (খঃ পৃঃ ৪১৩) গিলিপসের শরণাগত হইলেন। অনন্তর সিরাকিউসীয়েরা, অপক্রান্ত তিন শত সৈন্যকে আক্রমণ ও পরাস্ত করিয়া, সমস্ত সেনা-বিভাগকে বন্দী করিয়া সিরাকিউসে লইয়া গেল।

গিলিপস্ আপনার যশ প্রথিত করিবার মনাসে বন্দীকৃত আখীনীয় সৈন্যাধ্যক্ষদিগকে স্পার্টায় লইয়া যাইবার বাসনা করিয়াছিলেন। কিন্তু সিরাকিউসীয়দিগের ভয়ানক বৈরনিষাতনের মুখ হইতে তাহাদিগকে রক্ষা করিতে পারিলেন না ; তাঁহারা উভয়েই শত্রুদিগের হস্তে পঞ্চত্ব পাইয়াছিলেন। অন্যান্য বন্দীদিগকে নগরের নিকটকর্তী কোন প্রস্তর খনিতে রুদ্ধ করিয়া রাখিলে, সেই খনির উপর কোন আচ্ছাদন অর্থাৎ ছাদ না থাকায় বন্দীদিগকে সমস্ত দিন রৌদ্রে কষ্টভোগ করিয়া, রাত্রে শীতে ও শিশিরে পড়িয়া থাকিতে হইত ; এবং যৎকিঞ্চিৎ মাত্র আহার প্রাপ্ত হইত। এইরূপ নানা কষ্টে তাহারা প্রাণত্যাগ করিতে লাগিল, তাহাদের মৃত শরীর সেই খানেই পচিতে লাগিল ; এবং তাহার ভয়ানক দৌর্গন্ধে তত্ত্বাবধারকেরাও পঞ্চত্ব পাইতে লাগিল। সপ্ততি দিবস অতীত হইলে সিরাকিউসীয়েরা মৃতাবশিষ্ট বন্দীদিগকে বাহির করিয়া আনিли এবং বাজারে বিক্রয় করিতে

আরম্ভ করিল। এইকপে সমস্ত দ্বীপ গ্রীকত্বভ্যে পরিপূর্ণ হইল।

সেই সময় আথেন্স্ নগরে করুণ নাটকের অভিনেতা ইউরিপিডিস্ বর্তমান ছিলেন। তৎকালে অধিকাংশ গ্রীক নাটক অশ্লীল ও উপহাসাম্পদীভূত ছিল, প্রায়ই লোকের হৃদয়গ্রাহী হইত না। কিন্তু ইউরিপিডিসের করুণ নাটক সকল লোক সমাজে বার পর নাই আদরনীয় ও প্রশংসনীয় হইয়াছিল, এবং সহৃদয় পাঠকবর্গের এতাদৃশ মনোহরণ করিয়াছিল যে, কিছুদিন পরে, বাহারা সিসিলীয় সংগ্রামে গমন করিয়া অতিশয় দুর্দশাগ্রস্ত ও তদ্দেশীয়দিগের ক্রীতদাস হইয়াছিল, তাহারা ঐ মহাকবি প্রণীত করুণ নাটকের কিয়দংশ মাত্র পাঠ করিয়া স্বপ্রভুদিগকে এত সন্তুষ্ট করিয়াছিল যে, প্রভুরা সন্তুষ্ট হইয়া প্রণেতার ভূরি ভূরি প্রশংসা করত অসদ্যবহার পরিত্যাগ পূর্বক ভৃত্যদিগের প্রতি যথেষ্ট সদ্যবহার করিয়াছিলেন; এবং অনেকে খাদ্যাভাবে লোকের দ্বারে দ্বারে পাঠ করিয়া উদরপূর্তি করিয়াছিল, অতএব ইহা স্বীকার করিতে হইবে যে, প্রেক্ষা সমাজে স্বীয় নাটকের অভিনয়কালে লোকের নিকট তিনি যে প্রশংসা লাভ করিয়াছিলেন, তাহা অপেক্ষা এই ব্যাপারে সমধিক পরিতুষ্ট হইয়াছিলেন, সন্দেহ নাই।

নবম অধ্যায় ।

আখীনীয়দিগের অবস্থা ।

সিসিলির সংগ্রামে আপনাদিগের সর্বনাশের কথা শ্রবণ করিয়া আখীনীয়দিগের মনে যতদূর উদ্বেগ ও ভয়ের সঞ্চার হইয়াছিল, এত আর কিছুতেই নহে । কিন্তু তাহাদিগের এ অবস্থায় বিনিপাত অবশ্যস্তাবী স্থির করিয়া লেসিডিমোনীয় প্রভৃতি শত্রুপক্ষীয়দিগের মন আনন্দে পুলকিত হইয়াছিল । ইতি পূর্বে আথেন্সবাসীরা তাহাদিগের প্রতি নানাবিধ অত্যাচার ও নৃশংসতাচরণ করিয়াছিল, তাহারা এখন বদ্ধ পদ্বিকর হইয়া বিবাদ করিতে প্রস্তুত হইল । যে জাতি বহুকালাবধি গ্রীকজাতিসম্পর্কীয় কোন বিষয়ে হস্তক্ষেপ করে নাই, সেই পারসীকেরাও আজ আথেন্স নগরকে উৎসন্ন দিবার মানসে অন্যের সাহায্যে প্রবৃত্ত হইল । আলসিবাইডিস্ও এই সময় বৈরনির্যাতনের অবসর পাইয়া, যতশীঘ্র হয়, স্বদেশের বিনাশসাধনে প্রবৃত্ত হইলেন ।

এইরূপে সকলেই আথেন্সের বিনিপাতে কৃত-সংকল্প হইলেন ; কিন্তু যিনিই যত করুন, আথেন্স নগরসহজে বিনিপাতিত হইবার নহে । এই ক্ষতির অপেক্ষাকাল পরেই তাহারা, এমন একদল সুশিক্ষিত

রণতরী সংগ্রহ করিয়া পাঠাইল যে, তাহার সংগ্রামে নিরন্তর উৎকর্ষ লাভ করত ক্রমে ক্রমে জনপদবাসী সমস্ত প্রজাবর্গকে পূর্ববৎ বশীভূত করিয়া আনিল। এই সময় আল্‌সিবাইডিস্ স্পার্টীয়দিগের সাহা-য্যার্থ পারস্যের শাসনকর্তা টিসাকার্ণিস্‌কে অনুরোধ করিবার নিমিত্ত আশিয়ায় গমন করিয়া, যখন শুনি-লেন যে, স্পার্টীয়েরা তাঁহারই বধের চেষ্টা পাইতেছে, তখন তিনি টিসাকার্ণিসের সহিত মিলিত হইয়া প্রাণ-পণে স্বদেশের হিতসাধনে চিত্তসমাহিত করিলেন। অতঃপর সে যে ঘটনার পর আল্‌সিবাইডিসকে অন্ততম সেনাপতি পদে অভিষিক্ত করিয়া পুনরাহ্বান করা হয়, এই ক্ষুদ্রপুস্তকে তত্তাবৎ বিবরণ পরিহৃত হইল।

আল্‌সিবাইডিসের পুনরাগমন ।

মহাত্মা আল্‌সিবাইডিসের জীবনবৃত্তান্তের মধ্যে যে সমস্ত ঘটনা উপস্থিত হয়, তন্মধ্যে তাঁহার স্বদেশ প্রত্যাগমন সম্বন্ধে উজ্জ্বল ও প্রসিদ্ধ বলিয়া পরি-গণিত। তিনি ছয় বৎসর পূর্বে যথায় নৌকারোহণ পূর্বক শিল্পিলীয় সাংবাদিক সম্প্রদায়ে যাত্রা করিয়া-ছিলেন, বৎসর স্থানে নগরবাসীগণ দলবদ্ধ হইয়া তদীয় শিল্পিলি যাত্রা সন্দর্শনে গমন করিয়াছিল, আজ তিনি সেই পাইরিয়স্ বন্দরের সম্মিলিত হইয়াছেন, শুনিয়া, নগরবাসীরা তদীয় পোতাবরোহণ অবলো-

কনার্থ বন্দরে উপস্থিত হইয়া, তাঁহার বিষয়ে স্ব স্ব
 অভিপ্রায় ব্যক্ত করিতে লাগিল ; কেহ কেহ বলিল,
 আলসিবাইডিস্ পরমদেশহিতৈষী মর্কোৎকৃষ্ট-নাগ-
 রিক, তাঁহার কোন দোষই ছিল না ; শুদ্ধ কতিপয়
 বিপক্ষ নাগরিকের চক্রান্তে বিনাপরাধে তাঁহাকে
 নির্বাসিত করা হইয়াছিল। অন্তেরা কহিল,
 আথেন্সে, এপর্য্যন্ত যে সমস্ত বিপদঘটনা হইয়াছে,
 আলসিবাইডিস্ই সকলের মূলীভূত কারণ ; বাস্তবিক
 তিনিই যে, সকল অনর্থের মূল, তদ্বিষয়ে অণুমাত্র সন্দেহ
 নাই। যাহা হউক, তিনি বন্দরে প্রবিষ্ট হইয়া, নগর-
 বাসীরা তাঁহাকে সমুচিত-সম্মান-পুরঃসর গ্রহণ করে
 কি না, এই সন্দেহে নৌকার বহির্ভাগে ক্ষণকাল দণ্ডায়-
 মান রহিলেন। কিন্তু সেই নিবিড় জনতার মধ্যে স্বীয়
 বন্ধুবর্গ ও আত্মীয়বর্গকে দেখিতে পাইয়া তাঁহার সে
 সন্দেহ দূরীভূত হইল ; এবং নৌকা হইতে অবরোহণ
 পূর্ব্বক বন্ধুবর্গ ও আত্মীয়বর্গে পরিবৃত্ত হইয়া নগরা-
 ভিমুখে যাত্রা করিলেন। নগরে উপস্থিত হইয়াই
 সর্ব্ব সমক্ষে, আগন নির্দোষিতাবিষয়ে একপ বক্তৃতা
 করিলেন যে, তাহার উপর আর কেহই বাঙ্ নিষ্পত্তি
 করিতে সমর্থ হইল না। অনন্তর তিনি প্রধান সেনা-
 নায়কের পদে প্রতিষ্ঠাপিত হইয়া অবিলম্বে স্বীয়
 পুরুষকারের উদাহরণ দেখাইয়াছিলেন। সিসিলীয়-
 সংগ্রাম কালে স্পার্টাবাসীরা তাঁহারই পরামর্শে
 আটিকার অন্তঃপাতী ডেসীলিয়া-নামক স্থানে এক

দুর্গ নির্মাণ করিলে, আখীনীয়দিগের যে সমস্ত অশুবিধা ঘটিয়া ছিল, তন্মধ্যে একটীর বিষয় পশ্চাৎ লেখা যাইতেছে। তৎকালে আথেন্স্ নগরে বৎসর বৎসর মিষ্টি-নামক এক একটা ধর্মবিষয়ক মহোৎসব-যাত্রা হইত ; সেই উপলক্ষে আথেন্সবাসীরা মহাসমারোহে আথেন্স্ নগর হইতে পদব্রজে ইলিয়ুসিস্ নগরে গমন করিত ; কিন্তু ঐ দুর্গ নির্মাণ অবধি আখীনীয়দিগের পদব্রজে মহোৎসব-যাত্রা একেবারে বন্দ হইয়া, ঐ যাত্রা জলপথে সম্পন্ন হইত। কিন্তু আলসিবাইডিস্, এক্ষণে আর তাহাদিগকে অপমান সহ্য করিতে হইবেক না, বলিয়া অভয়প্রদান পূর্বক, নগরবাসীদিগকে পূর্ববৎ সমারোহে মহোৎসব-যাত্রার আদেশ করিয়া, স্বয়ং সসৈন্তে অগ্রে অগ্রে গমন করিতে আরম্ভ করিলে, লেসিডিমোনিয়েরা আর বাধা দিতে সাহস করিল না। এইরূপে আথেন্সবাসীরা মহোৎসব-যাত্রা সম্পন্ন করিয়া নির্বিঘ্নে গৃহে প্রত্যাগমন করিল।

লাইসাণ্ডর এবং সাইরস্।

যাহা হউক আলসিবাইডিসের ক্ষমতা ও মাহাত্ম্য অধিক কাল স্থায়ী হয় নাই। স্পার্টায়েরা, আশিয়ার উপকূল বিজয়ার্থে এপর্যন্ত যে সমস্ত কর্মচারী প্রেরণ করিয়াছিল, তাহারা নিতান্ত অযোগ্য থাকায় ক্লত-বার্থ্য হয় নাই ; এজন্য তৎকালীন স্পার্টায় সেনাপতি ব্রাসিডাস্ এবং গিলিপসের সমকক্ষ অসামান্য বুদ্ধি

সম্পন্ন লাইসাগোর্-নামক বীর পুরুষকে সৈন্যপত্য প্রদানপূর্বক প্রেরণ করিল। ইনি স্পার্টা হইতে যাত্রা করিয়া একায়েক ইফিসমে উত্তীর্ণ হইলেন। এই সময় পারস্তাধিপতি ডেরায়স্ আপন কনিষ্ঠ পুত্র সাইরস্কে সমুস্ত আশিয়িক উপকূলের শাসন কার্যে নিযুক্ত করিয়া পাঠাইলে, রাজকুমার সার্ডিসে উপস্থিত ছিলেন। পরেই প্রতীত হইবেক, যে, রাজকুমার স্পার্টীয়দিগের সহিত সদ্ভাব রাখিবার জন্য আন্তরিক যত্নবান ছিলেন। লাইসাগোর্ রাজকুমারের সহিত সাক্ষাৎ করিবার মানসে, সার্ডিসের রাজভবনে উপস্থিত হইলে, রাজকুমার সমুচিত-সম্মান-পুরঃসর তাঁহাকে গ্রহণ করিলেন ; এবং অনেক কথোপকথনের পর সাইরস্ বলিলেন “ আমার পিতৃদেবের সম্পূর্ণ ইচ্ছা যে, তিনি আপনাদের কিছু অর্থ সাহায্য করেন ; এবং সেই অভিপ্রায়ে কতকগুলি মুদ্রাও পাঠাইয়া-ছেন। যদি তাহাতেও না হয় তবে, আমি আপন সৌবর্গ সিংহাসন ভাঙ্গিয়া মুদ্রা প্রস্তুত করিয়া দিব। ” যে অভিপ্রায়ে লাইসাগোর্ের সাক্ষাৎ করিতে যাওয়া, রাজকুমার আপনিই তাহার প্রস্তাব করিলে, লাইসাগোর্কে বাঙ্কিম্পত্তি করিতে হইল না ; অথচ কার্য-সিদ্ধি হইল। স্পার্টীয়দিগের এই প্রধান উদ্দেশ্য ছিল যে, পারস্তরাজের নিকট হইতে প্রচুর অর্থ সংগ্রহপূর্বক নারিকদিগের বেতন বৃদ্ধি করিয়া দেয় এবং প্রলোভন দ্বারা আত্মীয় নারিকদিগকে ভাঙ্গাইয়া আনে।

একগে লাইসাওর্ স্বাভিপ্ৰায় সম্পন্ন হওয়াতে আনন্দে পরিপূর্ণ হইয়া সাইরসের সহিত কথোপকথনে প্রবৃত্ত হইলে, রাজকুমার পুনর্বার জিজ্ঞাসা করিলেন “পূর্বের বাহা স্বীকৃত হইয়াছি, তাহার উপর আর কিছু চাই?” লাইসাওর্ কহিলেন, আর প্রয়োজন নাই। এইরূপ আলাপ করিতে করিতে রাত্রি উপস্থিত হইলে উভয়ে একত্র ভোজন করিলেন। ভোজনের পর সাইরস পারসীক রীত্যনুসারে লাইসাওর্কে কিঞ্চিৎ সুরা পান করিতে দিয়া কিছু প্রার্থনা করিতে কহিলেন। লাইসাওর্ এখন, রাজকুমার যে পরিমাণে নাবিকদিগের বেতন স্বীকার করিয়াছিলেন, তাহার উপর আরও কিছু প্রার্থনা করিলে, সাইরস তৎক্ষণাৎ তাহাও দিতে স্বীকৃত হইলেন।

“অনন্তর লাইসাওর্ ইফিসসে প্রত্যাগমন করিয়া নাবিকদিগের সমস্ত বেতন চুকাইয়া দিলেন, এবং এক এক মাসের অগ্রিম দিলেন। ইহাতে নাবিকেরাও বিশ্বাস পরিপূর্ণ হইয়া, আখীনীয়েরা সম্মুখীন হইলেই, তাহাদিগকে আক্রমণ করিতে প্রস্তুত থাকিল। ফলতঃ একপ করিয়া অর্থ লওয়া লাইসাওরের নিতান্ত অকর্তব্য হইয়াছিল।

আখীনীয় নোসেনার পরাজয় ।

লাইসাওর্ এইরূপে সুসজ্জিত হইয়া ইফিসসে অবস্থিতি করিলে, আল্‌সিবাইডিস্ সসৈন্তে আথেন্স্

হইতে যাত্রা করিয়া, মেলস্ দ্বীপে উপনীত হইলেন ;
 এবং অধিকাংশ রণতরীকে ইফিসম্নগরীস্থ লাইসা-
 গুরের রণতরীর আক্রমণে সতর্ক থাকিতে আদেশ
 করিয়া, অর্টিয়োকস্ নামক এক জন কর্মচারীর
 প্রতি কর্তৃত্ব ভার সমর্পণপূর্বক, স্বয়ং কোন আত্মনীয়
 সেনাপতির অনুসন্ধানে নির্গত হইলেন। এবং এই
 বিশেষ আজ্ঞা করিলেন যে, তিনি যতক্ষণ না ফিরিয়া
 আসেন, ততক্ষণ যেন আক্রমণ করিবার কোন
 উদ্দেশ্য না করা হয়। কিন্তু তিনি সেই শাসনে
 অবহিত হইয়া, কতিপয় রণতরী সমভিবাহারে
 লড়াই হইয়া ইফিসম্নের বন্দরে প্রবিষ্ট হইলে, লাই-
 সাগুর কতকগুলি নৌকা লইয়া তাঁহার অনুসরণে
 প্রবৃত্ত হইলেন। পরে উভয় পক্ষের নৌকা আসিয়া
 সাহায্যে প্রবৃত্ত হইলে, যুদ্ধ আরম্ভ হইয়া আত্মনীয়েরা
 পরাস্ত হইল, এবং তাঁহাদের পঞ্চদশ রণতরী শত্রু-
 হস্তে পতিত হইল। আলসিবাইডিস্ ফিরিয়া আসিয়া
 পুনর্বীর যুদ্ধের প্রস্তাব করিলে, লাইসাগুর তাহাতে
 স্বীকৃত হইলেন না। এই পরাভবেই তাঁহার খ্যাতি
 প্রতিপত্তি সমস্ত লয় পাইল। অনন্তর যুদ্ধে পরাভব
 সংবাদ আত্মনীয়দিগের কর্ণগোচর হইলে, সমস্ত দোষ
 আলসিবাইডিসের স্বন্ধে পাতিত করত তৎক্ষণাৎ
 তাঁহাকে পদচ্যুত করিয়া দিল। তিনি পদচ্যুত হইয়া
 হেলেন্সপন্টের তীরে প্রতি নিবৃত্ত হইয়া তথায় অবস্থিতি
 করত কালযাপন করিতে লাগিলেন।

কালিক্রাটিডাস্।

লাইসাণ্ডরের সময় অতিক্রান্ত হইলে, স্পার্টীয় প্রাচীন সম্প্রদায়স্থ সরলচিত্ত কালিক্রাটিডাস্ তৎপদে পদার্পণ করিলেন। তিনি সাহসে লাইসাণ্ডর সদৃশ ছিলেন। ইনি যে সময় স্পার্টার সেনাপতি, এই সময় আল্‌সিবাইডিসের পদে কোনন্‌ আথেজের সেনা-নাযক ছিলেন। লাইসাণ্ডর্ কালিক্রাটিডাসের হস্তে সমস্ত রণতরীর ভারার্পণ করিয়া কহিলেন যে, “আমার এই রণতরীকে জনযুদ্ধের প্রিয়মোহিনী স্বরূপ জ্ঞান করিবেন” ইহা শুনিয়া কালিক্রাটিডাস্ কহিলেন, “যদি এমনই হয়, তবে এই তরণীবৃন্দ লইয়া বিপক্ষ সেনাধিষ্ঠিত সেমস্‌ ঘাঁপ, এবং আশিয়ার তটের মধ্য দিয়া ইফিসস্‌ হইতে মিলিটসে যাত্রা করি-করিবার কোন হানি নাই।” লাইসাণ্ডর্ তাহাতে অস্বীকৃত হইয়া বলিলেন, একপ কর্মে প্রবৃত্ত হওয়া রূথাগর্ভ মাত্র হয়। বাহা হউক, লাইসাণ্ডর্ কালিক্রাটিডাস্‌কে উদ্বিজিত করিবার মানসে সাইরসের নিকট হইতে যত অর্থ আনিয়াছিলেন, সে সমস্ত ফেরৎ পাঠাইলেন। সুতরাং আবশ্যক টাকার জন্য কালিক্রাটিডস্‌ রাজত্ববনে গমন করিয়া টাকা চাহিলে, রাজকুমার দুই দিবস অপেক্ষা করিতে কহিলেন। কিন্তু গর্ভিত স্পার্টীয়সেনানী ইহাতে অপমান বোধ করিয়া অগ্নিস্পর্শপূর্বক এই শপথ করিয়া বহির্গত হইলেন যে, আমি যত শীঘ্র পারি স্পার্টা পৌছিয়া

যাহাতে আর্থীনীয়েরা এবং স্পার্টায়েরা বিবাদে ক্ষান্ত হয়, সাধ্যপক্ষে তাহা করিতে ক্রটি করিব না, আর যাহাতে গ্রীকদিগকে মুদ্রার জন্য পারসীকদিগের উপাসনা করিতে না হয়, তাহাও করিব”। কিছু দিন পরে যখন লেস্বস দ্বীপের মিথিম্নি নগরে উপস্থিত হইলেন, তখন সকলে তথাকার অধিবাসীদিগকে বিক্রয় করিবার প্রস্তাব করিলে, তিনি এই উত্তর করিলেন যে, গ্রীকবিধানানুসারে, এবং তিনি সেনাপতি থাকিতে, গ্রীকদিগকে দাসত্ব শৃঙ্খলে বদ্ধ থাকিতে দিবেন না ; বরং সকলকে মুক্ত করিয়া দিবেন।

আর্জিনিউসীয় সংগ্রাম।

অতঃপর আর্থীনীয়েরা আটজন সেনাপতি নিযুক্ত করিয়া কোননের প্রতি প্রধান কর্তৃত্বভার সমর্পণ পূর্বক অসংখ্য রণতরী সংগ্রামে প্রেরণ করিল। প্রেরিত সৈন্যগণ আর্জিনিউসা নামক ক্ষুদ্র দ্বীপে অধিষ্ঠান করিল। বিপক্ষদল আর্জিনিউসায় সমবেত হইয়াছে শুনিয়া, কালিক্রাটিডাস্, স্বয়ং ক্ষীণবল থাকিলেও, অবিলম্বে বিপক্ষদলের আক্রমণার্থ যাত্রা করিলেন। তদীয় তরণীর অধ্যক্ষ দূর হইতে নিরীক্ষণ করিয়া কালিক্রাটিডাস্কে ফিরিয়া যাইবার পরামর্শ দিলে, তিনি কহিলেন “ আমি সংগ্রামে প্রাণ ত্যাগ করিলে বীরবতী স্পার্টার কিছুই ক্ষতি হইবেক না। কিন্তু যদি এখন আমি এতদূর অগ্রসর হইয়া

ফিরিয়া যাই তথৈ, আমার এবং স্পার্টা নগরের লজ্জা, কলঙ্ক এবং অযশের ইয়ত্তা থাকিবেক না ; অভএব ফিরিয়া যাওয়া কর্তব্য নহে । ” এই বলিয়া শত্রুর সম্মুখীন হইলে, সংগ্রাম আরম্ভ হইল ; এবং সেই সংগ্রাম বহুক্ষণ চলিয়া অবশেষে ঘটনাক্রমে কালিক্রাটিডাস্ নৌকা হইতে সমুদ্রে পতিত হইয়া জলমগ্ন হইলেন, এবং তাঁহার যাবতীয় রণতরী পরিবেষ্টিত হইলে সংগ্রাম সাধারণ হইল । এই সংগ্রামে আখীনীয়দিগের যে পঞ্চবিংশতি রণতরী লোক সমেত বিনষ্ট হইল, আখীনীয়েরা সেই সকল রণতরী এবং লোকদিগের উদ্ধারার্থ চত্বারিংশৎ রণতরী নিযুক্ত করিবার পরামর্শ ক'য়। অবশিষ্ট জাহাজ মিটিলিনির উৎপীড়ন নিবারণার্থ প্রেরণ করিবার মানস করিল ; কিন্তু দৈবপ্রতিকূলতাবশতঃ তাহারা সে অভিপ্রায় সিদ্ধ করিতে পারিল না ; ইঁহাং এক প্রবল বাত্যা উদ্ভিত হইয়া তাহাদিগকে লগ্ন ভগ্ন করিয়া দিল, সুতরাং তাহাদিগকে সে উদ্যম পরিহার পূর্বক আর্জিনিউমা দ্বীপ আশ্রয় করিতে হইল ; দুর্ভাগ্য নাবিকেরা সমুদ্রেই রহিয়া গেল এবং তাহাদের মৃতশরীরও সমাহিত হইল না ।

আর্জিনিউমার যুদ্ধে এই যে শোচনীয় ঘটনাটি উপস্থিত হয়, তাহা আখীনীয় সেনাপতিদিগের দৌষেই বলিতে হইবেক ; কারণ যদি তাহারা তদগো প্রাণপণে উদ্ধারের চেষ্টা করিত তবে, কখনই ততলোকের অস-

দ্রাতি হইত না । আট জন সৈন্যাধ্যক্ষের মধ্যে ছয়জন রণতরী সমেত আথেন্সে ফিরিয়া আসিলেন ; এবং মহাসভায় উপস্থিত হইয়া সমস্ত বৃত্তান্ত বর্ণন করিয়া পুরিশেষে ঝড়ে তাহাদের যে ক্ষতি করিয়াছিল তাহাও বর্ণন করিলেন ; কিন্তু তথাপি তাঁহারা পরিদ্রাণ না পাইয়া কারাগারে নিঃক্ষিপ্ত হইলেন । থেরামিনিস্ নামক যে সেনাপতি জলমগ্নদিগের উদ্ধারার্থ নিযুক্ত হইয়াছিলেন, তিনি এবং আর কয়েকজন কর্মচারী পত্র দিবস উপস্থিত হইয়া পূর্বাগত সেনাপতিদিগের উপর এই বলিয়া দোষারোপ করিলেন যে, সেনানীরা আমাদিগকে যত্নহস্তে নিঃক্ষিপ্ত করিয়া চলিয়া আসিয়াছেন ।” ইহাতে সেনাপতিরা এই বলিয়া আপনাদের দোষ খণ্ডন করিলেন “ যে আমরা যে থেরামিনিস্ প্রভৃতিকে জলমগ্নদিগের উদ্ধারার্থ নিযুক্ত করিয়াছিলাম, অনুসন্ধান করিলে ইহার যথার্থ্য সম্প্রমাণ হইবেক । কিন্তু যথার্থ বিবেচনা করিয়া দেখিলে, এবিষয়ে কেহই দোষী নহে, কারণ ঝড়েই সমস্ত নষ্ট করিয়াছিল ।” তাহাদের বক্তৃতায় সকলেই মুগ্ধ হইল এবং সন্ধ্যা উপস্থিত হওয়াতে সে দিবস সন্ধ্যাকালেই স্ব স্ব আবাসে গমন করিল ।

তৎকালে আথেন্স্ নগরে অপাটুরিয়া নামক একটা মহোৎসব হইত । দেশের রীতি অনুসারে বৎসর বৎসর সকলকেই সপরিবারে যাইয়া তথায় সমবেত হইতে হইত । এই মহোৎসব উপস্থিত হইলে, থেরা-

মিনিস্ এবং তৎপক্ষ লোকেরা পরামর্শ করিয়া কতক-
গুলি লোককে কেশ কর্তন পূর্বক কৃষ্ণ পরিচ্ছদে
ঐ “মহোৎসবে প্রেরণ করিয়ালেন। তাহারা
তথায় উপস্থিত হইলে, লোকেরা তাহাদের সেই বিরুদ্ধ
বেষের কারণ জিজ্ঞাসা করিলে, তাহারা বলিল,
“যে সকল লোক আর্জিনিউসার সংগ্রামে নিধন
প্রাপ্ত হইয়াছে, আমরা তাহাদের আত্মীয়” এই
সময় আর এক ব্যক্তি হঠাৎ সেইস্থানে উপস্থিত
হইয়া বলিল “আমি জলমগ্ন সেই সকল জাহাজের
এক খানায় ছিলাম; আমি একখানি কাষ্ঠ ফলক
অবলম্বন পূর্বক কোনকূপে বাঁচিয়া আসিয়াছি।
আমাকে উত্তীর্ণ দেখিয়া জলমগ্ন ব্যক্তির চীৎকার
করিয়া বলিল যে, মৈন্যাধ্যক্ষেরা তাহাদিগকে ফেলিয়া
চলিল, এবং তাহাদের উদ্ধারের কোন চেষ্টাই করিল
না। এই কথা আমাকে বলিতে বলিয়াছিল বলিলাম,
এখন আপনাদের যাহা বিবেচনা হয় করুন।” তাহার
এই কথা শ্রবণ মাত্র সকলে ক্রোধে প্রক্ষুব্ধ হইয়া
উঠিলে সেনাপতিদিগের বন্ধুবর্গ তাহাদের দোষ খণ্ড-
নার্থ বহু প্রয়াস পাইয়া কিছুতেই লোকের ক্রোধ
শান্তি করিতে পারিল না। লোকেরা গুটিকাপাত
দ্বারা তাহাদের প্রাণদণ্ডের আজ্ঞা দিলে তাহারা নিহত
হইলেন। ইহাতে স্পষ্টই বোধ হইতেছে যে, আত্মী-
নীয়দিগের আচরণ অতিশয় বিগর্হিত ছিল।

ইগম্পোটেমীর সংগ্রাম ।

এই ভূমণ্ডলে এবস্থিধ অনেক লোকই দেখিতে পাওয়া যায় যে, যাহারা প্রাণান্তেও ন্যায়বিরুদ্ধ শাসন প্রণালীর অনুরোধে নৃশংসতাচরণে প্রবৃত্ত হইয়েন না ; কিন্তু ইতিহাসের মধ্যে একপ সম্মুখলোক প্রায়ই দৃষ্টিগোচর হয় না । ইহাতে কাহাকেও যথার্থ ন্যায় পথে থাকিয়া চলিতে দেখা যায় না এবং দণ্ডবিধানদ্বারা জাতীয় দোষ সংশোধনেরও চেষ্টা করেন না ; বর্তমান বিষয়টাই তাহার একটা দৃষ্টান্ত স্বরূপ । দেখা যাইতেছে যে, উচ্ছেদের সহিত তথাবার সেনাপতিদিগের ও হত্যা আরম্ভ হইল ।

স্পার্টায়েরা (৪০৫ খঃ পূঃ) লাইসাগুরকে সমস্ত রণতরীর অধিনায়কত্ব পুনর্দায় করিয়া বিদায় করিল । তিনি যাত্রা করিয়া হেলেন্সপোর্টে উপস্থিত হইলে, আথীনীয় রণতরী তাঁহার অনুসরণে প্রবৃত্ত হইল । তিনি আশিয়া নিম্নগা ইগম্পোটেমীর আশিয়িক কূলে লাহসেকস্ নামক স্থান আশ্রয় করিলে, আথীনীয়েরা আশিয়ার অপরপারে ইগম্পোটেমী নদীতে ছাউনি করিল । লাইসাগুর চাতুরী অবলম্বনপূর্বক সেই দিনই আপনাদের উভয়বিধ সেনাকে সমাজ্য থাকিতে আজ্ঞা করিলে, আথীনীয়েরা স্থির করিল যে, পরদিন প্রাতে যুদ্ধ আরম্ভ হইবেক । প্রভাত হইলে আথীনীয়েরা সসৈন্যে শত্রুর সম্মুখীন হইয়া যুদ্ধ প্রার্থনা করিলে, লাইসাগুর সম্মত হইলেন না ; সুতরাং তাহার মনবৃত্ত ও

নিশ্চিন্ত হইয়া তটে ভোজনাদি করিতে লাগিল।
 আখীনীয়েরা প্রতিদিনই সসজ্জ হইয়া আসিয়া যুদ্ধের
 প্রস্তাব করে, লাইসাওর যুদ্ধ দিতে অসম্মত হওয়াতে
 ফিরিয়া যায়; আখীনীয়েরা যেমন ফিরিয়া যায়, অমনি
 লাইসাওর আখীনীয়দিগের গতিবিধি, এবং কখন কি
 অবস্থায় থাকে, তাহা জানিবার জন্য প্রত্যহ কতকগুলি
 দ্রুতগামী জাহাজ প্রেরণ করেন, এবং ঐ সমস্ত যতক্ষণ
 ফিরিয়া না আইসে ততক্ষণ জাহাজের বাহিরে লোক
 নিযুক্ত রাখেন। আল্‌সিবাইডিস্ আশিয়িক উপকূলে
 অবস্থিতি করত স্বভূগের উপরিভাগ হইতে উভয়পক্ষের
 সমস্ত ব্যাপার অবলোকন করিয়া বিবেচনা করিলেন,
 আখীনীয়দিগকে এক ক্রোশ অন্তরে গিয়া খাদ্যাহারণ
 করিতে হয়, এবং তন্নিবন্ধন সর্বদাই অসজ্জ থাকিতে
 হয়, এদিকে বিপক্ষেরা আগ্রিতবন্দর হইতেই আহাৰ
 প্রাপ্ত হয়; এজন্য সর্বদা সসজ্জ থাকে। এই সমস্ত
 পর্যালোচনা করিয়া দেশ হিতৈষী আল্‌সিবাইডিস্
 আর উদাসীন হইয়া থাকিতে পারিলেন না, এবং
 আখীনীয়দিগের নিকট গমন করিয়া বলিলেন;
 “তোমরা এস্থান হইতে উঠিয়া গিয়া সেষ্টস্ নগরে
 অধিষ্ঠান কর, নচেৎ তোমাদের বিপদ ঘটিবেক।”
 কিন্তু আখীনীয়েরা অবজ্ঞা প্রদর্শনপূর্বক তাহার পরা-
 মর্শ অগ্রাহ করিলে, তিনি, তাহাদের কপালে
 যাহা আছে তাহাই হউক, এই বলিয়া ফিরিয়া আসি-
 লেন।

পঞ্চম দিবসে স্পার্টাসেনাপতি আখীয়দিগের হিঙ্গানুসন্ধানে প্রেরণ করিয়া এই আদেশ করিলেন, “যখন তোমরা আখীণীয় নাবিকদিগকে খাদ্যাহরণার্থ ইতস্ততঃ প্রস্তুত হইতে দেখিবে, সেই সময় সঙ্কেত-স্বরূপ এক ঢাল উত্তোলিত করিবে।” সেনাপতির এই আদেশ পাইয়া তাহারা সেই দিকেই সতর্ক থাকিল, এবং যখন দেখিল যে, আখীণীয়েরা জাহাজ ছাড়িয়া আহারাশ্বেষণে ইতস্ততঃ গমন করিল, তখনি অমনি ঢাল উত্তোলিত করিয়া সংবাদ করিল। সংবাদ পাইবা মাত্র লাইসাগোর্ সমজ্জ হইয়া সমস্ত রণতরী সমভিব্যাহারে সত্বর যাত্রা করিয়া সমস্ত আখীণীয় রণতরী আক্রমণ করিলেন। তৎকালে আখীণীয়দিগের যাবতীয় সেনানীর মধ্যে কেবল কোনন্ জাহাজে ছিলেন, আর সকলেই আহারার্থ দূতর গিয়াছিল। কোনন্ ইঠাৎ আক্রান্ত হইয়া নাবিকদিগকে জাহাজ আনয়ন পূর্বক জাহাজ সকল সমজ্জ করিবার জন্য যথেষ্ট চেষ্টা করিলেন, কিন্তু সে সময় তাহারা এতদূর গিয়া পড়িয়াছিল যে, সময়ে জুটিতে সমর্থ হইল না। অনন্তর যখন দেখিলেন ক্রমে ক্রমে সমস্ত বিধ্বস্ত হইয়া আসিল, তখন আর কি করেন, আপনার জাহাজ খুলিয়া পলায়নে প্রবৃত্ত হইলেন। পলায়নকালে আর যে সাত খানি জাহাজ সজ্জিত ছিল, তাহাই সঙ্গে লইয়া সাই-প্রস্ দ্বীপের অভিমুখে যাত্রা করিলে, অবশিষ্ট রণতরী এবং নাবিকগণ লাইসাগোর্ের হস্তে পতিত হইল।

লাইসাওর্ সৈন্যাধ্যক্ষ এবং অমুচরবর্গে প্রায় তিন সহস্র লোককে অক্ষুণ্ণ চিত্তে বিনষ্ট করিলেন। এই ব্যাপার সম্পন্ন করিয়া লাইসাওর্ উপকূলের নানা স্থানে ভ্রমণ করিতে আরম্ভ করিলেন, এবং সর্বত্র এই ডিণ্ডিম প্রচার করিলেন যে, আথেন্সের অধিবাসী যত লোক ঐ উপকূলে আছে, সকলকেই ত্বরায় আথেন্সে প্রস্থান করিতে হইবে, যে না যাইবে তাহার প্রাণদণ্ড হইবে। ইহার তাৎপর্য্য এই যে, লোকবাহুল্য হইলে নগরমধ্যে ত্বরায় ছুর্ভিক্ষ হইবে, সেই সুযোগে তিনি অনায়াসেই উক্ত নগর পরাজিত করিতে পারিবেন। অতএব যাহাতে আথেন্সে অধিক জনতা হয়, এখন তাহার চেষ্টায় প্রবৃত্ত হইলেন।

এদিকে সর্ব্বনাশের সংবাদ লইয়া পাইরসের বন্দরে জাহাজ আসিয়া পৌঁছিতে রাতি হইয়াছিল। পরাস্ত আথীনীয়েরা বন্দরে উত্তীর্ণ হইয়া একপ উচ্চৈঃস্বরে বিলাপ করিতে আরম্ভ করিল যে তৎক্ষণাৎ তাহা আথেন্সবাসী লোকদিগের কর্ণগোচর হইল। বিপদ ঘটিয়াছে, এই বিবেচনায় সকলেই আত্মীয়বন্ধুবর্গের জন্ত বিলাপ করিতে লাগিল। হায় কি হইল, বলিয়া কপালে করাঘাত করত বলিতে লাগিল “হায় ; আমরা যেমন কত লোককে কত যাতনা দিয়াছি, তেমনি আমরা দিগকেও না জানি কত যাতনা ভোগ করিতে হইবে ! ” ফলতঃ তাহারা এই সর্ব্বনাশেও একেবারে হতাশ না হইয়া দৃঢ়তর-অধ্যবসায়-সহকারে শত্রুদিগের

নিবারণের নিমিত্ত পুনর্ব্বার সসজ্জ হইবার চেষ্টা করিতে প্রবৃত্ত হইল।

—
আথেন্স-সমর্পণ।

এই ঘটনার অল্প কাল পরেই লাইসাগোর্ দুই শত বর্ষতরী সমভিব্যাহারে পাইরিং বন্দরে উপস্থিত হইলেন। এদিকে স্পার্টা হইতে সমস্ত পদাতিসৈন্য এবং যাবতীয় সহকারী সৈন্যগণ মিলিত হইয়া স্থলপথে আগমনপূর্ব্বক আথেন্স নগরের সম্মিহিত একাডেমি নামক স্থানে ছাউনি করিল। ক্রমশঃ নগরের আসার প্রসার বন্দ হইয়া আসিলে, নগরमध्ये দুর্ভিক্ষের কষ্ট দিন দিন প্রবল হইতে লাগিল। তৃতীয় মাসের শেষে দুর্ভিক্ষ এত প্রবল হইয়া উঠিল যে, তন্নিবন্ধন ভূরি ভূরি প্রাণী আহারাভাবে প্রাণত্যাগ করিতে লাগিল। তখন আর কষ্ট সহ করিতে না পারিয়া আর্থীনীয়েরা বিজেক্তার বশ্যতা স্বীকারে সম্মত হইয়া সন্ধিসংস্থাপনার্থ স্পার্টার অধিপতি আজিসের নিকট দূত পাঠাইয়া দিল। 'দূত তথায় উপস্থিত হইয়া রাজার নিকট সন্ধির প্রস্তাব করিলে, রাজা কহিলেন, যদি সন্ধি করিতে হয়, তবে আর্থীনীয়দিগকে নগর ও বন্দরের সমস্ত প্রাচীর ভাঙ্গিয়া ফেলিতে হইবে, সমস্ত বিদেশীয় অধিকার পরিত্যাগ করিতে হইবে, পোতসৈন্য কিছুই রাখিতে পারিবেক না, এবং চির কাল স্পার্টার সহকারী হইয়া থাকিতে হইবে; নচেৎ—

হইবে না। দূত ফিরিয়া আসিয়া সংবাদ দিলে, নগরের প্রাচীর ভাঙ্গিয়া ফেলিতে হইবে, এই কথায় আথেন্স্ বাসীরা ক্রোধে পরিপূর্ণ হইল। এমন কি এক জন সাধারণ সমাজের সভ্য এই বিষয়ের পোষকতা করিয়াছিলেন বলিয়া, তৎক্ষণাৎ তাঁহাকে কারাবাসে নিঃক্ষিপ্ত করা হইয়াছিল। ক্লিয়োফন্ নামক সাধারণ-পক্ষপাতী এক জন আখীনীয় এই বলিয়া ভয় প্রদর্শন করিলেন যে, কেহ সন্ধি সংস্থাপনবিষয়ে কোন কথার উল্লেখ করিবে, অথবা তদ্বিষয়ে সম্মতি দিবে, তৎক্ষণাৎ তাহার শিরশ্ছেদন হইবে। কিন্তু যখন দুর্বল দুর্ভিক্ষ অতিশয় প্রবল হইয়া আপনার ভীষণ-মূর্ত্তি ধারণপূর্ব্বক নগরমধ্যে প্রবিষ্ট হইয়া লোকদিগকে কষ্ট দিতে আরম্ভ করিল, তখন থেরামিনিন্স আর স্থির থাকিতে পারিলেন না। তিনি আখীনীয়দিগের প্রতি স্পার্টীয়দিগের প্রকৃত অভিসন্ধি জানিবার ছল করিয়া স্বয়ং লাইসাণ্ডরের নিকট যাত্রা করিলেন, এবং দিন মাস কাল তথায় অবস্থিতির পর পুনর্ব্বার আথেন্সে ফিরিয়া আসিলেন। তাঁহার কালবিলম্ব করিবার এই অভিপ্রায় ছিল যে, আথেন্স্ বাসীরা যখন আহারা-ভাবে অতিশয় নিপীড়িত হইবে, তখন আপনারাই আসিয়া স্পার্টার শরণাগত হইবে। কিন্তু তাঁহার সে অভিপ্রায় সফল হইল না, কারণ আখীনীয়েরা প্রাচীরের উপর দিয়া গোপনে গোপনে আহার সামগ্রী আনাইয়া তিন মাস অতিবাহিত করিয়াছিল; সুতরাং

থেরামিনিস্ সত্বর ফিরিয়া আসিয়া বলিলেন, লাইসা-
 গুর তাঁহাকে রুদ্ধ করিয়া রাখিয়াছিলেন। যাহা হউক,
 তিনি পুনর্বার স্পার্টা যাইবার প্রস্তাব করিলে, তিনি
 এবং আর নয় জন স্পার্টার প্রেরিত হইলেন। তাঁহারা
 স্পার্টায় উপস্থিত হইলে পর সমস্ত মিত্ররাজ্যের
 প্রধান প্রধান লোকদিগকে আহ্বান করিয়া একটি
 সভা হইল। তাহাতে মিত্র খাবীয় এবং করিন্থীয়েরা,
 যাহাতে আথেন্স্ একেবারে বিধ্বস্ত হইয়া যায়, তাহার
 চেষ্টা করিতে লাগিল। কিন্তু লেসিভিনোনীয়েরা এই
 বলিয়া তাহাদের মত খণ্ডন করিল যে, যাহা হইতে
 সমস্ত গ্রীস্দেশের এত শ্রীবৃদ্ধি হইয়াছে, সেই আথে-
 ন্স্কে একেবারেই উৎসন্ন দেওয়া কোন ক্রপেই পরামর্শ
 সিদ্ধ হইতে পারে না। অবশেষে এই বলিয়া বাক্য
 সমাপন করিল যে, যদি আথেন্স্ বাসীরা নগরের এবং
 বন্দরের সমস্ত প্রাচীর ভাঙ্গিয়া দেয় এবং বার খানি
 মাত্র জাহাজ রাখিয়া সমস্ত জাহাজ অর্পণ পূর্বক
 স্পার্টার মিত্র-রাজ্যमध्ये পরিগণিত হইতে চাহে,
 তাহা হইলে তাহাদের সহিত সন্ধি করিতে হানি নাই।
 এখন আখীনীয়েরা (খঃ পৃঃ ৪০৪) খাদ্যাভাবে
 শ্লাঘ্যভাগ করা অপেক্ষা পূর্বোক্ত সন্ধিবন্ধনে সম্মত
 হওয়া শ্রেয়স্কর বিবেচনা করিয়া তাহাতেই সম্মত
 হইলেন। লাইসাগুর পাইরসে প্রবিষ্ট হইলেন, নগরের
 এবং ছাউনির সমস্ত জীলোকেরা আসিয়া তথায়
 একত্র মিলিত হইল, এবং সংগীত আরম্ভ করিল।

এদিকে নগরের সমস্ত প্রাচীর ভাঙ্গিয়া দেওয়া হইল।

ত্রিংশৎ পুরুষের প্রভুত্ব।

এই সন্ধি-স্থাপনের পর, লাইসাগোর্ (খৃঃ পূঃ ৪০৪) আথেন্সের শাসনকার্যের ভার যে ত্রিশ জন পুরুষের হস্তে সমর্পণ করেন, থেরামিনিস্ তাহাদের মধ্যে এক জন ছিলেন। কিন্তু ক্রীটিয়স্ সর্বাপেক্ষা অধিক ক্ষমতাবান্। বুদ্ধিমান্ এবং অধিক সাহস-সম্পন্ন ছিলেন। লাইসাগোর্ের প্রভুত্ববলে তাঁহার আপনাদের অভিপ্রায়সিদ্ধির নিমিত্ত স্পার্টা হইতে কতক গুলি সৈন্য আনা হয়। তাহাদিগকে দুর্গমধ্যে রাখিলেন, এবং তাহাদের বলে সহোথায়ী নাগরিকদিগের উপর ভয়ঙ্কর উৎপাড়ন আরম্ভ করিয়া লুণ্ঠ, নির্বাসন, এবং প্রাণদণ্ড প্রভৃতি গর্হিত কার্যের অনুষ্ঠানে দীক্ষিত হইলেন। আর্থীনীয়েরা স্ব স্ব সম্পত্তি রক্ষা, এবং পূর্বতন সামাজিক ব্যবস্থা পালনবিষয়ে বিশেষ যত্নবান্ হইলে, ঐ দুর্দান্তেরা ক্রুদ্ধ হইয়া একপ নর-হত্যা আরম্ভ করিল যে, গুলিলে অভ্যাস হইতে হয়, তিন মাসের মধ্যে অন্ত্যন পঞ্চদশ শত লোকের প্রাণদণ্ড করিয়াছিল।

থেরামিনিস্ই প্রথমতঃ তাহাদের সহিত ঐ অসং-কল্পানুষ্ঠানে প্রবৃত্ত হইয়া, যখন দেখিলেন যে, ঐ লিপ্যপার উত্তরোত্তর ভয়ঙ্কর হইয়া উঠিল, তখন তিনি

স্বয়ং ক্ষান্ত হইয়া অন্যান্য ব্যক্তিদিগকে নিষেধ করিতে লাগিলেন; কিন্তু এখন তাঁহাকে ভিন্ন মতাবলম্বী দেখিয়া ক্রীটিয়স্ এবং তৎসপক্ষ লোকেরা থেরামিনিসের বিনাশসাধনের পরামর্শ করিলেন, এবং কতকগুলি সাহসী যুবককে অস্ত্র শস্ত্র গোপনপূর্বক সাধারণ সমাজে আসিতে আদেশ করিলেন। তাহারা তাঁহাদের আদেশানুসারে সসজ্জ হইয়া সাধারণ সমাজে যখন উপস্থিত হইল, তখন ক্রীটিয়স্ সর্বসমক্ষে থেরামিনিসের বিশ্বাসঘাতকতা সপ্রমাণ করিয়া প্রাণদণ্ডের আদেশ করিলে, থেরামিনিস্ এই নরহত্যা নিবারণ-বিষয়ে একপ বক্তৃতা করিলেন যে, সকলে শুনিয়া মুগ্ধ হইল। এতদবলোকনে ক্রীটিয়স্ বহির্গত হইয়া সেই সশস্ত্রযুবকদিগকে সম্মুখে উপস্থিত হইতে কহিলেন, এবং ফিরিয়া আসিয়া সাধারণ সমাজের কর্তৃপক্ষদিগকে সম্বোধন করিয়া কহিলেন, “আপনাদিগকে বঞ্চিত হইতে দেওয়া আমার উচিত হয় না; আর ঐ যে সকল লোক বাহিরে দণ্ডায়মান আছে, তাহারাও এই বিশ্বাসঘাতককে ছাড়িয়া দিবে না।” এই বলিয়া থেরামিনিসের প্রাণদণ্ডের আজ্ঞা দিলেন। ইহা শুনিয়া থেরামিনিস্ সত্ত্বর উন্নত বেদীর উপর লাফাইয়া উঠিলে কর্মচারীগণ তাঁহাকে ধাক্কা মারিয়া ফেলাইয়া দিল। তদদর্শনে অন্যান্য সভাসদগণ বিস্ময়াপন্ন ও নিরুত্তর হইয়া রহিলেন। অনন্তর থেরামিনিস্কে বাক্তিয়া যখন বিপণীর মধ্য দিয়া কারাগারে লইয়া যাইতে লাগিল

তখন তিনি বরাবর ত্রিংশৎ ছুরাঙ্গার অত্যাচার তার
স্বরে ব্যক্ত করিতে করিতে গেলেন, কিন্তু ছুরাঙ্গা-
দিগের ভয়ে কেহই তাহার রক্তার নিমিত্ত সাহস
করিতে পারিল না। যাহা হউক, পূর্বের আথেন্সে প্রাণ-
দণ্ডের এই নিয়ম ছিল যে, যাহার প্রাণদণ্ডের আজ্ঞা
হইত, তাহাকে এক রকম বিষবৃক্ষের রস খাওয়াইয়া
দিত। তাহাতেই তাহার প্রাণদণ্ড হইত। থেরামিনিসের
হস্তে সেই রস এক গেলাস দেওয়া হইলে, তিনি
তাহা পান করিয়া ফেলিলেন। কিন্তু গেলাসের মধ্যে
অবশিষ্ট যাহা কিঞ্চিৎ থাকিল, তাহা ফেলাইয়া দিয়া
পরিহাসপূর্বক বলিলেন যুবকগণ! এই অবশিষ্ট রস
ক্রীটিয়সের উদ্দেশে নিষ্কিপ্ত হইল।

থীব্‌স্ এবং অন্যান্য নগর সকল তৎকালে আর্থী-
নীয় পলাতক ব্যক্তি দ্বারা পরিপূর্ণ ছিল, একারণ স্পার্টা-
য়েরা এই আজ্ঞা দিল যে, যে যেখানে পলায়ন করিয়া
লুকাইয়া আছে, সকলকেই ত্রিংশৎ দুর্দান্তের হস্তে
আত্মসমর্পণ করিতে হইবে। কিন্তু কেহই সে আজ্ঞা
প্রতিপালন করিল না। এদিকে থীব্‌সের অধিবাসীরা
বিয়োসিয়ার গৃহে গৃহে এবং নগরে পলাতক ব্যক্তি
দিগকে আশ্রয় দিবার জন্য আদেশ করিল। থীব্‌স্
নগরে থ্রাসিবলস্ নামে একজন পলাতক ত্রিংশৎ ছুরা-
ঙ্গার দৌরাঙ্গ্য হইতে স্বদেশকে মুক্ত করিবার জন্য
সুযোগ প্রতীক্ষা করত থীব্‌স্ নগরে অবস্থিতি করিতে
ছিলেন। শীতকালের মধ্য সময়ে থ্রাসিবলস্ সত্তর জন

মাত্র লোক সমভিব্যাহারে যাত্রা করিয়া আটিকা এবং
 বিয়োসিয়ার প্রান্তসীমান্ত ফাইন্ নামক দুর্গ অধি-
 কার করিলে, দুরাগ্গারা সৈন্যে আসিয়া তাহাদিগকে
 আক্রমণ করিল ও তাড়িত হইল, এবং আবার
 যখন তাহারা ঐ দুর্গ আক্রমণ করিবার উদ্দেশ্যে
 করিতেছিল, এমন সময়ে রাশীকৃত বরফ আসিয়া
 পড়িলে তাহারা ভগ্নোদ্যম হইয়া নগরে পলায়ন
 করিল। এই সুযোগে অনেক বিক্রান্ত আত্মীয় থ্রাসি-
 বুলসের সহিত মিলিত হইলে তিনি স্বদুর্গে সাত শত
 লোক সংগ্রহ করিলেন। একদা রজনীযোগে থ্রাসি-
 বুলস্ এই সমস্ত লোক সমভিব্যাহারে ক্রোশাভ্য-
 ন্তরে অবস্থিত ঐ দুরাগ্গাদিগের ছাউনি আক্রমণ
 পূর্বক তাহাদের শতাব্দিক লোককে হতাহত করিয়া
 পরিণেমে প্রায় অর্ধক্রোশ পর্য্যন্ত উহাদিগের পশ্চাৎ
 পশ্চাৎ ধাবমান হইলেন। অবিলম্বেই তাঁহার সৈন্য-
 বল সুহস্র সংখ্যক হইয়া উঠিল। সৈন্যসংখ্যা
 কিঞ্চিৎ অধিক হওয়াতে তাঁহার কিছু সাহস বাড়িয়া
 উঠিলে, এক দিবস রাত্রিযোগে যাত্রা করিয়া অবাধে
 পাইরন্ বন্দর অধিকার করিলেন। দুরাগ্গারা সৈন্য-
 দিগকে আক্রমণ করিবার জন্য সৈন্য সংগ্রহ করিলে,
 উভয় পক্ষে যে যুদ্ধ আরম্ভ হইল, সেই যুদ্ধে ক্রীটিয়স্
 এবং তাঁহার অনুচর সত্ত্ব জন লোক প্রাণত্যাগ করিল।
 ক্রীটিয়সের মৃত্যু লাভের পর আর আর দুরাগ্গারা
 ভীত হইল, এবং প্রধান হইয়া আথেসের মধ্যস্থিত

শত্রুদিগের সহিত সংগ্রাম করিতে অসমর্থ হইয়া পড়িল । পরিশেষে তাহারা চারি মাস কন্ম করিবার পর অগত্যা আপন আপন কন্ম পরিত্যাগ করিল । অতঃপর যাহারা তাহাদের পদে নিযুক্ত হইল, তাহারাও পূৰ্ব্ব কন্মচারীদিগের অপেক্ষা নৃশংসতা ও নিষ্ঠুরতায় কিছুমাত্র হীন ছিল না ; তাহারাও খ্রাসিবুলসের সহিত সংগ্রাম চালাইতে প্রবৃত্ত হইয়া ছিল । এই সংবাদ স্পার্টায় প্রেরিত হইলে লাইসাওর্ তথায় একশত ট্যালেন্ট মুদ্রা প্রেরণ করিলেন, এবং তাহাদের সাহায্যের নিমিত্ত স্বয়ং প্লাদাতিসেন্যের কর্তৃত্ব গ্রহণপূর্ব্বক, নিজ ভ্রাতাকে নৌসেনার অধিনায়কত্বে নিযুক্ত করিয়া যাত্রা করিলেন । পসেনিয়স্ নামক এক জন রাজা লাইসাওর্য়ের অত্যন্ত বিদ্বেষী ছিলেন । আটিকায় যে সমস্ত লেসিডিমোনীয় এবং মিত্র সৈন্য প্রেরিত হইয়াছিল, তিনি যদি তাহাদের অধিনায়কের পদে নিযুক্ত হইয়া যাইতেন, তাহা হইলে, প্লাইরস্ নগরে স্পার্টা যুদ্ধিগের যাবতীয় সৈন্যের বিনাশ হইত । তিনি বিবদমান উভয় পক্ষের বিবাদ নিবারণের নিমিত্ত বিশেষ চেষ্টা করিয়া অবশেষে সন্ধিস্থাপন দ্বারা বিবাদ মিটাইয়া দিলেন, উভয় পক্ষেরই বিলক্ষণ উপকার দর্শিল । এই সম্পত্তিতে ত্রিশ জন শাসনকর্তা, তাহাদের উত্তরাধিকারীগণ, এবং অন্যান্য লোককে আথেন্স্ ছাড়িয়া যাইতে হইল । এবং যাহার ইচ্ছা হয়, সে ইলিউসিকে যাইয়া অবস্থিতি করিতে পারিবে;

এইরূপ আদেশ হইল। এইরূপে রাজবিদ্রোহী অপ-
রাধী ব্যক্তিদিগের প্রতি ক্ষমা করা হইলে ত্রিংশৎ
পুরুষের শাসন বিলুপ্ত হইল; এবং যতদূর সম্ভব,
সোলনের নিয়ম পুনঃ প্রবর্তিত হইতে লাগিল। থ্রাসি-
বুলফ্ যৎপরোনাস্তি দেশের উপকারী এবং হিতৈষী
ছিলেন; একারণ তাঁহার নাম চিরকাল সম্মানের সহিত
কীর্তিত হইল।

আল্‌সিবাইডিসের মৃত্যু।

ত্রিংশৎ পুরুষের শাসনকালে আল্‌সিবাইডিসের
পরলোক হয়। যেক্ষণে তাঁহার মৃত্যু হয়, তাহা পশ্চাৎ
লেখা যাইতেছে।

আধীনীয় প্রভুশক্তি উন্মূলিত হইলে, আল্‌সিবাই-
ডিস্ আর ইয়ুরোপে বাস করিতে ভরসা করিলেন না;
পারস্তের রাজদরবারে যাইবার মানসে ইয়ুরোপ
পরিত্যাগপূর্ব্বক আশিয়ায় উত্তীর্ণ হইলেন। এদিকে
সেই ত্রিংশৎ ছুরাওয়া অভিযোগ দ্বারা লাইসাওরের
মন্নে এই দৃঢ় বিশ্বাস উৎপাদন করিল যে, আল্‌সিবাই-
ডিস্ যত দিন জীবিত থাকিবেন, তত দিন স্পার্টায়-
সাম্রাজ্য নিরূপদ্রব হইবে না। অতঃপর রাজা আর্জি-
সের নিকটও তাই বলিয়া অভিযোগ করিলে স্বভাবতঃ
আল্‌সিবাইডিসের বিষম বিদ্বেষী নরপতি অ্যাজিস্
আরো জলিয়া গিয়া লাইসাওরকে এই বলিল পাঠা-

ইলেন, যে যথাসাধ্য আল্‌সিবাইডিস্কে নিহত করিবার চেষ্টা করুন। অনন্তর লাইসাণ্ডর এইরূপ রাজাজ্ঞা প্রাপ্ত হইয়া, আল্‌সিবাইডিস্ যথায় আছেন, সেই প্রদেশের পারসীক শাসনকর্ত্তা ফার্নাবেজসের নিকট আল্‌সিবাইডিসের প্রত্যর্পণের জন্য আবেদন করিলে তিনি সম্মত হইয়া, আল্‌সিবাইডিস্ নিজ পত্নী টিমেন্দ্রার সহিত যে গ্রামে আছেন, তথায় কতকগুলি সৈন্য পাঠাইয়া দিলেন ; কিন্তু পারসীক সৈন্যেরা তাঁহার সম্মুখীন হইয়া যুদ্ধ করিতে সাহসী না হইয়া তদীয় গৃহে অগ্নি সংযোগ করিয়াছিল। আল্‌সিবাইডিস্ এক হস্তে তরবারি এবং অন্য হস্তে কৃষ্টি গ্রহণপূর্বক অগ্নির মধ্য দিয়া বেগে গৃহ হইতে বহির্গত হইলে, অপদার্থ আক্রমণকারীরা তাঁহাকে বেষ্ঠনপূর্বক মারিয়া ফেলিল। কেহ কেহ তাঁহার মৃত্যুর বিষয় ভিন্ন-প্রকার বর্ণন করিয়া থাকেন এবং তাহাই অধিক সম্ভবপর বলিয়া বোধ হয়। তাঁহার এক উপপত্নী ছিল, তাহার ভাতারা বংশের এই কলঙ্কে আন্তরিক ক্রুদ্ধ হইয়া আল্‌সিবাইডিসের গৃহে আগুণ দিয়া তাঁহাকে মারিয়া ফেলে।

দশম অধ্যায় ।

সাইরসের সংগ্রামযাত্রা ।

আথেন্সের ত্রিংশৎ নরপতির উন্মূলনের পর কিছু দিনের জন্য গ্রীস্দেশ নিরুপদ্রব হইয়াছিল। এই সময় এক দল গ্রীক্‌সৈন্য পারসীক সাম্রাজ্যের অভ্যন্তরে প্রবিষ্ট হইয়া পারসীকদিগের সহিত এক সংগ্রামে ব্যাপ্ত হয়, এবং যুদ্ধে অক্লান্ত হইয়া দেশে প্রত্যাগমন করে ; কিন্তু তাহারা তাহাতেই পারসীকদিগকে নিতান্ত অপদার্থ বলিয়া বুঝিতে পারিয়াছিল। পরে দৃষ্ট হইবেক যে, এই সংস্কার গ্রীক্‌দেশের পক্ষে বিলক্ষণ ফলোপধায়ক হইয়াছিল।

পারস্যের অধিপতি ডেরায়সের দুই পুত্র ছিলেন, জ্যেষ্ঠের নাম আর্টাজাক্সিস্, এবং কনিষ্ঠের নাম সাইরস্। পিতার পরলোকের পর জ্যেষ্ঠ আর্টাজাক্সিস্ পিত্রসিংহাসনে আরোহণ করিয়া কনিষ্ঠ সাইরসকে আশ্রয়িত উপকূলের শাসনকর্তা নিযুক্ত করিয়া পাঠান। সাইরস্ এখন জ্যেষ্ঠকে পদচ্যুত করিয়া স্বয়ং রাজা হইবার বাসনায় জ্যেষ্ঠের সহিত বিবাদে প্রবৃত্ত হইলেন ; এবং গ্রীক্‌সৈন্যদিগকে সর্ব্বাঙ্গপূর্ণ সমরনিপুণ জানিয়া, কোশলে প্রায় ত্রয়োদশ সহস্র গ্রীক্‌ ভূতিগ্রাহীসৈন্য সংগ্রহ করি-

লেন, কিছু দিন পরেই সমরযাত্রার মানসে উহাদিগকে আত্মসম্মান পূর্বক স্বয়ং উহাদিগের এবং বহুসংখ্যক আশিয়িক সৈন্যের সৈন্যপত্নী গ্রহণ করিয়া পার্শ্ব-
তীয় পাইসীডীয়দিগের দমনচ্ছুলে যাত্রা করিলেন :
যাহারা মধ্যে মধ্যে তৃতীয় অধিকারে প্রবেশপূর্বক
উপদ্রব করিত। যাহা হউক, টিসাকার্ণিস্ সাইরসের
এইরূপ সমারোহে রণযাত্রা দেখিয়া, তাঁহার যে কোন
প্রকার উচ্চ আশয় আছে, তাহা স্পষ্ট বুঝিতে
পারিয়া সত্ত্বর সূমা গমনপূর্বক রাজাকে সতর্ক থাকিতে
বলিয়া আসিলেন।

কিন্তু সাইরস্ টিসাকার্ণিস্কে নিজব্যাপারে সন্দি-
হান জ্ঞান করিয়া, পাইসীডীয়দিগের আক্রমণে বিরত
হইয়া, যে পথে যাত্রা করিলে মিলীসিয়ার অভ্যন্তর
হইয়া সীরিয়া এবং হউফেটিস্ নদীতীরে উপস্থিত
হওয়া যায় সেই পথ অবলম্বনপূর্বক সত্ত্বর মিলীসিয়াভি-
মুখে সসৈন্যে যাত্রা করিলেন। এখন গ্রীকসেনারা
সাইরসের অভিসন্ধির প্রতি সন্দিহান হইয়া তাঁহাকে
জিজ্ঞাসা করিল, “আপনি সত্ৰাটের প্রতিকূলে যাত্রা
করিতেছেন যদি এমন হয়, তবে আমরা প্রতিনিবৃত্ত হই।”
তাঁহাদের অধ্যক্ষ, ক্লিয়ার্কস্ নাকি সাইরসের অভি-
সন্ধিতে সংশয় ছিলেন, এজন্য তিনি সৈন্যদিগের
গমনাসম্মতি প্রবেশে, অগ্রসর হইবার নিমিত্ত তাহা-
দিগকে অতিশয় নির্বাক করিলে, সৈন্যেরা তাঁহার
প্রতি ক্রুদ্ধ হইয়া প্রস্তরাঘাত দ্বারা তাঁহার প্রাণবিনাশ

- চেপ্টা করিলে তিনি পলায়ন করিলেন। কলতঃ সাই-
বন্ উপস্থিত বিভাট দেখিয়া গ্রীকসেনার নিকট, এই
ভান করিয়া বলিলেন, আমি সম্রাটের সহিত যুদ্ধ করিতে
যাইতেছি ম, ইয়ুফ্রেটিস্ নদীর কূলে আমার যে এক জন
গুট শত্রু আছে, তাহার দমনের জন্য যাইতেছি।
অতএব তোমরা নিঃশঙ্কচিত্তে চল, আমি তোমাদিগের
• বেতন বৃদ্ধি করিয়া দিব।" এইরূপ স্তোভ ও প্রলো-
ভন দ্বারা তাহাদিগকে আবর্জিত করিলেও তাহা-
দিগের মন হইতে ঐ সন্দেহ দূরীভূত হইল না।

সৈন্যগণ সিলিসীয় বহির্দ্বার-নামক সংকীর্ণ পথ
অবাধে অতিক্রম করিয়া সীরিয়ায় প্রবেশ করিল।
• তথা হইতে নিরন্তর গমন করিয়া ইয়ুফ্রেটিসের তীরবর্তী
থাপ্সেকস্ নগরে উপস্থিত হইল। সাইরস্ তথায় গ্রীক-
সৈন্যধ্যক্ষদিগকে আহ্বান করিয়া কহিলেন, “আমি
পারসীকরাজ আর্টাক্সিস্ স্কে আক্রমণ করিতে যাই-
তেছি, অতএব তোমরা আপন আপন সৈন্যদিগকে
বলিয়া তাহাদের মত করাও।” অনন্তর সেনাপতিরা
আপন আপন সৈন্যদিগের নিকট সাইরসের মনোগত
• ভাব বঞ্চে করিলে, তাহারা সেনাপতিদিগের প্রতি
অতিশয় ক্রুদ্ধ হইল, এবং স্পষ্টাক্ষরে অধিক বেত-
নের দাওয়া করিয়া বসিল। অনন্তর সেনাপতিরা
অধিক বেতনের প্রার্থনা জানাইলে, সাইরস্ কহি-
লেন, বারিলনে পৌঁছিয়া সকলকে কিছু কিছু প্রা-
• ত্যক্ষিক দিবেন; এবং পুনর্বার উপকূলে পৌঁছিয়া

তাহাদের সম্পূর্ণ বেতন বৃদ্ধি করিয়া দিবেন। তখন তাহারা যাইতে সম্মত হইল ; এবং ইয়ুফ্রেটিসের তীরে উপস্থিত হইয়া যেখানে এক বৃকের অধিক জল ছিল না, সেই স্থান দিয়া নদী উত্তীর্ণ হইল। গ্রীকদিগকে পদব্রজে নদী পার হইতে দেখিয়া থাপ্পেসকম্বাসীরা বিস্ময়াপন্ন হইল। কারণ তাহাদিগের এই স্থির সিদ্ধান্ত ছিল যে, উক্ত নদী অতিগভীর এবং নৌকা ব্যতিরেকে পার হওয়া যায় না।

অধুনা সৈন্যগণ নদীর বামপার্শ্ব দিয়া দক্ষিণাভিমুখে চলিল ; যাইতে যাইতে তাহাদিগকে যে সমস্ত স্থান অতিক্রম করিতে হইল, তাহা নিরবচ্ছিন্ন সমতল বালুকাময় মরুভূমি ; তথায় একটা ঘাস বা বৃক্ষ কিছুই ছিল না ; শুদ্ধ স্থানে স্থানে ভয়ঙ্কর ভয়ঙ্কর গুল্ম ছিল। গ্রীকেরা জন্মাবচ্ছিন্ন কখন বন্যগর্দভ, কুহুমার বা অথ্রিস্, যুগ প্রভৃতি জন্তু সকল দেখে নাই। এই স্থানে অদৃষ্ট পূর্ব্ব সেই সকল জন্তু যথেষ্ট অবলোকন করিয়া সানন্দচিত্তে যুগয়া করত সকল জন্তুই শীকার করিল, কেবল অথ্রিস্ শীকার করিতে পারিল না। কারণ তাহারা এত দৌড়িতে পারে যে, ঘোটকদিগকেও অতিবর্তন করিয়া যায়।

রাজা বাবিলনের নিকটে আছেন, এইরূপ জনরব শুনিয়া সাইরসের সৈন্তেরাও বহুদিন ব্যাপিয়া ক্রমিক ভ্রমণে যাত্রা করিল। পরিশেষে যখন সাইরস বুঝিলেন যে, তিনি রাজ-অনীকিনীর নিকটবর্তী হইয়া

ছেন, তখন তিনি সমস্ত সৈন্য একত্র সমবেত করিয়া সংখ্যা করিয়া দেখিলেন যে, গ্রীকসৈন্য প্রায় ত্রয়োদশ সহস্র এবং আশিরিকসৈন্য এক লক্ষ, আর তরবারিযুক্ত রথ বিংশতিমাত্র হইল। প্রবাদ আছে এই সংগ্রামে পারসীকরাজের দশলক্ষ বিংশতি সহস্র সৈন্য সনাগত হইয়াছিল; এতদ্ব্যতীত তরবারিযুক্ত রথ দুইশত এবং শরীর রক্ষক ছয় সহস্র ছিল। কিন্তু উল্লিখিত সৈন্যের চতুর্থাংশ সৈন্যও কার্যকালে উপস্থিত হইতে পারে নাই।

সত্রাট্, সাইরুসের আগমন নিবার্ণার্থ পূর্বেই টাইগ্রিস্ হইতে ইরুফ্রেটিস্ পর্যন্ত এক জলপূর্ণ পরিখা খনন করাইয়া ছিলেন। সাইরুসের সেনা ক্রমিক অগ্রসর হইয়া পরিশেষে ঐ পরিখাপ্রান্তে উপস্থিত হইয়া দেখিল, উক্ত পরিখা পার হইবার জন্য প্রায় ত্রয়োদশ হস্ত পরিমিত একটা মাত্র সংকীর্ণ পথ ইরুফ্রেটিসের দিকে উদ্ঘাটিত আছে। কিন্তু ঐ পথ রক্ষার নিমিত্ত তৎকালে কোন রক্ষক নিযুক্ত ছিল না; সুতরাং সাইরুসের সৈন্যেরা তদ্বারা পরিখা পার হইয়া পড়িল। তৃতীয় দিবসে যখন সাইরুস কতকগুলি শরীররক্ষক সৈন্যে পরিবৃত্ত হইয়া শকট-রোহণে গমন করিতেছিলেন, এবং তদীয় সৈন্যগণ বিনা অস্ত্রে ছত্রভঙ্গ হইয়া গমন করিতেছিল, এমন সময় একজন পারসীক কর্মচারী, যে সর্বত্র প্রাপ্ত হইয়াছিল, অস্মারোহণে আসিয়া গ্রীক এবং লীটিন

ভাষায় উচ্চৈঃস্বরে বলিল সত্ৰাট্ রণসজ্জা করিয়া সৈন্যে আসন্নপ্রায় হইয়াছেন।

ইহা শুনিয়া সাইরস্ লক্ষ প্রদান পূর্বক শকট হইতে নামিয়া ত্বরায় অশ্বপৃষ্ঠে আরোহণ করিয়া স্বীয় সৈন্যগণকে তৎপর রণসজ্জা করিতে আদেশ করিলেন। আদেশ মাত্র সৈন্যগণ সজ্জিত হইলে, গ্রীকসৈন্যেরা দক্ষিণ পার্শ্ব বিস্তার করিয়া ইয়ুফ্রেটিসের দিকে থাকিল। এদিকে সাইরস্ শত্রুধারী তুরগসৈন্যে পরিবৃত্ত হইয়া মধ্য ভাগে রহিলেন।

কিউনাক্সার সংগ্রাম।

প্রায় মধ্যাহ্নকাল পর্য্যন্ত শত্রুসৈন্যের কোন চিহ্ন দৃষ্টিগোচর হইল না। অপরাহ্নভাগে রণক্ষেত্রের কিছুদূরে শ্বেতাভবৎ ধূলিরাশি উদ্ভীন হইয়া ক্রমশঃ যত সন্মিকৃষ্ট হইতে লাগিল, ততই প্রগাঢ় অন্ধকার মূর্ত্তি ধারণ করিতে লাগিল; এবং তাহার মধ্যদিস্তা অস্ত্রাদির উজ্জলপ্রভা নিগত হওয়াতে বোধ হইল, যেন মেঘের মধ্য হইতে বিদ্যুৎ প্রকাশ পাইতেছে। ক্রমশঃ অধিক নিকটবর্ত্তী হইলে, শত্রুপক্ষীয় অশ্বারোহী এবং পদাতিসৈন্য স্পষ্টরূপে নয়নগোচর হইল। সেই সৈন্যসাগরের মধ্যে রাজকীয় সৈন্যবাহের বামভাগ পারসীক অশ্বারোহী সৈন্যে এবং কৈজিপ্টীয় পদাতি সৈন্যে বিরচিত ছিল, এবং ঐ বাহের সম্মুখ-ভাগ তরুণ বীরযুক্ত রথসমূহে সুরক্ষিত ছিল; টিসাফা-

নিম্ন তাহার রক্ষণে নিযুক্ত ছিলেন। তাঁহার উপর শুদ্ধ গ্রীক সৈন্য নিবারণের ভারপণ ছিল। এদিকে সাইরস্ অশ্বপৃষ্ঠে আত্মা হরণ করিয়া জনেক অনুবাদক সমভিব্যাহারে গ্রীকসৈন্যের মধ্যে প্রবেশপূর্বক ক্লিয়াক্সস্কে রাজরক্ষিত সৈন্যবৃহৎ অতর্ভেদ করিতে আদেশ করিয়া বলিলেন, যদি বাহুমধ্যবর্তী রাজাকে পরাস্ত করিতে পারেন, তবে নিশ্চয় জয়লাভের সম্ভাবনা। কিন্তু ক্লিয়াক্সস্ তাঁহার প্রস্তাবে সম্মত না হইয়া বলিলেন “রাজকীয় বলবিন্যাস যেরূপ বিস্তৃত দেখিতেছি, এই অল্প সৈন্য লইয়া তাহার মধ্যভেদ করিতে চেষ্টা করিলে কোন ফল দর্শিবেক না, বরং বিপদ ঘটবারই অধিক সম্ভাবনা থাকিবেক ; অতএব এই নদীতীরে অবস্থিতি করা আমাদের মতে কর্তব্য বলিয়া বিবেচনা হইতেছে ; অথবা যাহাতে ভাল হয়, তাহা করিতে সাধ্যপক্ষে ক্রটি করিব না ; আপনি নিশ্চিন্ত হইয়া স্বকার্য্যে প্রবৃত্ত হউন।” ইহা শুনিয়া সাইরস্ তথাস্ত বলিয়া চলিয়া গেলেন।

অনন্তর ভূতিভোগী গ্রীকসৈন্যেরা বিপক্ষসৈন্যকে অর্দ্ধক্রোশান্তরে উপস্থিত দেখিয়া উচ্চৈঃস্বরে রণধ্বনি করত অগ্রসর হইতে আরম্ভ করিল ; এবং শত্রুপক্ষীয় অশ্বগণকে ভয়প্রদর্শন করিবার মানসে গভীর গজ্জন এবং ঢালের উপর বর্ষাঘাত করত অভি-
মুখে ধারমান হইল ; পরন্তু একটাও শরপত না হইতেই তাহাদের অভিপ্রায় সিদ্ধ হইল, পারসীক সৈন্যেরা-

হীগণ দ্রুতবেগে পলাইতে লাগিল এবং শকটবৃন্দ নিজ নিজ সারথী পরিত্যাগ পূর্বক বিত্রস্ত হইয়া কতক বা স্বপক্ষ সৈন্যের, এবং কতক বা বিপক্ষ সৈন্যের মধ্য দিয়া পলায়ন আরম্ভ করিল । এইরূপে জয়ন্তী গ্রীক-দিগের পক্ষপাতিরা হইলে সাইরস্ আনন্দে পরিপূর্ণ হইলেন এবং সাইরসের পার্শ্ববর্তী জনসমূহ সাইরসকে রাজা বলিয়া প্রণাম করিল । সাইরস্ রাজাকে নিজ সৈন্যের দক্ষিণ পার্শ্ব মধ্যভাগ দ্বারা পরিবর্তিত করিতে দেখিয়া এই বিবেচনা করিলেন যে, হয় ঘুরিয়া আসিয়া তাঁহাকে বেষ্টিত করিবেন, নয় গ্রীকসৈন্যের পশ্চাদ্ভাগে উপস্থিত হইয়া তাহাদিগকে বিনষ্ট করিবেন এজন্য তিনি ছয় শত মাত্র শরীর-রক্ষক সমভিব্যাহারে তাঁহার সন্মুখীন হইয়া ছয় সহস্র রাজ-শরীর-রক্ষকদিগকে আক্রমণ পূর্বক তাহাদের অধ্যক্ষকে নিহত করিলেন ; এবং তদীয় অনুচরগণের অনেকেই আক্রান্ত শত্রুদিগের অনুসরণে প্রবৃত্ত হইয়া ছত্রভঙ্গ হইয়া পড়িল ; অতঃপরে মাত্র তাঁহার সঙ্গে থাকিল । এখন সাইরস্ রাজাকে দেখিতে পাইয়া, “ ঐ রাজা ” “ ঐ রাজা ” বলিয়া তদভিমুখে বেগে ধাবমান হইয়া বর্শা দ্বারা তদীয় বক্ষঃস্থলে আঘাত করিলে সেই মুহূর্ত্তেই তদীয় অন্যতর নেত্র আহত হইল ; তথাপি তিনি এবং তৎসমভিব্যাহারী লোকেরা সাহসপূর্বক যুদ্ধ করিতে আরম্ভ করিয়া পরিশেষে সমরশায়ী হইলেন । তৎকালে সমরশায়ী ব্যক্তির মস্তক এবং দক্ষিণ হস্ত

কাটিয়া ফেলা পারস্তের রীতি 'ধাকায়, তৎক্ষণাৎ সাইরসের মস্তক এবং দক্ষিণ হস্ত কাটিয়া ফেলিল।

অনন্তর রাজা সাইরসের ছাউনি লুণ্ঠ করিবার মানসে অগ্রসর হইতে লাগিলেন। এতদ্বশত, সাইরসের সৈন্যের বামকক্ষ রক্ষণে নিযুক্ত আরিয়স্ আক্রমণ নিবারণের কোন চেষ্টা না করিয়া পলায়ন পূর্বক পূর্ববর্ত্তে সৈন্যেরা যে স্থান আশ্রয় করিয়াছিল সেই স্থানে প্রতিনিবৃত্ত হইলেন। আর্টাক্সার্কিস্ এখন অবাধে সাইরসের ছাউনি লুণ্ঠন ও দধ্ব করিতে লাগিলেন। রণক্ষেত্রে শুদ্ধ গ্রীক্ সৈন্যমাত্র রহিল 'এবং তাহার টিসাকার্নিসের সৈন্যের অনুসরণে প্রবৃত্ত হইয়া যখন জানিতে পারিল যে, রাজসেনা সাইরসের ছাউনি লুণ্ঠ করিতেছে, তখন তাহার পূর্ব অনুসরণে ক্রান্ত ও শ্রেণীবদ্ধ হইয়া লুণ্ঠনকারীদিগের আক্রমণার্থ প্রস্তুত হইল। নদী তাহাদের পশ্চাতে রহিল। গ্রীক দিগকে প্রস্তুত দেখিয়া পারসীক সৈন্যাধ্যক্ষেরাও সৈন্য ফিরাইয়া আক্রমণার্থ অগ্রসর হইতে লাগিল ; কিন্তু যখন গ্রীকেরা সমরধ্বনি পূর্বক সংগ্রামে ব্যাপ্ত হইল, তখন আর অগ্রসর হইতে সাহসী না হইল। দ্রুত বেগে পলায়ন করিতে আরম্ভ করিল। গ্রীকেরাও তাহাদের অনুসরণে প্রবৃত্ত হইয়া, যেখানে ঢালের উপর ঢাল লেখা রাজার এক সৌবর্ণ পতাকা উদ্ভীন ছিল, সেই স্থানের সম্মিহিত হইলে, পতাকা রক্ষণে নিযুক্ত অস্থারোহীরা গ্রীকদিগকে নিকটবর্তী দেখিয়া পলায়ন

করিল। গ্রীকেরা সূর্য্যাস্ত সময়ে এক পর্ব্বতের পাদদেশে অস্ত্রশস্ত্র পরিত্যাগ পূর্ব্বক ক্ষণকাল বিশ্রাম করিতে লাগিল, এবং একাল পর্য্যন্ত সাইরসের কোন সংবাদ না পাইয়া বিম্বিত হইল। কিন্তু আবার ভাবিল, হয়ত সাইরস শত্রুর অনুসরণে ব্যাপ্ত থাকিয়া জয়লাভের আশায় পরিভ্রমণ করিতেছেন। এই বিবেচনা করিয়া, বিশ্রামের পর সেনানিবেশে প্রত্যাগমন করিয়া দেখিল, শত্রুরা যাবতীয় খাদ্যসামগ্রী লুণ্ঠ করিয়া লইয়াছে। সুতরাং তাহাদিগকে সে রাত্রি অনাহারেই অতিবাহিত করিতে হইল। রাজসেনা আসিয়া তাহাদিগকে আক্রমণ করাতো, দিবসেও আহার হয় নাই। এইরূপে যুদ্ধ সমাপ্ত হইলে, এই যুদ্ধ কিউনাক্লা-নামক স্থানে পর্য্যবসিত হইয়াছিল, একারণ এই সংগ্রাম কিয়ুনক্লীয় সংগ্রাম বলিয়া প্রসিদ্ধ হইল।

রাজা এবং গ্রীকদিগের পণ নির্দ্ধারণ বিষয়ক কথোপকথন ।

পর দিবস গ্রীকেরা সাইরসের অনুসন্ধানে যাত্রা করিবার উদ্দেশ্য করিতেছে এমন সময়, আরিয়গের নিকট হইতে এক জন দূত আসিয়া সাইরসের ষ্ট্রুতা সংবাদ দিয়া কহিল “ সেনাপতি আরিয়স্ উপকূলে কিরিয়া যাইবার মানস করিয়াছেন এবং আজিকার দিবস তোমাদের অপেক্ষা করিবেন ; যদি তোমাদের ইচ্ছা হয়, তবে যাইয়া তাঁহার সহিত মিলিত হও। ”

ক্লিয়াক্স্ এই প্রস্তাবের কোন উত্তর না দিয়া, শুদ্ধ এই বলিয়া পাঠাইলেন যে, “গ্রীকেরা জয়লাভ করিয়াছে, এখন যদি আরিয়স্ ইচ্ছা করেন, তবে অনাসিসেই . পারস্যের সিংহাসন অধিকার করিতে পারেন।” ক্লিয়াক্স্ এই কথা বলিতেছেন এমন সময় সম্রাটের নিকট হইতে একজন দূত আসিয়া বলিল “সম্রাটের আদেশ হইয়াছে যে তোমরা অস্ত্র শস্ত পরিত্যাগ পূর্বক তাঁহার শরণাগত হও।” ক্লিয়াক্স্ আর্টাক্সিসের এই সাহস্কার প্রস্তাব গ্রহণ করিয়া বলিলেন “আমরা সম্রাটের একপ প্রস্তাবে সম্মত হইতে পারিনা, তবে যদি তিনি আমাদের বেতন দিতে স্বীকৃত হন, তাহা হইলে সম্মত হইতে পারি।” অনন্তর আরিয়স্ দূত দ্বারা বলিয়া পাঠাইলেন যে তাঁহার রাজ্য হইবার ইচ্ছা নাই, অতএব তাহারা অশ্লিষ্ট আসিয়া তাঁহার সহিত মিলিত হউক। তদনুসারে ক্লিয়াক্স্ সজ্জার পর যাত্রা করিয়া রাত্রি দুইপ্রহরের সময় আরিয়সের ছাউনিতে উপস্থিত হইলেন। পরে তাঁহার সহিত সত্যস্থাপন পূর্বক তদীয় সৈন্যের সহিত মিলিত হইয়া প্রভাতে উপকূলভিমুখে যাত্রা করিলেন। কিন্তু আগমন কালে যে পথে আসিয়াছিলেন প্রত্যাগমন কালে সে পথে না যাইয়া উভয় সেনা ভিন্ন পথ অবলম্বন করিলে এবং সজ্জা হইলে যে সকল গ্রামে থাকিয়া রাজ্যস্থাপন করিবার মানস করিয়াছিল, তথায় উপস্থিত হইয়া দেবিল, রাজ-সৈন্যেরা অগ্রেই-~~দেই~~ লুণ্ঠ

করিয়া অগ্নিসংযোগ দ্বারা ছার খার করিয়া গিয়াছে। এতদর্শনে, রাজসেনা নিকটেই আছে, এই বিবেচনা করিয়া অতিশয় ভীত হইল। পরদিন সূর্যোদয়কালে সম্রাটের নিকট হইতে সন্ধিসংস্থাপনের সংবাদ লইয়া একজন দূত আসিল। রাজদূতের আগমন বার্তা শুনিয়া ক্লিয়র্কস্ বহিঃস্থিত রক্ষকদিগকে বলিয়া পাঠাইলেন যে, তিনি সংবাদ না দিলে যেন দূতকে প্রবিষ্ট হইতে না দেওয়া হয়। ইতিমধ্যে তিনি বঞ্চনা করিবার মানসে কতকগুলি রূপবান পুরুষকে অস্ত্র শস্ত্রে বিভূষিত ও অগ্রে সংস্থাপিত করিয়া সৈন্যবিন্যাস পূর্বক দূতদিগকে আহ্বান করিয়া বলিলেন, “মদীয় সৈন্যেরা অনাহারে প্রাণত্যাগ করিতেছে, অতএব অগ্রে তাহাদের আহারের অনুষ্ঠান না হইলে, কোন বিষয়েরই নিষ্পত্তি হইবেক না।” দূতেরা তৎক্ষণাৎ চলিয়া গেল এবং ক্ষণকাল পরেই ফিরিয়া আসিয়া বলিল “যদি রাজার সহিত সন্ধি করেন, তবে সৈন্যেরা আমাদের সঙ্গে আসুক; আমরা প্রচুর খাদ্যপূর্ণ গ্রামে লইয়া যাইতেছি।” গ্রীকেরা তাহাতেই সন্মত হইল, এবং যেখানে খেজুর তাড়ি প্রভৃতি প্রচুর খাদ্য সামগ্রী পাওয়া যায়, সেই সেই গ্রামে নীত হইল। তথায় তিন দিবস অবস্থিতি করিলে পর, টিসাকার্নিস্ চারিজন ভদ্র পারসীক সমভিব্যাহারে তাহাদের নিকট উপস্থিত হইয়া বন্ধুতার ভান করিয়া বলিলেন “আমি অধ্যস্থ; কি কারণে আপনারা সম্রাটের

সহিত বিরোধ উপস্থিত করিতেছেন, তাহা জিজ্ঞাসার দ্বারা রাজা আমাকে পাঠাইয়াছেন।” ক্লিয়াক্স্ কহিলেন “রাজার সহিত বিরোধ করিবার আমাদের কিছুমাত্র ইচ্ছা ছিল না; শুদ্ধ সাইরস্ প্রবঞ্চনা করিয়া আমাদেরকে এই কৰ্ম্মে প্রবৃত্ত করাইয়াছিলেন; প্রথমেই জানিতে পারিলে আমরা কদাচ রাজার সহিত বিরোধে প্রবৃত্ত হইতাম না। পরে যখন জানিতে পারিলাম তখন ফিরিয়া যাইতে উদ্যত ছিলাম, কিন্তু সাইরসের অনেক অনুরোধ থাকিতে হইয়াছিল। এক্ষণে যদি তোমরা অত্যাচার না কর, তবে আমরা নিরুপদ্রবে দেশে ফিরিয়া যাই।” ক্লিয়াক্সের এই কথা শুনিয়া পারসীকেরা সে দিবস চলিয়া গেলেন। তিন দিবস পরে টিসাফার্নিস্ পুনর্বার আসিয়া কহিলেন “রাজা আমাকে কিছুতেই বিদায় দিতে চাহেন নাই, অনেক কষ্টে বিদায় লইয়া আসিয়াছি। এক্ষণে আমি উপকূল পর্য্যন্ত আপনাদের সঙ্গে যাইব এবং পথে সৈন্যদিগের আহার সামগ্রীর আয়োজন করিয়া দিব; তাহা হইলে প্রজাদিগেরও কোন অনিষ্ট হইবেক না, স্বাপ্ননারাও সুখে যাত্রা করিতে পারিবেন।” পরে উভয় পক্ষেই শপথ করিলে টিসাফার্নিস্ রাজার নিকট ফিরিয়া আসিয়া গমনের অনুষ্ঠানে প্রবৃত্ত হইলেন।

প্রধান প্রধান কর্মচারীদিগের অবারাধ এবং বিনাশ।

টিসাকার্নিস্ স্থায়ী সৈন্য এবং আরিয়সের যাবতীয় সৈন্য সমভিব্যাহারে বিংশতি দিবসের পর গ্রীক্শি বিরে উপস্থিত হইয়া তাহাদিগের সহিত উপকূলভিত্তিতে যাত্রা করিলেন। গ্রীকেরা টিসাকার্নিসের এতাবৎ কাল বিলম্ব দর্শনে, আরিয়স্ ও রাজা উভয়ে মিলিয়া যে চক্রান্ত করিয়াছিলেন, তাহা বুঝিতে পারিয়া ক্লিয়াক্সের নিকট আপনাদের পলায়নের প্রস্তাব করিয়াছিল। কিন্তু ক্লিয়াক্স, তাহা নিতান্ত অসম্ভব বলিয়া উড়াইয়া দিলেন, হুতরাং তাহার ক্রান্ত ছিল। ফলতঃ এখন তাহারা যে একেবারেই নিশ্চিন্ত ছিল, এমন নহে; প্রত্যহ রাত্রে পারসীকদিগের ছাউনি হইতে অনেক দূরে ছাউনি শ্রবণ থাকাইত। যাহা ইউর্ক, টিসাকার্নিস্ এবং রাজা, গ্রীকদিগকে পক্ষসম্মতের অভ্যন্তরে লইয়া গিয়া তাহাদিগকে আর গ্রীসে ফিরিয়া যাইতে না দিবার অভিসন্ধি থাকায়, উপকূল যাইবার প্রকৃত পথে না যাইয়া টাইগ্রীসাত্তিমুখে লইয়া যাইতে লাগিলেন।

গ্রীকেরা টাইগ্রীস্ উত্তীর্ণ হইয়া মীডিয়ায় উপস্থিত হইলে, টিসাকার্নিস্ গ্রীকদিগকে রাজ্যী কুইন্-মদারের অধিকারভুক্ত কতিপয় পল্লীগ্ৰাম লুণ্ঠ করিতে আদেশ করিলেন। কুইন্মদার সাইরসের জননী। সাইরসের প্রতি জননীর বিশেষ পক্ষপাত থাকায় টিসাকার্নিস্ তাহার প্রতি জাতক্ৰোধ ছিলেন। অতঃপর

গ্রীকেরা জাব্-নামক নদী উত্তীর্ণ হইয়া তিন দিবস তথায় বিত্রাম করিল। এক্ষণে পারসীকদিগের সহিত গ্রীকদিগের যে আন্তরিক অসম্ভাব ছিল, তাহা ক্রমশঃ প্রকাশ্য পাইতে আরম্ভ করিয়া বিবাদের সূত্রপাত হইতে লাগিল। ক্রিয়াকর্ম্ উভয় জাতির আন্তরিক অসম্ভাব জানিতে পারিয়া, তন্নিবারণার্থ টিসাকার্নিসের সহিত সাক্ষাৎ করিবার প্রার্থনা জানাইলে, টিসাকার্নিস্ তাঁহার প্রার্থনায় সম্মত হইলেন। ক্রিয়াকর্ম্ যাইয়া তাঁহার সহিত সাক্ষাৎ করিয়া সসৈন্যে রাজার কার্য্যে প্রবিষ্ট হইবার কথা পুনরুত্থাপন করিলেন। টিসাকার্নিস্ ক্রিয়াকর্ম্‌সের প্রস্তাবে সম্মত হইয়া আত্মাদপ্রকাশপূর্ব্বক তাঁহাকে এবং অন্যান্য প্রধান প্রধান কর্ম্মচারীদিগকে নিমন্ত্রণ করিলেন; এবং বলিলেন, “সকলে একত্র সমবেত হইলে সমস্ত রূডান্ত খুলিয়া বলিবেন;” এই বলিয়া একত্র ভোজন করিবার নিমিত্ত সে রাত্রি ক্রিয়াকর্ম্‌কে আটক করিয়া রাখিলেন। পর দিবস ক্রিয়াকর্ম্ স্থায় শিবিরে আগমন পূর্ব্বক প্রধান কর্ম্মচারীদিগকে আহ্বান করিলেন, এবং পূর্ব্ব রাত্রে টিসাকার্নিসের সহিত যেকপ কথোপকথন হইয়াছিল, সমস্ত বলিলেন। পরে তাঁহাদিগকে টিসাকার্নিসের উপকার্য্যায় গমন করিয়া আহারাদি এবং আমোদ প্রমোদের জন্য যেকপ নির্ব্বন্ধ করিতে লাগিলেন, তাহাতে সকলেরই বিলক্ষণ বিবেচনা হইল যে, টিসাকার্নিসের উপর তাঁহার সম্পূর্ণ বিশ্বাস জন্মিয়াছে। কিন্তু তাহা-

দের কেহই শুদ্ধ টিসাফার্নিসের কথায় বিশ্বাস করিতে সাহসী না হইয়া বিনা সৈন্যে যাইতে অসম্মত হইল। তথাপি ক্লিয়ার্কস্ অনেক কষ্টে তাঁহাদের সম্মতি করাইয়া পাঁচ জন প্রধান পুরুষ, কুড়ি জন কাপ্তেন এবং দুই শত সৈন্য সমভিব্যাহারে পারসীক স্কাবাবে যাত্রা করিলেন।

তাহারা টিসাফার্নিসের নিবেশ-ভূমিতে পদার্পণ করিবামাত্র সৈন্যাধ্যক্ষেরা তদীয় পটভবনের অভ্যন্তরে নীত হইলেন, এবং অন্যান্য সকলেই বাহিরে দণ্ডা-মান থাকিতে আদিষ্ট হইল। কিছু পরেই পারসীকেরা সঙ্কত করিলে, তৎক্ষণাৎ সৈন্যাধ্যক্ষেরা ধৃত হইলেন, এবং বহিঃস্থিত অন্যান্য লোকেরাও অবরুদ্ধ হইয়া বিনষ্ট হইল। ঠিক এই সময় কতকগুলি অশ্বারোহীকে এই অভিপ্রায়ে পাঠাইয়া দিল যে, তাহারা সম্মুখে যাহাকে পাইবে তাহাকেই বিনষ্ট করিবেক। গ্রীকেরা ছাউনি হইতেই সমস্ত ব্যাপার অবলোকন করিয়া ইতিকর্তব্যতা বিমূঢ় হইয়া পড়িল। অবশেষে যাহারা সেনাপতিদিগের সহিত পারসীক-শিবিরে গমন করিয়াছিল, তাহাদের মধ্যে আহু এক জন কোনরূপে পলায়নপূর্বক উক্ত ঘটনা সমস্ত স্বপক্ষ-দিগকে নিবেদন করিলে, গ্রীকেরা আক্রান্ত হইবার আশঙ্কায় অস্ত্রশস্ত্রের সহিত সজ্জীভূত হইয়া থাকিল। ক্ষণকাল পরেই আরিয়স্ তিন শত অশ্বারোহী সৈন্য সমভিব্যাহারে আসিয়া স্কাবাবে প্রবিষ্ট হইলেন,

এবং সকলকেই কর্ণপাত করিতে আদেশ করিয়া বলিলেন, “ দুই জন সেনাপতির এজাহারে ক্লিয়ার্কেসের বিশ্বাসঘাতকতা সপ্রমাণ হওয়াতে তাঁহার প্রাণদণ্ড হইয়াছে, আর তাহার সত্ৰাটের অতিশয় প্রীতিভাজন হইয়াছে । সাইরস্ রাজভৃত্য, তোমরা সেই সাইরসের ভৃত্য ; অতএব তোমাদের প্রতি সত্ৰাটের সম্পূর্ণ অধিকার থাকায়, তোমাদিগের প্রতিও সত্ৰাটের অস্ত্র শস্ত্র পরিত্যাগের আদেশ হইয়াছে । ”

যাহা হউক, গ্রীকেরা আরিয়সের বিশ্বাসঘাতকতা-নিবন্ধন তাঁহাকে ষৎপরোনাস্তি ভৎসনা করত এই বলিয়া নিরস্ত হইল যে, যে সকল সেনাপতিরা ক্লিয়ার্কস্কে দোষী করিয়াছে, পারসীকেরা তাহাদিগকে অবিলম্বে পাঠাইয়া দেউক । ইহা শুনিয়া পারসীকেরা চলিয়া গিয়া পাঁচ জন গ্রীকসেনাপতিকে রাজার নিকট পাঠাইয়া দিল । রাজাও তাহাদিগের মস্তকচ্ছেদনের আজ্ঞা দিলে, রাজসমক্ষে তাহাদের মস্তকচ্ছেদন করা হইল ।

গ্রীকদিগের পলায়ন ।

সেনাপতিদিগের মৃত্যুসংবাদে গ্রীকেরা ভয়ে কাঁঠবৎ হইয়া গৃহ গমনের আশা ম্লরসা সমস্ত পরিত্যাগপূর্বক চিন্তাসাগরে নিমগ্ন হইল । গ্রীকদিগের বর্ত্তমণ অবস্থা চিন্তা করিলে, হৃৎকম্প উপস্থিত হয় ; একে বিদেশ, তাহাতে পথ ঘাট সমস্ত অপরিচিত,

ও নদী পূর্বত নিতান্ত দুর্গম ; এখন তাহাদের তাদৃশ সৈন্যবল নাই যে, বলপূর্বক প্রতিগমনের পথ আবিষ্কৃত করিতে পারে ; এমন আহার সামগ্রীও নাই যাহা খাইয়া প্রাণ ধারণ করত অন্যান্য পাঁচ শত ক্রোশ অন্তরে অবস্থিত স্বদেশে ফিরিয়া যায় । ফলতঃ সাইরসের পারসীক সৈন্যেরাই তাহাদিগকে এই ঘোর বিপদে পাতিত করিয়াছিল । তাহারা যদি বিশ্বাসঘাতকতা করিয়া তাহাদিগকে পরিত্যাগ না করিত, তাহা হইলে তাহাদের পদাতি সৈন্যবল প্রচুর থাকিত । এই সমস্ত ভাবিয়া চিন্তিয়া প্রায় কেহই সে দিবস সন্ধ্যা পর্য্যন্ত কোন দ্রব্য আশ্বাদ করে নাই, রাত্রে অগ্নি প্রজ্জ্বলিত করে নাই, এবং সমস্ত রাত্রি নিদ্রাও যায় নাই ।

গ্রীক সৈন্যের মধ্যে জিনফন্ নামক কোন ব্যক্তি ছিলেন ; ইনি আথেন্সে জন্মগ্রহণ করেন ; এবং প্রধান বিজ্ঞানশাস্ত্রবেত্তা সক্রেটিসের ছাত্র ও ধর্মমবন্ধু ছিলেন । তিনি অগ্রে সেনাসংক্রান্ত কোন কর্মে নিযুক্ত ছিলেন না । এই প্রথম সেনাপতি প্রক্লিনসের সহিত স্বেচ্ছাপূর্বক অস্ত্রধারণ করিয়া আসিয়াছিলেন । ফলতঃ তিনি আপন সঙ্গুণ ও সচরিত্রতায় সৈন্যদিগের মধ্যে বিশেষ আধিপত্য বিস্তারপূর্বক অতিশয় সম্মান লাভ করিয়াছিলেন । সেই রাতে তিনি এক স্বপ্ন দর্শনে প্রোৎসাহিত হইয়া প্রক্লিনসের সৈন্যবিভাগের কর্মচারীদিগকে মন্ত্রণার্থ আহ্বান

পূর্বক বলিলেন, “কোন মতেই অস্ত্র শস্ত্র পরিত্যাগ পূর্বক শত্রুহস্তে আত্মসমর্পণ না করিয়া বরং আরম্ভক হইলে পথে শত্রুদিগের সহিত সংগ্রামে প্রবৃত্ত হইব, আমার এই মত।” সকলে তাঁহার মত গ্রাহ্য করিয়া অন্যান্য সৈন্যবিভাগের প্রধান কর্মচারীদিগকে আহ্বান পূর্বক উক্ত বিষয়ের প্রস্তাব করিলে, তাঁহারাও তাহাতে সম্মতি প্রদান করিলেন। পরে সকলের অভিপ্রায়মতে পূর্বতন পঁাচজন সেনাপতির পদে আর পাঁচজন নূতন সেনাপতি নিযুক্ত করা হইলে জিনফন্ উহাদের মধ্যে এক জন হইলেন। প্রভাত হইলে নূতন সেনাপতিরা নিজ নিজ বিভাগের সৈন্যদিগকে আহ্বান করিয়া বলিলেন, “তোমরা দৃঢ়তর অধ্যবসায় ও সাহস সহকারে আপন আপন কার্য্য ব্যাপ্ত হইলে, যত কম প্রতিবন্ধক উপস্থিত হউক না, সমস্ত অতিক্রম করিয়া জয়লাভ করিতে সমর্থ হইবে সন্দেহ নাই।” ইহা শুনিয়া সৈন্যগণ শপথপূর্বক সেনাপতিদিগের উপদেশ যথাবদমুপালনে কৃতপ্রতিজ্ঞ হইলে, প্রধান সৈন্যপতির আদেশে লেসিডিমোনিয় কেথিসোফসের উপর ন্যস্ত হইল; নব্যৌবনোদ্ধত জিনফন্ এবং টিমাসন্কে সৈন্যের পশ্চাৎ ভাগ রক্ষায় নিযুক্ত করা হইল। অনন্তর সৈন্যগণ জিনফনের আদেশানুসারে নিতান্ত আবশ্যক বস্তু রাখিয়া তাঁবু, শকট প্রভৃতি বাষটীয় দ্রব্যসামগ্রী ভস্মসাৎ করিল। তাহারা মধ্যাহ্ন করিতে

বসিয়াছে, এমন সময় সাইরসের কর্মচারীদিগের অন্যতম মিথ্রিডেটিস্ নামক এক ব্যক্তি উপস্থিত হইয়া বন্ধুতাব্যপদেশে তাহাদের অভিপ্রায় জিজ্ঞাসা করিলে, গ্রীকেরা স্খাতিপ্রায় ব্যক্ত করিলেন ; ইত্যন্তে মিথ্রিডেটিস্ কিয়ৎ পরিমাণে বিস্মিত হইয়া বলিলেন, “রাজার সম্মতি ব্যতিরেকে একগণ কার্য্য করা কখনই সম্ভব হইতে পারে না ।” যাহা হউক, তাঁহার আকার ইঙ্গিতে গ্রীকেরা তৎক্ষণাৎ তাঁহাকে টিমাফার্নিসের প্রেরিত বলিয়া নিশ্চয় বরিল । পরে যখন জানিতে পারিল যে, মিথ্রিডেটিস্ কুড়িজন সৈন্যের সহিত একজন প্রধান কর্মচারীকে আশ্রসাৎ করিয়াছেন, তখন তাহারা এই প্রতিজ্ঞা করিল যে, তাহারা এই অবধি কোন দূতকে সৈন্যমধ্যে প্রবেশ করিতে দিবে না, বা তাহাদের কোন কথা গ্রাহ্য করিবেক না । এই স্থির করিয়া আহারাভ্যন্তে প্রস্থান করিল । তাহারা কতক দূর যাইলে, মিথ্রিডেটিস্ পুনর্ব্বার কতকগুলি অশ্বসৈন্য এবং পদাতিসৈন্যে পরিবৃত্ত হইয়া উপস্থিত হইলেন । যখন তাহারা প্রতিজ্ঞা বশতঃ তাঁহাকে বন্ধুভাবে গ্রহণ করিল না, তখন তিনি তাহাদের পশ্চাদ্ভাগ আক্রমণগুরুক তাহাদিগকে সমস্ত দিন তর্জ্জন করিতে লাগিলেন । গ্রীকদিগের তুল্যরূপ সৈন্য না থাকায় গ্রীকেরা তাঁহাকে তাড়াইয়া দিতে সমর্থ হইল না ।

সন্ধ্যার সময় কোন স্থানে সম্মিলিত হইয়া অন্যান্য কর্মচারীরা উক্ত দুর্ঘটনার কতকদোষ জিন্ফনের

উপর আরোপ করিলে, তিনি কহিলেন, “ইহাতে আমার কোন দোষ নাই, আমাদিগের অশ্ববল ও লঘু সৈন্য না থাকায় ঐ দুর্ঘটনা উপস্থিত হইয়াছে, অতঃপর যথাসাধ্য উক্তরূপ সৈন্য সংগ্রহে তৎপর ও যত্নবানু হইতে হইবেক।” এই বলিয়া জিনকন্ প্রধান কর্মচারী এবং অন্যান্য লোকদিগের মধ্যে পঞ্চাশ জনকে অশ্বারোহণে নিযুক্ত করিলেন; এবং যাহারা ফিঙ্গা চালাইতে পারে এবং যাহারা ধনুর্দ্ধারণে সমর্থ, এমন কতকগুলি লোককে ফিঙ্গাধারণ এবং ধনুর্দ্ধারণের আদেশ দিয়া তাহাদিগের সমস্ত সজ্জা করিয়া দিলেন। দ্বিতীয় দিবসে যখন মিথ্রিডেটস্ জয় লাভের সম্পূর্ণ আশা করিয়া তাহাদিগকে পুনর্বার আক্রমণ করিতে আসিলেন, তখন তাঁহার লোকদিগের কতক বা তাড়িত, কতক বা আহত হইয়া পলায়ন করিল। সেই দিবস গ্রীকেরা টাইগ্রীসের তীরবর্তী ভগ্নাবশিষ্ট লারিসা-নামক নগর প্রাপ্ত হইল। সেই পুরাণসংবিষয়ে এইরূপ কিস্তদন্তী আছে, মহাবীর সাইরসের রাজত্বকালে মীডীয়দিগের সহিত বিবাদমূলে পারুলীকেরা ঐ নগর আক্রমণ পূর্বক বহুকষ্টে নগরবাসীদিগকে বিনষ্ট করিয়া উক্ত নগর বিধ্বস্ত করিয়াছিল। লারিসা হইতে যাত্রা করিয়া মিপ্সিলা নামক ভগ্নাবশিষ্ট নগরে উপস্থিত হইল। ঐ নগরও পারসীকেরা লারিসা আক্রমণ কালে বিধ্বস্ত করিয়াছিল। তথা হইতে যাত্রা করিয়া কাডুসিয়ার পর্বতময় প্রা-

শের শত্রুদিগের সন্তত আক্রমণে তাহাদের অধিক কালবিলম্ব হইয়াছিল। অতঃপর টিসাকার্নিস্ বহু সৈন্যসহ আবিভূত হইয়া তাহাদিগকে বিরক্ত করত বহু দিন তাহাদের পশ্চাৎ গমন করিয়াছিলেন, কিন্তু সাহস পূর্বক সম্মুখ যুদ্ধে প্রবৃত্ত হইতে পারেন নাই। গ্রীকেরা যে যে গ্রামে প্রচুর খাদ্যসামগ্রী দেখিতে পায়, প্রতিরাতে সেই সেই গ্রামে অবস্থিতি করিতে লাগিল। টিসাকার্নিস্ এইরূপ সন্তত অনুসরণ দ্বারা গ্রীকদিগকে বাধা দিতে অসমর্থ হইয়া, পরিশেষে যে যে গ্রামে গ্রীসবাসীরা আশ্রয় লইবে বলিয়া বিবেচনা করিলেন, অগ্রেই সেই সেই গ্রাম দক্ষ করিতে আরম্ভ করিলেন। এক দিবস গ্রীকেরা ইহার প্রতি শোধ দিবার জন্য যে যে গ্রামে আসা নিতান্ত অসম্ভব, সেই সেই স্থান লুণ্ঠ ও দক্ষ করিল।

কাডু'সিয়া অতিক্রম।

এক্ষণে গ্রীকেরা এক পর্বতময় প্রদেশের সীমায় উপস্থিত হইল। ঐ প্রদেশ পর্বতবৃন্দে আকীর্ণ এবং অতি দুর্দান্ত স্বাধীন অসভ্য জাতির বাসস্থান। পূর্বে এই দেশের লোকদিগকে কাডু'সীয় কহিত, সম্প্রতি ইহাদিগকে কুর্দ্ কহা যায়। এই প্রদেশ অতিক্রম করিয়া গ্রীসে যাইবার দুইটিমাত্র পথ ছিল; কাডু'সীয় পর্বতের উপর দিয়া একটা, এবং টাইগ্রীস ও ইউফ্রেটিস্ পুনরতিক্রম করিয়া অন্যটা। অতঃপর

গ্রীকদিগের বিপদ উত্তরোত্তর বাড়িতেই লাগিল, কারণ তাহাদিগকে এখন নদী পার হইতে হইবেক ; নদী পারের জন্য তথায় সেতু বা নৌকা কিছুই ছিল না ; এবং নদীর গভীরতাবশতঃ হাঁটিয়া পার হইবারও যো ছিল না ; এজন্য তাহারা পার্শ্ববর্তী পথে যাইবার মানসে, কাডু সীয়াদিগের অগোচরে রাত্রিযোগে যাত্রা করিল । পর দিবস সূর্যোদয়কালে পর্বতে উপস্থিত হইয়া উদ্ভূতদেশ আশ্রয় পূর্বক উপত্যকার আসন্নবর্তী গ্রামসমূহে অবতীর্ণ হইয়া খাদ্যাহরণ করিতে লাগিল । গ্রামের অধিবাসীরা অজ্ঞিত বিপদের প্রতিবিধানে অসমর্থ হইয়া স্ত্রীপুত্র সহিত পলায়ন পূর্বক পর্বতে লুক্কায়িত হইতে লাগিল । অবশেষে গ্রীকেরা অতি ভয়ঙ্কর অপ্রশস্ত কোন ভূগম পথে উপস্থিত হইয়া দেখিল, শিখরদেশে কাডু সীয়ারা বলসমূহে পরিবেষ্টিত হইয়া অবস্থিতি করিতেছে । এতদর্শনে জিনকনু ঐ পর্বতের পশ্চাদ্ভাগ আক্রমণ দ্বারা দুই জনকে ধৃত করিয়া, যদি তাহাদের দ্বারা পর্বতের উপর দিয়া অন্য কোন পথের সন্ধান পান এই আশয়ে, তাহাদিগকে পীড়ন করিতে আরম্ভ করিলেন ; কিন্তু তাহারা কোন ক্রমেই পথ বলিয়া দিল না । অবশেষে একজনকে অন্যের সমক্ষে নিহত করিলে সে ভীত হইয়া কহিল, “পর্বত অতিক্রম করিয়া যে দেশে যাইতে হইবেক, তথায় আমার এক কন্যার বিবাহ হইয়াছে, একারণ আমি কিছুই বলি নাই । ফলতঃ আমি জানি ঐ পর্বতের

শিখর দিয়া একটা পথ আছে। যদি তোমরা অগ্রেই পর্বতের শিখরদেশে আশ্রয় করিতে পারিতে, তাহা হইলে আমি সেই পথ দিয়া তোমাদিগকে লইয়া যাইতে পারিতাম।” ইহা শুনিয়া কতকগুলি লোক স্বেচ্ছাপূর্বক অস্ত্রধারণ করিল; এবং পলাইতে না পারে এই অভিপ্রায়ে, সেই ব্যক্তিকে রজ্জুবদ্ধ করিয়া পথ দেখাইয়া দিবার জন্য সঙ্গে লইয়া পর্বতের শিখর দেশে অধিকারের মানসে সন্ধ্যার সময় যাত্রা করিল। এদিকে জিনকন্ কতকগুলি সৈন্য সমভিব্যাহারে, অগ্রসর হইয়া যথায় শত্রুর অবস্থিতি করিতেছে, তথায় উপস্থিত হইলে, শত্রুসৈন্য তাঁহাকে আক্রমণ করিতে ধাবমান হইল; এই অবসরে যাহারা শিখর অধিকারার্থ গমন করিয়াছিল, তাহারা অনায়াসেই শিখর অধিকার করিল। এতদর্শনে কাডু'সী-য়েরা বিস্মিত হইল। প্রভাত হইলে গ্রীকদিগের সমস্ত সৈন্য অগ্রসর হইতে আরম্ভ করিয়া, কাডু'সীয়েরা যে যে স্থানে পথ অবরুদ্ধ করিয়াছিল, সেই সেই স্থান হইতে তাহাদিগকে তাড়িত করত অবশেষে পর্বত অতিক্রমপূর্বক দেশে অবতীর্ণ হইল; এবং সেই গিরির আসন্নবর্তী গ্রাম সকলে সেনানিবেশ করিল। পর্বত অতিক্রমকালে গ্রীকদিগের কতকগুলি লোক পর্বতোপরি বিনষ্ট হয়। গ্রাকেরা এই বলিয়া তাহাদিগের মৃত শরীর চাহিয়া পাঠায় যে, যদি তাহারা উক্ত ব্যক্তিদিগের মৃতকলেবর পাঠাইয়া না দেয়, তবে

গ্রাম সকল ও পথদর্শককে বিনষ্ট করিবেক, এই বিভীষিকায় কাডু'সীয়েরা মৃতশরীর পাঠাইয়া দিলে গ্রীকেরা তাহা সমাহিত করিল ।

পর দিবস গ্রীকেরা যাত্রা করিলে, সে দিবসও কাডু'সীয়েরা তাহাদিগকে বিরক্ত করিতে লাগিল । ইহারা উন্নতভূমি এবং সংকীর্ণ পথ সকল আশ্রয় করিয়া বাণবর্ষণ দ্বারা গ্রীকদিগকে ব্যতিব্যস্ত করিতে লাগিল । সন্ধ্যাকাল উপস্থিত হইলে গ্রীকেরা সমতলক্ষেত্রবর্তী কতিপয় পল্লীগ্রামে উপস্থিত হইল । তথায় যে একটি নদী প্রবাহিত হইতেছে, সেই নদী অতিক্রম করিয়াই আর্মীনিয়ার সীমা । কাডু'সিয়া অতিক্রম করিতে গ্রীকদিগের সাত দিন লাগিয়াছিল । সেই কয়েক দিবসের মধ্যে প্রতিদিনই তাহাদিগকে যে ভয়ঙ্কর ভয়ঙ্কর যুদ্ধ করিতে হইয়াছিল তাহার সহিত তুলনা করিলে পারসীকদিগের সহিত যুদ্ধ অতি সামান্য বলিয়া কোঙ্ক হয় ।

আর্মীনিয়া প্রবেশ ।

গ্রীকেরা তীরে উপস্থিত হইয়া দেখিতে পাইল যে, নদীর অপরপারে দুইজন পারসীক সেনাপতি প্রবল পরাক্রান্ত অশ্বসৈন্য এবং পদাতি সৈন্য লইয়া অবস্থিতি করিতেছে । গ্রীকেরা হাঁটিয়া পার হইবার মানসে, নদীতে নামিল, কিন্তু নদীর জল প্রায় ক্ষুদ্র প্রমাণ থাকায় এবং তল প্রদেশ পিচ্ছিল ও প্রস্তর-

সমূহে আকীর্ণ থাকায়, প্রবল স্রোতে ভাসিয়া যাইবার যো হইল ; সুতরাং তাহারা হাঁটিয়া পার হইবার চেষ্টা পরিত্যাগ করিয়া সেরাত্রি নদী তীরেই অবস্থিতি করিল। কিন্তু বহুসংখ্যক কার্ডু নীয়ে সেনা তাহাদের পশ্চাত্তর পর্বতে মিলিত হইয়াছে দেখিয়া, গ্রীকেরা অতিশয় ভীত হইয়া কহিতে লাগিল, “আজ্জ আমরা যেকপ বিপদজনক অবস্থায় পড়িয়াছি, ইতিপূর্বে কুত্রাপি একপ অবস্থা ঘটে নাই ; অগ্রে এবং পশ্চাতে শত্রু, সম্মুখে দুস্তর নদী ; অতএব বোধ হয় আজ্জ আর এবিপদ হইতে উত্তীর্ণ হইতে পারিলাম না।” এইরূপ আন্দোলন করিতে করিতে সে রাত্রি অতিবাহিত করিল। পর দিবস প্রাতঃকালে জিনফন্ আহার করিতেছেন এমন সময় দুইজন যুবক আসিয়া তাঁহাকে কহিল “মহাশয় ! আমরা কাষ্ঠা-হরণ করিতে গিয়াছিলাম, নদীর অপর পারে প্রায় ক্রোশাংশ অন্তরে একজন পুরুষ, একটা স্ত্রী এবং কতকগুলি বালিকা নদীতীরবর্তী কোন পর্বতগুহায় কি লুকাইয়া রাখিল ; বোধ হইল যেন কতকগুলি বস্ত্র গুহায় রাখিয়া আসিল। তাহা দেখিয়া আমরা ঐ বস্ত্র অপহরণ করিবার জন্য উলস হইয়া সন্তরণ দ্বারা পার হইবার মানসে নদীতে নামিলাম ; কিন্তু নামিয়া দেখিলাম তথায় এক হাঁটুর অধিক জল নাই ; সুতরাং অবাধে নদী উত্তীর্ণ হইয়া বস্ত্র গ্রহণ পূর্বক পুনর্বার পার হইয়া আসিলাম।” ইহা শুনিয়া

জিনফন্ সেই যুবকদ্বয়কে কেরিসোফন্সের নিকট লইয়া গিয়া তাহাদের মুখেই সমস্ত শুনাইলেন, পরিশেষে সেই স্থানে নদী পার হইয়া গমন করাই স্থির হইল। অনন্তর সেই যুবকদ্বয় পথ প্রদর্শন করিলে, কেরিসোফন্স অর্ধেক সৈন্য লইয়া অগ্রে যাত্রা করিলেন; তাঁহার পশ্চাৎ ভারবাহী পশুগণ যাইতে লাগিল, এবং জিনফন্ অবশিষ্ট সৈন্য লইয়া সকলের পশ্চাৎ চলিলেন। ইতি মধ্যে বিপক্ষদিগের তুরঙ্গম সেনাও নদীর উৎকৃতাগে গমন করিয়াছিল।

সেই যুবকদ্বয় যেস্থানে নদী উত্তীর্ণ হইয়াছিল, কেরিসোফন্স তথায় উপস্থিত হইয়াই নদীতে প্রবেশ করিয়া অগ্রে অগ্রে চলিলেন, এবং তাঁহার পশ্চাৎ পশ্চাৎ যাবতীয় সৈন্য এবং যাবতীয় স্ত্রী, পুরুষ, উচ্চৈঃস্বরে জয়ধ্বনি করত নদী পারে প্রবৃত্ত হইল। অপর পারে শত্রুগণ গ্রীকদিগের ক্ষতি করিবার বাসনায় বহু দূর হইতে বাণবর্ষণ এবং প্রস্তরাঘাত করিতে আরম্ভ করিল। এতদর্শনে জিনফন্স, যেখানে তীর পর্য্যন্ত গিয়া পথের শেষ হইয়াছে, ফিরিয়া সেই দিকে যাইতে আক্রান্ত করিলেন, এবং এমনি উদ্যম দেখাইলেন, যেন সেই স্থানে গিয়াই নদী পার হইবেন। ইহা দেখিয়া বাণবর্ষণকারীরা ভীত হইয়া দ্রুতবেগে তথা হইতে পলায়ন করিল। এদিকে কেরিসোফন্স অবাধে সসৈন্যে নদীর অপর পারে পৌঁছিলেন। জিনফন্স এখনও নদী পার হন নাই। যখন তিনি দেখিলেন যে, কার্ডুসীয়েরা

২৩২ আর্মীনিয়ার মধ্য দিয়া গ্রীকদিগের গমন। [১০০ অ

তাঁহাকে আক্রমণ করিতে আসিতেছে ; তখন দ্রুত-
বেগে কেবিসোফসের অনুসরণে প্রবৃত্ত হইলেন।
কেবিসোফস্ শত্রুদিগকে তাড়াইয়া দিয়া অপর পারের
ভূমি অধিকার করিলেন। কার্ডুসীয়েরা নদীতীরে
উপস্থিত হইবামাত্র জিনফন্ পরম কৌশলে সৈন্য
নদী উত্তীর্ণ হইয়া নির্বিঘ্নে কেবিসোফসের নিকট উপ-
স্থিত হইলেন। তাঁহার যাবতীয় সৈন্য নদী পার হইয়া
কার্ডুসীয় পর্বত বৃন্দের নিকট চিরকালের জন্য বিদায়
লইল।

আর্মীনিয়ার মধ্য দিয়া গ্রীকদিগের গমন।

কার্ডুসীয়দিগের অত্যাচার নিবন্ধন নদীর আসন্নবর্তী
স্থানে আর্মীনিয়দিগের বসতি ছিল না; এজন্য গ্রীকেরা
অবাধে বহু দূর গমন করিয়া যে এক পল্লীগ্রামে উপস্থিত
হইল, তাহা অতিশয় বিস্তৃত এবং খাদ্যসামগ্রীতে পরি-
পূর্ণ ছিল। তথা হইতে যাত্রা করিয়া টাইগ্রীসের উৎস-
মাল্য অতিক্রম করিয়া পশ্চিম আর্মীনিয়ায় প্রবেশ
করিল। পারসীক সম্রাটের অতিশয় প্রিয়পাত্র টেরি-
বেসস্-নামক এক ব্যক্তি তথাকার শাসনকর্তা ছিলেন,
তিনি গ্রীকদিগের সহিত যে সন্ধি করিলেন, তাহাতে
এই কথা থাকিল, যে, গ্রীকেরা ঘর দ্বার দখল করিবেক
না, আর আর্মীনিয়েরাও তাহাদের কোন হানি করি-
বেক না, বরং প্রয়োজন হইলে তাহাদের খাদ্যসামগ্রীর
আয়োজন করিয়া দিবেক। তথা হইতে ছাউনি উঠা-

ইয়া যাত্রাকালে, টেরিবেস্ এবং তদীয় সৈন্যগণ গ্রীকসৈন্য হইতে অর্ধক্রোশ অন্তরে থাকিয়া গমন করিতে লাগিল । এক দিবস গ্রীকেরা কতিপয় পল্লীগ্রামের নিকটবর্তী স্থানে সেনানিবেশ করিলে, সেই রাত্রে তথায় হঠাৎ ভয়ানক বরফ পড়িয়াছিল । প্রভাত হইলে গ্রীকেরা শত্রুদিগের কোন চিহ্নই দেখিতে পাইল না, এবং তুষার শিলাপাতে শত্রু সমাগমের ভয় পরিত্যাগ করিয়া অবশেষে তাহাদিগের ছাঁউনি উঠাইয়া পল্লীগ্রামে লইয়া গেল । তাহারা পল্লীগ্রামে আছে, এমন সময় কএকজন পর্য্যটক আসিয়া এই প্রচার করিল যে, তাহারা গত রাত্রে একদল সেনা এবং প্রজ্জ্বলিত অগ্নিরাশি দেখিয়াছে । ইহা শুনিয়া গ্রীকেরা, আর পল্লীগ্রামে থাকা বিধেয় নহে, এই স্থির করিলে, এবং সমস্ত সৈন্য একত্র মিলিত হইলে, ছাঁউনি উঠাইয়া কোন বিস্তৃত ক্ষেত্রে অবস্থিত হইল । দৈবযোগে লেক্টেরাত্রে অতিশয় বরফ পড়িয়া, মনুষ্য এবং পশুগণ যে যেখানে নিদ্রা যাইয়াছিল, সে সেইখানেই বরফে আচ্ছন্ন হইয়া থাকিল । আমরা প্রায়ই দেখিতেছি যে, গ্রীকদিগের পটভবন না থাকায়, তাহারা প্রতিগমনের সমস্ত কাল প্রায়ই অনারূত স্থানে দিন যামিনী অতিবাহিত করিয়া আসিতেছে ; যদি ঘটনাক্রমে পল্লীগ্রামে আসিয়া পৌঁছে তবেই ঘর দ্বারে আশ্রয় পায় । যাহা হউক, তাহারা জাগরিত হইয়া দেখিল, সমস্ত শরীর বিকল হইয়া গিয়াছে ; এজন্য তাহারা আশ্চর্য

২৩৪ আর্মীনিয়ার মধ্য দিয়া গ্রীকদিগের গমন। [১০ম অ

কালিয়া সর্বশরীর সেকিতে লাগিল। পরে তথা হইতে পল্লীগ্রামে ফিরিয়া আসিল; এবং এক জন বিশ্বস্ত কর্মচারীকে কতকগুলি লোক সমভিব্যাহারে, যথায় অগ্নি দৃষ্ট হইয়াছিল, সেই স্থানে প্রেরণ করিল, সে যাইয়া অগ্নি দেখিতে পাইল না, কেবল এক ব্যক্তিকে বন্দী করিয়া আনিল। যাহাকে বন্দী করিয়া আনিল, সে আপনাকে টেরিবেসসের সেনাসমবেত পুরুষ বলিয়া পরিচয় দিয়া কহিল, “আপনারা যে পর্বত অতিক্রম করিয়া যাইবেন, তাহার উপর দিয়া একমাত্র সংকীর্ণ পথ আছে, টেরিবেসস আপনাদিগকে আক্রমণ করিবার মানসে পর্বতের সেই সংকীর্ণ পথ রুদ্ধ করিয়া আছেন।” গ্রীকেরা এই কথা শুনিবামাত্র অণুমাত্র বিলম্ব না করিয়া কতকগুলি সৈন্যকে পর্বতে অধিষ্ঠান করিবার জন্য অগ্রে প্রেরণ করিল, এই সকল প্রেরিত সৈন্য দ্রুতবেগে যাইয়া হঠাৎ শত্রুদিগের নিকট পৌঁছিলে, শত্রুরা ভয়ে পলায়ন করিল। টেরিবেসসের তাম্বু, আসবাব, এবং অনুচরবর্গ সমস্তই বিজয়ীদিগের হস্তে পতিত হইল। অনন্তর অবশিষ্ট গ্রীকসৈন্য পশ্চাৎ আসিয়া শ্লিষ্ট হইলে, তাহারা, যে শিখরদেশে আক্রান্ত হইবার আশঙ্কা ছিল, তাহা অবাধে অতিক্রমপূর্বক বরাবর যাত্রা করিয়া ইয়ুফ্রেটিস তীরবর্তী যে স্থানে পৌঁছিল, তথা হইতে নদীর উৎপত্তির স্থান অধিক দূরবর্তী নহে, এবং সেখানে এক কোমরের



অধিক জল ছিল না। এখন তাহারা যত আগ্রসর হইতে লাগিল, ততই গভীরনীহারে গমনের অভি-
শয় ব্যাঘাত জন্মিতে লাগিল, এবং স্ত্রীকুল অস্বা-
স্থ্যকর উত্তরবায়ু দ্বারা ভয়ানক কষ্ট হইতে লাগিল।
তাহাদিগকে অনারুত স্থানে বরফের উপর শয়ন
করিয়া সমস্ত রাত্রি অতিবাহিত করিতে হইয়া-
ছিল, সুবিধার মধ্যে জ্বালানি কাষ্ঠ প্রচুর প্রাপ্ত হইয়া
অনেক কষ্ট নিবারণ করিয়াছিল। প্রভাত হইলে,
গ্রীকেরা ক্রমিক বরফের উপর দিয়া যাইতে আরম্ভ
করিলে, অনেকে ক্ষুদ্রায় নিতান্ত ক্লান্ত হইয়া পড়িল।
কিন্তু জিনফন্ তাহাদিগকে কিছু কিছু আহার দিয়া
সবন করিয়া দিলে, তাহারা পুনর্ব্বার গমন করিতে
লাগিল। অন্ধকার হইয়া আসিলে, কেরিসোকস্ সহ-
চরবর্গের সহিত একপল্লীগ্রামে উপস্থিত হইয়া দেখি-
লেন, তথাকার স্ত্রীলোকেরা জল আনিতে যাইতেছে।
তাহারা তাঁহার পরিচয় জিজ্ঞাসা করিলে, তিনি
অনুলোক দ্বারা কহিলেন, “আমরা তোমাদের
রাজার নিকট হইতে দেশের শাসনকর্তার নিকট যাই-
তেছি।” তখন সেই অবলারা কহিল, আমাদের
শাসনকর্তা এখানে নাই, দুই তিন মাইল অন্তরে
আছেন।” যাহা হউক, কেরিসোকস্ অধিকাংশ সহ-
চরবর্গ সমেত সেই মহিলাদিগের সহিত উক্ত পল্লী-
গ্রামে গমন করিয়া সে রাত্রি তথায় অতিবাহিত
করিলেন। অবশিষ্ট লোকেরা অনাহারে ও শীতে

২৩৬ আর্মীনিয়ার মধ্য দিয়া গ্রীকদিগের গমন। [১৮৮৫]

বাহিরেই রাত্রি 'যাপন' করিলে, কতকগুলি লোক ছুরস্তর শিশিরে প্রাণত্যাগ করিল, কতক বাবর ফের' চাকটিকো নেত্রহীন হইল, কতক বা ছুরস্ত শিশিরে বিকলাঙ্গ হইয়া আর পা বাড়াইতে সমর্থ হইল না। জিনকন্ ঐ সমস্ত অশক্ত ব্যক্তিদিগকে লইয়া বাইতে অতিশয় কষ্ট পাইয়াছিলেন। ইহার উপর আবার আসন্নবর্তী শত্রুরা আসিয়া সময়ে সময়ে আক্রমণ করত তাঁহাদিগকে অতিশয় কষ্টদিতে আরম্ভ করিলে, গ্রীকেরা শত্রুদিগকে পরাভূত করিয়া তাড়াইয়া দিল।

পর দিবস কেরিসোকস্ পশ্চাত্ত্বর্তী সৈন্যদিগের অনুসন্ধানে লোক প্রেরণ করিলে, ঐ প্রেরিত ব্যক্তিদিগকে দেখিয়া 'তাহারা অক্লান্তে পরিপূর্ণ হইল, এবং অশক্ত ব্যক্তিদিগকে তাহাদের হস্তে সমর্পণ করিয়া অবিলম্বে কেরিসোকসের সন্নিধানে উপস্থিত হইলে, তিনি কিছুকালের জন্য পার্শ্ববর্তী গ্রাম-সমূহে বিশ্রাম করিবার মানস করিলেন।

এই সময় জিনকন্ যে গ্রামে অবস্থিতি করিয়া ছিলেন, তাহার একটা বিশেষ বৃত্তান্ত তিনিই বিখ্যাত গিয়াছেন যথা—তথাকার অধিকাংশ গৃহই ভূমি নিমগ্ন, গৃহের দ্বার সকল কূপের মুখের ন্যায় অপ্রশস্ত, লোকেরা সিঁড়ি দ্বারা নামিয়া গৃহে প্রবেশ করিত; পশুগণের বাইবার জন্য কেবল গড়ানিয়া পথ ছিল, এবং তন্মধ্যে ছাগ মেঘ গো প্রভৃতি নানাবিধ

গৃহপালিত পশুশাবক এবং তাহাদের আহারসামগ্রী থাকিত। তাহার ভিতর গোধূম যব প্রভৃতি শস্য এবং ভিন্ন ভিন্ন প্রকার নলের সহিত পাত্র পূর্ণ মদ্য ও থাকিত। যাহাদের মদ্যপানের ইচ্ছা হইত, তাহারা সেই নল দিয়া পান করিত। সেখানকার বিয়ার্ মদ এত তীক্ষ্ণ যে, তাহাতে জল না মিশাইলে পান করা যাইত না। জিনফন্ সেই গ্রামের প্রধান ব্যক্তিকে তাঁহার সহিত একত্র ভোজন করিতে নিমন্ত্রণ করিয়া ছিলেন এবং এই বলিয়া তাঁহাকে সাহস দিয়াছিলেন যে, যদি তিনি সৈন্যদিগের কোন উপকার করিতে পারেন, তাহা হইলে তাঁহাকে পুরস্কার দিবেন, এবং তাঁহারা এবং তদীয় পরিবারবর্গের কোন অনিষ্ট করিবেন না। ইহা শুনিয়া সেই প্রধান ব্যক্তি, যথায় সুরভাণ্ড নিহিত ছিল, দেখাইয়া দিলেন।

সৈন্যগণ এক সপ্তাহ সেই গ্রামে অবস্থিতি করিয়া নানাবিধ ভোজন ও সুখ সম্ভোগে কালযাপন করিয়াছিল। জিনফন্ কহিয়াছেন, যখন কোন ব্যক্তি বিয়ার খাইতে ইচ্ছা করিত, তিনি তাহাকে সেই পাত্রে নিকট লইয়া যাইতেন, এবং পাত্রে মুখ ডুবাইয়া পশুর মত পান করিতে আদেশ করিতেন। সেই পল্লীগ্রামে রাজাকে কর দিবার জন্য যে সমস্ত অশ্ব সংগৃহীত ছিল, গ্রীক কৰ্মচারীরা সেই সকল ঘোটকে আরোহণ করিয়া বেড়াইত। গ্রামের প্রধান ব্যক্তি, কেমন করিয়া অশ্ব ও ভারবাহীপশুদিগের

পায়ে থলি বান্ধিয়া দিতে হয়, তাহা দেখাইয়া দিতেন। পায়ে থলি বান্ধিয়া দিলে পশুরা বরফে ডুবিয়া বাইত না। যাত্রাকালে গ্রীক্সেনা গ্রামের প্রধান ব্যক্তিকে পথদর্শক করিয়া এবং তাহার প্রতিনিধি স্বরূপ তাহার এক শিশুসন্তানকে সঙ্গে লইয়া যাত্রা করত, তিন দিনের মধ্যে কোন গ্রামই প্রাপ্ত হইল না। কেরিসোফস্ ইহাতে সন্দিহান হইয়া অনুসন্ধান দ্বারা জানিতে পারিলেন যে, তাঁহার। যে অংশে যাইতেছেন, সেদিকে গ্রাম নাই। এখন তিনি কুপিত হইয়া পথদর্শককে আঘাত করিলে পথদর্শক সেই রাত্রেই নিজ সন্তানকে পরিত্যাগ করিয়া যে প্রস্থান করিল, আর দেখা দিল না। যে ব্যক্তি ঐ বালকের রক্ষার ভার গ্রহণ করিয়াছিল, সে তাহাকে গ্রীসে লইয়া গেল। এই কার্য্যটি কেরিসোফস্ ; এবং জিনফনের পরম্পর বিরাগের কারণ হইয়াছিল এবং সমস্ত প্রতিগমনকাল মধ্যে একপ ঘটনা আর উপস্থিত হয় নাই।

— — —
সমুদ্রতীর যাত্রা।

গ্রীকেরা এক্ষণে ফেসিস্ নদী অতিক্রমপূর্ব্বক কিছুদিন ব্যাপিয়া কালীবীয় এবং অন্যান্য অসভ্য জাতীয় প্রদেশের অভ্যন্তর দিয়া গমন করিতে লাগিল। তাহারা ইতিপূর্বে যেকপ সঙ্কটে পড়িয়াছিল, এখানে ও সেই কপ সঙ্কটে পতিত হইয়াছিল। এইরূপে যাইতে

যাইতে অবশেষে এক পর্বতের নিকটে উপস্থিত হইয়া, এবং বিবেচনা করিল যে, তাহারা সেই পর্বত হইতেই সমুদ্র দেখিতে পাইবেক। যখন অগ্রগামী সৈনিকেরা শিখরদেশে আরোহণ করিয়া তাহাদিগের চিরকাঙ্ক্ষিত অভিলাস স্বরূপ বিস্তীর্ণ জলধিদর্শন অধিগত হইল, তখন আক্লাদে পরিপূর্ণ হইয়া চীৎকার করিয়া উঠিল। জিনফন্ নাকি সর্বদাই পশ্চাচ্চাগ রক্ষা করিতেন, এজন্য যখন ঐ চীৎকার তাঁহার কর্ণগোচর হইল, তখন তিনি, অগ্রবর্তী লোকেরা শত্রু কর্তৃক আক্রান্ত হইয়াছে, এই বিবেচনা করিয়া, তাহাদের সাহায্যার্থ দ্রুতবেগে গমন করিতে লাগিলেন। সৈন্যদিগের একদলের পর অন্য দল যত শিখরে উপস্থিত হইতে লাগিল, তাহাদের চীৎকার ধ্বনি ততই বাড়িতে লাগিল। অবশেষে “সমুদ্র! সমুদ্র!” এই ধ্বনি স্পষ্ট শ্রুতিগোচর হইলে, সকলকেই ব্যগ্রতা সহকারে শিখরদেশে আরোহণ পূর্বক একত্র হইয়া পরস্পর আলিঙ্গন করিতে লাগিল। পরে কতকগুলি প্রস্তর সংগ্রহ পূর্বক এই সুখজনক ঘটনাকে চিহ্নস্বরূপ এক উন্নত মন্দির নির্মাণ করিল।

• অনন্তর কিছুদিন গমন করিয়া গ্রীকেরা কৃষ্ণসাগরের তরীবর্তী ট্রিবিজঙ্ নামক গ্রীক উপনিবেশে উপস্থিত হইল। তথা হইতে উপকূল হইয়া হেলেন্সপন্টের অভিমুখে অগ্রসর হইতে লাগিল। • আজ এক বৎসর তিনমাস হইল, তাহারা সাইরেনের সহিত যাত্রা

করিয়া। এতাবৎ কালমধ্যে দুই সহস্র ক্রোশ পথ ভ্রমণ করিয়া স্বদেশে ফিরিয়া আসিল। এই সুবিখ্যাত প্রতিগমন “ দশ সহস্র গ্রীকসৈন্যের প্রতিগমন ” বলিয়া প্রসিদ্ধ। কারণ ত্রয়োদশ সহস্র গ্রীকসৈন্যের মধ্যে দশ সহস্র মাত্র গ্রীসে ফিরিয়া আসিয়া ছিল।

একাদশ অধ্যায়।

গ্রীকদিগের প্রতিগমনের ফল।

দশ সহস্র গ্রীকসৈন্য পারস্ত হইতে ফিরিয়া আসিলে, গ্রীকেরা পারসীকদিগকে অত্যন্ত অপদার্থ জ্ঞান করিয়াছিল। অতি অল্প দিন পরেই স্পার্টার রাজা আর্জিসিলায়স্, পারসীক সাম্রাজ্য উন্মূলিত করিবার আশয়ে, কতকগুলি সৈন্য লইয়া আশিয়ায় যাত্রা করিলেন। যদি স্পার্টারদিগের অহঙ্কার এবং পারসীকদিগের উৎকোচে, খীবস্বাসী ও আক্সু-বাসী এবং অন্যান্য জাতির স্পার্টার বিপক্ষে অস্ত্রধারণ না করিত; তাহা হইলে তিনি যে অভ্যপ্রায়ে আসিয়াছিলেন, তাহা অনায়াসেই সিদ্ধ হইতে পারিত সন্দেহ নাই। কিন্তু ইহারা স্পার্টার বিপক্ষতাচরণে প্রবৃত্ত হইলে, স্বদেশ রক্ষার জন্য তাঁহাকে আশিয়া

পরিত্যাগপূর্ব্বক সৈন্য লইয়া স্বদেশে ফিরিয়া যাইতে হইল। যাহা হউক গ্রীকদিগের পরস্পর বিদ্বেষ, এবং ঘাত্তরিক অসন্তোষে আর্টাফারাক্সিসের প্রভুশক্তি সমগ্ৰিক বাড়িয়া উঠিলে (খৃঃ পূঃ ৩৮৭) তাঁহার সহিত গ্রীকদিগের যে এক সন্ধি হইল, তাহা লিগ্‌নাইডিস্‌ কৃত সন্ধি বলিয়া প্রসিদ্ধ। তাহাতে তাহার আর্টাফারাক্সিসকে আশিয়ার উপকূলবর্ত্তী সমস্ত গ্রীক নগর ছাড়িয়া দিয়াছিল।

ক্যাডমিয়ায় অবরোধ।

এই সন্ধি স্থাপনের তাতি অল্পকাল পরেই একদা কতকগুলি লাসিডিমোনীয় সৈন্য লিগ্‌নাইডিস্‌র মধ্য দিয়া যাইতে যাইতে থীব্‌স্‌ নগরে অবস্থিতি করিয়াছিল। থীব্‌স্‌ নগরে দুই জন পলিমার্ক অর্থাৎ প্রধান বিচারপতি ছিলেন। ইহারা পরস্পর অসন্তোষসম্পন্ন থাকিয়া কেহ কাহারও মতানুসারে কর্ম্ম করিতেন না। এই দুই জন বিচারপতির মধ্যে যাঁহার নাম লিগ্‌নাইডিস্‌ তিনি স্পার্টার সেনাপতিকে সমুচিত সম্মান পুরস্কার যত্ন করিলেন। কিন্তু অন্য ব্যক্তি তাঁহার কোন খবরই লইলেন না। লিগ্‌নাইডিস্‌ তাহাদের নিকট থীব্‌স্‌য়ের দুর্গ-ক্যাডমিয়া অবরোধের প্রস্তাব করিলেন; এবং বলিলেন এ বিষয়ে থীব্‌স্‌ সম্পূর্ণ স্পার্টার অধীন হইবে। তখন স্পার্টার সেনাপতি তাহাতে সম্মত হইলেন। এই সময় তথায় এক মেলা হইত। তদুপ-

লক্ষে ক্যাডমিয়ার যাবতীয় পুরুষ ক্যাডমিয়া পরিত্যাগ করিয়া যাইত, এমন কি সাধারণ সমাজের লোকেরাও পণ্যবীথিকার দ্রব্য সামগ্রী ক্রয় করিতে যাইত। ক্যাডমিয়া শুদ্ধ স্ত্রীলোকে পরিপূর্ণ থাকিত, তাহারাও সেই স্বযোগে থাকিল। অনন্তর এই মহোৎসব উপস্থিত হইলে, পথে এক প্রাণীর সমাগম নাই দেখিয়া, চিৎর মধ্যাহ্ন সময়ে স্পার্টারদিগকে লইয়া গিয়া (খৃঃ পূঃ ৩৮২) অবোধে ক্যাডমিয়া অপিকারপূর্বক লিগনটাইডিস্ আপন সহকারীকে পদচ্যুত ও কারারুদ্ধ করিলেন। এবং স্বয়ং স্পার্টায় গিয়া রাজার নিকট এই সমস্ত ব্যাপার নিবেদন করিলেন। তথাকার রাজপুরুষেরা, অনুমতি ব্যতিরেকে এই কর্ম করিয়াছে বলিয়া সেনাপতির উপর অতিশয় ক্রুদ্ধিম কোপ প্রকাশ করিলেন। কিন্তু রাজা আজিমিলায়স্ বলিলেন, যাহাতে নিজ সাম্রাজ্যের উপকার দর্শিতে পারে, সেনাপতি যদি রাজার অনুমতি ব্যতিরেকে স্বয়ং সেই কার্য করে, তাহা কখনই ন্যায়বিরুদ্ধ হইতে পারে না। আর ধীবসের দুর্গ স্পার্টার অধিকৃত থাকা তাহাদের অনেক সুবিধা ও উপকারের জন্য হইবে। এই প্রকার প্রলোভন দ্বারা অতি সহজেই তাহাদের সন্তোষবিধান করিতে সমর্থ হইয়াছিলেন। যাহা হউক স্পার্টায়েরা রাহিরে দেখাইবার জন্য সেনাপতির অর্থ দণ্ড করিয়া ক্যাডমিয়া রক্ষার জন্য আর এক জন অধ্যক্ষ প্রেরণ করিল। :

কর্ণাটু নামক পুনরুদ্ধার ।

এই কার্য্য দ্বারা লাসিডিমোনীয়দিগের যত দূর নীচাশয়তা, জঘন্যতা, ও বিশ্বাসঘাতকতা প্রকাশ পাইতে হয়, তাহা পাইয়াছিল। যথার্থ বিবেচনা করিতে গেলে স্পার্টায়েরা এই কার্য্য দ্বারা এক প্রকার স্বরাজ্য উন্মূলনের বীজ বপন করিয়াছিল বলিতে হইবেক। কিন্তু এত করিয়াও এই দুর্গ তিন চারি বৎসরের অধিক রক্ষা করিতে পারে নাই। কিয়দ্দিন পরে কতকগুলি খীবীয় নির্বাসিত ব্যক্তি আসিয়া যেকপে এই দুর্গ পুনরুদ্ধার করিয়াছিল, তাহা পশ্চাৎ প্রকটিত হইতেছে।

পলিমার্ক আর্কিয়ামের সেক্রেটারি ফিলিডাস কোন কারণ বশতঃ আথেন্স গিয়াছিলেন। তৎকালে খীব্দের কয়েক জন নির্বাসিত পুরুষ তথায় উপস্থিত ছিল। তাহাদের সহিত আলাপ করিতে করিতে খীব্দের বর্তমান অবস্থা সমস্ত প্রকাশ করিয়া তাহাতে আপনাই সম্পূর্ণ অসন্তোষ প্রকাশ করিলেন। নির্বাসিত ব্যক্তিরা তথায় রাজবিদ্বেহ উপস্থিত করিবার প্রস্তাব করিলে, ফিলিডাস অব্যাজে তাহাতে সম্মত ও কর্তব্য স্থির করিয়া খীব্ নগরে ফিরিয়া আসিলেন। নির্বাসিত সময়ে খীব্দের নির্বাসিতদিগের দশ বার জন লোক রাত্রিযোগে আথেন্স পরিত্যাগ করিয়া যুগয়ার বেষে খীব্বে প্রবেশ করিল। তাহারা দিবাত্তাপে প্রচুন্নভাবে থাকিয়া সন্ধ্যার সময় অমজীবী কুশকদের সহিত নগরে প্রবেশ করিল। প্রবেশকালে কেহই

তাহাদের পরিচয় লইল না। তাহারা সেই রাতে চারপাশ নামক একব্যক্তির গৃহে প্রবিষ্ট হইয়া সে রাত্রি এবং পর দিবস সমস্ত দিন তাহার আশ্রয়ে অবস্থিতি করিল।

পলিমার্কদিগের বিচারালয় হইতে বহির্গত হইবার সময় ফিলিডাস্ তাঁহাদিগের নিকট এই আবেদন করিলেন, যদি তাঁহারা অনুমতি করেন, তবে তিনি তাঁহাদের বিনোদনের নিমিত্ত খীব্‌সের কয়েকটি পরমা-
 হুন্দরী স্ত্রীলোক আনিয়া দেন, তাহারা এই প্রস্তাবে সম্মত হইয়া ফিলিডাস্‌কে ঐ কামিনীদিগকে আনিয়া দিবার জন্য অতিশয় নির্বাক করিলে, ফিলিডাস্ সম্মত হইলেন। বিচার পতির। মধ্যাহ্ন ভোজনে উপবিষ্ট আছেন, এমন সময়ে আথেস্‌ হইতে পত্র লইয়া দূত আসিয়া আর্কিয়স্‌কে দিল। পত্রে এই চক্রান্তের সমস্ত বৃত্তান্ত লিখিত ছিল। দূত সেই পত্রে বিশেষ খবর আছে বলিয়া তাহা পাঠ করিবার জন্য ত্বর। করিতে লাগিল। কিন্তু আর্কিয়স্ “কল্যাণ হইবে” এই বলিয়া পত্রগুলি বালিশের নীচে ফেলিয়া রাখিলেন। অনন্তর বিচারপতি স্বরাষ্ট্র করিয়া অতিশয় মত্ত হইয়া ফিলিডাস্‌কে সেই কামিনী-
 দের আনয়নের জন্য ত্বর। করিতে লাগিলেন। ফিলিডাস্ তৎক্ষণাৎ বহির্গত হইয়া তিনজন চক্রান্তকারীকে স্ত্রী-
 বেশ এবং তিনজনকে তাহাদের দাসীর বেশ ধারণ করাইয়া একটি অভ্যস্তরবর্তী গৃহে আনয়ন করিলেন।

এবং বাহিরে আসিয়া আর্কিম্‌স্কে অভ্যস্তরে যাইতে কহিলেন ; এবং বলিয়া দিলেন, কামিনীরা অন্তরবর্গের সমক্ষে বাহির হইবে না । ইহা শুনিয়া 'আর্কিম্‌স্ তৎকরণে ভৃত্যদিগকে সরিয়া যাইতে আদেশ করিলেন । ফিলিডাস্ ভৃত্যদিগকে কিছু মদ্যপান করিতে দিয়া ক্‌সিয়ারপতিদ্বয়কে কপ্পিত কামিনীদিগের নিকট লইয়া গেলেন । কামিনীদিগের এক এক জন, এক এক জন পলিমার্কের পার্শ্বে উপবিষ্ট হইল । সঙ্কেত ছিল যে, যখন তাহাদের অবগুণ্ঠন খুলিতে আসিবে অমনি নষ্ট করিবে । অনন্তর যখন তাহারা অবগুণ্ঠন খুলিতে উদ্যত হইল, অমনি কপ্পিত কামিনীরা ছোঁরা বাহির করিয়া দুইজন পলিমার্কের প্রাণবধ করিল ।

এই ব্যাপার সম্পন্ন হইলে পর তিনজন চক্রান্ত-কারীকে সঙ্গে লইয়া ফিলিডাস্ লিয়র্টাইডিদের ভবনে গমন করিলেন । তথায় উপস্থিত হইয়া পলিমার্কের বিশেষ সংবাদ আছে বলিয়া সংবাদ পাঠাইলে, লিয়র্টাইডিস্ তৎকরণে তাঁহাকে প্রবিষ্ট হইতে আদেশ করিলেন । তিনি গৃহে প্রবিষ্ট হইয়া দেখিলেন, লিয়র্টাইডিস্ আহারান্তে পার্শ্বে উপবিষ্ট আছেন, আর তাঁহার সহধর্ম্মিণী কাট্‌না কাটিতেছেন । তিনি প্রবিষ্ট হইয়াই তাহার প্রাণবধ করিলেন, এবং ভয় প্রদর্শন দ্বারা তাহার পত্নীকে চীৎকার করিতে না দিয়া দ্বাররুদ্ধ করিতে আদেশ করিলেন । যদি দ্বার উদ্বাটিত করে তবে কিরিয়া আসিয়া সপরিবারকে বিনষ্ট

করিবেন ; এই বলিয়া তথা হইতে প্রস্থান করিলেন । অনন্তর কারাগারে গমন পূৰ্বক কারারক্ষক বলিলেন যে, “আমি ফিলিডাস, এক ব্যক্তিকে বন্দী করিবার জন্য আসিয়াছি দ্বার উন্মোচন কর। ” সে ফিলিডাসের স্বর শ্রবণমাত্র তৎক্ষণাৎ দ্বার উন্মোচিত করিয়া দিলে, তাহাকে বিনষ্ট করিয়া কারারক্ষক ব্যক্তিদিগকে ছাড়িয়া দিয়া নগর মধ্যে এই প্রচার করিলেন, “ হে নগর-বাসিগণ ! দুরাচারী নিহত হইয়াছে, তোমরা অগ্রসর হও । ” কিন্তু নগরবাসীরা সে রাতে ভয়ে বাহির হইতে অসমর্থ হইয়া অতি প্রত্যুষে সারবেশে একত্র সমবেত হইল । তাহাদের উদ্দেশ্য সফল হইয়াছে বন্ধু বান্ধবদিগকে এ সংবাদ দিবার জন্য কতকগুলি অশ্বসাদীকে আটিকায় প্রেরণ করিল । সংবাদ প্রাপ্তি মাত্র একদল আধীনীয় সৈন্য আসিয়া দ্বার অবরোধ করিলে, স্পার্টার সেনাপতি শরণাগত হইয়া একটা নির্বিরোধ পথ প্রার্থনা করায় তাহা প্রদত্ত হইল । সে বাহির হইয়া তদ্বারা স্পার্টা প্রস্থান করিল । তথায় উপস্থিত হইবামাত্র স্পার্টারেরা তাহার কাপুরুষতানিবন্ধন তাঁহাকে বিনষ্ট করিল ।

অনন্তর ধীবীয় দেশহিতৈষীরা দেশের এমন কতকগুলি লোককে নিহত করিল, যাহারা পূৰ্বে ঐ দুর্গ আশ্রয় করিয়া বিসফুটাচরণ করিয়াছিল । এই হত্যাকাণ্ডদ্বারা তাহারা আপনাদের তাদৃশ সমুজ্জ্বল কীর্তিকলাপ একেবারে বিদূষিত করিল । আধীনীদের

স্বভাবতঃ দয়াবান ছিল, এজন্য তাহারা কতকগুলিকে রক্ষা করিয়াছিল ।

• •

লিয়ক্ট্রীয় সংগ্রাম ।

• ক্যাম্ব্রিয়া উদ্ধারের অব্যবহিত পরেই লাসিডিমো-
নীয় এবং থীবীয়দিগের এক সংগ্রাম হয় । এই
সংগ্রামে আথীনীয়েরা থীবসের সহায়তা করিলে, পিল-
পিডাস্ এবং ইপামিনণ্ডাস্ দুই জন সমর্থ পুরুষ থীবস্
বাসীদিগের সৈন্যপত্য গ্রহণ করিয়া দ্বিলেন । পিল-
পিডাস্ অতীত রাজবিদ্রোহের প্রধান কর্তা ছিলেন ।
ইপামিনণ্ডাস্ বিজ্ঞান শাস্ত্রের আলোচনায় কাল যাপন
করিতেন । তিনি রাজনীতি, সৈন্যচালনা প্রভৃতি সকল
বিষয়েই সমান ক্ষমতাপন্ন ছিলেন । সংগ্রাম কিছুকাল
চলিলে পর, আথীনীয়েরা আপনাদিগের অতি-
শয় কষ্ট ও ক্ষতি বিবেচনা করিয়া, পরস্পর সন্ধি
করিয়া দিবার চেষ্টা করিতে লাগিল ; কিন্তু স্পার্টা-
য়েরা সমস্ত বিয়োশিয়ার উপর থীবস্‌বাসীদের আধি-
পত্য প্রদানে অসম্মত হইলে, থীবস্‌বাসীরা তাহাতে
স্বীকৃত হইলেন ।

ক্লিয়ষ্টোটস্ নামক স্পার্টার অন্যতম রাজা কতক-
গুলি সৈন্য সমভিব্যাহারে ফোসিডে অবস্থিতি করিতে
ছিলেন । তিনি স্পার্টার লোক প্রেরণ করিয়া সংবাদ
জানিলে, তথা হইতে এই সংবাদ আসিল, যদি থীবস্-
বাসীরা বিয়োশিয়ার স্বাধীন নগর সমূহের স্বাধীনতা

প্রত্যর্পণে অস্বীকৃত হয়, তবে স্বয়ং সৈন্য চালনা করিয়া
 যেন তাহাদের সহিত যুদ্ধে প্রবৃত্ত হইলেন । ক্লিয়স্টোটিস্
 দূত দ্বারা থীবস্কে উক্তরূপ প্রস্তাব করিয়া পাঠাইলে,
 থীবীয়েরা তাহা তগ্রাহ করিল, একারণ তিনি একাকী
 সসৈন্যে বিয়োশিয়ায় প্রবেশ করিয়া (খৃঃ পূঃ ৩৭৯)
 লিয়কট্ট-নামক স্থানে শিবির সন্নিবেশিত করিলে,
 থীবীয়েরা তাহার সম্মুখবর্তী উন্নত ক্ষেত্র আশ্রয় করিল।
 এই যুদ্ধে থীবস্বাসীরা যে সাত জন সেনাপতি পাঠায়,
 তাহাদের মধ্যে ইপামিন্ডাস্ সর্বাধ্যক্ষ হইয়া গমন
 করেন । থীবীয় সেনাপতিদিগের সৈন্যবল শত্রুসৈন্য
 অপেক্ষা অনেকাংশে অল্প থাকায়, এবং যাত্রা কালে
 যুদ্ধযাত্রার প্রতিকূল তুলনক উপস্থিত হওয়ায়, থীবস্-
 বাসীরা যুদ্ধ করিতে নিরুৎসাহ হইল । এতদ্বশত
 ইপামিন্ডাস্ হোমর্ বিবর্তিত যে একটি শ্লোক পঠ
 করিয়া, এবং থীবস্ হইতে যুদ্ধের অনুকূল যে বতক-
 গুলি শুভসংবাদ আনাইয়া, তাহাদিগের নিরুৎসাহ
 চিত্তকে প্রোৎসাহিত করিলেন, তাহা এইঃ— পূর্বকালে
 কতকগুলি থীবীয় কুমারী কতিপয় স্পার্টার দূত কর্তৃক
 আক্রান্ত ও অপমানিত হইয়া যে স্থানে আত্মহত্যা
 দ্বারা প্রাণত্যাগ করিয়াছিল, সেই স্থানে স্পার্টায়েরা
 কোনকালে পরাজিত হইবেক; হোমর্ কবিকৃত শ্লোকের
 তাৎপর্য্য এই । থীবস্ হইতে আগত শুভ সংবাদ
 বর্ণনা— সমস্ত দেয়ালয়ের দ্বার আপনিই উন্মোচিত
 হইয়াছে ; এবং হার্কিয়ুলিস্-দেবের মন্দির হইতে

পবিত্র অস্ত্র শস্ত্র সমূহ অস্তর্হিত হইয়াছে, অর্থাৎ উক্তদেব স্বয়ং যুদ্ধে গমন করিয়াছেন। ইত্যাদি জ্বর-সূচক সংবাদ শুনিয়া তাহাদের উৎসাহ বাড়িয়া উঠিল, এবং অগ্নি সৈন্য এইরূপে যুদ্ধ করিতে উদ্যত হইল।

গ্রীকেরা যে প্রণালীতে বলবিন্যাস করিত, তাহার নাম ফালাক্স অর্থাৎ দ্বাদশ সৈন্য গভীর সৈন্যশ্রেণী রচনা। বর্তমান সংগ্রামে স্পার্টায়েরা দ্বাদশ সৈন্য গভীর সৈন্যশ্রেণীর রচনা করিয়া লাসিডিমোনিয় সৈন্য দলকে দক্ষিণপার্শ্ব রক্ষায় নিযুক্ত করিল, এবং ক্লিয়ম্-ব্রোটস্ সর্বাগ্রে থাকিলেন; সহকারী সৈন্যদল বাম পার্শ্ব রক্ষায় নিযুক্ত হইল। এদিকে থীবীয়েরা অল্প পঞ্চাশ সৈন্যগভীর সৈন্যশ্রেণী রচনা করিয়া উত্তর পার্শ্ব নিযুক্ত করিল; এইরূপ স্তম্ভগভীর প্রান্ত্রসৈন্য-বিন্যাস দ্বারা নিজসৈন্যদিগকে বিলক্ষণ সুদৃঢ় ও চুর্ভেদ্য করিয়া পশ্চাৎ বিপক্ষসৈন্যের প্রধান অংশের প্রতি আক্রমণ করা থীবীয়দিগের প্রথা ছিল। ইপা-মিন্ডাস্ ক্লিয়ম্-ব্রোটস্কে আক্রমণ করিবার বাসনায় থীবীর বামকক্ষের অগ্রভাগে থাকিয়া স্পার্টীয়দিগের লাসিডিমোনিয় সৈন্যে বিরতি এবং রাজরক্ষিত দক্ষিণ কক্ষ আক্রমণ করিলে, রাজা ক্লিয়ম্-ব্রোটস্ এক সাজ্জাতিক ব্যাধা প্রাপ্ত হইলেন, তথাচ স্পার্টীয়দিগের বল বাহুল্য প্রযুক্ত থীবীয়েরা এবারে তাড়িত হইল। পরে তাহার পুনর্বার আক্রমণ করিয়া প্রভূত সৈন্য

বৃহৎ ভেদ করিল। স্পার্টারদিগের বাম পার্শ্ব সহকারি সৈন্যে সজ্জাটিত ছিল, তাহারাও ভয়ে পলায়ন করিয়া তাহাদের ছাউনির সম্মুখবর্তী একটি পরিখার পশ্চাৎভাগ আশ্রয় করিল, এবং তাহাদেরও অনেক ক্ষতি হইল। এক্ষণে স্পার্টার-সেনাপতির। সমরঠানল পুনরুদ্ধারিত করিতে ভীত হইয়া, দূতদ্বারা আপনাদের আহত ব্যক্তিদিগের মৃত শরীর প্রার্থনা করিয়া আপনাদের পরাভব স্বীকার করিল। এইরূপ করিয়া মৃত শরীর চাহিয়া পাঠান, গ্রীক সামরিক নিয়ম অনুসারে, এক প্রকার পরাভব স্বীকার করা হইত। অনন্তর খীবীরেরা মৃতশরীর প্রত্যর্পণ করিল, এবং জয়ের শাক্তীভূত এক মঠ নির্মাণ করিল।

এইরূপে লিয়ক্টার সংগ্রাম পর্য্যবসিত হইল। স্পার্টারেরা ইতিপূর্বে কখন কোন সংগ্রামে সম্পূর্ণ পরাজিত হয় নাই ; অতএব তাহাদের সম্পূর্ণ পরাজয় ব্যাপক এই প্রথম সংগ্রাম। এই সংগ্রামে পরাস্ত হওয়াতে স্পার্টারদিগের আয়তির যাদৃশ ক্ষতিবোধ হইয়াছিল, তাহাদের অসংখ্য সৈন্যবিনাশে তাদৃশ নহে। স্পার্টারদিগের পক্ষে ইহা কি অল্প অক্ষয় পের বিষয় হইয়াছিল যে, স্পার্টারদিগকে অজ্ঞেয় ও অধম্য বলিয়া যাবতীয় গ্রীকজাতির 'যে সংস্কার ছিল, আজ তাহা দূরীভূত হইল, এবং স্পার্টারদিগের সে অহঙ্কার এবং সমস্ত সম্মান একেবারেই জ্বালািয়া গেল ; এবং সেই দিন হইতে স্পার্টার বল ও পরা-

ক্রম চিরকালের জন্য নিমগ্ন হইল, আর পুনরুত্থিত হইল না।

স্পার্টায় জাতীয় সাধারণ ক্রীড়া মহোৎসবে মত্ত হইয়া, সকলে আমোদ প্রমোদ করিতেছে এমন সময় এই সাংঘাতিক পরাভব সংবাদ আসিয়া তাহাদের কর্ণকূহর প্রতিধ্বনিত হইল তথাপি শান্তিরক্ষাধিকরণের প্রধান বিচারপতিরা সেই উৎসব বন্ধ করিতে দিলেন না। শুদ্ধ আত্মীয় ব্যক্তিদিগের, কে মরিয়াছে, কে ঝাঁচিয়া আছে, এই সংবাদ লইয়া ক্লান্ত হইলেন, এবং জীলোকদিগকে মোনাবলম্বন পূর্বক স্বজনবিয়োগ দুঃখ সহ্য করিতে আদেশ করিলেন। পর দিবস, যাহাদের আত্মীয়েরা সমরশায়ী হইয়াছিল, তাহারা প্রফুল্লচিত্তে আহ্লাদ প্রকাশ করত সাধারণ সমক্ষে উপস্থিত হইল। আর যাহারা দীর্ঘজীবী হইবার অভিলাষে প্রসায়ন করিয়াছিল, তাহাদের আত্মীয়গণ সম্পূর্ণ মজিন ও বিষণ্ণ হইলেন। অনন্তর তাহারা সহায়তার নিমিত্ত লিয়ক্টোর সৈন্য প্রেরণ করিল, এবং ওজঃস্বিতা সহকারে সংগ্রাম চালাইবার জন্য অভিনব উদ্যোগে প্ররুত হইল।



লেকোনিয়া আক্রমণ।

এ পর্য্যন্ত যে সকল গ্রীকনগর উদাসীনভাবে ছিল, তাহারা এখন খীবীরদিগের সাহায্যার্থ সৈন্য পাঠাইলে, ইপামিনাণ্ডস্ মহান্ বলসমূহে পরিবৃত হইয়া সেই স্বপ্নেরই পিলপনিমসে প্রবেশ করিলেন; এবং তথাক্

আর্কেডীয় এবং অন্যান্য জাতির সহিত মিলিত হইয়া লেকোনিয়া আক্রমণ করিলেন। ডোরিয়া বিজয়ের সময় পর্য্যন্ত কোন শত্রুপক্ষের সমাগম না হওয়াতে, তাহারা ইউরোটিস্ নদীর উপকূল হইয়া গমন করত পার্শ্ববর্তী প্রদেশ সকল নষ্ট ও দক্ষ করিতে লাগিল। ঐ নদী উত্তীর্ণ হইয়া স্পার্টাভিমুখে যাত্রা করিল। এই নগর প্রাকার বেষ্টিত না থাকিলেও তাহারা সাহস পূর্বক স্পার্টা নগর আক্রমণ করিতে অসমর্থ হইয়া উপকূলের পথে যাত্রা করত সম্মুখে যে নগর প্রাপ্ত হয় সেই নগর আক্রমণ ও দক্ষ করিতে আরম্ভ করিল। এইরূপ করিতে করিতে অবশেষে তাহারা মেসীনিয়ায় প্রবেশ করিল। ইপামিনোন্ডাস্ তথাকার লোকদিগকে আশ্রয়ান করিয়া স্বাধীনতা গ্রহণের আদেশ করিলেন। এবং মেসীনিয়াবাসী যে সমস্ত লোক ইটালি প্রভৃতি অন্যান্য স্থানে ছিল, সকলকে স্বদেশে আমিবার জন্য নিমন্ত্রণ করিলেন। তিনি তাহাদিগকে ইটোমি পর্বতের পাদদেশে এক নগর নির্মাণের পরামর্শ দিয়া স্বয়ং তাহায়া সাহায্য করিলেন, এবং নগর প্রস্তুত হইলে, নগর রক্ষণের দ্বিমিত্ত কতকগুলি খাঁবীয় সৈন্যও রাখিয়া গেলেন। যাহা হউক লাসিডোমিনীয়েরা তিনশত বৎসর কাল এক-ক্রমে অধিকার করিয়া অবশেষে চিরকালের নিমিত্ত মেসীনিয়ার আধিপত্য হারাইল ; এবং প্রজা না হইয়া ভয়ানক অধ্যবসায়শালী শত্রুর করাল কবলে পতিত

হইক। এইগুলি তাহাদের আদিম অন্যান্য জয়লাভ-জনিত পাপের যথার্থ পুরস্কার স্বরূপ হইয়াছিল বলিতে হইবেক।

মানসিনিয়ার সংগ্রাম।

ইহার সাত বৎসর পরে ইপামিনণ্ডাস্ কতকগুলি সৈন্য লইয়া পুনর্বার পিলপনীসসে প্রবেশ করিয়া (খৃঃ পূঃ ৩৬২) আর্কেডিয়ায় শিবির সন্নিবেশিত করিলে, রাজা আজিসিলারস্ স্পার্টার সৈন্যের অধ্যক্ষ হইয়া পথিমধ্যে তাহাকে আক্রমণ করিতে আসিয়া ছিলেন। ইপামিনণ্ডাস্ এই সংবাদ পাইয়া বিবেচনা করিলেন, এই সময় নগর প্রায় রক্ষক শূন্য হইয়াছে, এখন হঠাৎ আক্রমণ করিলে অনায়াসেই নগর অধিকার করিতে পারিতেন। মনে মনে এই স্থির করিয়া ইপামিনণ্ডাস্ এক দিন সন্ধ্যার সময় ভোজনাদি সম্পন্ন করিয়া সৈন্য সমভিব্যাহারে স্পার্টাভিমুখে যাত্রা করিলেন। যদি এক জন বিদ্রুত দ্রুতবেগে গিয়া আজিসিলারস্কে এই সংবাদ না দিত, তাহা হইলে তিনি অনায়াসেই অভীষ্ট সিদ্ধি করিতে পারিতেন। তিনি সংবাদ পাইয়াই তৎক্ষণাৎ স্বসৈন্যের কিয়দংশ লইয়া স্পার্টায় উপস্থিত হইলে ইপামিনণ্ডাসের সমস্ত প্রয়াস ব্যর্থ হইল। এই উদ্যম ব্যর্থ হইলে ইপামিনণ্ডাস্, মার্টোনিয়া আক্রমণ বাসনায় তথা হইতে যাত্রা করিয়া দ্রুতবেগে আর্কেডিয়ায় প্রত্যাগমন করিয়া

দেখিলেন, মার্টীনিয়ার লোকেরা সেই সমস্ত মাঠের শস্ত কাটিয়া গৃহানয়নে ব্যাপ্ত আছে। তাঁহার হঠাৎ আগমনে সকলে বিস্মিত হইয়া গেল। তিনি মনে মনে যেকপ আশা করিয়াছিলেন, ঠিক তাহাই ঘটিয়াছিল; তথাকার লোকেরা সেই সময় শস্তক্ষেদনে ব্যাপ্ত ছিল; কিন্তু তাঁহার আগমনের অব্যবহিত পূর্বে আথেন্স হইতে কতকগুলি অশ্বসৈন্য লাসিডিমোনীয়দিগের সাহায্যার্থ তথায় উপস্থিত ও লাসিডিমোনীয়দিগের সহিত মিলিত হইয়া আক্রমণ পূর্বক ইপামিনণ্ডাসের অশ্বসৈন্যকে পরাভূত করিল।

এইরূপে সকল উদ্যমেই অকৃতার্থ হইয়া ধীবীয় সেনাপতি ইপামিনণ্ডাস অতিশয় বিরক্ত হইলেন; এখন জয়লাভ ব্যতিরেকে আর কিছুই তাঁহার সন্তোষজনক হয় নাই। এক্ষণে যদি জয়লাভের জন্য তাঁহার জীবন নষ্ট হয়, তাহাও তিনি তাঁহার পক্ষে খ্যাতিকর বলিয়া বিবেচনা করত সৈন্যদিগকে সমরসজ্জার আদেশ করিলেন। এতৎ অবশ্যে সকলেই বিকসিত নেত্র হইল; এবং প্রফুল্লহৃদয় হইয়া আপন আপন ঢাল, শিরস্ত্রাণ, তরবারি, বর্শা প্রভৃতির সংস্কারে প্রবৃত্ত হইল। সৈন্যগণ সূক্ষ্ম হইলে ইপামিনণ্ডাস বহির্গত হইলেন। এই সময় শত্রুসৈন্য মার্টীনিয়ায় ছিল; তিনি বিপক্ষাভিমুখে সৈন্য চালনা না করিয়া পর্বতের দিকে সৈন্য চালনা করিতে লাগিলেন; এবং যে ক্ষেত্রে এই নগর প্রতিষ্ঠিত আছে, তাহার পশ্চিম ভাগেই যেন শিবির

সম্মিলিত করিতে যাইতেছেন, এইরূপ ভাব প্রকাশ করিতে লাগিলেন। তিনি এই বার শত্রুদিগকে বিলক্ষণ বঞ্ছনা করিলেন; এবং যাহা ভাবিয়াছিলেন, তাহাই ঘটিল; শত্রুগণ, তাঁহার ছলনায় বিমোহিত হইয়া, ইপামিন্ডাস্ সে দিবস আর সংগ্রামে প্রবৃত্ত হইবেন না, এই বিবেচনা করিয়া অস্ত্র শস্ত্র পরিত্যাগ পূর্বক শিথিলপ্রযত্ন হইল। এদিকে ইপামিন্ডাস্ খীবীয় রীত্যনুসারে আপন সৈন্যর বামকক্ষ গভীর বিন্যাস দ্বারা সজ্জিত করিয়া শত্রুশিবিরে প্রবেশপূর্বক শত্রুর লাসিডিমোনিয় সৈন্যক্লুত দক্ষিণ পার্শ্ব আক্রমণ করিয়া সম্পূর্ণ ক্লতকার্য্য হইলেন। শত্রুরা এইরূপ হঠাৎ আক্রমণে বিস্ময়াপন্ন ও ইতিকর্তব্যতা বিমূঢ় হইয়া বহুক্ষণ অধ্যবসায় সহকারে চেষ্টা করিয়াও অবশেষে পরাভূত হইল। কিন্তু ইপামিন্ডাস্ জয় লাভের মধ্যেই বক্ষঃস্থলে আহত হইয়া পতিত হইলেন, এবং তৎক্ষণাৎ যুদ্ধক্ষেত্র হইতে অপসারিত হইলেন। তাঁহার চৈতন্য হইলে তিনি প্রথমতঃ আপনার ঢালের অনুসন্ধান করিলেন; পরে তাঁহার ঢাল তাঁহাকে দেখান হইলে তিনি সন্তুষ্ট হইলেন। পরে তাঁহার বক্ষঃস্থল হইতে বর্শা খুলিয়া লইলে, ক্ষণকাল স্বদেশের উন্নতিকর জয়লাভে আত্মাদ প্রকাশ করত (খৃঃ পূঃ ৩৬২) মানবলীলা সম্বরণ করিলেন।

২৫৬ পিলোপিডাস্ এবং আলেকজান্ডার ফিরী। [৩:শঃঅ

পিলোপিডাস্ এবং আলেকজান্ডার ফিরী।

কথিত আছে ইপামিনণ্ডাসের সঙ্গে সঙ্গেই থীবসের মহত্ব বিলীন হইয়াছিল। ইহার মৃত্যুর পরেই তাহা-দিগের অন্যতর বীর পিলোপিডাস্ কালগ্রাসে পতিত হন। কিছু দিন পূর্বে থেসলীয়েরা, নরপতি আলেকজান্ডার ফিরীর অত্যাচারে নিপীড়িত হইয়া থীবস্দিগের সহায়তা প্রার্থনা করিলে, পিলোপিডাস্ থেসলি যাত্রা করিলেন; এবং যুদ্ধে প্রবৃত্ত হইয়া আপন অনবধানতা দোষে ঐ দুরাগ্নার হস্তে পতিত হইলেন। কিন্তু থীবীয় প্রভুশক্তির ভয়ে শীঘ্র তাঁহাকে স্বাধীনতা প্রদান করিল। থেসলীয়েরা পুনর্বার সহায়তা প্রার্থনা করিলে, পিলোপিডাস্ বৈরনির্ঘাতনপরতন্ত্র হইয়া অসমাপ্ত সৈন্য সমভিব্যাহারেই যাত্রা করিলেন। তথায় উপস্থিত হইয়া কতকগুলি থেসলীয় সৈন্য তাঁহার সহিত যোগদিলে, তিনি যুদ্ধার্থ শত্রুর অসংখ্য সৈন্যসাগরে প্রবিষ্ট হইয়া সমরক্ষেত্রে শত্রুহস্তে নিধন প্রাপ্ত হইলেন। কিন্তু সৈন্যেরা জয়লাভ করিল। এখন আলেকজান্ডার সন্ধির প্রস্তাব করিলেন।

যথেষ্টাচারী দুরাগ্নাদিগের যেকপ মৃত্যু ঘটিয়া থাকে, আলেকজান্ডারেরও সেইরূপে মৃত্যু ঘটিয়াছিল। তাঁহার পত্নীর দুই ভ্রাতা তাঁহার কর্মকর্তা ছিল। তাঁহার পত্নী তাহাদিগকে এই কুমন্ত্রণা দিল যে, “আলেকজান্ডার তোমাদের বিনাশের চেষ্টায় আছেন; তাঁহাকে না মারিলে তোমাদের নিরাপদ হইবার

কোন উপায় নাই” তাহারা সম্মত হইলে সেই কামিনী দিবাভাগে নিজ গৃহের নিকটে তাহাদিগকে লুক্কায়িত করিয়া রাখিল। রাত্রে আলেক্জাণ্ডর অভিযয় সুরাপান করিয়া শয়নাগারে শয়ন করিতে গিয়া যখন প্রগাঢ় নিদ্রায় অভিভূত হইলেন, তখন তাহার স্ত্রী অসিদ্ধারণপূর্বক ভ্রাতৃদ্বয়কে আহ্বান করিতে গেলে, তাহারা যখন ইতস্ততঃ করিতে লাগিল, তখন উক্ত কামিনী তাহাদিগকে এই বলিয়া ভয় প্রদর্শন করিল যে, “ যদি তোমরা ইহাকে নষ্ট না কর তবে এখনি তাহাকে জাগাইয়া বাহাতে তোমাদের প্রাণ দণ্ড হয়, একপ কবিব। ” ইহাতে তাহারা অগত্যা সম্মত হইল। কামিনী তাহাদিগকে গৃহে প্রবেশ করাইয়া দিয়া যে পর্য্যন্ত না হত্যাকাৰ্য্য সম্পন্ন হইয়াছিল সে পর্য্যন্ত স্বয়ং বর্শা হস্তে দ্বারদেশে দণ্ডায়মান রহিল। এই নরহত্যা প্রশংসনীয় বটে কিন্তু যেজন্য প্রশংসনীয় তাহার কিছুই হইল না। কেবল আলেকজাণ্ডরই হত হইলেন, দোরাভ্য সমানই রহিল। তাহারাও আলেকজাণ্ডরের ন্যায় প্রজাপীড়ন আরম্ভ করিল।

(নরপতি) আজিসিলারসের পরিণাম মার্টীনিয় সংগ্রামের পর বৎসরই রাজা আজিসিলাস্ মানব লীলা সম্বরণ করেন। টেকস্ নামক এক ব্যক্তি স্কাইপটের পারসীক রাজশাসনের বিরুদ্ধে অস্ত্রধারণ করিয়া লাসিডিমোনিয়ার সাহায্য প্রার্থনা করিলে তাহারা সাহায্যদানে সম্মত হইল। আজিসিলাস্‌র বয়ঃ-

২৫৮ পিলোপিডস্ এবং আলেকজান্ডার ফিরি । ১১শ অ

ক্রম এখন অশীতি বৎসরেরও অধিক হইবেক ;
তথাপি তিনি প্রেরিত সৈন্যের কর্তৃত্বভার গ্রহণ পূর্বক
মিশর যাত্রা করিলেন । তিনি উপস্থিত হইলে, টেকস্
সমস্ত গ্রীকসৈন্যের কর্তৃত্বভার তাঁহার উপর সমর্পণ
করিয়া স্বয়ং মীরিয়া যাত্রা করিল । কিন্তু সেই বৎস-
রই টেকসের ভ্রাতুষ্পুত্র তাহার সহিত বিদ্রোহাচরণে
প্রবৃত্ত হইয়া ঐজিপ্টের সহায়তা প্রাপ্ত হইয়া অব-
শেষে আজিসিলায়স্ এবং টেকসের রণতরীর অধ্যক্ষ
কেব্রিয়স্ নামক একজন আর্থীনীয়কে তাহার সহায়তা
করিবার জন্য লওয়াইতে লাগিল : কিন্তু কেব্রিয়স্
একেবারেই তাহার প্রস্তাবে অস্বীকৃত হইল । কিন্তু
আজিসিলায়স্ যাহাতে দেশের উপকার হয় তদ্বিষয়ে
নিরত হইয়া পরামর্শ জিজ্ঞাসার জন্য স্পার্টায় লোক
প্রেরণ করিলেন । দেশবাসীরা তাঁহার উপর বিবে-
চনার ভারার্পণ করিলে তিনি বিদ্রোহী সৈন্যের সহিত
মিলিত হইয়া টেকসের সৈন্যদিগকে পরাস্ত করিয়া
জয়লাভ করিলেন । জয়লাভের পর বিশিষ্টরূপ পুর-
স্কার পাইয়া জীবনের অবশিষ্ট কাল এবং লব্ধ সমস্ত
সম্পত্তি মেসীনিয়া বিধ্বংসে সমর্পিত করিতে কৃতমুঃ-
কম্প হইয়া স্পার্টা যাত্রা করিলেন । কিন্তু সন্মুদ্রে
আসিতে আসিতে পীড়িত হইলেন । তাঁহার জলযান
আফ্রিক উপকূলের বন্দরে উপস্থিত হইলে, তিনি সেই
স্থানেই প্রাণত্যাগ করিলেন । তৎকালে স্পার্টায়-
দিগের এই রীতি ছিল যে, তাহাদের রাজা বিদেশে

মরিলে তাঁহার মৃতদেহ মধুদ্রোণে নিমজ্জিত ও দেশে
 আনীত হইয়া সমাহিত হইত। যে স্থানে আজি-
 সিলায়সের মৃত্যু হইয়াছিল, তথায় মধু অতিশয়
 ভূষ্মাণ্য হওয়ায় তৎপরিবর্তে মধুচ্ছিষ্ট আনয়ন করিয়া
 তদ্বারা রাজকলেবর আচ্ছাদিত করা হইল, এবং
 স্পার্টায় লইয়া গিয়া সেই মৃতশরীর তদীয় পূর্ব পুরুষ-
 দিগের সমাধিমন্দিরে সমাহিত করা হইল।

দ্বাদশ অধ্যায় ।

ফিলিপ ।

এ পর্য্যন্ত গ্রীকজাতীর ঘরে ঘরে, এবং পারসীক
 দিগের সহিত সংগ্রাম চলিতেছিল। এক্ষণে (খৃঃ পূঃ
 ৩৫৯) মাসিডোনিয়ার অধিপতি ফিলিপ তাহাদিগের
 হুতন শত্রু আবিভূত হইলেন। মাসিডোনিয়া গ্রীসের
 উত্তর ভাগে অবস্থিত। এই সুযোগ্য নরপতি কি
 রাজনীতি, কি সৈন্যপত্য, সকল বিষয়েই পরিমিত
 ব্যয়সহকারে আথেল্য এবং অন্যান্য নগরের সম্বন্ধ-
 শক্তিসম্পন্ন লোকদিগকে স্ববশে আনয়নপূর্বক পরি-
 শেষে সমস্ত গ্রীসের অধীশ্বর হইয়াছিলেন। আথী-
 নীয়েরা ফিলিপের পরম শত্রু ছিল। নরপতি ফিলি-

পের সহিত সংগ্রাম কালে, দেশহিতৈষী স্বপ্রসিদ্ধ বক্তৃতাশক্তিসম্পন্ন ডিমস্থিনিম্ স্বদেশের স্বাধীনতারক্ষাবিষয়ে যে সমস্ত বক্তৃতা করিয়াছিলেন, এবং যদ্বারা সমুত্তেজিত হইয়া আথেল্‌বাসীর সংগ্রামে প্রবৃত্ত হইয়াছিল, তাহা পুস্তকে সন্নিবেশিত হইয়া চিরস্মরণীয় হইয়াছে ; এবং স্বাধীনতার পরমভক্ত ব্যক্তি-মাত্রেই বাহা পাঠ করিয়া জ্ঞানোন্মত্তের সহিত আত্মদাসাগরে নিমগ্ন হইতে থাকেন। আত্মীয়দিগের সহিত যে সমস্ত সংগ্রাম এবং পণবন্ধাদি হইয়াছিল, লিপিবাহুল্যভয়ে এই ক্ষুদ্রপুস্তকে সে সমস্ত বিস্তারিত বর্ণন না করিয়া, তাহার কিছু কিছু স্থল তাৎপর্য লেখা যাইতেছে।

পবিত্র সংগ্রাম

ফিলিপ্ গ্রীসের যে সংগ্রামে প্রথম ইস্তক্ষেপ করেন, তাহার নাম পবিত্র সংগ্রাম। পূর্বে উল্লেখ করিয়া গিয়াছে, ছোলনের সময় কাহাঁদেরা যখন পরাজিত হয়, তখন তাহাদিগের সমস্ত নিগান ভূমি ডেল্‌ফির দেবদেবলিয়া অকুণ্ঠ থাকিবার আদেশ হয় ; কিন্তু ফোসীয়েরা আজ সেই আদেশ উল্লেখন করিয়া ঐ দেবভূমিতে কর্বাদি আরম্ভ করিল। ফোসীয়দিগের সহিত থীবস্‌দিগের বহুকালাবধি বৈরতাব থাকায়, থীবীয়েরা এই রকম পাইয়া আথেল্‌সের আক্ষিকটিয়নিয় মহানভায় তাহাদিগের নামে অভিযোগ করিলে তাহা-

দিগের বিস্তার অর্থ দণ্ড হইল, কিন্তু ফোমীয়েরা সেই অর্থ দিতে অসম্মত হইলে, সমস্ত ফোমিয়া প্রদেশ ডেল্‌ফির দেবস্ব বলিয়া প্রচার করত তাহা অধিকারের জন্ত খণ্ডবীয়েরা (খৃঃ পূঃ ৩৫৭) ফোমীয়দিগের বিপক্ষে অস্ত্রধারণপূর্বক সমস্ত গ্রীকজাতিকে সাহায্যার্থ আহ্বান করিল। ফাইলোমিলস্ ফোমীয়দিগের মধ্যে এক জন প্রধান পুরুষ ছিলেন ; তিনি দেশবাসী সমস্ত লোকদিগকে আহ্বান করিয়া বলিলেন, “ যদি তোমাদের পুরুষকার থাকে, তবে সহিষ্ণুতা অবলম্বন পূর্বক এই নিবাসভূমি কদাচ অপহরণ করিতে না দিয়া, দেশের স্বাধীনতার রক্ষার জন্ত সকলে যুগপৎ অস্ত্রধারণ কর ; এবং অবিলম্বে যাইয়া ডেল্‌ফি নগর এবং তত্রত্য দেবালয় অবরুদ্ধ কর ” ফোমীয়েরা তথাস্থ বলিয়া, ফাইলোমিলস্কে সৈন্যপাত্রে বরণ করিলে তিনি স্বেচ্ছা অধিকার করিলেন। ফাইলোমিলস্ আপন কার্য্যসৌকর্য্যার্থে এবং সকলের উপর বিশিষ্টরূপ আধিপত্য বিস্তারের আশয়ে তগাকার পূজয়িত্রীকে আহ্বান করিয়া বলিলেন যে, “ আপনি নিজ পবিত্র আসনে উপস্থিষ্ট হইয়া আমার প্রতি দেবতার অভিপ্রায় ব্যক্ত করুন। ” তাঁহার সেই প্রস্তাবে পূজয়িত্রী প্রথমতঃ অস্বীকার করিলেন, কিন্তু ফাইলোমিলস্ অশেষবিধ ভয়প্রদর্শন করিলে পূজয়িত্রী ভয়প্রযুক্ত বলিয়া ফেলিলেন যে, “ তোমার দ্বারা অভিকৃতি তাহাই করিতে পারিবে। ” ফাইলোমিলস্ পূজয়িত্রীর এই আদেশকেই

দেবতার আদেশ বলিয়া গ্রহণ করিয়া সর্বসাধারণের গোচরার্থ স্থানে স্থানে বিজ্ঞাপন দিলেন। এদিকে আর্থীনীয় এবং স্পার্টায়েরা ফোসীয়দিগের সাহায্যে প্ররুত হইলে, গ্রীসের অন্যান্য জাতীরাও দেবকার্য্য-চ্ছলে থীবস্দিগের পক্ষ আশ্রয় করিল।

অনন্তর যে এক ভয়ঙ্কর যুদ্ধ হইল, তাহাতে ফোসীয়েরা হীনবল থাকায় পরাজিত হইল, এবং ফাইলোমিলস্ শস্ত্রাঘাতে ক্রতবিক্ষত হইয়া পলায়নপূর্বক এক বন্ধুর পর্বতের শিখরদেশ আশ্রয় করিলেন। অবশেষে যখন দেখিলেন, পলায়নের আর কোন উপায় নাই, তখন সেই উন্নত শিখর হইতে পতিত হইয়া স্বেচ্ছাপূর্বক প্রাণত্যাগ করিলেন। পরে তদীয় ভ্রাতা অন্‌মার্কস্ তাঁহার পদে প্রতিষ্ঠাপিত হইয়া, একালপর্য্যন্ত ডেল্‌ফী দেবালয়ের চিরসঞ্চিত যাবতীয় সম্পত্তি অধিকার পূর্বক লৌহ, তাম্র প্রভৃতি ধাতু সকল অস্ত্রশস্ত্রের ব্যবসায় নিয়োজিত করিলেন; এবং যাবতীয় স্বর্ণ, রৌপ্য, সৈন্যদিগের বেতন দিবার জন্য রাখিয়া দিলেন। ফিলিপ থেসলীর প্রজাবর্গের পক্ষ অবলম্বন করিয়া তথাকার যথেষ্টাচারী সামন্তচক্রের প্রতিকূলে অস্ত্রধারণ করিলে, ঐ যথেষ্টাচারীরা অন্‌মার্কসের সাহায্য প্রার্থনা করিল। তিনিও সহায়তায় প্ররুত হইয়া প্রথমে মাসিডোনীয়দিগের উপর জয়লাভ করিলেন; পরিশেষে প্রভূত সৈন্যহানির সহিত পরাস্ত হইয়া স্বয়ং নিহত হইলেন।

অনন্তর প্রথমোলিখিত সেনাপতিদ্বয়ের আত্মপুত্র ফেলীকস্ ফোসীয়সৈন্যের কর্তৃত্ব ভার গ্রহণ করিলেন । তিনি এই কার্যে নিযুক্ত হইয়া থীবীয়দিগকে এতাদৃশ ব্যতিব্যস্ত করিতে আরম্ভ করিলেন যে, থীবীয়দিগকে সাহায্যার্থ ফিলিপ্কে আহ্বান করিতে হইল । থার্মপাইলি অতিক্রম করিয়া মাসিডোনিয়রাজ তাহাদের সহায়তার প্রবৃত্ত হইলে, মাসিডোনিয়ার অধিবাসীরা এই প্রথম থার্মপাইলি অতিক্রম করিল । ফিলিপ্ থীবীয়দিগের সাহায্যে প্রবৃত্ত হইয়াছেন দেখিয়া, ফেলীকস্ স্বদেশের প্রতি বিশ্বাসঘাতকতা করিয়া আপনার এবং ভূতিগ্রাহী সৈন্যদিগের রক্ষার নিমিত্ত সন্ধি সংস্থাপন করিলেন, এবং অন্যান্য ফোসীয়দিগকে তাহাদের ভাগেদ্র সহায়তায় নিঃক্ষিপ্ত করিয়া তাহাদিগকে পরিত্যাগ করিয়া গেলেন ; সুতরাং অসহায় ফোসীয়দিগকে অগত্যা শত্রুহস্তে আত্মসমর্পণ করিতে হইল । এই সময় কতকগুলি লোক চিরসেবিত বৈরনির্যাতনের বশবর্তী হইয়া যুবকদিগের বিনাশে ব্যাপ্ত হইলে, ফিলিপ্ বহুকষ্টে তাহাদিগকে হত্যাকাণ্ড হইতে বিরক্ত করিয়া ফোসীয়দিগের প্রাণরক্ষা করিলেন । কিন্তু ফোসীয়দিগকে যাবতীয় নগর একেবারে বিধ্বস্ত করিয়া তাহাদিগের নগর হইতে উদ্ধাস্ত করিয়া দিল, এবং গ্রামে গ্রামে পঞ্চাশ ঘরের অনধিক একত্র বাস করিবার আদেশ দিয়া পল্লীগ্রামে বাস করিতে পাঠাইয়া দিল, আর তাহাদের প্রতি এইরূপ কর নির্দ্ধারিত

করা হইল যে, তাঁহার দেবানগরের যত সম্পত্তি অপ-
হরণ করিয়াছিল, যত দিনে সেই সম্পত্তি পুনঃসঞ্চিত
না হইবেক, ততদিন বার্ষিক ষষ্টি ট্যালেন্ট মুদ্রা করিয়া
দেবানগরে দিতে হইবেক ; এবং ততদিন পর্য্যন্ত কেহ
ঘোটক বা অস্ত্র শস্ত কিছুই ব্যবহার করিতে পারিবেক
না। এই কপে (খৃঃ পূঃ ৩৩৬) পবিত্র সংগ্রাম পর্য্য-
বসিত হইল।


চিরোগীর সময়।

এইকপে' মাসিডোনিয়া রাজ্যের প্রভুশক্তি দিন
দিন বৃদ্ধি পাইতে লাগিল। ফিলিপ সমস্ত গ্রীসের
অধীশ্বর হইবার মান্দেস বহুকালাবধি মনে মনে যে
অশেষবিধ উপায় কল্পনা করিয়াছিলেন, অপৰ্য্যন্ত সেই
সমস্ত উপায় প্রয়োগের কোন সুযোগ প্রাপ্ত হন নাই।
অবশেষে তাঁহার উপায়প্রয়োগের অমুকূল এমন একটি
সুযোগ উপস্থিত হইল, এবং যাহা অবলম্বন করিয়া
স্বাভিপ্রায় সাধনে সমর্থ হইয়াছিলেন তাহা এইঃ—
লোক্রীয়েরা কাৰ্ণারদিগের নিবাসভূমি অধিকার
করিলে, এই দেবস্থাপনরূপের দণ্ডবিধানের জন্য স্লাম-
ফিকটিয়নীয় সদস্যেরা ফিলিপকে পুনরাস্থান করিয়া-
ছিলেন। এই পুনরাস্থান তাঁহার স্বকার্যসাধনের উপায়-
ভূত হইয়া উঠিল। তিনি স্বয়ং সমস্ত সৈন্যের অধিনায়কের
পদে অভিষিক্ত হইয়া অবিলম্বে লোক্রীয়দিগকে আক্র-
মণপূর্বক নিহত করিলেন ; পরে ইলোটিয়া-নগর অব-

রুদ্ধ করিলেন। এই নগর দ্বারা ফোঁসিস্ হইতে থ্রিয়ো-
শিয়া যাইবার পথ নির্গত হইয়াছে।

মাসিডোনীয়রাজ ফিলিপের সহিত যে যুদ্ধঘটনা
হইলেক, ইহা একপ্রকার আধীনীয়দিগের স্থিরসিদ্ধান্ত
ছিল ; কিন্তু তিনি একেবারেই ইলোটিয়া অবরুদ্ধ করি-
য়াছেন; ইথাৎ এই কথা শুনিয়া অত্যন্ত ভীত হইয়া
তৎক্ষণাৎ ডিমস্থিনিন্স এবং অন্যান্য ব্যক্তিকে আহ্বান-
পূর্বক থীব্‌স্ প্রভৃতি প্রদেশে প্রেরণ করিল। এই সকল
প্রেরিত দূতেরা একপ পরিশ্রম ও নিপুণতা সহকারে
নির্দিষ্ট কার্য সম্পাদন করিয়াছিলেন যে, ছয় সপ্তাহের
মধ্যে অন্যান্য চল্লিশ পঞ্চাশ সহস্র সৈন্য ঐ সমস্ত
প্রদেশ হইতে আসিয়া, ফিলিপের আগমনবাধা দিবার
জন্য থ্রিয়োশিয়ায় একত্র সমবেত হইয়াছিল। ফিলি-
পের সৈন্যও ত্রিংশৎসহস্রের মত ছিল না ; কিন্তু
গ্রীকদিগের অধিকাংশই মিলীশিয়া অর্থাৎ দেশ-
রক্ষক অতি অপটু সৈন্য ছিল ; এবং তাহাদের পক্ষে
কেহ উপযুক্ত সেনাপতি ছিল না। মাসিডোনীয় সেনার
সকলেই সংগ্রাম কুশল ছিল এবং তৎকালীন প্রসিদ্ধ
যোদ্ধারা তাহাদের সেনাপতি ছিলেন।

থ্রিয়োশিয়ার অন্তঃপাতী চিরোণিয়া নগরের
নিকটবর্তী ক্ষেত্রে (খৃঃ পূঃ ৩৩৮) ঐ উভয়জাতির যে
যুদ্ধ উপস্থিত হয়, তাহা চিরোণীয় সংগ্রাম বলিয়া
ইতিহাসে প্রসিদ্ধ। প্রভাত হইলে উভয় পক্ষের
সৈন্য বহির্গত হইয়া সাহস পূর্বক যুদ্ধ করিতে আরম্ভ



করিল। কিন্তু যে দিকে কৌশল এবং স্বশৃঙ্খলা সেই দিকেই জয়ন্তী স্থিরীভূত হইলেন ; সুতরাং এই সময়ে খীবীয়দিগের অধিক ক্ষতি হইয়া পরিশেষে জয়ন্তী ফিলিপের পক্ষপাতিত্ব হইলে, ফিলিপ্ নরহত্যা নিষেধ করিয়া শোণিতস্রোতঃ নিবারণ কারলেন। ফিলিপ্ সঙ্ক্কার সময় যাবতীয় কর্মচারীদিগকে আহারার্থ আহ্বান করিলে, সবলে একত্র আহারাদি করিয়া রণক্ষেত্র দেখিতে বহির্গত হইলেন। খীবীয় সৈন্যের মধ্যে পবিত্রদল নামক যে একদল যুবাণুরুষ পরস্পর স্নেহসূত্রে আবদ্ধ ছিল ; ইহারা সংগ্রামকালে যে স্থানে ব্যাপাদিত হইয়া একত্র পতিত ছিল, ফিলিপ্ রণস্থল পর্য্যবেক্ষণ করত তথায় উপস্থিত হইয়া সেই স্বপুরুষদিগের একত্র মৃত্যু দর্শনে অতিশয় দুঃখিত হইয়া অশ্রু-মোহন করিতে লাগিলেন ; এবং তাহাদের রণপাণ্ডিত্য ও সৌহার্দের ভূরি ভূরি প্রশংসা করিতে লাগিলেন। অনন্তর রণক্ষেত্রের যে অংশে আত্মীয়-য়েরা যুদ্ধ করিয়াছিল, তথায় উপস্থিত ও নিরানন্দ হইয়া তাহাদের যুদ্ধসংরম্ভ পদ্যে বিনিবেশিত করিয়া, সেইস্থানে উপহাসচ্ছলে তাহা পাঠ করিয়াছিলেন ; এবং তাহাদের প্রতি কিছুমাত্র বিদ্বেষ প্রকাশ না করিয়া পরিমিত পণে তাহাদের সহিত সন্ধিসংস্থাপন করিয়াছিলেন। তিনি এইরূপে সমস্ত গ্রীষ্মের অধীশ্বর হইলেন।

ফিলিপের উপায়সমষ্টি ।

গ্রীস জয়ের পর পারস্য সাম্রাজ্যের জয় সম্পাদন করা ফিলিপের ছুরাকাজ্ঞার প্রধান বিষয় হইয়া উঠিল। দশ সহস্র গ্রীকের দেশ প্রত্যাগমন অবধি পারস্য জয় অতি সহজ বলিয়া তদদেশীয় লোকদিগের প্রতীতি ছিল। এক্ষণে তিনি সমস্ত গ্রীকসৈন্য একত্রিত করিয়া স্বয়ং সৈন্যপত্যের ভার গ্রহণ পূর্ব্বক এই ব্যাপারে বিনির্গত হইবার মানসে করিষু গমন করিলেন। তথায় যে এক সভা হইল, তাহাতে সমস্ত গ্রীকজাতি একত্র হইয়া পারস্য আক্রমণ করিবেক, এবং ফিলিপ তাহাদের অধিনেতৃত্ব গ্রহণ করিবেন, এই পরামর্শ স্থির হইল। এই বৃহৎ অভিযানে কেবল মাসিডিমোনিয়েরা সম্মত হয় নাই; সুতরাং এই সভার তথাকার প্রতিনিধিও প্রেরিত হয় নাই। দুঃখের বিষয় যে, বিধাতা ফিলিপের ভাগ্যে পূর্ব্বদেশ বিজয়ের লিপি করেন নাই; কারণ পারস্য যাত্রার সমুদ্যমেই গৃঢ় বৈরনির্যাতন দ্বারা তাহার প্রাণ নাশ হইল। থালেক্জাণ্ডরের জননী অলিম্পিয়স্ জীবিত থাকিতে থাকিতেই, ফিলিপ্ আটেলাস্ নামক কোন নিজ প্রধান অধ্যক্ষের ভাতৃহত্যা ক্লিয়োপেট্রার পাণিগ্রহণ করিতে ইচ্ছা করিয়াছিলেন। বিবাহের দিবস আটেলাস্ পসেনিয়স্ নামক কোন মাসিডোনিয় কুলীনকে কটুক্তি করিলে, তিনি তাহার প্রতিকারার্থ ফিলিপের নিকট আবেদন করেন; ফিলিপ তদ্বিষয়ে কিছুই মনো-

যোগ না করায় পসেনিয়স্ তাহার হিংসায় বিরত হইয়া ফিলিপের বিনাশের সুযোগ অনুসন্ধানে নিরত থাকিল।

ফিলিপের মৃত্যু।

ইপিরসের রাজার সহিত স্বীয় কন্যার বিবাহ কালে উৎসব প্রিয় ফিলিপের রাজভবন, ক্রীড়া, নৃত্য গীত, এবং নানাবিধ আমোদ প্রমোদে পরিপূর্ণ হইয়াছিল। ফিলিপ সকলের প্রতি বিশ্বস্ততা প্রদর্শন করিবার জন্য পরিণয়োৎসবের যাবৎকাল নিজ শরীর রক্ষকদিগকে দূরে দণ্ডায়মান থাকিতে আদেশ করিয়া ছিলেন। তিনি একদা বন্ধু বান্ধবদিগকে অগ্রে করিয়া নাট্যশালার অভ্যন্তরে প্রবেশ করিবার উদ্দেশ্যে করিতেছেন, এমন সময়, পসেনিয়স্ সুযোগ পাইয়া দ্রুতবেগে আসিয়া ফিলিপের শরীরে তরবারি বিদ্ধ করিয়া দিল। রাজা পতিত হইলেন এবং তৎক্ষণাৎ পঞ্চমুখ পাইলেন (খৃঃপূঃ ৩৩৬)। হত্যাকারী, যেখানে তাহার পলায়নের জন্য অশ্ব প্রস্তুত ছিল, দ্রুত বেগে তথায় গমন করিল; অশ্বের লাগাম দ্রাকালতায় জড়াইয়া যাওয়াতে তাহা খুলিয়া দিবার চেষ্টা করিতেছে, এমন সময় পার্ভিকস্ নামক একজন রাজশরীর রক্ষক আসিয়া তাহাকে বিনষ্ট করিল।

ত্রয়োদশ অধ্যায় ।

মহাবীর আলেক্জান্ডার ।

• ফিলিপের লোকান্তর গমনের পর মাসিডোনিয়ার রাজাসন শূন্য হইলে, তদীয় পুত্র আলেক্জান্ডার বিংশতি বর্ষ বয়ঃক্রমকালে পিত্রসিংহাসনে অধিরোহণ করিলেন। এতাদৃশ অল্পবয়স্ক ব্যক্তি তাদৃশ বিস্তৃত সাম্রাজ্যের গুরুতর শাসনকার্য্য কি প্রকারে সম্পন্ন করিবেন, এই ভাবিয়া সকলেরই বিষয় জন্মবার সম্ভাবনা ; কিন্তু আলেক্জান্ডার আপন স্বভাবসিদ্ধ বিজ্ঞতা ও বিচক্ষণতা দ্বারা নিজ সমস্ত সাম্রাজ্যের সুন্দররূপ সুশৃঙ্খলতা সম্পাদন করিয়া, পরিশেষে যে সমস্ত জনপদ ইতিপূর্বে কোন রাজাই আক্রমণ করিতে পারেন নাই, এমন অনেক দেশ জয় করিয়া নিজ সাম্রাজ্যের সীমাবৃদ্ধি করিয়াছিলেন। তাঁহার শিক্ষাকার্য্য তৎকালীন বিজ্ঞানশাস্ত্র বিশারদ আরিষ্টটল কর্তৃক সম্পাদিত হয় ।

তিনি প্রথমতঃ, পিতার সমাধিকার্য্য যথোচিত সন্মারোহে সম্পন্ন করিয়া, অনুসন্ধান দ্বারা পিতৃহত্যা-কারীদিগের সমুচিত শাস্তিবিধানে যত্নবান হয়েন, এবং তাহা সম্পন্ন করিয়া তদনন্তর কতকগুলি সৈন্য সংগ্রহপূর্ব্বক গ্রীসে যাত্রা করিলেন। তথায় উপস্থিত হইয়া দেখিলেন, খীবীরেরা বিজ্রোহ উপস্থিত করিবার

উদ্যোগে আছে। কিন্তু তাহারা সহসা আলেকজাণ্ডারকে উপস্থিত দেখিয়া সে উদ্যোগ হইতে বিরত হইল। তিনি তথা হইতে করিন্থ্ যাত্রা করিলেন। করিন্থের সাধারণ সভার সদস্যেরা ফিলিপের স্থানে তাঁহাকে পারমীক অভিযানের প্রধান সৈন্যপত্যে বরণ করিলে, তিনি মাসিডোনিয়ায় প্রতিনিবৃত্ত হইয়া দেখিলেন, তথাকার উত্তরবর্তী অসভ্যজাতিরা তাহাদের অভ্যন্ত আক্রমণ পুনর্বার নবীকৃত করিয়া প্রজাদিগকে ব্যতিব্যস্ত করিতেছে, তিনি সহজেই তাহাদিগকে পরাস্ত ও নিঃসারিত করিয়া অতঃপর পূর্বদিগ্ধিজয়-প্রসঙ্গে বিনির্গত হইলেন ; হেমস্ গিরি অতিক্রমপূর্বক ডানিয়ুব নদীর অভিনুখে যাত্রা করত নদীতীরে উপস্থিত হইলেন ; এবং ডেরাল্লসের সময় হইতে এপর্যন্ত পশ্চিম রাজ্যের কোন রাজা যে নদী উত্তীর্ণ হইতে পারেন নাই, তিনি আজ্ সেই নদী স্থখে উত্তীর্ণ হইয়া নদীতীরবর্তী জিটন্দিগের সহিত সংগ্রামে প্রবৃত্ত হইয়া জয়লাভ-পুরঃসর ইলীরিয়ায় প্রত্যাগমন করিলেন। এই প্রদেশ মাসিডোনিয়ার পশ্চিমভাগে অবস্থিত ; এখানকার অধিবাসীরা সর্বদাই নিকটবর্তী অধিবাসিদিগকে অতিশয় পীড়া দিত, এজন্য ইলীরীয়দিগকে উৎসন্ন ও রুষ্টীভূত করিলেন।

- খীবসে পুরস্কংস ।

আলেকজাণ্ডার এইরূপে নানা স্থানের বিদ্রোহ নিবারণে ব্যাপৃত থাকায়, বহুকালাবধি তদীয় কোন

সংবাদ গ্রীসে যায় নাই ; এজন্য আনেকজাতির মরিয়াছেন, এই কিংবদন্তী দক্ষিণ গ্রীসের সর্বত্র প্রচারিত হইলে, নির্বাসিত খীবস্বাসীরা, ইহা যথার্থ জ্ঞান করিয়া, রাত্রিযোগেই বসে প্রত্যাহমনপূর্বক দুর্গ রক্ষক মাসিডোনীয় সেনাপতিদিগকে সহসা আক্রমণ ও বিনষ্ট করিয়াছিল। পরে স্বাধীনতা সংস্থাপনার্থ অন্যান্য প্রদেশের লোকদিগকে আহ্বান করিয়া তত্রত্য দুর্গ ক্যাডমিয়া অবরোধ করিল। এই অযোগে সুপ্রসিদ্ধ ডিমস্থিনিম্ নিত্র বক্তৃতাশক্তি প্রভাবে আখীনীয়দিগকে বিলক্ষণ সন্তোষিত করিয়া খীবীয়দিগের সম্পূর্ণ সাহায্যে প্ররূত হইবার জন্য পরামর্শ দিলে, সমাজमध्ये একটি সাধারণ সংগ্রাম উপস্থিত হইবার উপক্রম হইল। তাহাতে সমাজ অরাজকবৎ বিশৃঙ্খল হইল, সকলেই স্ব স্ব প্রধান, কেহ কাহাকে গ্রাহ্য করে না। এই সংবাদ ষষ্ঠ দিবসে ইনীরিয়াস্থ যুবরাজের কর্ণগোচর হইলে, তিনি তৎক্ষণাৎ তথা হইতে নির্গত হইয়া ছয়দিনে থেসালি উপস্থিত হইলেন ; তথায় অন্যান্য ত্রিশংসহস্র সৈন্যে পরিবৃত্ত হইয়া ছয়দিনের মধ্যে একাত্তরক বিয়োশিয়ার উপস্থিত হইল। খীবীয়দিগের নিকট সন্ধি প্রস্তাব করিলেন, কিন্তু তাহারা অসম্মতি প্রদর্শনপূর্বক যুদ্ধ করিতে উদ্যুক্ত হইল, তাহার সহিত তুমুল সংগ্রাম আরম্ভ হইল। সেই সংগ্রামে খীবীয়েরা প্রচুর সাহসিকতা প্রদর্শনপূর্বক দীর্ঘকাল যুদ্ধ করিয়া পরাস্ত হইলে, বিজয়ী টেমালিয়া নির্দয়রূপে

হত্যা আরম্ভ করিল ; যাহারা সেই হত্যা হইতে পরি-
 ত্রাণ পাইল, তাহারা পণ্যদ্রব্যের ন্যায় পণ্যবীথিকায়
 বিক্রীত হইতে লাগিল ; নগরের সমস্ত অট্টালিকাই
 ভূমিসাৎ হইল ; শুদ্ধ স্বপ্রসিদ্ধ দীর্ঘ কবি পিণ্ডারের
 ভবন অবশিষ্ট রহিল। তদীয় আত্মীয়দিগকে 'এই
 সাধারণ যন্ত্রণা হইতে পরিত্রাণ করিবার জন্য সকলেই
 বিশেষ যত্ন পাইয়াছিল।

আথীনীয়েরা, খীব্‌সের এই সাংঘাতিক সংবাদ
 অবগত হইয়া, তাহাদেরও পাছে এই দুর্দশা ঘটে, এই
 ভয়ে কম্পবান হইতে লাগিল, এবং আগ্নেয়কার
 উদ্দেশ্যে প্ররৃত্ত হইয়া, যদি যুবরাজের মনকে শাস্ত
 করিতে পারে, এই আশয়ে তাঁহার নিকট দূত প্রেরণ
 করিলে, আলেকজান্দ্র, প্রথমতঃ ডিমস্থিনি' প্রভৃতি
 আথেন্সের সঙ্ঘজ্ঞাদিগকে এবং তদ্রূপ অন্যান্য সেনা-
 পতিদিগের মধ্যে দুইজনকে তাঁহার শরণাগত হইবার
 আদেশ করিলেন। তাহা শুনিয়া ডিমস্থিনি' আথী-
 নীয়দিগকে সম্বোধন করিয়া বলিলেন, “ যেমন মেঘগণ
 ব্যাঘ্রের পরামর্শে তাহাদের রক্ষকদিগকে পরিত্যাগ
 করিয়াছিল, তেমনি তোমরাও যেন আমাদিগকে পরি-
 ত্যাগ করিও না। ” তাঁহার এই কথায় সকলেই সন্তুষ্ট
 হইল। অবশেষে আলেকজান্দ্রও তাঁহার প্রতি সন্তুষ্ট
 হইয়া কারিডামস্‌ ভিন্ন আর সকলকেই ক্ষমা করিলে,
 কারিডামস্‌ আথেন্স্‌ পরিত্যাগপূর্বক পারস্যরাজের
 শরণাগত হইলেন। ”

আলেকজান্ডরের আশিয়া গমনের পথ ।

অনন্তর আলেকজান্ডর মাসিডোনিয়ায় প্রত্যাগত হইয়া সমস্ত শীতকাল অতিবাহিত করিলেন ; এবং বসন্তের আবির্ভাবে ত্রিংশৎসহস্র স্ত্রনিপুণ পদাতি সৈন্য, চারি পাঁচ সহস্র অশ্বরোহী সৈন্য লইয়াই জয় সাধনে স্থিরনিশ্চয় হইয়া (খৃঃ পূঃ ৩৩৪) স্থলপথে পারস্য বিজয়ে বিনির্গত হইলেন ; এবং হেলেন্সপন্টের তীরে উপস্থিত হইয়া নোকারোহণপূর্বক স্বহস্তে দাঁড় বাহিয়া হেলেন্সপন্টের মধ্যভাগে উপস্থিত হইয়া সমুদ্র দেবতা পমীডন্ বা নেরীডিস্ দেবীর উদ্দেশে বৃষ বলি প্রদানপূর্বক ক্রমে আশিয়ার উপকূলে পৌঁছিয়া সর্বাঙ্গে স্বয়ং কূলে অবতীর্ণ হইলে, পরে সৈন্যগণ নামিল । তিনি যে স্থানে নোকারোহণ করেন, তথায় এক দেবালয় স্থাপিত করিয়া আইসেন ; এবং যেস্থানে নৌকা হইতে নামিলেন, সেই স্থানেও এক দেবালয় প্রতিষ্ঠাপিত করিলেন । তথা হইতে যাত্রা করিয়া ট্রয় নগরে উপস্থিত হইলেন ; এবং মিনর্বাদেবীর মন্দিরে প্রবেশপূর্বক তাঁহার উপাসনাদি সম্পন্ন করিয়া দেখিলেন, তথায় যে কতকগুলি বর্ষ্য লব্ধমান আছে, তাহা হোমর-কবি বর্ণিত যোদ্ধাদিগের বলিয়া প্রসিদ্ধ । তিনি সেই সকলের মধ্য হইতে এক সাট্ গ্রহণ করিয়া আপন বর্ষ্য তথায় ঝুলাইয়া রাখিলেন । তথা হইতে আচিলিসের সমাধিমন্দিরে গমনপূর্বক তদুদ্দেশে বিবিধ ক্রীড়া মহৌৎসব বিস্তার করিয়া আচিলিসের প্রতি যৎপরো

নাশ্তি সম্মান ও গৌরব প্রদর্শনপূর্বক কহিলেন “আটলিসের বংশ মদীয় মাতামহ বংশ, তাঁহার কীর্তিকামাপ হোমরের গ্রন্থে সবিশেষ বর্ণিত আছে ; তাঁহার জীবদ্দশায় সেই প্রসিদ্ধ পেট্রোক্লস্ তাঁহার পরম বন্ধু থাকায় আমি তাঁহাকে জগতের মধ্যে পরম স্মৃতি বীর পুরুষ বলিয়া গণ্য করি।”

গ্রানিকসের সংগ্রাম।

মহাবীর আলেকজান্ডার্ এবস্থিধ কার্যে ব্যাপ্ত আছেন, এমন সময় শুনিলেন, পারস্যের ভিন্ন ভিন্ন প্রদেশের শাসন কর্তারা তদীয় আগমন প্রতিরোধের জন্য ক্রীড়িয়া প্রদেশে সমবেত হইয়া সৈন্য সংগ্রহ করিতেছে ; অতি ত্বরায় আসিয়া সংগ্রামে তাঁহার সম্মুখীন হইবেক। এজন্য তিনি হেলেনপন্টের ধারে ধারে সৈন্য চালনা করত বিপক্ষশিবিরভিমুখে ধাবমান হইলেন। এদিকে কিরূপ সংগ্রাম পদ্ধতি অবলম্বন করিলে ভাঙ্গ হয়, এই লইয়া পারসীক প্রধান সৈনিক পুরুষদিগের কতিশয় বিতণ্ডা চলিতে লাগিল। রোডস্ দ্বীপের অধিবাসী মেনেন্ নামা পুরুষ, যিনি বহুকালাবধি পারসীক সৈন্যপত্য কার্যে নিযুক্ত ছিলেন, বিশেষ অনুরোধ করিয়া বলিলেন, “কদাচ যুদ্ধের বে ক্ ঘাড়ে লওয়া হইবেক না, কিন্তু নিকটবর্তী প্রদেশ সকল লুণ্ঠনপূর্বক অগ্নিসংযোগ দ্বারা দগ্ধ করিয়া পলায়ন করিতে হইবেক ; তাহা হইলে,

মাসিডোনিয় সৈন্য আহারাভাবে, হয় পলায়ন করিবেক, নয় আমাদের শরণাগত হইবেক।” কিন্তু ফীজিয়ার শাসনকর্তা কহিলেন, “আমি প্রাণ থাকিতে অগ্রেই মদীর শাসিত প্রদেশের একমাত্র গৃহও দক্ষ করিতে দিব না।” অন্যরা, আপন ওজঃস্বিতাবশতঃই হউক; বা মেমননের প্রতি অস্থয়া প্রযুক্তই হউক, ফীজীয় রাজপুরুষের মতের অনুমোদন করিলে, গ্রানিকসের পথ রুদ্ধ করিয়া থাকাই স্থিরনিশ্চয় হইল।

আলেক্জাণ্ডার (খৃঃ পূঃ ৩৩৪) গ্রানিবস্-নদী তীরে উপস্থিত হইয়া দেখিলেন, নিম্নগার অপরপারে বিংশতি সহস্র তুরঙ্গমসৈন্য বিস্তীর্ণ সমতলক্ষেত্র আবৃত করিয়া আছে; এবং ভূতিগ্রাহী পদাতি গ্রীকসৈন্য তীরবর্তী পর্বতশ্রেণীতে সন্নিবিষ্ট হইয়া নদীর আগমনের বাধা দিতে প্রস্তুত আছে। ইহা দেখিয়া আলেক্জাণ্ডার গ্রীকরীত্যনুসারে বলবিন্যাস করিলেন। বামকক্ষে পদাতিসৈন্য, দক্ষিণকক্ষে তুরঙ্গসৈন্য বিন্যস্ত করিয়া স্বয়ং দক্ষিণপার্শ্ব রক্ষায় নিযুক্ত থাকিলেন, এবং পিতার সমর্থ সেনানী পার্শ্বন্যায়কে বামপার্শ্ব রক্ষায় নিযুক্ত করিলেন।

এইরূপে সমস্ত সুসজ্জিত হইলে তুরীধ্বনি আরম্ভ হইল, এবং রণধ্বনি ক্রমশঃ প্রবল হইয়া উঠিলে, উজ্জীর্ণ হইবার মানসে আলেক্জাণ্ডার অশ্বসৈন্য সম-ভিব্যাহারে নদীতে প্রবেশ করিলেন। নদীর তটপ্রদেশ উন্নত ও বন্ধুর ছিল, তীর হইতে পারসীকদিগের কতকসৈন্য তাঁহার উপর বাণবর্ষণ করিতে লাগিল, কতক

বা অশ্বপৃষ্ঠে আরোহণ পূর্বক জলে নামিয়া, কতক বা দাঁড় বাহিয়া গিয়া আক্রমণকারীদিগকে বিনাশ করিতে উদ্যত হইল ; তথাপি তাহাদের সমস্ত প্রয়াস ব্যর্থ করিয়া মাসিডোনীয় অশ্বসাদীরা নদীর অপরাপারে উত্তীর্ণ হইল ; এবং ক্রোধভরে শত্রুদিগের সহিত হস্তাহস্তি আরম্ভ করিল। পারসীকরাজের জামাতা কোন সম্ভ্রান্ত ব্যক্তি এক দল অশ্বসৈন্যের অধ্যক্ষতা গ্রহণ করিয়া ক্রোধভরে মাসিডোনীয় সম্রাটকে আক্রমণ করিতে ধাবমান হইলে, সম্রাট প্রবলবেগে অশ্ব ছাড়িয়া দিয়া তাঁহার সম্মুখীন হইলেন ; এবং তাঁহার মুখের প্রতি লক্ষ্য করিয়া একপ বর্শা প্রয়োগ করিলেন যে, তিনি আহত হইয়া ভূতলে পতিত ও পঞ্চত্ব প্রাপ্ত হইলেন।

অনন্তর আর এক জন পারসীক আসিয়া অশ্বপৃষ্ঠে আরোহণপূর্বক অসি দ্বারা তাঁহার মস্তকে আঘাত করিলে তাঁহার শিরস্রাণের পক্ষ ও তাহার কিয়দংশ মাত্র উড়িয়া গেল ; অবশেষে আলেকজাণ্ডর গতি বিশেষ অবলম্বনপূর্বক পারসীক-যোদ্ধার বক্ষঃস্থলে বর্শা মারিয়া তাঁহাকে ভূতলে পতিত করিলে, সেও পঞ্চত্ব প্রাপ্ত হইল। ঠিক সেই মুহূর্তে আয়োনিয় শাসনকর্তা স্পিথিউটিস্ আলেকজাণ্ডরের মস্তকে আঘাত করিবার অভিপ্রায়ে নিজ অসি উত্তোলন করিতেছেন এমন সময়, রাজশরীর রক্ষক আলেকজাণ্ডরের খাত্তীর ভ্রাতা ক্লাইটস্ আসিয়া তাঁহাকে এমন অস্ত্রা-

ঘাত করিলেন যে, তাঁহার হস্ত উড়িয়া গেল, নচেৎ আলেকজান্ডরের পঞ্চহু হইত। এই সময়ে সম্রাটের বামভাগের অশ্বমেনাও নদীপার হইয়া পড়িল, এবং জ্বরার আসিয়া পারসীক সৈন্যকে সম্পূর্ণরূপে বেষ্টন করিয়া ফেলিল। আর এক দল সৈন্য বিপাকীয় গ্রীক ভূতিগ্রাহীসৈন্যের অভিমুখে প্রেরিত হইল, এদিকে যাবতীর অশ্বাদীরা আসিয়া তাহাদিগকে খণ্ড খণ্ড করিয়া ফেলিল। যে দুই সহস্রমাত্র লোক হতাবশিষ্ট থাকিল, তাহারা কারাগারে নিঃক্ষিপ্ত হইল।

এই সংগ্রামে মাসিডোনীয়দিগের যে অপমাত্র সৈন্য হানি হইয়াছিল; তন্মধ্যে পঞ্চবিংশতি রাজ-শরীর-রক্ষক প্রাণত্যাগ করিয়াছিল। আলেকজান্ডর, প্রসিদ্ধ ভাস্কর লিসিপসকে এই আহত ব্যক্তিদিগের প্রতিমূর্তি নির্মাণ করিতে আদেশ দিলেন, তিনি টিন্‌গালাইয়া ঐ সকল প্রতিমূর্তি নির্মিত করিয়া দিলে, সেই সকল প্রতিমূর্তি মাসিডোনীয় ডায়ম্‌নগরে প্রতিষ্ঠাপিত হইয়াছিল। পরে বিশ্বাপহারক রোমকেরা আসিয়া ঐ সকল প্রতিমূর্তি লইয়া যায়। যে সকল পারসীক সৈন্য বঁচে হত হইয়াছিল, সবলেই সন্মুখিত সম্মানপূরঃসর সমাহিত হইয়াছিল। আলেকজান্ডর স্বয়ং যাইয়া নিজ আহত ব্যক্তিদিগকে দেখিতে, এবং ক্ষত পরীক্ষা করিতেন। তাহাদের ক্ষতব্ধাত্ত জিজ্ঞাসা করিয়া তাহা উপাখ্যানবৎ অবহিত হইয়া শ্রবণ করিতেন। তিনি তিন শত পারসীক বর্ম বাহিয়া মিনার্বা

দেবীর মন্দিরে রাখিবার মানসে আথেস্‌সে প্রেরণ করিয়াছিলেন ; এবং সেই সকল বস্তু এই লিখিয়া দিয়াছিলেন । “ ফিলিপের পুত্র আলেক্‌জাণ্ডর, এবং লাসিডিমোনীয় গ্রীক্‌ ভিন্ন অন্যান্য গ্রীকেরা আশিয়ার অসভ্য জাতীর নিকট হইতে আনিয়াছেন ।

আলেক্‌জাণ্ডরের ত্রীবৃদ্ধি ।

গ্রানিকস্‌ সংগ্রামে জয়লাভের পর আলেক্‌জাণ্ডর উপকূল হইয়া যাত্রা করিলেন । উপকূলবর্তী যাবতীয় নগর অবাধে তাঁহার বশীভূত হইল ;- কেবল মিলিটস্‌ সহজে তাঁহার নিকট বশ্যতা স্বীকার করিল না । সম্মুখে শীতকাল নিকটবর্তী হওয়াতে আলেক্‌জাণ্ডর সেনা সমবেত যাবতীয় রুতদার পরিগ্রহ ব্যক্তিদিগকে গৃহে যাইতে আদেশ করিলেন । আর তিনজন প্রধান কর্মচারীকেও তাহাদিগকে লইয়া যাইবার নিমিত্ত প্রেরণ করিয়া বলিয়া দিলেন যে, শীত কয়েক মাস আমোদ প্রমোদে কালযাপন করিয়া বসন্তের প্রারম্ভেই আসিয়া উপস্থিত হইতে, হইবেক তাহার যেন অন্যথা না হয় ।

শীত কয়েক মাস আলেক্‌জাণ্ডর যে কিছুই না করিয়া শুদ্ধ বসিয়াছিলেন তাহা নহে, তিনি উপকূলবর্তী অনেকস্থান এবং দেশের মধ্যভাগের কোন কোন প্রদেশ জয় করিয়া সাম্রাজ্যের সীমা পরিবর্দ্ধিত করিয়াছিলেন । বসন্তের প্রারম্ভেই যাহারা গৃহগমন করিয়া-

ছিল, সকলে আসিয়া তাঁহার সহিত মিলিত হইল । সকলে একত্র হইলে, আনেকজাণ্ডর পারস্য সাম্রাজ্য বিজয়ার্থ মসজ্জ হইলেন । এই সময়ে ফ্রিজিয়ার অস্ত-বর্ত্তী গার্ডিয়স্ নগর তাঁহার প্রধান আডডা হইয়াছিল । এখানে থাকিয়া তিনি যে সকল কার্য্য সম্পন্ন করেন তাহা পরে লেখা যাইতেছে ।

গার্ডিয় গ্রন্থ ।

ফ্রিজিয়ার লোকপরম্পরাগত এই বার্ত্তা প্রচলিত আছে, পূর্ব্বকালে ফ্রিজিয়ায় গার্ডিয়স্ নামা একজন সামান্য লোক বাস করিত । তাহার কিঞ্চিৎ ভূমি-সম্পত্তি ছিল, এবং যে চারিটি বুঘ ছিল, তাহাদের দুইটি ভূমি কর্ষণ করিত, আর দুইটি গাড়ি টানিত । এক দিবস গার্ডিয়স্ লাঙ্গল করিতেছে, এমন সময় একটা চীল আসিয়া লাঙ্গলের জোয়ালের উপর বসিল ; এবং যেপর্য্যন্ত না ভূমিকর্ষণ কার্য্য সম্পন্ন হইল, সেপর্য্যন্ত বসিয়াই থাকিল । ক্রমশঃ লাঙ্গল ছাড়িয়া দিলে চীল উড়িয়া গেল । এই ব্যাপার অবলোকন করিয়া গার্ডিয়স্ বিস্মিত হইল । টেলমেসস্ নামক গ্রামের সকলেই দৈবগণনায় বিলক্ষণ পটু ছিল ; ইহার বিশেষ রূতান্ত জানিবার জন্য গার্ডিয়স্ সেই গ্রামে গমন করিল । গ্রামের প্রান্তভাগে উপস্থিত হইয়া দেখিল, একটা স্ত্রীলোক জল লইবার জন্য গ্রাম হইতে বহির্গত হইতেছে । সেই স্ত্রীলোকটির

সহিত সাক্ষাৎ করিয়া আমুন সমস্ত বৃত্তান্ত তাহার নিকট ব্যক্ত করিলে, সেই স্ত্রীলোকটি উত্তর করিল “তুমি ফিরিয়া যাও, যে স্থানে এই বাপার ঘটিয়াছে, সেই স্থানে জুপিটরের উদ্দেশে বলি প্রদান কর।” গর্ভিয়ন্ নির্বন্ধাতিশয়ে তাহার নিকট এই প্রার্থনা করিল “তোমাকেও আমার সঙ্গে যাইতে হইবেক, এবং কিরূপে উক্ত কার্য সম্পন্ন করিতে হইবেক, তাহা দেখাইয়া দিতে হইবেক।” স্ত্রীলোকটি যাইতে সম্মত হইলে উভয়ে গমন করিয়া উক্ত কার্য সমাধা করিল। পরে গর্ভিয়ন্ তাহার পাণিগ্রহণ করিলে, তাহার গর্ভে গর্ভিয়সের যে সন্তান জন্মিল, তাহার নাম মাইডাস রাখিল। মাইডাস দেখিতে নিতান্ত কুৎসিত ছিল না কিন্তু উদার চিত্ত ছিল। ঘটনাক্রমে এই সময় অরাজক হইয়াতে ফ্রীজিয়ার অধিবাসীরা সামাজিক বিশৃঙ্খলানিবন্ধন অতিশয় যত্নগা পাইতে ছিল। একদা তাহাদের প্রতি এই আকাশবাণী হইল যে, শকটরোহণে তাহাদের রাজা আসিবেন; এবং তিনিই তাহাদিগকে এই সমস্ত বিপদ হইতে উদ্ধার করিবেন। তাহার এই বিবয়ের আন্দোজন করিতেছে, এমন সময় মাইডাস এবং তাহার মাতা, শকটরোহণে আসিয়া তাহাদের সম্মুখে উপস্থিত হইল। এতদ্বর্ণনে সকলে মনে করিল যে, আকাশবাণী যাহা বলিয়াছেন তাহা এই। এই স্থির করিয়া মাইডাসকেই রাজা করিল। মাইডাস সদিচার ও বুদ্ধি কোশলে

সমাজের বিদ্রোহীদের সামঞ্জস্য সংস্থাপিত করিয়া
বিশৃঙ্খলা নিবারণ করিল। মাইডাস্ পিত্রশকট
জুপিটারকে উৎসর্গ করিয়া সেই শকট ঔর্গমধ্যে
রাখিয়া দিল ; এবং তাহাতে সাধারণের এই বিশ্বাস
ছিল যে, যে ব্যক্তি এই শকটের যুগ-গ্রন্থি খুলিতে
সমর্থ হইবেক, সেই সমস্ত আশিয়ার অধীশ্বর হইবেক।
প্রবাদ আছে যে, কর্ণেল রূক্ষের ছালে ঐ যুগ একপ
দৃঢ় বদ্ধ ছিল, এবং একপ কোশলে ইহার গ্রন্থি সংঘ-
টিত ছিল যে, সেই গ্রন্থি কোন্স্থানে আছে তাহা
কেহই আবিষ্কৃত করিতে পারিত না। *অনেকেই সেই
গ্রন্থি খুলিবার প্রয়াস পাইয়া ছিল ; কিন্তু কেহই
এপর্যন্ত কৃতকার্য হইতে পারে নাই।

আলেকজাণ্ডর গার্ডিয়ন গ্রন্থি যুক্ত সেই সুপ্রসিদ্ধ
শকট দেখিতে যাত্রা করিয়াছিলেন। কেহ কেহ বলেন,
তিনি সেই গ্রন্থি খুলিতে গিয়া কৃতকার্য হইয়া-
ছিলেন, অর্থাৎ যুগমধ্যে যে প্রেক বিদ্ধ ছিল, তাহা
উদ্ধৃত করিয়া পরে গ্রন্থির মুখ আবিষ্কৃত করিয়াছিলেন।
কিন্তু বাস্তবিক তাহা নহে ; তিনি গ্রন্থি খুলিবার জন্য
অনেক চেষ্টা করিয়া পরিশেষে যখন বিফল প্রয়াস
হইলেন, তখন নিজ অসিহায়া বাক্স ছেদন করিয়া
ফেলিলেন ; ইহা হইতেই “গার্ডিয়ন গ্রন্থিচ্ছেদন” এই
উদাহরণ বাক্য প্রচলিত হইয়াছে। যে দিবস
আলেকজাণ্ডর এই ব্যাপার সম্পন্ন করেন, সেই রাত্রে
অতিশয় বজ্রপাত ও বিজ্যৎ হইলে, তৎকালে লোকেরা

২৮২ আলেকজান্ডারের শারীরিক অসুস্থতা । [৩শ অ.

এই বিশ্বাস করিয়াছিল যে, দেবতারা তাঁহাকে রাজ্য
হইতে সম্মতি প্রদান করিয়াছেন। সেই দিন অবধি
আলেকজান্ডার আশিয়ার অধীশ্বর বলিয়া স্থিরীকৃত
ও অভিহিত হইলেন।

আলেকজান্ডারের শারীরিক অসুস্থতা ।

আলেকজান্ডার সৈন্যসামন্ত লইয়া তথা হইতে
সিলীসিয়ায় যাত্রা করিলেন, সিলীসিয়া প্রদেশ সমুদ্র
এবং টরস্ ও আর্মেনস্ পর্বতশ্রেণীতে পরিবেষ্টিত ;
এবং তথায় প্রবেশ করিবার তিনটি মাত্র পথ অর্থাৎ
বহির্দ্বার আছে ; তন্মধ্যে উত্তরদিগ্ভাগে যে পথ
আছে, তদ্বারা কেপাডোসিয়ার লোকেরা গতিবিধি
করে ; এবং পূর্বদিকে যে দুইটি পথ আছে তদ্বারা
সীরিয়া প্রদেশের অধিবাসীগণ গতয়াত করে।
আলেকজান্ডার উত্তর-বহির্দ্বার-পথে প্রবেশ করিয়া,
এই পথে কোন রক্ষক না থাকায়, এবং সমুদ্রতীর হইতে,
অধিক দূরবর্তী না হওয়ায়, দ্রুতবেগে সিলীসিয়ার
রাজধানী টারসে উপস্থিত হইলেন। এই নগরের
পার্শ্বদেশে প্রসিদ্ধ শীতল স্ফুঙ্গমলিলা সিড্‌নস্ নাম্নী
স্রোতঃস্রবী প্রবাহিত হইতেছে। আলেকজান্ডার ধূলি
দ্বারা আচ্ছন্ন ও রুদ্ধনিশ্বাস হইয়াছিলেন, একজন যখন
সেই নদী তীরে উপস্থিত হইলেন, তখন তাঁহার শীতল
জলে স্নান করিবার ইচ্ছা একপ বলবতী হইয়া উঠিল যে,
তিনি সেই ইচ্ছা কিছুতেই নিবারণ করিতে না পারিয়া

সেই জলে স্নান করিলেন ; এবং স্নান করিয়া উঠিয়া মাত্র তাঁহার একপা কম্প হইয়া দ্বর হইল যে, সেই দ্বরকে সাংঘাতিক বলিয়া সকলের বোধ হইয়াছিল । তাঁহার চিকিৎসকেরা প্রায় সকলেই তাঁহার জীবনের আশা পরিত্যাগ করিয়াছিলেন ; কেবল তাহাদের মধ্যে ফিলিপ্প নামা একজন চিকিৎসক বলিয়া উঠিলেন, “আমি যে ঔষধির মাত্রা প্রস্তুত করিয়া দিব তাহা যদি সেবন করেন তাহা হইলে আমি আরোগ্য করিয়া দিব প্রতিজ্ঞা করিতেছি ।” সম্রাট তাহাতে সন্মত হইলে, তিনি ঔষধি প্রস্তুত করিতেছেন, এমন সময় পার্সীনিয়োর নিকট হইতে যে এক পত্র আসিয়া পৌঁছিল, তাহাতে তিনি আলেকজান্ডরকে এই বলিয়া সতর্ক করিয়াছিলেন যে, কোন মতে যেন ফিলিপ্পকে বিশ্বাস না করেন । তিনি শুনিয়াছেন ফিলিপ্প পার্সীক সম্রাটের প্রেরিত, সে বিষ খাওয়াইয়া বিনষ্ট করিবে বলিয়া সঙ্গে সঙ্গে ফিরিতেছে । ফিলিপ্প ঔষধপাত্র লইয়া আলেকজান্ডরকে সেবন করাইতে আসিলে আলেকজান্ডর তাঁহাকে সেই পত্রখানি পাঠ করিতে দিলেন ; এবং ফিলিপ্পের হস্ত হইতে ঔষধপাত্র গ্রহণ করিয়া তৎক্ষণাৎ তাহা পান করিয়া ফেলিলেন । পত্রপাঠ করিয়া ফিলিপ্পের কোন আকার বৈলক্ষণ্য হইল না । ফিলিপ্প সম্রাটকে নিঃশঙ্ক থাকিতে আদেশ করিয়া পরে যাহা ব্যবস্থা করেন তদনুসারে চলিতে উপদেশ দিলেন । এবং বলিলেন “আপনার আরো-

২৮৪ কারিডিমনের দূরবস্থা ও আইসেসের যুদ্ধ। [৩শ অ]

গ্যের আর কোন সন্দেহ নাই। পরে যখন রাজা আরোগ্যলাভ করিলেন তখন তাঁহার আরোগ্যই ফিলিপের বিশ্বস্ততা ও নিপুণতার বিচার করিয়া দিল। বাহা ইউক, আলেকজাণ্ডার আরোগ্যলাভ করিয়া তুরায় সৈন্যের পুরোভাগে আবিভূত হইলেন।

কারিডিমনের দূরবস্থা ও আইসেসের যুদ্ধ।

আলেকজাণ্ডার এইরূপে পারস্য সাম্রাজ্যের পূর্ব-ভাগ জয় করিতেছেন শুনিয়া রাজা ডেরায়স্ অসংখ্য সৈন্য সংগ্ৰহ পূর্বক ইয়ুফ্রেটস্ নদী পার হইয়া মীরিয়ার বিস্তৃত ক্ষেত্রে অবতীর্ণ হইলেন। তথায় মন্ত্রণা করিবার জন্য একটা সভা হইল; তাহাতে নির্বাচিত আর্থী-নীয় সেনাধিপতি কারিডিমস্ পারসীক সেনার প্রতি অসম্মান প্রকাশ পূর্বক বলিলেন যে পর্যন্ত না প্রচুর গ্রীকসৈন্য সম্বলিত হয়, সে পর্যন্ত যুদ্ধে বিরত থাকা উচিত। ইহা শুনিয়া ডেরায়স্ ক্রোধান্বিত হইয়া তাহার প্রাণবধের আদেশ করিলেন। কি নৃশংসের কাজ, তাঁহাকে রক্ষা করা যাহার কর্তব্য, সেই তাঁহার বিনাশ সাধন করিল কি আশ্চর্য্য! মীরিয়ার বিস্তৃত ক্ষেত্রে ডেরায়সের অসংখ্য অশ্বসেনার পক্ষে বিলক্ষণ অনু-কূল ছিল। ডেরায়স্ তথায় না থাকিয়া মীরিয়া পরি-ভ্যাগপূর্বক দিলীসিয়ার প্রবেশ করিয়া নিজরাজ্য আক্রমণকারীদিগের অনুসন্ধানে ক্লান্তসংকপ্ত হইয়া পূর্বদিগের প্রবেশ দ্বার দিয়া তথায় প্রবেশ করিলেন।

ঠিক এই সময় আলেক্জাণ্ডর সীরীয় বহির্দ্বার হইয়া সীরিয়াভিমুখে অগ্রসর হইতেছিলেন। ডেরায়স্ তাঁহার পশ্চাচ্চাগে উপস্থিত হইয়াছেন শুনিয়া আলেক্জাণ্ডর বিস্মিত হইয়া তৎক্ষণাৎ সৈন্য প্রত্যাবর্তিত করিয়া ডেরায়সের অভিমুখে চলিলেন ; এবং আইসস্ নগরের নিকটে ডেরায়সের অসংখ্য সৈন্য অবলোকন করিলেন ।

এই স্থানে (খৃঃ পূঃ ৩৩৩) যে ভয়ানক সংগ্রাম হইয়াছিল তাহার নাম আইসস্-সংগ্রাম। তাহার বিশেষ বৃত্তান্ত লিখিয়া পুস্তক বাড়াইবার প্রয়োজন নাই। আলেক্জাণ্ডর এই সংগ্রামে আপনার অত্যন্ত বীরত্ব ও প্রচুর রণকৌশল প্রদর্শন করিয়াছিলেন। তাঁহার সৈন্যেরা সুশিক্ষিত ও সমরদক্ষ থাকায় পূর্বদেশীয় অশিক্ষিত সৈন্যদিগের প্রতি আপনাদিগের স্বাভাবিক উৎকৃষ্টতা বিলক্ষণ সপ্রমাণ করিয়াছিল ; এবং উজ্জ্বল জয়লাভ দ্বারা মাদিডোনিয় অস্ত্র সকল নুকুটিত করিয়া ছিল। ডেরায়স্ নিজরথে আরোহণ করিয়া পলায়ন করত যখন বন্ধুর পথে রথ চলিবার অসুবিধা হইতে লাগিল, তখন ধৃত হইবার আশঙ্কায় রথ, অস্ত্র-শস্ত্র এবং রাজপরিচ্ছদ পরিহার পূর্বক অশ্বপৃষ্ঠে আরোহণ করিয়া যতক্ষণ না পুনর্বার ইয়ুফ্রেটিস্ পার হইতে পারিলেন, ততক্ষণ একবারও বিশ্রাম করেন নাই।

আলেক্জাণ্ডরের উদারতা ।

আলেক্জাণ্ডরও বিক্রত ডেরায়সের পশ্চাৎ পশ্চাৎ ধাবমান হইয়া সন্ধ্যার সময় প্রতিনিবৃত্ত হইয়া, পারসীক সেনানিবেশ অধিকার করিলেন। অনন্তর তিনি স্বীয় বন্ধুবর্গকে সম্বোধন করিয়া বলিলেন, “ আজ আমাদের অনেক পরিশ্রম হইয়াছে অতএব এস ডেরায়সের স্নানশালায় গিয়া শ্রমাপনয়ন করি ”। ইহা শুনিয়া তাহার এক বন্ধু উত্তর করিলেন, “ এস আমরা আলেক্জাণ্ডরের স্নানাগারে বিক্রাম করি, একথা বলিতেও কোন দোষ নাই, কারণ ভাড়িত ব্যক্তির সম্পত্তি বিজেতারই অধিকৃত। ” সম্রাট ডেরায়সের স্বর্ণময় ও রৌপ্যময় পাত্র সকল, এবং পটভবনের সমুদ্রল ও পরম মৃদ্ধ দ্রব্যসামগ্রী অবলোকন করিয়া মুক্তকণ্ঠে বলিলেন. “ হায় ! কোথায় বা ডেরায়স আর কোথায় বা তাঁহার এই সম্পত্তি। অতএব বুঝিলাম রাজা হইলেই এইরূপ ঘটিয়া থাকে ”।

আলেক্জাণ্ডর কাষ্ঠাসনে উপবিষ্ট হইয়া এইরূপ চিন্তা করিতেছেন, এমন সময় স্ত্রীলোকের ক্রন্দনধ্বনি সহসা তদীয় কর্ণকুহরে প্রতিধ্বনিত হইল। কোথা হইতে এই ক্রন্দনধ্বনি আসিল তাহার কারণ অনুসন্ধান করিলে, কোন ব্যক্তি আসিয়া নিবেদন করল। “ মহারাজ ডেরায়সের অস্ত্র শস্ত্র এবং সমস্ত পরিচ্ছদ অধিকার করিয়াছেন, এই সংবাদ পাইয়া তদীয় পরিবারবর্গ ডেরায়সের মৃত্যু

স্থির করিয়া ক্রন্দন করিতেছেন।” ইহা শুনিয়া আলেকজাণ্ডর তৎক্ষণাৎ নিজ শিক্ষক লিয়োনিটস্ দ্বারা বলিয়া পাঠাইলেন, “ডেরায়স্ পলায়ন করিয়াছেন প্রাণে বিনষ্ট হন নাই, তাঁহার। যে যেমন ব্যক্তি তিনি তেমনই সম্মান প্রাপ্ত হইবেন, তাহাতে কিঞ্চিদ্মাত্র সন্দেহ নাই ; কারণ যখন আমার সঙ্গে ডেরায়সের আশিষ্টা সাম্রাজ্য লইয়া বিবাদ চলিতেছে, সাক্ষাৎ সম্বন্ধে কোন বিবাদ বিষয়াদ নাই, তখন কোন ব্যক্তিকে সমুচিত সম্মান না দিয়া তাহার প্রতি ঘৃণাপ্রকাশ করার কোন কারণ নাই।” এই বলিয়া ডেরায়সের পরিবার-বর্গকে সান্ত্বনা করিয়া পাঠাইলেন।

পরদিন প্রাতঃকালে আলেকজাণ্ডর স্বয়ং যাইয়া রাজপরিজনদিগের সহিত সাক্ষাৎ করিলেন। তিনি পরুমবন্ধু হিপস্টিয়ন্কে সঙ্গে লইয়া গিয়াছিলেন, হিপস্টিয়ন্ বয়ঃক্রমে আলেকজাণ্ডরের সমান ছিলেন, এবং চিরকাল একত্র পরিবর্দ্ধিত হইয়াছিলেন ; দেখিতে উভয়েই প্রায় তুল্য রূপই ছিলেন ; কেবল হিপস্টিয়ন্ আলেকজাণ্ডর অপেক্ষা কিছু দীর্ঘকায় ছিলেন এইমাত্র। ডেরায়সের মাতা সাই-সাগাম্বিস্ হিপস্টিয়ন্কে আলেকজাণ্ডর মনে করিয়া অত্যন্ত প্রাচীন রীত্যনুসারে তাঁহার অগ্রে পতিত হইলে হিপস্টিয়ন্ পেঁচিয়া গেলেন। এক জন অনুচর সংজ্ঞাদ্বারা আলেকজাণ্ডরকে দেখাইয়া দিল। সাইসাগাম্বিস্ অপ্রতিভ হইয়া নিবৃত্ত হইলেন। আলে-

কজাণ্ডর বসিলেন হিপস্‌ট্রিয়নও আলেকজাণ্ডর, অত-
এব তাঁহার অন্য় হয় নাই। তিনি ডেরায়সের
মাতাকে সর্বপ্রকার নাস্তানাবাক্য দ্বারা শাস্ত করিয়া
বলিলেন যে, সময় ঘটনাবশতঃ কখন তাঁহার অধিস্থার
পরিবর্ত্ত হইবেক না ; এখনও যেমন আছেন, চিরকাল
তেমনিই থাকিবেন। এইরূপ বলিতে বলিতে ডেরায়-
সের পুত্রকে জোড়ে ধারণ করিলে, যখন সেই বালক
বাহুপ্রসারণ করিয়া তাঁহার গলা জড়াইয়া ধরিল, তখন
আলেকজাণ্ডর হিপস্‌ট্রিয়ানের প্রতি দৃষ্টিগত করিয়া
বলিলেন, এই বালকের যেকোন দাব দেথিতেছি,
ইহার কিঞ্চিৎমাত্রও যদি ডেরায়সের থাকিত, তবে কি
রমণীয় হইত ! বাহ হ'ক, আলেকজাণ্ডর ডেরায়-
সের সহধর্মিণীর সহিত স্বয়ং সাক্ষাৎ করিতে ভরসা
করিলেন না। ইনি তৎকাল পূর্বদেশের পরমাসুন্দরী
কামিনী বলিয়া প্রসিদ্ধ ছিলেন ; কিন্তু আলেকজাণ্ডর
যাহাতে কোনরূপে তাঁহার এবং তাঁহার দুই কুমারী
দুহিতার সতীত্বভঙ্গ না হয়, তদ্বিষয়ে যত্নবান হইয়া
তাহাদিগকে অতিশয় সাবধানে রাখিয়া দিলেন।

— — —
আব্‌দুলনিমস্‌।

পারসীক সৈন্যের ব্যবতীয় দ্রব্য-সামগ্রী, ডেরা-
য়সের এবং পারসীক সংভ্রান্তদিগের যে সমস্ত সম্পত্তি
ডায়স্কস্‌ নগরে গাড়িয়াছিল, সে সমস্তই আলেক-
জাণ্ডরের হস্তগত হইল। অনন্তর তিনি উপকূল ইইয়া

গমন করিতে করিতে পরিশেষে সিউন্ নগরে উপস্থিত হইয়া তথাকার রাজা ডেরায়মের অনুগত থাকায় তাঁহাকে পদচ্যুত করিয়া দিলেন ; এবং তাহার পদে অন্য রাজা নিযুক্ত করিবার ভার হিপস্টিয়নের উপর সমর্পণ করিলেন । হিপস্টিয়ন যাহাদিগের গৃহে বাসা লইয়াছিলেন, তাহাদের পক্ষপাতী হইয়া সেই বাড়ীর কএকজন যুবককে রাজা করিবার প্রস্তাব করিলেন । কিন্তু তাহারা এই বলিয়া তাহা অস্বীকার করিল যে, তাহাদের দেশে রাজবংশীয় ভিন্ন অন্যের রাজা হইবার প্রথা প্রচলিত নাই । হিপস্টিয়ন তাহাদের এইরূপ উদারতা দর্শনে চমৎকৃত হইয়া তাহাদের প্রশংসা করিতে লাগিলেন ; এবং রাজবংশীয় কোন ব্যক্তির অনুসন্ধানের ভার তাহাদের উপর সমর্পণ করিলেন, তাহারা তৎক্ষণাৎ উত্তর করিল, আব্‌ডাল্‌নিমস্ ব্যতিরেকে আর কাহাকেও আমাদের চক্ষে লুগে না, এই ব্যক্তি যদিও রাজবংশীয় বটেন, কিন্তু এতদরিদ্র যে স্বহস্তে একটি বাগান তৈয়ারী করিয়া তাহার উপস্থিত দিনপাত করেন । হিপস্টিয়ন তাহাকেই রাজা করিতে সম্মত হইলেন ; এবং রাজপরিচ্ছদ গ্রহণপূর্বক তদীয় উদ্যানে গমন করিয়া দেখিলেন, উদ্যানপতি বৃক্ষাদির পরিপাটি কার্য্যে ব্যাপৃত আছেন । পরে তাঁহার সম্মুখে যাইয়া তাঁহাকে রাজা বলিয়া হস্তপদাদি প্রকালনপূর্বক রাজপরিচ্ছদ ধারণ করিতে কহিলেন ; সুতরাং তাঁহার পক্ষে এই ব্যাপার

স্বপ্নদর্শনবৎ হইল ; এবং এইকপ করিয়া কেন তাঁহাকে উপহাসের বিষয় করিতেছেন এই বলিয়া বারম্বার নিষেধ করিতে লাগিলেন। কিন্তু অবশেষে ইহা যে বাস্তবিক অশীক নহে, তাহা তাঁহার হৃদয়ঙ্গম করাইয়া, রাজবেশে আলেকজাণ্ডরের সম্মুখে লইয়া গেলে, আলেকজাণ্ডর তাঁহাকে দেখিয়া জিজ্ঞাসা করিলেন ; “তোমার অবয়ব দেখিয়া, তোমার যে বংশে জন্ম গুণা যাইতেছে, তাহা নয় বলিয়া কখনই বোধ হয় না। কিন্তু তুমি কি করিয়া এই দারিদ্র্যস্থ ভোগ করিতেছ, তাহা জানিবার জন্য আমার অত্যন্ত ইচ্ছা হইয়াছে”। তিনি উত্তর করিলেন, “সৈন্যের অলুগ্রহে রাজত্ব লাভ হইল উত্তম ; কিন্তু আমার যখন যাহা প্রয়োজন হয়, আমার এই হস্তই তাহা আনিয়া দেয় ; আর যখন আমার কিছুই না থাকে তখন কিছুই অভাব হয় না”। আলেকজাণ্ডর তাঁহার এই উত্তর বাক্যে অতিশয় প্রীত হইয়া পূর্ব রাজার গুপ্ত সম্পত্তি সকল তাঁহাকে প্রদান করিলেন ; এবং সীডন্ সাত্রাজ্যের সীমা সমধিক বৃদ্ধি করিয়া দিলেন।

টায়র নগরের অবরোধ।

আলেকজাণ্ডর সীডন্ হইতে যাত্রা করিয়া টায়রা-ভিমুখে গমন করিলেন ; এই নগর এক দ্বীপে অবস্থিত। সেই দ্বীপটা প্রায় অর্ধক্রোশ প্রশস্ত এবং দ্বাদশ হস্ত গভীর এক প্রণালী দ্বারা প্রধান দ্বীপ হইতে বিভক্ত

হইয়াছে ; এই দ্বীপ এক ক্ষুদ্র প্রাণীর দ্বারা পরিবেষ্টিত ; এবং টায়র্ নগর বহুবিধ অস্ত্রশস্ত্র, খাদ্য সামগ্রী এবং সংগ্রামোপযোগী যন্ত্র সকলে পরিপূর্ণ । নগরবাসীরা সর্ব্ব প্রকারে প্রচুর বলশালী হইলেও প্রথমতঃ সত্ৰাটের বশ্যতা স্বীকারে সম্মত হইয়া পরিশেষে তাঁহাকে প্রাকার মধ্যে প্রবেশ দিতে অস্বীকার করিলে, আলেকজান্ডার উক্ত নগর অবরুদ্ধ করিবার মানস করিলেন ; এবং বিবেচনা করিলেন, যদি এই নগর আক্রমণ করিতে পারেন তাহা হইলে, তিনি অনায়াসে সমস্ত ফিনীশীয় রণতরী অধিকার করিয়া সমুদ্র যুদ্ধে অসীম বলশালী হইতে পারিবেন । এই স্থিরকল্পনা করিয়া ঐ প্রণালীতে সেতু নির্মাণপূর্ব্বক তথায় যন্ত্র বসাইয়া অনায়াসেই নগর-প্রাকার ভাঙিতে সমর্থ হইবেন ।

সেতু নির্মাণের উপযোগী বাহাদুরী সৈন্য, মাটি এবং প্রস্তর যথেষ্ট প্রাপ্ত হইয়া শীঘ্র শীঘ্র সেতু নির্মাণ আরম্ভ হইল ; ক্রমশঃ নিৰ্ম্মিত হইয়া যখন ঐ সেতু নগর প্রাকারের সুসীপস্থ যন্ত্র সকলের নিকটবর্তী হইল, তখন টায়রীয়েরা ভয়ঙ্কররূপে ঐ যন্ত্র সকল প্রয়োগ করিতে আরম্ভ করিয়া সেতু নির্মাণের ব্যাঘাত জন্মাইতে লাগিল । রণতরী আরোহণপূর্ব্বক দুই দিকের কৰ্ম্ম বন্ধ করিয়া দিল, এবং যাহাজ হইতে কামন দাগিয়া ঐ সেতুর উভয় পার্শ্বের দুইটি কাষ্টমঞ্চও বিধ্বস্ত করিয়া ফেলিল । অবশেষে আলেকজান্ডার প্রচুর রণতরী একত্র করিয়া সমুদ্রের অধীশ্বর হইলেন এবং কাষ্ট-

ফলকস্থিত কামান্না এবং অন্যান্য কৌশল দ্বারা সর্বতোভাবে টায়র আক্রমণ করিলেন। অবরুদ্ধেরা প্রকাণ্ড প্রকাণ্ড প্রস্তরাঘাত দ্বারা জাহাজ সকল নষ্ট করিতে লাগিল ; এবং দক্ষ বালুকারাশী জাহাজের উপর নিঃক্ষিপ্ত করত লোক সকলকে ব্যতিব্যস্ত ও নষ্ট করিয়া ফেলিল। অধিকাংশ লোককে উষ্ণ লৌহ গোলক নিক্ষেপ করিয়া পঞ্চত্ব পাওয়াইয়া ছিল, কিন্তু তাহা-দিগের এই সমস্ত প্রয়াস ব্যর্থ হইল। অবরোধের সপ্তম মাসে দৈবাৎ বাত্যাক্রান্ত হইয়া নগর অধিকৃত হইলে ৮০০০ হাজার অধিবাসীর প্রাণনাশ হইল, এবং ৬০০০০ সহস্র লোক বিক্রীত হইয়া দাসত্ব শৃঙ্খলে বদ্ধ হইল।

গাজার অবরোধ ।

টায়র পতনের পর আলেক্জাণ্ডর জলপথে রণ-তরী প্রেরণ করিয়া ইজিপ্টাভিমুখে যাত্রা করিলেন। এবং অপ্রতিহত সঞ্চারে গমন করিতে লাগিলেন। কোথাও কোন নগরই আলেক্জাণ্ডরের গতিরোধ করিতে সমর্থ হইল না। অবশেষে সমুদ্রতীরবর্তী গাজা-নামক একটি ক্ষুদ্র দুর্গের সম্মুখে উপস্থিত হইলে তথাকার অধিবাসীরা প্রায় তিন চারিমাস তাঁহার গতিরোধ করিয়াছিল। বেটিস্ নামক একজন সাহসী বর্ষবর গাজার শাসনকর্তা ছিলেন; ইনি ডেরা-য়সের তুল্য দৃঢ়কায় ছিলেন। ইনি আরোবিয়ার

মরুভূমি নিবাসী কতকগুলি সৈন্যকে বেতন স্বীকার করিয়া টায়র্ বিজেতার আক্রমণ প্রতিরোধ করিলেন। কিন্তু তাঁহার সমস্ত উদ্যোগ ব্যর্থ হইল। এই অবরোধে আলেকজান্ডার সম্পূর্ণ সাহসিকতা প্রদর্শন করিয়া অবশেষে ক্ষুদ্রদেশে ক্রেশকর এক আঘাত প্রাপ্ত হন, কিন্তু তাহাতে তাঁহার জয়লাভের কোন অন্তরায় ঘটে নাই। তিনি অনায়াসেই নগর অধিকার করিলেন। কতকগুলি লোক দুর্গ অধিকার করিতে দিতে অস্বীকৃত হইয়া ক্ষণকাল সম্মুখ যুদ্ধ করিয়া শেষে সকলেই আহত হইল; কেবল এক জন মাত্র অবশিষ্ট থাকিল। তৎকালের রীতি অনুসারে স্ত্রীলোক এবং বালকেরা দাসত্ব শৃঙ্খলে বদ্ধ হইল। বেটিস সাধারণ নরহত্যার স্রোতে পতিত হইয়া ছিলেন। কোন কোন প্রাচীন লেখক বলেন, তেননি আলেকজান্ডার ও পূর্বপুরুষ আর্চিলিসের অনুকরণে প্রবৃত্ত হইয়া বেটিসের কলেবর নিজ শকটের চাকায় বান্ধিয়া গাজা প্রাচীরের চারিপার্শ্বে পরিভ্রমণ করিয়াছিলেন। যেমন আর্চিলিস প্রাপ্ত হেক্টরকে নিজ শকটের চাকায় বান্ধিয়া ট্রানগরের চারিপার্শ্বে পরিভ্রমণ করিয়াছিলেন; এই কাহিনী আপাততঃ গম্ভীর বলিয়া বোধ হয়, কিন্তু যদি আলেকজান্ডারের আঘাত যথার্থ বলিয়া স্বীকার করিতে হয় তবে, ইহাতেও বিশ্বাস করা মাইতে পারে।

গাজা তৎকালের একটা প্রসিদ্ধ বাণিজ্য স্থান ছিল।

এখানে ধুনা প্রভৃতি নানাবিধ গন্ধদ্রব্য অবলোকন করিয়া যুবরাজের বাল্যবৃত্তান্ত শ্রবণ হইল । তিনি বাল্য কালে একদা কতকগুলি ধুনা প্রভৃতি গন্ধদ্রব্য লইয়া, দেবতোদ্দেশে অগ্নিতে নিঃক্ষিপ্ত করিয়াছিলেন । তাঁহার শিক্ষক লিয়নেটস্ তদদর্শনে তাঁহাকে বলিয়াছিলেন, “দেখ আলেকজাণ্ডর তুমি যখন নানাবিধ অধিবাসন দ্রব্য পরিপূর্ণ দেশ জয় করিবে, তখন প্রচুর পরিমাণে প্রদান করিব ; এক্ষণে মিতব্যয়ী হও ।” এই কথা তাঁহার মনে পড়াতে তিনি কতকগুলি অধিবাসন দ্রব্য লিয়নেটসের নিকট পাঠাইয়া দিলেন ; এবং এই বগিয়া পত্র লিখিলেন, “অতঃপর দেবতাদিগের নিকট অধিকতর বদান্যতা প্রকাশ করিতে হইবেক ।

জেরুজেলমের বৃত্তান্ত ।

আলেকজাণ্ডরের ইতিহাস লেখক পণ্ডিত মহোদয় দিগের কাহাকেও জেরুজেলম্ নগরের উল্লেখ করিতে দেখা যায় না ; ইহা অতিশয় আশ্চর্য্যের বিষয় । কারণ এই নগর অতিশয় প্রসিদ্ধ এবং পূর্বদেশে যে সকল নগর আছে, সকলের অপেক্ষা এই নগরই ইতিহাস লিখিবার পক্ষে বিলক্ষণ অতুল । আলেকজাণ্ডর যে এ নগর না দেখিয়া অমনি গিয়াছিলেন তাহা কখনই সম্ভব নহে । জুইস্ পুরাতন লেখক জোছিফস্ বলেন, মহাবীর এই পবিত্র নগরের অভিনুখে যাত্রা করিয়াছিলেন, তথাকার প্রধান পূজক জাডুয়স্, নাগরীক-

দিগকে আশ্রয় রক্ষার নিমিত্ত স্বীয় স্বীয় অতীষ্ট দেবতার উপাসনা করিতে আদেশ করিয়াছিলেন। অনন্তর দেবতার স্বপ্নে তাঁহার প্রত্যক্ষ হইয়া এই বলিয়া ছিলেন “আজ্ঞাদে থাক, কোন চিন্তা করিও না, নগর সুশোভিত কর, বহিষ্কার উদ্ভাটিত কর, এবং সুপরিচ্ছন্ন অল্লাত পূজক, শ্বেতপরিচ্ছন্ন লোক সমূহে আবৃত্তি হইয়া বিজ্ঞতার সাক্ষাৎ করে অগ্রসর হও।”

প্রধান পূজক দেবতার আদেশমত কার্য্য করিলেন, আলেকজান্ডার তাঁহাকে নিকটবর্তী দেখিয়া, সাক্ষাৎকার করিবার জন্ত অগ্রসর হইলেন, এবং পূজকের শিরোলিখিত পবিত্র জিহোবাদের নামসম্মুখে সাষ্টাঙ্গ প্রণিপাত করিলেন। পার্গানিয়ো এবং অন্যান্য লোকেরা প্রাণের কারণ জিজ্ঞাসা করিলে, তিনি এই উত্তর করিলেন, “আমি সুদিগের দেবতাকে প্রণাম করিলাম, প্রধান ধর্ম্মযাজককে নহে; কারণ যে সময় আমি আশিয়া জয়ের মাননে আশ্রয় আশিবার পথ চিন্তা করিতে ছিলাম; তখন উক্ত দেব স্বপ্নে আমার সম্মুখে আবির্ভূত হইয়া বলিয়াছিলেন, “তুমি নিঃশঙ্কচিত্তে হেলেনপন্ট পার হইয়া যাত্রা কর, আমি স্বয়ং পারস্যযুদ্ধে তোমার সহায় হইব”। আলেকজান্ডার প্রধান পূজককে দক্ষিণ পার্শ্বে লইয়া পবিত্র নগর জেরুজেনে প্রবিষ্ট হইলেন : এবং জুইস্ রীত্যনুসারে জিহোবা দেবের উপাসনাদি করিলেন। ডেনিয়ালের গ্রন্থে এই ভাবী কথার উল্লেখ ছিল

যে, এক জন গ্রীক পারস্য সাম্রাজ্যের অধীশ্বর হইবে। আলেকজান্দ্রিয়া ডেলিয়ালের এই বার্তা শ্রবণ হওয়াতে এবং গ্রীক পারস্যের সম্রাট হওয়াতে মনে মনে এই বলিয়া গম্বিত হইয়াছিলেন যে, ডেলিয়ালের পূর্বের তাহারই নাম উল্লিখিত ছিল।

আলেকজান্দ্রিয়া সংস্থাপন।

আলেকজান্দ্রিয়া রাজ্য নগর হইতে ঈজিপ্ট উপস্থিত হইলেন। ঈজিপ্টের লোকেরা পূর্বাধি পারস্যের অধীনতা পরিহার করিবার চেষ্টায় ছিল, এক্ষণে আলেকজান্দ্রিয়া উপস্থিত হইবামাত্র তাঁহার অধীনতা স্বীকার করিল, তিনি তৎকাল প্রাচীন নগর মেনফিস অবলোকন করিয়া প্রশ্রয়ে জাহাজে আরোহণ করিয়া জলপথ যাত্রা করিলেন, এবং এই নদীর মোহানাস্থিত ফেরস্ নামক বর্ধীপে উপস্থিত হইলেন, এই দ্বীপ অবলোকন করিয়াই হটাৎ তাঁহার মনে এই জ্ঞান প্রতিভাত হইল যে, এই স্থানে একটা নগর নির্মাণ করিলে অতিশয় রমণীয় হইবে, এবং বাণিজ্যাদি নানা বিষয়ের উন্নতি দ্বারা দেশেরও বিলক্ষণ উন্নতিসাধন হইতে পারিবে। এই বিবেচনা করিয়া স্থায়ী ইঞ্জিনিয়ারদিগকে একটা নক্সা চিত্রিত করিতে আদেশ করিলেন; তাঁহার নক্সা চিত্রিত করিবার আর কোন উপাদান না পাইয়া গোধূম চূর্ণ দ্বারা প্রতিকৃতি নির্মাণ করিলেন। প্রথিত আছে পক্ষী সকল দলবদ্ধ

হইয়া আসিয়া ঐ গোধুম চূর্ণ সকল ভঞ্জন করিয়াছিল।
 এতদ্বশতঃ তৎকালীন দৈবগণকেরা গণনা দ্বারা এই
 স্থির করিয়াছিলেন যে, কালে ইহা এক প্রশসিদ্ধ নগর
 হইবে, এবং যাবতীয় দ্রব্য সামগ্রীর আকর হইবেক ;
 তিনি ইহার নাম আলেকজান্দ্রিয়া রাখিলেন। তিনি
 এই নগর নির্মাণ করিবার পূর্বে যাহা যাহা স্থির
 করিয়া ছিলেন, এই নগর প্রতিষ্ঠাপনের কয়েককাল
 পরেই ইহাতে সেই সমস্তই দেখিতে পাওয়া গিয়া-
 ছিল। অতি অল্পকালের মধ্যেই পৃথিবীর যাবতীয়
 সমৃদ্ধিশালী ও বৃহত্তম নগরের মধ্যে প্রধান নগর বলিয়া
 পরিগণিত হইয়াছিল ; এবং যৎকালে পোটুগিজরা
 উত্তমাশা-অন্তরীপ বেষ্ঠন করিয়া ভারতবর্ষে আসিবার
 পথ আবিষ্কৃত করে ; সেই সময় পর্য্যন্ত অর্থাৎ ক্রমা-
 গুত অষ্টাদশ শত বৎসরের অধিককাল পূর্ব ও পশ্চিম
 রাজ্যের মধ্যে প্রধান বাণিজ্যস্থান ছিল। এই নগর
 অদ্যাপি মিসরদেশের রাজধানী, এবং পূর্ব রাজ্যের
 যাবতীয় সমৃদ্ধিশালী নগরের মধ্যে একটি প্রধান নগর
 বলিয়া পরিগণিত।

আলেকজান্দ্রিয়ার আমনদেবের দেবালয় দর্শন যাত্রা।

ইজিপ্টের পূর্বভাগস্থ বালুকাময় মরুভূমিতে
 স্প্রসিদ্ধ আমন-দেবের মন্দির ছিল ; গ্রীকেরা
 ইহাকে আপনাদিগের জুম্ এবং রোমীয়দিগের জুপি-
 টর, অর্থাৎ দেবরাজ তুল্য জ্ঞান করিত। এই দেবালয়

বালুকাময় মরুভূমির মধ্যবর্তী দ্বীপবৎ উর্বর ক্ষেত্রের মধ্যভাগে প্রতিষ্ঠিত, এবং দেবালয়ের চতুঃপার্শ্বে পুরোহিতদিগের বাসস্থান। সেই ভূমি দীর্ঘে প্রায় তিন ক্রোশ এবং প্রস্থেও ঐকপ হইবেক ; এইস্থানে তাল, অলিত প্রভৃতি নানা জাতীয় বৃক্ষ উৎপন্ন হইত ; এবং অসংখ্য উৎস থাকায় তথায় বিলক্ষণ জলসম্পোষ্য ছিল। এই স্থানে যে এক বিস্ময়কর পদার্থ ছিল, তাহার নাম সৌর্য্য-প্রস্রবণ ; সূর্য্যদেবের উত্তাপের সহিত ইহার জলের শৈত্য ক্রমশঃ বৃদ্ধি পাইয়া মধ্যাহ্ন সময়ে তুষারশিলাবৎ শীতল হইত, এবং মধ্যাহ্নের পর সূর্য্যের উত্তাপ যত ক্রাস হইতে থাকিত, ইহার জলেরও শৈত্য ক্রমশঃ বিনষ্ট হইয়া নিশীথ রাত্রে ভয়ানক উষ্ণ হইত। আবার নিশীথ হইতে ক্রমশঃ উষ্ণতার ক্রাস হইতে আরম্ভ হইত।

আলেক্জাণ্ডর সেই দেবালয় দেখিতে ইচ্ছা করিলেন। ঈজিপ্ট জয় করিয়া পারসীকরাজ কাশ্বাইসিন্ যেকপ এই দেবালয় আক্রমণ করিবার মানসে যাত্রা করিয়া মহাবিপদে পড়িয়াছিলেন, এবং সমস্ত সৈন্য হারাইয়া ছিলেন ; তাঁহারও সেই দশা না ঘটে, তদ্বিষয়ে সতর্ক হইয়া সৈন্যদিগের পানোপযোগী প্রচুর জন ও পথদর্শক লইয়া সেই দেবালয়ের উদ্দেশে যাত্রা করিলেন। তদীয় অনুচরগণের মতে তাঁহার যাত্রাকালে জগদীশ্বর আশ্চর্য্যকপ তাঁহার আনুকূল্য করিয়াছিলেন যথা ;—যে মরুভূমিতে বৃষ্টির সহিত

প্রায়ই সন্দর্শন হয় না ; তাঁহার যাত্রাকালে প্রচুর পরিমাণ বৃষ্টি হইয়াছিল, যখন দক্ষিণ বায়ু উত্থিত হইয়া দৃষ্টি পথ রুদ্ধ করিল ; এবং তাহাতে সৈন্তগণ কোন্মার যায় কি করে তাহার চিক রহিল না, তখন দুইটি বায়স্ (কেহ বলেন দুইটি সর্প) আবিভূত হইয়া দেবালয়ের পথ দর্শক হইল। আলেক্জান্ডর দেবতার আদেশ জানিলে, তাঁহার প্রতি দেবাদেশ অনুকূল হইল। কথিত আছে, যখন তিনি প্রধান পুঙ্কের সহিত সাক্ষাৎ করিতে গিয়াছিলেন, তখন পুঙ্ক, দেবরাজস্বত বলিয়া তাঁহাকে প্রণাম করিয়াছিলেন ; কারণ এইরূপ কিংবদন্তী আছে যে, একটা দীর্ঘাকায় স্ত্রী সর্প তদীয় জননী অলিম্পিয়সের ভবনে সাক্ষাৎ করিতে যাইতেন। উক্ত সর্পকে লোকে জুপিটার অর্থাৎ দেবরাজ বলিয়া জ্ঞান করিতেন।

চতুর্দশ অধ্যায়।

সজ্জি প্রস্তাব।

‘আলেক্জান্ডর এইরূপে ফিনীশিয়া এবং ইজিপ্ট বিভাগে ব্যাপ্ত আছেন, এদিকে বিদ্রোহ ডেরাস্ স্বীয় সাত্রাজ্য রক্ষণে পুরুষকৃত হইয়া বাবিলনের বিজিত

ক্ষেত্রে সৈন্যসংগ্রহ করিতেছিলেন। ডেরায়স্ প্রথমতঃ যে সন্ধি-প্রস্তাব করেন, তাহাতে ক্লতকার্য্য হইতে পারেন নাই। আইসসের পরাভবের পর তিনি আলে-কজাণ্ডরের নিকট সন্ধি প্রার্থনা করিলে, আলেকজাণ্ডর ডেরায়স্কে স্বয়ং তাঁহার নিকট যাইয়া তাঁহাকে রাজ্য বলিয়া স্বীকার করিতে আদেশ করেন ; কিন্তু ডেরায়স্ তাহাতে সম্মত হয়েন নাই। টায়র অবরোধের সময় আলেকজাণ্ডর তদীয় মাতা এবং পরিজনের প্রতি বেষপ ভদ্রতা এবং উদারতা প্রদর্শন করিয়াছিলেন, তাহা শুনিয়া ডেরায়স্ পুনর্বার এই বলিয়া সন্ধি প্রার্থনা করিলেন যে, তাঁহার পরিজনদিগের উদ্ধারের পণস্বরূপ দশ সহস্র ট্যালেন্ট মুদ্রা, এক কন্যা এবং ইউফ্রেটিস্ নদীর পশ্চিমবর্তী সমস্ত আশিয়িক প্রদেশ প্রদান করিবে। রাজ-দূত রাজ-দরবারে যাইয়া রাজসমক্ষে উক্ত পণে সন্ধিপ্রস্তাব করিলে, পার্মীনিয়ো কহিলেন, “যদি আমি আলেকজাণ্ডর হইতাম, তাহা হইলে এই দণ্ডেই অবশিষ্ট পণে সন্ধি করিতাম।” ইহা শুনিয়া আলেকজাণ্ডর কহিলেন, “যদি আমি পার্মীনিয়ো হইতাম, তবে এই প্রস্তাবে সম্মত হইতাম ; কিন্তু আমি আলেকজাণ্ডর, এ জন্য এ প্রস্তাবে কদাচ সম্মত হইতে পারি না ; ইহাতে আমার ভিন্নপ্রকার উত্তর দেওয়াই উচিত ” এই বলিয়া দূতকে কহিলেন যে, “ডেরায়স্ সন্ধি স্থাপনের জন্য যে ভূমি এবং যে মুদ্রা দিবার প্রস্তাব করিয়াছেন, তাহা ইতিপূর্বেই

আমার অধিকৃত হইয়াছে। আমি যদি আমার ডেরায়সের কতকটা পাণিগ্রহণ করিবার ইচ্ছা থাকিত, তাহা হইলে ডেরায়সের সম্মতি ব্যতিরেকেই তাহা করিতে পারিতাম ; কিন্তু আমার সে ইচ্ছা নহে।” এই বলিয়া দূতকে বিদায় করিলেন। দূত ফিরিয়া যাইয়া এই সংবাদ জানাইলে, ডেরায়স্ সন্ধি বিষয়ে একান্ত হতান্ধ্য হইয়া রণমঞ্চায় প্রবৃত্ত হইলেন।

এদিকে আলেকজান্ডার মিশর হইতে যাত্রা করিয়া সীরিয়ার উত্তর দিয়া সৈন্য চালনা করত, থাপ্-সেকস্ নামক স্থানে ইউফ্রেটিস্ নদী উত্তীর্ণ হইলেন। ডেরায়স্ পাহারা করিয়া টাইগ্রিসের অপর পারে আছেন, জানিতে পারিয়া তদভিমুখে যাত্রা করিলেন। অনন্তর নদীর ধাম উপকূল হইয়া নিম্নাভিমুখে গমন করিতে করিতে তুর্থাৎ দিবসে একদল শত্রুপক্ষীয় অশ্বারোহীসৈন্যের সম্মুখে পতিত হইলেন ; এবং তদদর্শনে, ডেরায়স্ যে নিকটেই আছেন, তাহা স্থির করিলেন। তিনি সৈন্যদিগকে বিশ্রামার্থ চারি দিনকাল একস্থানে অবস্থিতি করিলেন, এবং সেই অবকাশে পীড়িতসৈন্যদিগকে নিরাপদে রাখিবার জন্য একটা দৃঢ়তর ছাউনি নির্মাণ করিলেন।

প্রবাদ আছে, ডেরায়সের পত্নী শোকে, এবং নানা কষ্টে দিন দিন ক্ষীণ হইয়া অবশেষে মাসিডোনিয় স্বজ্ঞাবারে মানবলীলা সংবরণ করেন। কিন্তু এই বৃত্তান্ত যে কতদূর সত্য তাহা বলি যায় না ; কারণ

আলেকজাণ্ডার যে ডেরারসের পরিজনদিগকে সমভি-
 ব্যাহারে লইয়া আসিয়াছিলেন, ইহা কখনই অনুমান
 সিদ্ধ হইতে পারে না। যাহা হউক ডেরারসের পত্নীর
 মৃত্যুসংবাদ শ্রবণে আলেকজাণ্ডার তদীয় মাতার সহিত
 সাক্ষাৎ করিতে যাইয়া ভ্রাতৃহার সহিত ক্রন্দনপূর্বক উপ-
 বাস করিয়াছিলেন, এবং নানা প্রকার অনুতাপ করিয়া
 পূর্বদেশের রীত্যনুসারে রাজপত্নীর সমাধিকার্য্য সম্পন্ন
 করিয়াছিলেন। ইত্যবসরে অন্তঃপুনর একজন বর্ষবর
 পলায়ন পূর্বক ডেরারসের নিকট উপস্থিত হইয়া, তদীয়
 পত্নীর মৃত্যুসংবাদ দিজে, ডেরারস প্রথমতঃ এই বিবে-
 চনা করিলেন, রাজনহিনী আলেকজাণ্ডারের অভিজাত
 পূর্ণ করিতে সম্মত হন নাই বলিয়া, তিনি তাঁহাকে
 বিনষ্ট করিয়াছেন। কিন্তু বর্ষবর তাহা মিথ্যা বলিয়া
 প্রতিপন্ন করিলে, অবশ্যই তাহার ধর্ম্মনষ্ট হইয়াছিল,
 নচেৎ আলেকজাণ্ডার তাহার জন্য এই অনুতাপ করি-
 বেন কেন, এই বলিয়া সন্দেহ করিতে লাগিলেন।
 কিন্তু সেই বর্ষবর, রাজপত্নীর চরিত্র যে কোংকোই
 দূষিত হয় নাই, তদ্বিষয়ে বিলক্ষণরূপে বিশ্বাস জন্মা-
 ইয়া দিজে, ডেরারস পত্নীকে স্মরণ করিয়া অশ্রু মোচন
 করত হস্তোত্তোলন পূর্বক উচ্চৈঃস্বরে বলিলেন,
 “দেবগণ! প্রাণে আমান রাজ্য হয় আমাকে পুনঃ
 সংস্থাপিত করুন; আর যদি আমার ভোগসুখ ফুরা-
 ইয়া থাকে, তবে আমার এই প্রাণনা যে, এইরূপ ন্যাস
 যান ও ভাদৃশ দয়াবান বিজেতা ব্যতিরেকে আর কেহ

যেন আশিয়ার সিংহাসনে আরোহণ না করেন ।” ইহা কহিয়া ডেরায়স্ পুনর্বার দিক্‌নির প্রস্তাব করিয়া পাঠাইলে, আলেকজাণ্ডর পূর্ববৎ উত্তর করিলেন ।

—
আর্দেমান নদী ।

ডেরায়সের এই দৃঢ় প্রতিতি ছিল যে, আইসুসের সংগ্রামে তাঁহার অসংখ্য সৈন্য স্থানের সংকীর্ণতা প্রযুক্ত রীতিমত সমর ব্যাপারে ব্যাপ্ত হইতে পারে নাই, এই জন্যই তাহারা উক্ত সংগ্রামে পরাজিত হইয়াছিল । এই বিবেচনার তিনি এক অতি বিস্তৃত ক্ষেত্র মনোনীত করিলেন, এবং সেই ক্ষেত্রের উন্নত স্থান সমস্ত কাটিয়া সমতল করাইলেন । পরে পারসীক সাম্রাজ্যের সকল ভাংশ ইহাতে সৈন্য আশিয়া তথায় মিলিত হইল । বর্ণিত আছে, ইহাতে দশ লক্ষ পদাতি সৈন্য এবং চল্লিশ সহস্র অশ্বারোহী সৈন্য একত্র সন্মিলিত হইয়াছিল । এতদ্ব্যতিরিক্ত হস্তি সৈন্য, শকট এবং গ্রীক্‌ভূতিগ্রাহী সৈন্য ও প্রচুর ছিল । যাহা হউক প্রথমে যেকুপ সৈন্য সংখ্যার ইলেক আছে, বোধ হয় তাহার চতুর্থাংশের সমাগম ব্যর্থ হইতে পারে ।

মহাবীর পঞ্চম দিবসে বুদ্ধ যাত্রা করিলেন । তিনি মনে মনে এই বিবেচনা করিয়াছিলেন যে, অতি প্রত্যুষে যাত্রা করিয়া সূর্য্যোদয়ের পূর্বেই সমর ক্ষেত্রে উপস্থিত হইবেন, এবং সূর্য্যোদয়ের পরেই রণকর্মে ব্যাপ্ত হইবেন । কিন্তু ছাউনি হইতে সমর ক্ষেত্র মত

দূর স্থির করিয়াছিলেন, তাহা অপেক্ষা অধিক দূর-
 বর্তী হওয়ায় তাঁহার সৈ অতিপ্রায় সিদ্ধ হয় নাই।
 মাসিডোনীয় সৈন্যগণ কোন পর্বতে আরোহণ করিয়া
 দেখিতে পাইল, ডেরায়সের অসংখ্য সৈন্য ব্যাহীভূত
 হইয়া রণক্ষেত্র আচ্ছন্ন করিয়া আছে। অনন্তর মন্ত্র-
 গার্থ যে একটি সভা হইল, তাহাতে পার্মীনিয়োর উপ-
 দেশানুসারে সে দিবস যুদ্ধ বন্ধ রাখিয়া সেই স্থানই
 অবস্থিতি করিয়া, পরদিবস সম্মুখীন হইবার পরামর্শ
 স্থির হইল। রজনী উপস্থিত হইলে, পার্মীনিয়ো
 শত্রুবল অপেক্ষা আপনাদিগকে নিতান্ত হীনবল
 বিবেচনা করিয়া আলেক্জাণ্ডরের পটভবনে প্রবেশ
 পূর্বক রাত্রিযোগেই আক্রমণের পরামর্শ দিলেন।
 কিন্তু আলেক্জাণ্ডর্ এইরূপ প্রতারণা দ্বারা জয়-
 লাভ করা অসম্ভব লজ্জার বিষয় বলিয়া তাহাতে
 সম্মত হইলেন না। কথিত আছে, ঐ দিবস আলেক্-
 জাণ্ডর্ অনেক বেলা পর্য্যন্ত নিদ্রা গিয়া ছিলেন, এজন্য
 পার্মীনিয়ো তদীয় পট ভবনে প্রবিষ্ট হইয়া তাঁহাকে
 জাগরিত করিয়া বলিলেন সৈন্যগণ সসজ্জ হইয়া
 আপনার অপেক্ষা করিতেছে। আপনার এই সমুদয়-
 বিরুদ্ধ প্রগাঢ় নিদ্রা দেখিয়া আশ্চর্যান্বিত হইলাম।”
 তখন আলেক্জাণ্ডর্ বলিলেন, বোধ হয় এতক্ষণ
 ডেরায়স্ সংগ্রামে সজ্জীভূত হইয়াছেন, অতএব এই
 সংগ্রামযাত্রার প্রকৃত সময়। এই বলিয়া তৎক্ষণাৎ
 সসজ্জ হইয়া রণক্ষেত্রে উপস্থিত হইলে, তাঁহার মুখ

বিকাশ এবং উৎসৃষ্ট দর্শনে মৈন্যাগণ অসম্মিত জয়লাভের আশায় পরিপূর্ণ হইল।

যদিও আর্বেলা নগর রণক্ষেত্র হইতে অস্থায়ী বিংশ্রীতি ক্রোশ অস্তর, তথাপি সেই সংগ্রাম আর্বেলা সংগ্রাম বলিয়া প্রসিদ্ধ। এই সংগ্রাম (খৃঃ পূঃ ৩৩১) আরম্ভ হয়। এই সংগ্রামের প্রকৃত অবস্থা অতিশয় জটিল, এজন্য ইহার বিশেষ বৃত্তান্ত বর্ণন করিতে চেষ্টা করা বৃথা বিবেচনায়, তাহার স্থূল বৃত্তান্ত মাত্র লেখা যাইতেছে। আলেকজান্ডর রণমন্ডে মত্ত হইয়া অশ্ব সৈন্যের অগ্রে অগ্রে যুদ্ধ করিতে প্ররুত হইয়া শত্রুসৈন্যাদিগকে হতাহত করিতে আরম্ভ করিলে, ডেরারস্ পূর্ববৎ সর্বাগ্রেই পলায়ন করিলেন; স্তত্রাং আলেকজান্ডর অবাধে জয়লাভ করিলেন। এই যুদ্ধে পুরাতন দিগের তিন লক্ষ লোক সমরশায়ী ও তদপেক্ষাও অধিক লোক বন্দীকৃত হইলে, বিজয়ী সৈন্যের একশত মাত্র লোক ও একদহস্র অশ্ব বিনষ্ট হইয়াছিল। ডেরারস্ উদ্ধৃষ্টাশ্বে পলায়ন করিয়া যতক্ষণ না মীডিয়ায় রাজধানী একবাটানার উপস্থিত হইয়াছিল, ততক্ষণ কোথাও বিশ্রাম করেন নাই। আলেকজান্ডর তাঁহার অনুসরণ না করিয়া পুনর্ব্বার টাইগ্রিস্ উত্তীর্ণ হইয়া বাবিলনের অভিমুখে যাত্রা করিলেন। তিনি তথায় উপস্থিত হইলে, বাবিলনের সমস্ত বহির্দ্বার উদ্ধাটিত হইয়া সামীরিয়ার সমস্ত কার্যের বন্দোবস্ত করিয়া, পুনর্ব্বার টাইগ্রিস্ অতিক্রমপূর্ব্বক পার-

শ্বের রাজধানী সুসানার অধিকার করিলেন। এখানে তিনি স্বর্ণময় ও রৌপ্যময় পঞ্চাশত সহস্র ট্যালেন্ট মুদ্রা প্রাপ্ত হইলেন। এতদ্ব্যতিরিক্ত পারসীক সত্রাট্‌দিগের বহু কাল সঞ্চিত নানাবিধ বহু মূল্য সম্পত্তি প্রাপ্ত হইলেন। এখন তিনি সৈন্য লইয়া প্রকৃত পারস্য জয়ের কৃতসংকল্প হইলেন। সুসার দক্ষিণ ভাগকে প্রকৃত পারস্য স্থান কহে। ইহার উত্তর ভাগ উন্নত পর্বত-শ্রেণীতে অবরুদ্ধ। শুদ্ধ তাহারই মধ্য দিয়া যে কতকগুলি সংকীর্ণ পথ আছে, পর্বতবাসীরা এবং পারসীক সৈন্যেরা, সেই সকল পথ অবরুদ্ধ করিয়া তাঁহাকে আনিতে দিবেক না, এই স্থির করিয়াছিল। কিন্তু আলেকজান্ডর স্বীয় সতর্কতা, ক্রতগামিত্ব এবং পারসীক পথ দর্শকদিগের সাহায্যে সেই সকল সঙ্কট অতিক্রম করিয়া, যথায় পারস্যের প্রাচীন রাজধানী পার্সিপোলিস্ বিরাজমান ছিল, এবং এক্ষণে যথায় মীরাজ নগর বর্তমান আছে, সেই স্ববিস্তৃত উর্বর উপত্যকা বিভাগে প্রবিষ্ট হইলেন।

পার্সিপোলিসের রাজভবন দাহ।

আলেকজান্ডর, রাজধানী পার্সিপোলিস্, সৈন্যদিগের হস্তে সমর্পণ করিয়া তন্নগর লুণ্ঠনের আদেশ করিলেন; পূর্বে জার্কিস্ আর্থেন্স নগর এবং যে সকল গ্রীক দেবালয় দক্ষ করিয়াছিলেন, তাহার প্রতি-শোধস্বরূপ স্বর্ণময় পার্সিপোলিসের রাজভবন স্বয়ং

অগ্নিসংযোগ দ্বারা ভস্মসাৎ করিলেন । কথিত আছে, আলেকজাণ্ডর যখন সর্ব সাধারণকে উৎসব প্রদান করিয়াছিলেন, তখন সৈন্য সমবেত থাইস্ নামক একটা স্ত্রীলোক (বারাঙ্গনা) মদ্য পান মত্ত হইয়া আলেকজাণ্ডরকে সম্বোধন করিয়া এই কথা বসিয়াছিল যে, “রাজনু আপনি পার্সিপোলিসের রাজভবন ভস্মসাৎ করিয়া গ্রীকদিগের যত প্রীতিসম্পাদন করিলেন এত আর কিছুতেই নহে । অন্যান্য নিমন্ত্রিত বক্তরাও অতিশয় মদমত্ত হইয়া, তাহার এই বাক্যের ভূরি ভূরি প্রশংসা করিয়াছিল । আলেকজাণ্ডরও সুরাশক্তিপ্রভাবে তাহার অনুমোদন করিয়াছিলেন । কি স্ত্রী কি পুরুষ সকলেই আলেকজাণ্ডরের পশ্চাৎ পশ্চাৎ গমন করিয়া রাজভবনে উপস্থিত হইয়া প্রজ্বলিত অগ্নিপিণ্ড সকল নিক্ষেপ করত শীঘ্র শীঘ্র ভস্মীভূত করিয়াছিল । এই উপাখ্যান সুপ্রসিদ্ধ কবি ড্রাইডেনের ইংরাজী ভাষায় রচিত কাব্যের প্রধান বিষয় ।

ডেরায়সের পরিণাম ।

পারস্যে চারিমাংস অবস্থিতির পর, আলেকজাণ্ডর ডেরায়সের অনুসন্ধানে নির্গত হইলেন । ডেরায়স সৈন্যে একবাটানা পরিত্যাগ পূর্বক সমস্ত সম্পত্তি লইয়া, নিজ সাম্রাজ্যের উত্তরাংশে পলায়ন করত অধিক দূর না যাইতে যাইতেই ব্যাকট্রিয়ার বিচারপতি বেসস্ এবং তাঁহার আর দুই জন কর্মচারীর ষড়্‌যন্ত্রে

পতিত হইয়া কারারুদ্ধ হইয়াছিলেন। পশ্চিমবঙ্গে এই সংবাদ প্রাপ্তিমাত্রেই, আলেকজান্ডার নিজ অশ্বসৈন্য এবং সংগ্রামনিপুণ কতকগুলি পদাতিক সৈন্যের অগ্রো-
 সর হইয়া বিশ্বাসঘাতকদিগের অনুসরণে প্রবৃত্ত হই-
 লেন। যাত্রাকালে শুদ্ধ আপন আপন অস্ত্র এবং দুই
 দিবসের উপযুক্ত খাদ্য সামগ্রী মাত্র সৈন্যদিগের পথের
 সম্বল ছিল। সৈন্যেরা ক্রমাগত সমস্ত রাত্রি এবং পর-
 দিবস মধ্যাহ্নকাল পর্যন্ত অনুসরণ করিয়া কিয়ৎকাল
 বিশ্রামের পর পুনর্বার অনুসরণে প্রবৃত্ত হইল। তৃতীয়-
 দিবস প্রভাতে আলেকজান্ডারের লোকেরা, ডেরায়সকে
 যে স্থানে পরিত্যাগ করিয়া গিয়াছিল, তথায় উপস্থিত
 হইলে, আলেকজান্ডার জানিতে পারিলেন যে, অন্যান্য
 চক্রান্তকারীরা, সৈন্যেরা মিলিত্বে বেগমকে তাহাদের
 প্রধান সেনানী করিয়া, দুঃখিতচিত্তে ডেরায়সকে
 আবৃত্ত শকটে আবদ্ধ করিয়া পলায়ন করিয়াছে।
 তাহারা যাত্রাকালে এ অভিপ্রায়ও ব্যক্ত করিয়াছিল
 যে, যদি আলেকজান্ডার তাহাদের অনুসরণ করেন,
 তাহা হইলে ডেরায়সকে তাঁহার হস্তে সমর্পণ করিবেন।
 যদি তাহা না করেন তবে, সৈন্য সংগ্রহপূর্বক স্বাধী-
 নতা সংস্থাপনের চেষ্টা পাইবেন। এই সম্বাদে আলেক-
 জান্ডার সাহসের সহিত ক্রমাগত তাহাদের অনুসরণে
 প্রবৃত্ত হইতে স্থিরনিশ্চয় হইলেন। কিন্তু তাঁহার
 লোকেরা এবং অশ্ব সকল অতিশয় পরিশ্রান্ত হইয়া-
 ছিল বলিয়া, সে দিবস নিরস্ত থাকিলেন। রাত্রি শেষ

হইলে পুনর্বার অসুখাবনে প্রবৃত্ত হইলেন। পর দিন মধ্যাহ্ন সময়ে, পূর্ব দিবস বেসন্ম্ যে গ্রামে অবস্থিতি করিয়াছিল, সেই গ্রামে উপস্থিত হইলে, তথায় বসিয়া এই শব্দ করিলেন, “যদি মরুভূমি অতিক্রম করিয়া যাওয়া যায় তবে অতি শীঘ্রই পলাতকদিগকে ধরা যাইবেক।” এই বলিয়া তুরঙ্গম সৈন্য সমভিব্যাহারে স্বয়ং সেই পথে যাত্রা করিলেন ; এবং সেনানীদিগকে সৈন্য লইয়া প্রকৃত পথ দ্বারা যাত্রা করিতে আদেশ করিলেন।

আলেকজাণ্ডর্ টিক্ সন্ধ্যার সময় যাত্রা করিয়া প্রাতঃকাল হইবার কিছু পূর্বেই বিক্রতদিগের নিকটে উপস্থিত হইলেন। তাহারা তৎকালে বিশৃঙ্খল হইয়াছিল। সে সময় হঠাৎ একেই আক্রমণ করিবেক, ইহা উপলব্ধি করিতে পারে নাই, সুতরাং অস্ত্র শস্ত্র পরিত্যাগ করিয়া সকল বিশ্রাম করিতেছিল। আলেকজাণ্ডরের এই হঠাৎ আক্রমণে প্রথমতঃ তাহারা পলায়ন করিল। সেনা এবং তাঁহার সঙ্গীগণ আপনাদিগকে দোষী বিবেচনা করিয়া ডেরাস্কে লইয়া দ্রুত বেগে পলায়নে প্রবৃত্ত হইল। যথন দেখিল আলেকজাণ্ডরের হস্তগত হয় হয় হইয়াছে, তখন ডেরাস্কে আহত করিয়া তাঁহাকে পরিত্যাগপূর্বক পলায়ন করিল। শুদ্ধ তাঁহাকে মারিয়াই বিরত হয় নাই, শকটের অশ্বদিগকেও হত করিয়া গিয়াছিল। ঘোটক সকল তুষায় কাতর হইয়া শকট সহিত পথের নিকটবর্তী উপত্যকায় যে প্রস্রবণ

ছিল তাহাতে জন পান্ধ করিতে গিয়াছিল । পলিস্ট্রেটস্ নামক এক জন মাসিডোনিয় হঠাৎ তথায় জন পান করিতে আসিয়া ঐ শকট এবং ডেরায়স্কেও মুহূৰ্ম্ম অবস্থায় দেখিতে পাইয়াছিল । মুহূৰ্ম্ম সম্রাট, সেই মাসিডোনিয়কে এই বলিয়া দিয়াছিলেন, “আলেক্জাণ্ডর, যে আমার পরিজনের পুত্রিতাদৃশ সদ্ব্যবহার করিয়াছেন, তাহার জন্য আমি তাঁহাকে শত শত ধন্যবাদ প্রদান করিতেছি ; আর তিনি যে আমার শ্রীর্দ্ধিও স্বথর্দ্ধির শুভানুধ্যান করিয়াছেন ইহার জন্য আমি তাঁহার ‘ভূরি ভূরি প্রশংসা করিতেছি’ । এই সকল কথা বলিয়া পরে তাঁহার নিকট কিঞ্চিৎ জন প্রার্থনা করিলেন । পলিস্ট্রেটস্ জল আনিয়া যখন তাঁহাকে পান করিতে উদ্ভূত হইল তখন ডেরায়স্ তাঁহাকে ধারণপূর্ব্বক পুনর্বার বলিলেন, “এই উপকারের জন্য আমি তোমাকে পুরস্কার দিতে পারি না, কিন্তু আলেক্জাণ্ডরই পুরস্কার পাইবার যোগ্য পাত্র । তাঁহার ভদ্রতা ও উদারতা নিবন্ধন দেবতারা তাঁহাকে পরিতুষ্ট করিবেন ।” এই বলিয়া প্রাণ ত্যাগ করিলেন । আলেক্জাণ্ডর সেই স্থানে উপস্থিত হইয়া ডেরায়সের মৃতদেহ অবলোকন করিলেন এবং ক্ষণকাল নেত্রজল পরিত্যাগ করিয়া স্বকীয় পাত্র বস্ত্র দ্বারা ডেরায়সের মৃতশরীর আচ্ছাদিত করিয়া এই অভিপ্রায়ে সেই মৃতশরীর ডেরায়সের জননীর নিকট পাঠাইয়া দিলেন যে, পারস্যের সম্রাটদিগের সমাধিক্ষিপ্ত

যেকপে সম্পন্ন হইয়া থাকে, তাহা সেই রূপেই সম্পন্ন হয় ।

গণতন্ত্রের প্রতিজ্ঞা ।

একণে আলেক্সান্দ্র প্রু কাস্পিয়ান সাগরের পূর্ব দক্ষিণবর্তী অতি দীর্ঘের জয়ের নিমিত্ত অসি উদ্যত করিলেন । যদিও এই সকল দেশে শত্রু-প্রতিরোধের উপযুক্ত অস্ত্রাদি কিছুই পায় হিল, তথাপি তিনি শীঘ্র শীঘ্র সেই সকল জায়গায় অবশেষে আক্রমণ করিলেন । অনন্তর বেনস ব্যাণ্ডার রাজপদবী অধিগত হই-
রাছে শুনিয়া তাহার দমনার্থে তথায় যাত্রা করিবার উদ্দেশ্যে সারিতেছেন, এমন সময় একজন শাস্তিরক্ষার প্রধান বিচারপতি, ~~সেই~~ ^{এই} আলেক্সান্দ্রের বশুতা স্বীকার করিয়াছিলেন, এক্ষণে তাঁহাকে আক্রমণ করিলে তাঁহার লে মদায় ক্ষয় হইল, তিনি এই সকল গোলযোগে আশঙ্কিত থাকিলে, তাঁহার মৈত্রেরা তাঁহার প্রাণ বধের সঙ্কল্প করিবার উদ্দেশ্যে পাইতে ছিল । এই সকল বিষয় অভিযায় অস্পষ্ট বলিয়া ইহার বিশেষ বৃত্তান্ত পরিহার করিলে ইহার স্থূল ভাষ্য গুলি পশ্চাৎ লিপিবদ্ধ হইল ।

মৈত্র দংক্রান্ত্র একজন সামান্য কর্মচারী ডিম্নস্ স্বরংগই হইল, বা অন্যের সহিত মিলিত হইয়াই হউক, রাজার প্রাণবধের চেষ্টায় ফিরিতে ছিল, ডিম্নস্, নিটফামেকন্ নামক যে একটা যুবককে

অতিশয় ভাল বার্দিত, তাহার নিকট স্বাভি-
 প্রায় ব্যক্ত করিলে, সেই যুবক ডিম্নসের এই অসদ-
 ভিপ্রায় অবগত হইয়া বিস্মিত হইল ; এবং এই বৃত্তান্ত
 আলেকজান্ডরের কর্নগোচর করিবার মানস করিল।
 কিন্তু স্বয়ং যাইয়া বলিতে সাহস না করিয়া তাহার
 সহোদর সিবালিনস্কে তদ্বিষয়ে নিযুক্ত করিল। সিবা-
 লিনস্ আবার পানীনিরোর পুত্র ফিলোটাস্কে উক্ত
 বিষয়ের জ্ঞাত করিল। ফিলোটাস্ একজন
 উচ্চপদবীষ্য কর্মচারী ছিল, এবং সর্বদাই রাজার
 সহিত সাক্ষাৎ করিতে পারিত, এজন্য ফিলোটাস্
 তাহাতে সম্মত হইল ; কিন্তু ফিলোটাস্ উক্ত বিষয়
 আলেকজান্ডরকে জানায় নাই শুনিয়া সিবালিনস্
 বিস্ময়াপন্ন হইয়া পূর্বের ফিলোটাসের নিকট গমন
 পূর্বক তাহাকে জিজ্ঞাসা করিতে সে উত্তর করিল,
 “রাজার নিকট দিবাভাগে সর্বদাই লোক থাকে,
 এজন্য বলিবার অবকাশ পাই নাই, অদ্য নিশ্চয়ই
 এই বিষয় আলেকজান্ডরকে নিবেদন করিব।” পরে
 যখন জানিতে পারিল যে, সেদিবসও সেই কথা রা-
 কর্নগোচর করে নাই, তখন ফিলোটাসের প্রতি ভ্রাতৃ-
 হৃদয়ের অবিশ্বাস জন্মিয়া গেল। তখন তাহার একজন
 রাজ ভৃত্যকে উক্ত বিষয়ে নিযুক্ত করিলে, সে তৎক্ষণাৎ
 যাইয়া রাজাকে জানাইল। রাজা ভ্রাতৃহৃদয়ের নিকট
 ইহার আমূল বৃত্তান্ত অবগত হইয়া ডিম্নস্কে ধরিবার
 জন্ত একদল রাজ শরীর রক্ষক নিযুক্ত করিলেন। এদিকে

ডিমনস্ নিজ রহস্ত্য বাক্ত হইয়াছে জানিয়া আত্মহত্যা দ্বারা প্রাণত্যাগ করিল।

অতঃপর তদ্বিষয়ের আর কোন অনুসন্ধান হয় নাই। কেবল ফিলোটাসের চরিত্রের উপর সন্দেহ হওয়াতে আলেকজাণ্ডর প্রাচীন মাসিডোনীয় রীতি অনুসারে তাহাকে সমস্ত সৈন্তের সম্মুখে আনয়ন পূর্বক তাহার দোষাদোষ বিচার করিবার মানস করিলেন। রাজা তাহার প্রতি দোষারোপ করিলে, সে নানা প্রকার প্রমাণ দ্বারা নিজদোষ খণ্ডন করিতে আরম্ভ করিল। কিন্তু সংগ্রামিক বিচারপতিরা ফিলোটাস্কে দোষী বিবেচনা করিয়া তৎক্ষণাৎ শর দ্বারা তাহার প্রাণ বধ করিল। বিবেচনা করিতে গেলে, এই বিচার অন্যায় ~~হই~~ নাই। কারণ ডিমনস্ শুদ্ধ ফিলোটাসের প্রতিপোষক ছিল ; কিন্তু মাসিডোনীয় সম্রাটদিগের স্বভাবই এই যে, তাহারা রাজাকে নষ্ট করিয়া স্বয়ং রাজ্যেশ্বর হইতে অভিলাষ করিয়া থাকে। ফিলোটাস্ও বোধ হয় সেই অভিপ্রায় করিয়াছিল। তাহার যেকোন সুবিধা ছিল। সে যদি আলেকজাণ্ডরকে মারিতে পারিত তাহা হইলে, সে প্রধান সৈন্যপত্যে নিযুক্ত ছিল, অন্যায়সেই সৈন্যদিগকে আপনার বশীভূত করিতে পারিত, এবং পিতার সাহায্যে রাজসিংহাসনে অধিরোহণ করিত।

পার্মানিয়োর মৃত্যু ।

পার্মানিয়ো স্বপুঞ্জের এই অতিপ্রায়ে সংস্কৃত ছিলেন কি না যদিও তাহা কেহই জানিত না তথাপি পার্মানিয়োর জীবন নাশ করা সর্বতোভাবে বিচার-সিদ্ধ হইল। তৎকালে পার্মানিয়ো মীডিয়ায় ছিল। এজন্য, একজন কর্মচারীকে কতকগুলি শরীররক্ষক সমভিব্যাহারে মীডিয়ায় প্রেরণ করা হইল, এবং তাহার পুত্রের প্রাণদণ্ডের সংবাদ তাহার নিকট পৌঁছিবার পূর্বে, বাহাতে সে ব্যক্তি তথায় পৌঁছিতে পারে, এজন্য কতকগুলি উষ্ট্র দ্বারা মরুভূমি অতিক্রম করিয়া বাইতে আদেশ করা হইল। ইহার সহিত যে দুইখানি পত্র প্রেরিত হইল, তাহার এক খানি রাজার লিখিত, আর এক খানি ফিলোটাসের স্বাক্ষরিত; যেন ফিলোটাসই লিখিয়াছে। প্রধান প্রধান কর্মচারীদিগের নামে আরও কতকগুলি পত্র প্রেরিত হইল। তাহাতে এই মাত্র লিখিত ছিল যে, প্রেরিত ব্যক্তির মতানুসারে সকলে কর্ম করিবেক। যদিও উভয় স্থান দু্যনাধিক ২৮০ ক্রোশ অন্তর ছিল, তথাপি প্রেরিত ব্যক্তি দেশীয় লোক দ্বারা একাদশ দিনের মধ্যে সমস্ত কর্মচারীদিগের সহিত সমস্ত বন্দোবস্ত করিয়া পার্মানিয়োর অপেক্ষা করিতে লাগিল। পার্মানিয়ো রাজত্ববনের বৃক্ষবীধিকায় ভ্রমণ করিতেছে এমন সময় আলেকজান্ডরের পত্র প্রাপ্ত হইয়া তাহা পাঠ করিয়া বলিল, “একগে রাজা অন্য যুদ্ধযাত্রায়

ব্যাপ্ত হইবার উদ্যোগে আছেন; তাহার অধ্যবসায়ের মধ্যে প্রাণশংসা করিতে হয়, কিন্তু আপনার প্রাণ বাঁচানও রাজার কর্তব্য।” অনন্তর ফিলোটাসের পত্র পাঠ করিয়া ঈষৎ হাস্য করিল। পত্র পাঠ সমাপ্ত হইতে নূ হইতে সৈন্যেরা তরবারি দ্বারা তাহার প্রাণনাশ করিল। পার্মোনিয়ো দোষী এই জন্য তাহার প্রাণদণ্ডের আজ্ঞা হইল, এই রাজপত্র তাহাদের নিকট পঠিত হইল।

বেসম্ভূত এবং মৃত। •

অনন্তর আলেকজান্ডর পূর্বাভিমুখে যাত্রা করিলেন, এবং যাহাকে এখন কাবুল কহে, সেই দেশ স্ববশে-আনয়ন করিয়া, তথায় ~~কাবুল~~ নামে নগর প্রতিষ্ঠাপিত করিলেন। শীত ঋতু প্রায় শেষ হইলে, কাবুল এবং বাকট্রিয়ার মধ্যবর্তী পর্বতশ্রেণীতে আরোহণ করিলেন। তথায় সৈন্যগণ বরফের আতিশয্যে এবং খাদ্যাভাবে অত্যন্ত কষ্ট পাইলেও আলেকজান্ডরের গতিরোধ হয় নাই; তিনি অনাব্রাসেই ঐ সর্বতশ্রেণী অতিক্রম করিলেন। এদিকে বেসম্, পাছে মৃত হয়, এই আশঙ্কায় দ্রুতবেগে জাইক্স্ নদী অতিক্রম করিয়া সগুডিয়ানায় উপস্থিত হইল। জাইক্স্ এবং সাইক্সের মধ্যবর্তী প্রদেশকে সগুডিয়ানা কহে। সমস্ত বাকট্রিয়া প্রদেশ আলেকজান্ডরের বশীভূত হইলে, তিনি বেসমের অনুধাবনে প্রবৃত্ত হইলেন। জাইক্স্ নদী প্রায় অর্ধ

মাইল প্রশস্ত থাকার সহজে পার হওয়া কঠিন হইল, এজন্য বৃক্ষের ত্বকের ভিতর শুষ্ক তুণ পুরিয়া কাছি প্রস্তুত করা হইল ; এবং তদ্বারা ভেগা বা ক্ষিয়া সৈন্যেরা পাঁচ দিনে উক্ত নদী উত্তীর্ণ হইল । ইহার কিছু পরেই তাহার ছই জন সহকারী বেসস্কে মাসিডোনীয়দিগের হস্তে সমর্পণ করিল । আলেকজান্ডর সাধারণ সম্মুখে কশাঘাত দ্বারা উত্তমরূপে শাস্তি দিয়া আপাততঃ বেসস্কে ব্যাক্টিয়ায় প্রেরণ করিলেন । কিছুদিন পরে একবাটোনায় প্রেরিত হইল ; এবং ডেরায়সের পরিবারের হস্তে নিক্ষেপিত হইলে, তাহার যৎপরোনাস্তি যত্নগা দিয়া তাহার প্রাণবধ করিল ।

সীথীয় সংগ্রাম ।

সর্গডিয়ানা পৃথিবীর যাবতীয় প্রদেশ অপেক্ষা উর্বরা এবং প্রীতিকর স্থান, আলেকজান্ডর এই প্রদেশের স্বভাবসিদ্ধ উপকারিতা অবলোকন করিয়া, মাইছন্ নদীর উপকূলে একটা নগর নির্মাণ করিবার আশয়ে যাত্রা করিলেন । কিন্তু সর্গডিয়ানা এবং ব্যাক্টিয়ার অধিবাসীরা তন্নিবারণের জন্য বিদ্রোহ উপস্থিত করিয়া যাবতীয় মাসিডোনীয় সৈনিকপুরুষদিগকে হতাহত করিতে লাগিল । আলেকজান্ডর নিজ স্বাভাবিক ওজঃস্বিতা ও কিপ্রকারিতা প্রদর্শন পূর্বক তিন দিনের মধ্যে বিদ্রোহীদিগের পাঁচটা নগর অবরুদ্ধ করিয়াছিলেন । পরিশেষে তিনি সর্গডিয়ানার রাজ-

ধানী সাইরোপোলিস্ বিধ্বস্ত করিলেন। সীথীয় বা তুরস্কবাসীরা সাইল্লনের অপর পারে বাস করিত। তাহারা সগ্‌ডিয়ানার অধিবাসীদিগের সাহায্য করিবার আশয়ে অপর পারে প্রভূত অশ্বসৈন্য সংগ্রহ করিয়া রাখিয়াছিল। আলেক্‌জাণ্ডর কাষ্ঠফলক এবং ত্রুক্ষ অবলম্বন করিয়া সসৈন্যে নদী উত্তীর্ণ হইয়া শত্রুর সম্মুখে উপস্থিত হইলেন; এবং তাহাদের সহস্র লোককে হতাহত করিয়া, অবশেষে তাহাদিগকে তাড়াইয়া দিলেন; পরে কতক দূর পর্য্যন্ত তাহাদের অনুসরণ করিয়া, অবশেষে ক্ষেদর্য্য জলপান দ্বারা তাঁহার পীড়া তাঁহার উপস্থিত হইল। লোকেরা তাঁহাকে লইয়া সাইল্লনের ভীরে ফিরিয়া আসিল। ইহার কিছু পরেই সীথীয়েরা সন্ধি প্রার্থনা করিলে, আলেক্‌জাণ্ডর তাহাতে সম্মত হইলেন; এবং সাইল্লন্ নদীর অপর পারে প্রতিনিবৃত্ত হইলেন। আশিয়ায় প্রবেশ করা অবধি তাঁহার অনেক ক্ষতি হইয়াছিল। প্রায় পাঁচ সহস্র লোক শত্রু হস্তে নিধন প্রাপ্ত হইয়াছিল। সগ্‌ডিয়ানাবাসী এবং ব্যাক্ট্রীয়দিগের সহিত সংগ্রাম ক্রমাগত দুই বৎসর চলিয়া, অবশেষে যদি এই সংগ্রাম সন্ধি দ্বারা নিরস্ত না হইত, তাহা হইলে মাসিডোনীয়দিগের সাধারণ সমরানল প্রজ্জ্বলিত হইয়া, হয় তো মাসিডোনীয় শক্তি একেবারেই সমুদ্রমূলিত হইয়া যাইত।

প্রণিপাত-প্রথা ।

৬

আলেকজাণ্ডর বিলম্বণ জানিতে পারিয়াছিলেন যে, প্রাচীন পারসীক রীতি কিয়ৎ পরিমাণে পূর্বাঙ্কিত না করিলে, শুদ্ধ বল দ্বারা তাঁহার সাম্রাজ্য রক্ষা হইবেক না । এজন্য তিনি প্রথমতঃ পারসীক রাজপরিচ্ছদ ধারণ করিলেন । পারস্যের প্রাচীন আচারের মধ্যে সম্রাটকে সার্ভাঙ্গে প্রণিপাত করা অধিক প্রচলিত ছিল ; কিন্তু দেবতাকেই সার্ভাঙ্গে প্রণিপাত করিতে হয়, এই সংস্কার গ্রীকদিগের বন্ধনুল থাকায় এই প্রথা প্রচলিত করিবার পূর্বে প্রথমতঃ ইয়ুরোপীয়দিগকে সমুদ্র কর্তৃক আলেকজাণ্ডরের নিতান্ত আবশ্যক হইয়াছিল । কারণ, তিনি নিম্নে জানিয়াছিলেন যে, এ প্রথা সর্ব সাধারণে প্রচলিত করিবার বিষয়ে মাসিডোনিয়দিগের কখনই মত হইবেক না ; এবং ইহা ব্যতিরেকেও তিনি পারসীক প্রজাদিগের নিকট প্রকৃত সম্রাট বলিয়া অবলোকিত হইবেন না । অতএব তিনি উত্তর দিক বজায় রাখিয়া তদ্বিষয়ে প্রবৃত্ত হওয়া নিতান্ত আবশ্যক বলিয়া বিবেচনা করিলেন ; ইহাও ভাবিলেন, গ্রীকদিগকে এবিষয়ে লওয়াইতে হইলে, বেকস্ হার্কিয়ুলিস্ এবং অন্যান্য দেবপ্রতিম ব্যক্তিদিগের প্রতি তাহাদের যেকপ ভক্তি আছে, তাঁহার প্রতিও তদনুরূপ সংস্কার জন্মাইয়া দিতে হইবেক, তবে অভীষ্টসিদ্ধি হইবেক । এই স্থির করিয়া সেই প্রথা

কোন মহোৎসব উপলক্ষে প্রচারিত করিবার বন্দোবস্ত প্রস্তুত হইলেন।

আলেকজান্ডর এই অভিপ্রায় সংসিদ্ধির জন্য বিজ্ঞানশাস্ত্র বিশারদ কতকগুলি লোক নিযুক্ত করিয়া, আনাক্সার্কস্ নামক এক জনকে অভিপ্রেত বিষয়ের অমুকূল উপদেশ দিবার জন্য নিয়োজিত করিলেন। উৎসবের দিবস সকলেই যখন সুরাপানে মত্ত হইয়া আসিল, সেই সময় আনাক্সার্কস্ বলিয়া উঠিলেন, “ইহা সকলেরই বিদিত আছে যে, রাজা বেকস্ বা হার্কিয়ুলিস্ অপেক্ষা অধিক সম্মান পাইবার যোগ্য। যখন রাজার লোকান্তর হইলে অবশ্যই মাসিডোনিয়েরা ইহাকে দেবতা বলিয়া পূজা করিবেক, তখন ইহার জীবিতাবস্থায় ইহাকে তাহা অপেক্ষা অধিক সম্মান করা সর্বতোভাবে বিধেয় হইতেছে।” এই কথা শুনিয়া অধিকাংশ লোকেই নিস্তব্ধ হইয়া থাকিলে, বিজ্ঞান শাস্ত্র বিশারদ ক্লিস্থিনিস্ বলিলেন; “আনাক্সার্কস্ যাহা বলিলেন তাহা খোসামোদ মাত্র; আর উক্তরূপ প্রথা প্রচলিত করা রাজনীতির সম্পূর্ণবিরুদ্ধ রূপা আড়ম্বর মাত্র।” মাসিডোনিয়েরা ইহার মতে মত দিলে, রাজা সে অভিসন্ধি পরিত্যাগ করিয়া বলিয়া পলাইলেন যে, এ প্রথা প্রচলিত করা বন্ধ রহিল, তাহার প্রয়োজন নাই। কিন্তু সমস্ত পারসীক সম্রাটেরা তাঁহাকে সাষ্টাঙ্গে প্রণিপাত করিয়া দেশের প্রচলিত প্রথার উদাহরণ প্রদর্শন করিলে, লিয়নেটস্

তাহাদিগকে উপহাস করিলেন। তাহাতে আলেক্-
জাণ্ডর অতিশয় অসন্তুষ্ট হইলেন।

ক্লাইটসের মৃত্যু।

আলেক্জাণ্ডর ব্যাকট্রিয়ায় শীত ঋতু যাপন করিতেছেন এই সময় বেকস্-দেবের মহোৎসবের দিন উপস্থিত হইল। তিনি তাহা কাস্টর্ এবং পার্ল-
ক্লের মহোৎসবের দিন বলিয়া প্রচার করিয়া দিলেন। কিন্তু কি কারণে একপ করিলেন তাহা বলা যায় না। কি পারসীক কি মাসিডোনীয় সকল লোকেই সুরা-
পানে মত্ত হইয়া আমোদ প্রমোদ করিতে লাগিল। তাহাদের মধ্যে যমজুহুয় এবং হার্কিয়ুলিসের অবদান বিষয়ক কথোপকথন চলিতে লাগিল। কেহ কেহ বলিয়া উঠিল, আলেকজাণ্ডরের অবদানের নিকট ইহা-
দের অবদান কিছুই নহে। ইহা শুনিয়া ক্লাইটস্, যিনি গ্রানিকসে আলেকজাণ্ডরের প্রাণ রক্ষা করিয়াছিলেন, সুরাপানে মত্ত হইয়া উচ্চৈঃস্বরে বলিয়া উঠিলেন,
“তোমরা যে সকল অবদানের কথা ব্যক্ত করিতেছ তাহাতে আলেকজাণ্ডরের পৌরুষ কিছুমাত্র নাই। মাসিডোনীয়দিগের পৌরুষই তাহার কারণ।” কেহ কেহ আলেকজাণ্ডরের সহিত তুলনা করিয়া ফিলিপের কার্যের নিন্দা করিতে লাগিল। ইহা শুনিয়াও ক্লাইটস্ পুনর্ব্বার জাগিয়া উঠিল এবং ফিলিপের ভূরি ভূরি প্রশংসা করিতে লাগিল। আলেকজাণ্ডরকে গ্রানিকসের

বৃত্তান্ত স্মরণ করাইয়া দিয়া বলিল “আলেকজাণ্ডর ! এই হস্ত সে দিবস তোমাকে প্রদান করিয়াছিল।” আলেকজাণ্ডরও সুরাপানে মত্ত ছিলেন। ক্লাইটসের এই গর্ভিত বচন শ্রবণ করিয়া লক্ষ প্রদান পূর্বক বেগে ক্লাইটসের দিকে যাহতে উদ্যত হইলে, তাঁহার বন্ধুরা তাঁহাকে নিবারণ করিল। অনন্তর কতকগুলি লোক ক্লাইটসকে তথা হইতে সরাইয়া দিল। কিন্তু আলেকজাণ্ডর ক্রোধভরে ক্লাইটসকে গালি দিতে আরম্ভ করিলেন। তৎ শ্রবণে ক্লাইটস, অগ্রসর হইয়া বলিল, “আলেকজাণ্ডর ! যেখান ক্লাইটস, অগ্রসর হও।” আলেকজাণ্ডর শরীররক্ষকদিগের এক ব্যক্তির হস্ত হইতে এক গাছা বর্শা লইয়া জনতার মধ্য দিয়া দ্রুতবেগে গমন করিয়া ক্লাইটসকে শরীরে আঘাত করিলেন যে, সে পঞ্চস্থ প্রাপ্ত হইল। তাহার বিনাশ সাধন করিয়া আলেকজাণ্ডরের চৈতন্য হইল, এবং তৎক্ষণাৎ বর্শার পশ্চাদ্ভাগ প্রাচীরে বিদ্ধ করিয়া তদ্বারা আপনার প্রাণবধের চেষ্টায় উদ্যত হইলেন। কিন্তু লোকেরা তাঁহাকে এই ব্যাপার হইতে নিরস্ত করিয়া তাঁহার বাসগৃহে লইয়া গেল। তথায় তিন দিবস এক বিন্দু জল পর্য্যন্তও গ্রহণ করেন নাই, কেবল এই বলিয়া বিলাপ করিয়াছিলেন। “হা ধাত্রি! তুমি আমাকে কেন প্রতিপালন করিয়াছিলে? যদি আমাকে প্রতিপালন না করিতে, তাহা হইলে এই নৃশংস ব্যাপার কখনই সাধিত হইত না। হায়! আমি কেন জন্মগ্রহণ

করিয়াছিলাম। যিনি আমাকে শিশুকালাবধি লালন পালন করিয়াছিলেন, আমি তাঁহারই ভাতার প্রাণ বধ করিলাম। আমি অতিশয় পাপিষ্ঠ ও বারপর নাই নরাদম ।” অবশেষে তাঁহার বন্ধুরা নানা প্রকার বুঝাইয়া তাঁহার শোক নিবারণ করিলে, তিনি পুৰ্ব্বদেও স্বকারণে ব্যাপ্ত হইলেন ।

পার্বত্যীয় দুর্গ আক্রমণ ।

বসন্তকাল উপস্থিত হইলে আলেকজাণ্ডার সৈন্য সামন্ত মহিলা এই দেশের পার্বত্যীয় দুর্গ সকল আক্রমণ করিবার জন্য বহির্গত হইলেন। ঐ সমস্ত দুর্গের মধ্যে অক্সিয়াটিস্ নামক এক জন সেনাপতির একটা দুর্ভেদ্য দুর্গ ছিল। এই দুর্গ অল্প একটা পর্বতময় স্থানে অবস্থিত যে, তাহা সহজে আক্রমণ করা সুকঠিন, এবং অসংখ্য রক্ষক এবং খাদ্য সামগ্রীতে পরিপূর্ণ। আলেকজাণ্ডার সেই দুর্গ আক্রমণ করিলে, দুর্গবাসীরা কহিল, যদি তাঁহার সেই স্থান গ্রহণ করিবার অভিলাষ হইয়া থাকে, তবে তিনি পক্ষধারী সৈন্য সকল আনয়ন করুন। এই অপমানজনক বাক্যে সঙ্কুচিত হইয়া নিজ সৈন্যদিগকে আহ্বান করিয়া বলিলেন, “যাঁহার এই পর্বতে আরোহণ করিতে সমর্থ হইবেক, তিনি তাহাদিগকে প্রচুর পরিমাণে পারিতোষিক দিবেন। অনন্তর সমস্ত সৈন্যের মধ্য হইতে তিন সহস্র লোক সঙ্কলিত হইল। পর্বতটা বরফে আচ্ছন্ন। স্থানে

স্থানে মৃত্তিকা দেখিতে পাওয়া যায়, এজন্য তাহারা প্রথমতঃ ঘনীভূত বরফের উপর লৌহকীল প্রোধিত করিয়া তাহাতে কঠিন ও স্থূল রজ্জু বুলাইয়া দিল। অনন্তর রাত্রিযোগে যাত্রা করিয়া অতিশয় দুরারোহ প্রদেশ সকল রজ্জু এবং লৌহকীল অবলম্বন করিয়া অতিক্রম করিতে লাগিল। এই সকল দুরারোহ স্থানে প্রহরী কি রক্ষক কিছুই ছিল না ; সুতরাং তাহারা অবাধে সেই সকল স্থান অতিক্রম করিতে লাগিল। পর্বতের শিখরদেশে অধিরোহণ কালে তাহাদের চল্লিশ জন পতিত হইয়া প্রাণত্যাগ করিয়াছিল। অনন্তর তাহারা আলেক্জাণ্ডরের আদেশানুসারে পতাকা সকল উড়ডীন করিল। পরে আলেক্জাণ্ডর এক জন দূত দ্বারা বক্তিয়া পাঠাইলেন যে, আলেক্জাণ্ডর পক্ষবিশিষ্ট সৈন্য প্রাপ্ত হইয়াছেন, তোমরা এখন তাঁহার শরণাগত হও। এই সংবাদ প্রাপ্ত হইয়া দুর্গবাসীরা মস্তকোপরি সৈন্যদল দেখিতে পাইল। এবং ভয়ে ভীত হইয়া তৎক্ষণাৎ দুর্গ সহিত তাঁহার শরণাগত হইল। আলেক্জাণ্ডর, অক্সিয়াটিসের সমস্ত পরিবারকে বন্দীকৃত করিয়া আনয়ন করিলেন। তিনি অক্সিয়াটিসের কন্যা রক্সানার সৌন্দর্য্য বিমোহিত হইয়া অবিলম্বে তাহার পাণিগ্রহণ করিলেন।

হার্মোলায়স্ এবং ক্লিস্থিনিসের মৃত্যু।

এই সকল প্রদেশে থাকিয়া আলেক্জাণ্ডর যুগয়া

দ্বারা আমোদে কাল যাপন করিয়াছিলেন। তথায় রাজার অসংখ্য উদ্যান ছিল ; এবং তাহাতে সিংহ প্রভৃতি নানাবিধ জন্তু থাকিত। একদা এক পশুরাজ ক্রুদ্ধ হইয়া রাজাকে লক্ষ করিয়া ক্রমসঙ্ক্রা করিতে ছিল, এমন সময় তাহার এক জন কর্মচারী 'লিসিমেক্স' তাহাকে দেখিতে পাইয়া সম্মুখে উপস্থিত হইল। এই ব্যক্তি ইতিপূর্বেই ইয়ুফ্রেটিসের উপকূলে একটা সিংহকে নষ্ট করিয়া খ্যাতিলাভ করিয়াছিল। আলেকজাণ্ডর সর্বপ্রকার যশোলিপ্সু হইয়া তাহাকে নিবারণ করিয়া কহিলেন, “আমিও তোমার মত একটা সিংহ নষ্ট করিব।” এই বলিয়া বর্শা লইয়া সিংহের সম্মুখে ধরিলেন। সিংহ যেনন আক্রমণ করিল অর্মানি তদ্বারা তাহাকে নিহত করিলেন। একদা মৃগয়া গমন কালে একটা বন্য বরাহ আলেকজাণ্ডরকে আক্রমণ করাতে হার্মোলায়স্ নামক একজন রাজভৃত্য সেই বরাহকে নিহত করিলে, আলেকজাণ্ডর তাহার প্রতি অতিশয় ক্রুদ্ধ হইয়া সমস্ত রাজ ভৃত্যের সম্মুখে তাহাকে কশাঘাত করিতে আদেশ করিলেন, এবং তাহার অশ্ব কাড়িয়া লইলেন। হার্মোলায়স্ অতিশয় তেজস্বী ছিল ; এক্ষণে সে রাজশোণিত দ্বারা এই অপমান কালিত করিতে ক্লতসংকল্প হইলে, তাহার কয়েকজন বন্ধু এই কর্মে তাহার সহিত ব্যাপ্ত হইল। এবং তাহার পরামর্শ করিল, রাজা যৎকালে নিদ্রা যাইবেন, সেই সময় তাঁহাকে বিনষ্ট করিবেক। সেই রাat্রে আন্ধাক-

জাগুর আহাৰাদি করিয়া বিজ্ঞানার্থ বিজ্ঞান ভবনে গমন করিতেছেন এমন সময় একজন সীরীয় কামিনীর সহিত তাঁহার সাক্ষাৎ হইল। এই কামিনী সৈন্য-দিপ্তের সহিত সীরিয়া হইতে আসিয়াছিল। বোধ হয় রাজা তাহার প্রতি আশ্রয় হইয়াছিলেন। সে অবশিষ্ট নিশাভাগ তাহার সহিত আমোদ প্রমোদ করিয়া অতিবাহিত করিবার অনুরোধ করিলে, আলেক্-জাণ্ডৰ্ সম্মত হইয়া সে রাত্রি তাহার সহিত আমোদ প্রমোদ করিলেন। পর দিন প্রাতঃকালে এক জন সহচর হার্মোলায়সের ষড়যন্ত্র জানিতে পারিয়া রাজার নিকট তাহা প্রকাশ করিয়া দিল। অনন্তর চক্রান্ত কারীদিগকে ধরিয়া অশেষবিধ যন্ত্রণা দিতে লাগিল। তাহারা আপনাদের দোষ স্বীকার করিলে, বিচারার্থ তাহাদিগকে সাংগ্রামিক বিচারসভায় আনীত হইল। বিচারপতিরা বিচার দ্বারা তাহাদের প্রাণদণ্ডের আজ্ঞা করিলে, প্রস্তরাঘাত দ্বারা তাহাদিগকে বিনষ্ট করা হইল।

হার্মোলায়স্ ক্রিস্থিনির্সের নিকট বিজ্ঞান শাস্ত্রের পাঠ্য স্বীকার করিয়াছিল, একারণ তাঁহার সহিত হার্মোলায়সের বিশেষ আনুরক্তি ছিল। এই সূত্রে হার্মোলায়স্ এবং তাহার সঙ্গীগণ সকলের নিকট মুক্তকণ্ঠে এই ব্যক্ত করিল যে, ক্রিস্থিনির্সের আদেশানুসারে তাহারা এই কার্যে প্রবৃত্ত হইয়াছিল। প্রণিপাত প্রথা প্রচলিত হইবার সময় ক্রিস্থিনির্স-

তাঁহার বিপক্ষতাচরণ করিয়াছিলেন, সেই অবধি তাহার প্রতি আলেকজান্ডার জাতকোষ ছিলেন। এই সুযোগে আলেকজান্ডার তদীয় বিপক্ষতাচরণের প্রতি-শোধ স্বরূপ সেই বিজ্ঞানশাস্ত্রবেত্তার প্রাণদণ্ডের আজ্ঞা দিলে, তিনি লৌহে নিঃক্ষিপ্ত হইলেন। কেহ বলেন তিনি কারাগারে প্রাণত্যাগ করিয়াছিলেন। অন্যে বলেন নানা প্রকার যন্ত্রণা দিয়া অবশেষে তাঁহাকে কাঁসী দেওয়া হইয়াছিল।

পঞ্চদশ অধ্যায়।

ভারতবর্ষ আক্রমণ।

এক দেশের পর অন্য দেশ এক রাজ্যের পর অন্য রাজ্য জয় করিয়া অবশেষে, সমস্ত পৃথিবীর অধীশ্বর হইব, এই ছুরাশা মার্সিডোনিয়ার নবযৌবনগর্বিত নরপতির দুর্নিবার বাসনা হইয়া উঠে, এজন্য আলেকজান্ডার সমস্ত ইউরোপ ও পারস্য জয়ও সম্ভব না হইয়া (খৃঃ পূঃ ৩২৬) ভারতভূমির প্রতি কটাক্ষ করিলেন। ব্যাকট্রিয়া এবং গণ্ডিয়ানার সংগ্রাম সমাপ্ত হইলে, মহাবীর আলেকজান্ডার দুর্ভাগ্যক্যাপরতন্ত্র হইয়া স্বেচ্ছা-জাতির অপ্রতিদ্বন্দ্বী পরম সহকৃৎ ভারতভূমি আক্র-

মলার্থ সঠিন্যে নির্গত হইলেন, এবং হিন্দুকুগ গিরি অতিক্রম পূর্বক আফগানিস্তানর মধ্য দিয়া অবাধে সিন্ধুতীরভিমুখে যাত্রা করিলেন। প্রয়াণকালে অন্তঃসিন্ধু প্রদেশের অধিবাসীরা আপন আপন নগর রক্ষার্থ প্রচুর সাহসিকতা সহকারে তাঁহা সহিত ঘোরতর সংগ্রামে প্রবৃত্ত হইলে, তিনি স্বয়ং অগ্রসর হইয়া তাহাদের সহিত যুদ্ধ করিতে লাগিলেন, এবং একাদিক্রমে পরিশেষে ঠাঁং - বিষম

ক্লেশকর এক আঘাত প্রাপ্ত হইলেন।

ইতি পূর্বে সিন্ধুর পূর্ব পারস্য তীক্ষ্ণশিল নামক কোন নরপতির সহিত আলেকজান্ডরের এক সন্ধি স্থাপন হইয়াছিল। এজন্য নদী অতিক্রমকালে তাঁহার কোনরূপ বিঘ্ন ঘটে নাই, অবাধে সঠিন্যে নৌসৈন্য দ্বারা সিন্ধু উত্তীর্ণ হইয়া তীক্ষ্ণশিলের রাজধানীতে উপস্থিত হইলেন। এবং কিছুকাল তথায় বিগ্রাম করিয়া পুশা অতিক্রমণাভিলাষে তদভিমুখে যাত্রা করিতে লাগিলেন। তৎকালে ইহার পূর্ব পারের ভূমি ভাগ 'পোরস' নামক প্রবল পবাকান্ত রাজার অধীন ছিল। আলেকজান্ডর আসিতেছেন শুনিয়া এবং আক্রমণ কর্তার বশ্যতা স্বীকার করা নিতান্ত কাপুরুষের কর্ম বিবেচনা করিয়া, পোরস তাঁহাকে নদী পার হইতে দিষ্টবন না, এই আশয়ে নদীর অপরকূলে হস্তি, অশ্ব,

১. গ্রীস ইতিহাসে এই নাম প্রাপ্ত হয় কিন্তু বোধ হয়, পোরস বংশীয় কোন নরপতির উপাধি এই রূপে অপ্রতিশ্রুত হইয়া থাকিবেন।

রথ, পদাতি সম্বলিত চতুরঙ্গবল সুসজ্জিত করিয়া রাখিলেন। আলেকজান্ডার, নদীতীরে উপস্থিত হইলেন এবং তথাকার নদী অর্ধক্রোশের অধিক বিস্তৃত, ভীষণ তরঙ্গমালায় পরিপূর্ণ, এবং অতলস্পর্শ দর্শনে নিতান্ত দুস্তর বিবেচনা করিয়া কিঞ্চিদধিক শত বৎসর পরে হানিবলরোন্ উত্তীর্ণ হইবার জন্য যে উপায় অবলম্বন করিয়াছিলেন, সেইরূপ উপায় অবলম্বন করিলেন। অর্থাৎ ভাবিলেন নিজ সৈন্যের একাংশ মাত্র সঙ্গে লইয়া, বিপক্ষদিগের অজ্ঞাতসারে নদীর উদ্ধভাগে গমন করিয়া শত্রুশিবির আক্রমণ করিবেন। এদিকে সেই সুযোগে অপরাপর সৈন্যেরা আপনাদের পথ করিয়া লইবে। কিন্তু তাঁহার সে প্রয়াস ব্যর্থ হইয়া গেল। পোরস্ তথাকালে তাঁহার এই অভিসন্ধির উদ্দেশ্য পাইয়া সমস্ত সৈন্য সমভিব্যাহারে আলেকজান্ডারের প্রতিকূলে সৈন্য চালনা করিলেন। তথায় ভয়ানক সংগ্রাম উপস্থিত হইল। ভারতবর্ষীয়েরা প্রথমতঃ দৃঢ়তর অধ্যবসায় সহকারে সংগ্রামে প্রবৃত্ত হইলে, আলেকজান্ডার জয় লাভ সুকঠিন বিবেচনা করিতেছিলেন; ইত্যবসরে ভারতবর্ষীয়দিগের হস্তিসৈন্য উদ্ভূত হইয়া তাহাদেরই অনেক লোক সংহার করিল, এবং অবশিষ্ট সৈন্য হতভঙ্গ হইয়া পড়িল। ইউরোপীয়েরা সুস্থতা ও কৌশলের বলে সম্পূর্ণ জয় লাভ করিল। এতদর্শনে পোরস্ ভীষণ যুষ্টি ধারণ পূর্বক সর্বদা শরীর সৌহবর্দ্যে আবৃত্ত করিলেন, এবং সমরনিপুণ এক ব্যক্তি-

পৃষ্ঠে আরোহণ করিয়া, বংশোদ্ভূত অক্ষুণ্ণ পুরুষকার প্রদর্শন পূর্বক যুদ্ধ করিতে লাগিলেন। আলেকজান্ডার তাঁহার সাহসিকতা, সাহসিকতা এবং ভয়ঙ্কর পরাক্রম দৃষ্টে বিস্মিত হইয়া তাঁহার ভূরি ভূরি প্রশংসা করিতে লাগিলেন। যখন দেখিলেন পোরস আহত হইয়াছেন, তখন তাঁহার প্রাণরক্ষার মানসে তক্ষশিলের দ্বারা তাঁহাকে শরণাগত হইবার জন্য বলিয়া পাঠাইলেন। কিন্তু পোরস তাঁহাকে প্রত্যেক বিবেচনা করিয়া তাঁহার প্রাণবধে উদ্যত হইলে, তক্ষশিল পলায়ন করিলেন। আলেকজান্ডার লোকের উপর লোক পাঠাইতে লাগিলেন। অবশেষে হিন্দুরাজ আলেকজান্ডারের সমক্ষে নীত হইলে, আলেকজান্ডার তাঁহাকে জিজ্ঞাসা করিলেন, তাঁহার মনে মনে কোন অভিপ্রায় আছে কি না? রাজা বলিলেন, “আমাকে রাজার মত সম্মান কর আমি এই চাই” আলেকজান্ডার তাহাতেই সন্তুষ্ট হইয়া, পুনর্ব্বার জিজ্ঞাসা করিলেন, আর কিছু আছে? পোরস বলিলেন, “উহাতেই যথেষ্ট হইবেক।” আলেকজান্ডার পোরসের এই উন্নতাশয়তা অবলোকনে চমৎকৃত হইয়া তাঁহার বন্দীভাব মোচন করিয়া দিলেন। এবং স্বপদে প্রতিষ্ঠাপিত করিয়া তাঁহার সাত্রাজ্যের সীমা বাড়াইয়া দিলেন।

• আলেকজান্ডার ভারতবর্ষের যে ভাগ আক্রমণ করিয়াছিলেন, পারসীকেরা তাহাকে পঞ্চাব বা পঞ্চনদ, কহিত (অর্থাৎ যে প্রদেশ দিয়া পাঁচটি নদী প্রবাহিত)

হিত হইতেছে) দুইটা মাত্র অতিক্রম করিবার পর ঐ সকল ঘটনা ঘটে। অনন্তর তিনি আর দুইটা পার হইয়া অবশেষে শতদ্রুতীরে উপনীত হইলেন। তথায় উপনীত হইয়া সংবাদ পাইলেন যে, ইহার অপার পারেই এক প্রবলপ্রভাপ ভারতবর্ষীয় হিন্দু সম্রাটের আধিকার। এই সংবাদে তাঁহার সাহস অধিকতর বৃদ্ধি পাইতে লাগিল। অতঃপর প্রসিদ্ধ অমুগঙ্গ প্রদেশ প্রাপ্ত হইবেন বলিয়া আফ্লাদমাগরে নিমগ্ন হইলেন। এবং ইহা অতিক্রম করিয়াই, যে সমুদ্র ধরণীমণ্ডল বেষ্টন করিয়া আছে, সেই মহা সমুদ্র প্রাপ্ত হইবেন বলিয়া তাঁহার দৃঢ়তর প্রতীতি জন্মিল। কিন্তু তাঁহার যাবতীয় সৈন্য এদেশে প্রবেশ করিয়া অবধি ক্রমাগত ছুরস্ত সংগ্রাম করিয়া করিয়া একান্ত পরিশ্রান্ত হওয়ায়, পূর্বোক্ত সংবাদে ভীত হইয়া আর অগ্রসর হইতে অস্বীকার করিল, এবং আর যাইবেনা বলিয়া বিদ্রোহ উপস্থিত করিল। তিনি অশেষবিধ বক্তৃতা দ্বারা এই গোলযোগ নিবারণের চেষ্টা পাইতে লাগিলেন; কিন্তু সব ব্যর্থ হইল। তিনি তিন দিবস কাল শিবিরে বদ্ধ থাকিলেন, এবং সৈন্যদিগকেও থাকিতে হইল। অবশেষে অসাধ্য দেখিয়া প্রত্যাগমনের আদেশ করিলেন। এই আজ্ঞা জয় জয়কার করিয়া নব্বা সাধারণে অভিনন্দন করিল।

নদী অবরোধ

পঞ্জাবের মহতী নদী সকল প্রবাহিত হইয়া সিন্ধুর সহিত মিলিয়া সমুদ্রে পড়িতেছে। আলেক্জাণ্ডর সিন্ধুতে পোতারোহণ করিয়া সমুদ্র দর্শনে যাত্রা করিবেন, এই অভিপ্রায়ে তথায় কতকগুলি জাহাজ সংগ্রহের আদেশ করিয়া গিয়াছিলেন। এক্ষণে ফিরিয়া যাইবার সময় সিন্ধুতীরে উপস্থিত হইয়া নিজ সৈন্যের ক্রিয়াদংশ সমভিব্যাহারে পোতারোহণ পূর্বক সমুদ্রাভিমুখে যাত্রা করিলেন। অবশিষ্ট সৈন্যকে নদীর ধারে ধারে যাইতে আদেশ করিয়া গেলেন। গমন কালে আলেক্জাণ্ডর নদীর উভয় তীরবর্তী স্থান সকল উৎসন্ন করিয়া যাইতে যাইতে অবশেষে ঐ তীরবর্তী মানিয়ান্ নামক জাতির একটি নগর আক্রমণ করিলে, তাহাদের সহিত তুখুল সংগ্রাম উপস্থিত হইল। ইতি মধ্যে হঠাৎ আলেক্জাণ্ডর সর্বাগ্রে একাকী দুর্গ প্রাচীরে আরোহণ করিলে, বিপক্ষেরা তাঁহার প্রতি নানা প্রকার অস্ত্র বর্ষণ করিতে লাগিল। এতদ্রশ্যে তাঁহার শরীররক্ষকেরা আসিয়া প্রাচীরে উঠিবার চেষ্টা করিলে অনেকে একেবারে আরোহণ করাতে প্রাকারে আরোহণ করিবার নিমিত্ত সংস্থাপিত অধিরোহণী ভাঙ্গিয়া পড়িল। তখন তাহারা তাঁহাকে নদ্রিয়া আসিতে কহিলে, তিনি তাহা না করিয়া একেবারে দুর্গের মধ্যে লুকাইয়া পড়িয়া দুর্গের প্রাচীরে ঠেস দিয়া দাঁড়াইয়া প্রথমে যে চারি জন আসিল

তাহাদিগের প্রাণবধ করিলেন। তাহাদের মৃত্যু দেখিয়া অবশিষ্ট লোকেরা আর অগ্রসর হইতে না পারিয়া, কিঞ্চিৎ দূরে দণ্ডায়মান হইয়া অস্ত্র বর্ষণ করিতে লাগিল। এইরূপ সংগ্রাম করিতেছে এমন সময় তাঁহার তিন জন কর্মচারী প্রাচীরের উপর উঠিয়া তাঁহার সাহায্যার্থ অভ্যন্তরে লাকাইয়া পড়িলে এক জন বিপক্ষ একপ বেগে এক বাণ ত্যাগ করিল যে, তাহা আলেকজাঙরের ঢাল ভেদ করিয়া তাঁহার বক্ষঃস্থলে প্রবেশ করিল, তিনি সেই আঘাতে তৎক্ষণাৎ মৃচ্ছিত হইয়া পড়িলে, তাঁহার অনুচরেরা তাঁহার অগ্রে ঢাল ধারণ করিল। এই সময় তাঁহার যাবতীয় সৈন্য যদি চারি দিক দিয়া আসিয়া উপস্থিত না হইত, তাহা হইলে সকলেরই প্রাণ সংহার হইত। এইরূপে গ্রীকেরা বলাৎকারে সেই নগর হস্তগত করিল এবং তদ্রূপে সকল লোকেই তরবারির তীক্ষ্ণধারার, করালকবলে পতিত হইল।

অনন্তর আলেকজাঙর পোতারোহণ পূর্বক যাত্রা করিয়া সিকুতে অবতীর্ণ হইয়া নদীমুখে উপস্থিত হইলেন। এই স্থানের বিস্তার প্রায় দু্যনাধিক ছয় ক্রোশ হইবেক। তথায় উপস্থিত হইবামাত্র হঠাৎ এক ঝড় আসিয়া উপস্থিত হইলে যাবতীয় সৈন্য পোতসমূহ লইয়া একত্রে দ্বীপ আশ্রয় করিয়া তথায় রাত্রি যাপন করিল। পর দিন প্রাতঃকালে দেখিল সমস্ত নাবী চড়ায় পড়িয়াছে। নদী সেখান হইতে অনেক দূরবর্তী

দেখিয়া সাতিশয় বিশ্বয়াপন্ন হইল। দেখিতে দেখিতে পুনর্ব্বার নদীর জল প্রবলবেগে আসিয়া সমস্ত স্থান জলপূর্ণ করিল। এবং জাহাজ সকল ভাষিয়া উঠিয়া পুরস্কর আহত হইয়া ভাঙ্গিয়া যাইতে লাগিল। এতদ্বশে সৈন্যেরা সমধিক বিস্মিত হইল। কারণ ভূমধ্য-সাগরে জোয়ারের তাদৃশ প্রভাব নাই ; সুতরাং জোয়ার ভাটার বৃত্তান্ত গ্রীকেরা বিশেষ অবগত ছিল না। অনন্তর যখন সমস্ত নাবীর পুনঃসংস্কার হইল, আলেকজান্ডার পুনরায় যাত্রা করিয়া অবশেষে পূর্ব সমুদ্রে পালঙ্কায় যাইতে আঁহ্লানে পুনর্কিত হইতে লাগিলেন। এবং এই বলিয়া গাৎত হইয়াছিল যে, একপ জনযাত্রা করিতে আমি বৈ আর কেহই সাহস করে নাই।

মরুভূমি অতিক্রম ।

আলেকজান্ডার রণপোতের কিয়দংশমাত্র লিয়ার্কস্ নামক কর্ম্মচারীর হস্তে সমর্পণ করিয়া তাঁহাকে সিঙ্কু-নদী হইয়া ইয়ুফ্রেটিসের মোহানায় উপস্থিত হইতে আদেশ করিলেন, এবং কতকগুলি দ্রব্যসামগ্রী লইয়া পদাতিসৈন্যের কিয়দংশ স্রগমপথে পারস্ত বিদায় করিয়া স্বয়ং অবশিষ্ট সৈন্য সমভিব্যাহারে উপকূলবর্তী জিড্রোসিয়া বা নেকান্ নামক ভয়ঙ্কর মরুভূমি অতিক্রম করিয়া যাইতে আরম্ভ করিলেন। কোন কালে কোন সৈন্য এই মরু অতিক্রম করিতে সাহস করে নাই ।

সেই দুস্তর মরু অতিক্রম করিতে আরম্ভ করিয়া ক্রমা-
গত ছয় দিন কাল তাঁহার সৈন্যগণ যেকপ ক্ষুধা তৃষ্ণা
এবং কষ্ট ভোগ করিয়াছিল তাহা বর্ণনাতীত। ইহাতে
অসংখ্য মানব এবং বিস্তর ভারবাহী পশু কালক্রমে
পতিত হয়। আলেকজান্ডর সকলের তাগ্রে অগ্রে গমন
করত সেই ভয়ঙ্কর ও দুঃসহ ক্রেশের অংশ ভোগ
করিয়াছিলেন। এক দিবস সকলেই তৃষ্ণায় কাতর
হইলে একজন এক গেলাস মাত্র জল পাইয়া জলপূর্ণ
গেলাসটী আলেকজান্ডরকে পান করিতে দিল। তিনি
সেই জল পান না করিয়া ফেলাইয়া দিলেন, এবং
বলিলেন, সকলে মিলিয়া যে সামগ্রী উপভোগ করা
হইবেক না, এমন সামগ্রী আমি একাকী কখনই ভোগ
করিতে পারি না। ষাহাহউক তাঁহার এই শুদার্য্য
দর্শনে সকলেই বিস্ময়াবিষ্ট হইল।

অবশেষে অবশিষ্ট সৈন্যেরা সেই মরুর অপর
প্রান্তে কার্মেনিয়া প্রদেশ প্রাপ্ত হইল। এই স্থানে
তাহারা আর আর সৈন্যের সহিত মিলিত হয়। কিছু
কাল তথায় বিশ্রাম করিয়া পারস্যভিমুখে যাত্রা
করিলে, বিজ্ঞতা বিজ্ঞামার্থ স্থগার রাজ ভবনে গমন
করিলেন।

বিবাহ।

স্বচতুর আলেকজান্ডর, মাসিডোনীয় প্রজাবর্গের
সহিত নূতন পারস্যের প্রজাগণের পরস্পর সদ্ভাব সম্প্রদা-

দনার্থ উভয়জাতির বিবাহপদ্ধতি প্রচলিত করিতে ~~কৃত~~ সংকল্প হইয়া প্রথমতঃ স্বয়ং রক্কানার পাণিগ্রহণ করিলেন। মাসিডোনিয়ায় বহুবিবাহের প্রথা প্রচলিত থাকায় ডেরায়সের দুহিতা স্পেটীরাকেও বিবাহ করিলেন। পরে স্পেটীরার ভগিনীর সহিত মিত্রবর হিফ্টিয়নের বিবাহ দিয়া দিলেন। এই দৃষ্টান্ত দর্শনে অন্য অশীতি জন প্রধান প্রধান কর্মচারী প্রভুর মতানুসারী হইয়া পারসীক সম্রাটদিগের মহলাগণের পাণিগ্রহণ করিল। এইরূপে প্রায় দশসহস্র মাসিডোনীয় সৈনিক পারসীক কামিনী পরিগ্রহ করিয়া আনেকজাতিরকে সম্বৃত্ত করিয়াছিল। রাজা ইহাতে এত সম্বৃত্ত হইয়াছিলেন যে, প্রত্যেক বর বধুর প্রভূত যৌতুক নির্দেশ করিয়াদিলেন। এবং যে সমস্ত বিবাহের কথা উল্লিখিত হইল সেই সমস্ত বিবাহই এক কালে মহাসমারোহে রাজভবনে সম্পন্ন হইয়াছিল।

৬


হিফ্টিয়নের মৃত্যু।

যাহাতে বাণিজ্য বহুবিস্তৃত হয়, আনেকজাতির একন তদ্বিষয়ে যত্ববান হইয়া, যে সকল নদী পারসীক উপসাগরে পড়িতেছে, স্বয়ং যাইয়া তাহাদের গমনপথের অন্তঃসন্ধানে প্রবৃত্ত হইলেন। এই অবকাশে তিনি নিজ সাহসিকতা ও প্রত্যাশপন্নমতিত্বের বলে নিজ সৈন্যের মধ্যে প্রজ্জ্বলিত বিদ্রোহানল শান্তি করিয়া স্বয়ং মীডিয়ায় প্রস্থান পূর্বক একবাটানায় অবস্থিতি

করিতে লাগিলেন। একদা তিনি মহাসমারোহে তথায় একটা মহোৎসব করিয়াছিলেন। সেই উপলক্ষে সর্বপ্রকার আমোদ আনন্দ চলিতেছিল এবং সুরাপান বিষয়ে বিস্তর যথেষ্টাচার ঘটিয়া উঠিল। হিফষ্টিয়ন এই সমারোহে অতিরিক্ত সুরাপান নিবন্ধন করিয়াই আক্রান্ত হইয়া বারো দিনের পরেই কালক্রান্তে পতিত হইলেন। বন্ধুর হঠাৎ মৃত্যু হওয়াতে সম্রাট যৎপরোনাস্তি আক্ষেপ করিতে লাগিলেন। এমন কি তিনি বন্ধুবিয়োগশোকে এত কাতর হন যে, তিন দিন জগৎগ্রহণ করেন নাই। অবশেষে হিফষ্টিয়নের সঙ্গতির নিমিত্ত আলেকজান্ডার দশসহস্র মুদ্রা ব্যয় করিলেন। এবং এই আদেশ করিলেন যে, হিফষ্টিয়নকে সকলে মহাবীরের ন্যায় জ্ঞান করিয়া উপাসনা করিবেক।

আলেকজান্ডারের শেষ দিবস।

আলেকজান্ডার বাবিলন গমনের মানসে এক-বাটানা হইতে প্রতিনিবৃত্ত হইয়া বাবিলনের নিকট বর্তী স্থানে উপস্থিত হইলে, বেদস্বেদের পুরোহিত দিগ্গের সহিত যখন তাঁহার সাক্ষাৎ হয় তখন তাঁহার আলেকজান্ডারকে স্পষ্টাঙ্করে বলিয়া ছিলেন “বাবিলনে প্রবেশ করিলে আপনার অকল্যাণ ঘটিবেক। অতএব আপনি এইখান হইতেই নিবৃত্ত হউন। আলেকজান্ডার নাকি আশিষিক সাম্রাজ্যের রাজধানী বাবিলনেই প্রতিষ্ঠা করিয়া ছিলেন, এজন্য তিনি,



4

1

